


Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.160



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.160




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINAQL 2.3.1.60

~~2 N³~~

2.M.3 /60


DE VXXV
MARCH



DE VITA
IN TERRIS
BEATA
LIBRI TRES.

*Quibus præsentis felicitatis
cum futura conciliandæ
modus ostenditur.*

AVCTORE ANNIBALE
MARCHETTO MACERATENSI,
E SOCIETATE IESV.



Maceratæ, Typis Michaelis Archangeli Siluestri. 1696.

DD. SUPERIORVM PERMISSV.

STONED BY THE PEOPLE
OF THE CITY OF LONDON
IN THE YEAR 1534
AND BURIED IN THE CHURCH
OF ST. MARTIN VINCIN

Thomas the first of the name
was born in the year 1470
and was educated in the
university of oxford
where he obtained the degree
of bachelor of divinity
in the year 1495
and was afterwards
appointed to the rectory
of the church of st. martin
in the year 1500
and in the year 1534
he was stoned by the people
of the city of london
and buried in the church
of st. martin vincin

EMINENTISSIMO PRINCIPI
OPTIO PALLAUCINO
ANNIBAL MARCHETTUS:

SALVTEM.



Ogitanti mihi, Eminentis-
sime Princeps, quid cau-
sæ sit, quod cum nihil
impensiùs mortales vni-
uersi studeant, quàm vt
beatam in terris vitam
agant, neminem tamen ferè audias, qui
non se miserum clamet; incidit Democri-
ti-mortalium studia perpetuò ridentis re-
cordatio, qui, vt auctor Hippocrates est, Ep. ad
damag.
id præceteris ridere videbatur, quòd eo-
rum plerique, vt vitam producerent, se se
laboribus contererent, perimerentque.
Haud absimili stultitia eos omnes labora-
re crediderim, qui vitam beatam de me-
dijs quærunt iniquitatibus, de pestilenti-
bas,

* 2

bas,

bus, scilicet, ac mortiferis potionibus,
vnde ipsa animi vita, nedum beata peri-
mitur. Hunc errorem tam perniciosum,
ex hominum mentibus eximere propo-
situm mihi est, Princeps Eminentissime, at
quia tam latè fusus apparet, vt altiores
egisse radices prodat, quàm vt meis viri-
bus eradicare me posse confidam; te, tuæ-
que auctoritatis robur in auxilium aduo-
care statui: Quippe eorum, quæ dictu-
rus sum, testis mihi aderis locupletissi-
mus. Ego verba proferam, tu te ipso fir-
mabis exemplo. Ego dicam, nonnisi in-
signes pietate viros fore in præsentì vita,
felices: tu eximiam pietatem tuam, per-
petua cum hilaritate coniunctam, qua
te ipse, qua ceteros beas, ostendes. Ego
denique longo orationis circuitu suadere
conabor: tu solà tui præsentia, atque
etiam recordatione persuadebis: erisque
propterea fortissimum mei operis argu-
mentum. Quare nulli potius libellum
hunc dicari decuit, quàm tibi, qui ei pa-
troci-

trocinium contra oblocutores, vt nihil
agas, impendes: ipsa tui nominis nuncu-
patio operi præfixa eius veritatem tuebi-
tur. Quod si quis admirabilem istam tui
animi tranquillitatem non pietati adscri-
bendam putet, sed opibus, sed honoribus,
sed purpuræ magnis in christianam rem-
publicam meritis accersitæ, aut collectæ,
apud omnes gratiæ, aut per antiquæ ge-
neris nobilitati, aut ingenio omni doctri-
næ genere exculito, aut eximiæ in rebus
agendis dexteritati, comitati, benignita-
ti, aut denique reliquis naturæ, seu fortu-
næ muneribus, quibus tam cumulatè do-
natus es, vt singulis, nedum vniuersis, tuæ
fastigium prosperitatis adscribi queat:
non enim potes non perpetuò gaudere,
cum tam vberem gaudij materiam tecum
ipse perpetuò geras: ego tamen contra re-
ponam, te ab istis omnibus in sublimi quid-
em, sed vt abs te proculcatis euectum: nec
magis illis tuæ mentis sublimitatem te de-
bere, quàm suâ basi quodlibet simulacrum.

Non

Non faciunt ista felicitatem, sed in edito
locant, ostentantque, æquè miseriam, si
qua esset, ostentatura. Vni illam pietati
debes, quæ te docuit ista calcare, vt te su-
pernis propius ad moueres, & beatam Cœ-
litum conditionem, quatenus mortalibus
licet, indueres. Hæc nempe pietas Deum
O.M. vt suæ prouidentiae argumentum
daret, ad te supra ceteros decorandum,
impulit, quò mortales reliquos terrenæ fe-
licitatis illicio ad æternam sibi christianæ
virtutis studio comparandam alliceret.
Quam igitur à Deo felicitatem etiam in
nostrum emolumentum accepisti, nobis,
vti debes, restitues, si pietatem tuam, feli-
citatibus fontem, exemplo, consilio, pijsque
ad Superos interpositis precibus in nos de-
riuaueris. Vale, teque tuis, quin etiam
Ecclesiæ vniuersæ meritis maiora polli-
centibus incolumem serua.

THYR.

THYRSVS GONZALEZ
Præpositus Generalis Societatis Iesu.

Cum librum, cui titulus (De Vita in Terris Beata) à P. Hannibale Marchetto Societatis nostræ. Sacerdote conscriptum, aliquot eiusdem Societatis Theologi recognoverint; & in lucem edi posse probaverint, facultatem facimus, ut typis mandetur, si ipsi ad quos spectat ita videbitur. Cuius rei gratia has litteras manu nostra subscriptas, & sigillo nostro munitas dedimus. Roma 3. Iunii 1694.

THYRSVS GONZALEZ.

Si videbitur Illustriss. & Reuerendiss. D. D. FABRITIO PAVLUTIO Episcopo Macerat. & Tolent.

Imprimatur.

Ipsi Illustrissimi, ac Reuerendissimi D. D. FABRITIO PAVLUTIO Episcopi Macerata, & Tolentini perlegi opus De Vita in Terris Beata ab admodum R. P. Hannibale Marchetto Societatis Iesu editum, quod, nedum orthodoxæ fidei, bonisque moribus consonum, verumetiam salutaribus monitis ad ritè beatèque viuendum undique refertum reperi: Datum Macerata octauo Kalendas Decembris 1694. Iulius Cesar Rossi Congregationis diffusionis.

FR. Cyprianus Minuti Sacre Theologiae Magister Inquisit. Generalis Anconæ

Imprimatur.

Volumen, cui titulus, De Vita in Terris Beata Auctore admodum Reuerendo Padre Annibale Marchetto Inclita Societatis Iesu; de mandato Reuerendissimi Patris Fratris Cipriani Minuti Inquisitoris Anconæ, semel pro Officio, iterum pro documento attentè reuolut, & cuncta, Fidei, Sacris Canonibus, summorum Pontificum decretis, ac bonis moribus consona, immo tam bene

bene disposita, perpolito stylo descripta, solidis rationibus, Theologicis doctrinis, sacra scriptura verbis, ac sanctorum Patrum sententijs exornata, firmataque inueni, ut potius ad Panegyrum, quam ad censuram sollicitur; & sanè mirum est quanta elegantia, parique pietate argumentum ceteroqui difficile Undequaque probatum relinquit; Non enim diuitijs, fama, Potentia, Voluptatibus, acquisita sapientie, nec denique terrenarum rerum cumulo, quod hominum deliramentum, sed Deo per cupiditatum mortificationem, & solidarum virtutum exercitium, quod Catholicum est, adherere, bonum, beatumque definit; Et licet Tyronem in spirituali militia instruendum suscipiat, mira dexteritate Veteranos milites, Ducesque perfectos obarmat, omni armatura fortium, diuinarum præcipue rerum legitima contemplatione, quæ animos exilarat ad percurrendam viam optatissima Hierusalem, quæ edificatur ut Civitas æuo sempiterno permansura; haud igitur in tenebris permaneat, sed lucem adeat, eam caligantibus ad peruidendum, quid sit, quod Beatam Vitam etiam in terris efficiat, allaturum.
Sic sentio in nostro Conuentu S. Peregrini Ancone 1. Octobris 1694.
Fr. Simon à S. Ioseph Carmelitar. Discalceator. Prior, & S. Officij Consultor, ac Reuisor.

Imprimatur.

F*R. Bernardus Maria Lemos Clima S. Theologia Lector, Examiner Synodalis ac Sancti Officij Macerata Vicarius Ordinis Predicatorum.*

DE VITA

IN TERRIS BEATA

PROOEMIUM.

Ad Adolescentes vitæ iucundæ
Studiosos,



Rauissima, & præter vulgi opi-
nionem, fidemque, Aristotelis
sententia est, Historiam non eò
a Poesi distare, quòd hæc fabu-
lam, illa veritatem sequatur:
quin potiùs, quòd longè plus
veritati studeat Poesis, quàm
Historia. Hæc enim quid fuerit semel factum exe-
quitur, illa quid fieri consueuerit; ipsam consuetu-
di-

In art.
poet. c. 7

Plus ve-
ritati stu-
det Poe-
sis, quàm
historia

A

di-

Benefi-
cia oc-
cultra do-
nant de-
bitum
referen-
di.

dinem ad rei vnus gestæ modum, fabulæ opificio, componens. Plurima in vnum cogit, plurimisque vnus nomen imponit: Fortes omnes, ac generosos viros, exempli gratiâ, Herculis nomine compellat, cui eos affingit labores, quibus pares per fortissimos quosque in viâ virtutis subeuntur. Hoc solùm mentitur, quòd vnâ rem gestam eloqui videtur, plures eloquitur: nempe plura largitur, quàm iactet, augetque beneficia extenuando, eorum gratiam condonans. Docet Historia, quæ bella, quo Marte gesserit Alexander; quantum laborum exhausserit Cæsar; quo ausu e suis ruinis ad summam potentiam erepserit Marius, quosque Barbaros, quæque ferarum gentium monstra iidem perdomuerint. Hos autem, ceterosque fortissimos viros vnâ Herculis fabulâ Poetæ significant, quo nimirum paria ad fabulæ cantum accurrentibus persuadeant. Quorsum hæc? inquires; eò nimirum, vt fabulæ mox enarrandæ, sub tam seueri scilicet argumenti initium, inuidiam a vulgi imperitiâ imminuentem auertam: Pueros alloquimur seuerioribus insuetos: fabulis amicæ fores fuerant prætentandæ, vt ijs personata intraret veritas: & fortè fabellæ pudor admissæ aures veritati, etiam resecto vultu succedenti, detineret apertas. Illam igitur his præmonitus accipe.

Hercu-
les in bi-
uio.

Puero Herculi de viuendi ratione, ac viâ in posterum ineundâ seriò deliberanti astitisse fertur per
vi.

visum Virtus cum Voluptate coniuncta. Ambæ ore, cultuque muliebri ad alienos sibi oculos demerendos exornatæ. Illa tamen cum fœmineâ venustate virilem quandam videbatur decorem maritasse. Hæc tota fœmina erat, tota ad illecebras, ac blandimenta composita. Vtraque puerum ad se insequendam, singulę suam ostentantes viam, hortabantur. Dextera nempe aperiebatur Virtutis via, ardua quidem illa, perangusta, spinis horrida, salebris impedita. Contra verò sinistra Voluptatis via in facilem quandam, & omnino æquabilem explicata planitiem, spatiosa plurimùm decurrebat: tota præterea adeo floribus, odoramentis, omnisque generis lenocinijs instructa, vt pacata omnia, prospera, iucunda, denique non viam, sed sedem voluptatis polliceretur. Impar tamen vtrique exitus patebat: namque illa ad Cœlum vsque porrigebatur; hæc in tartareæ voraginis oram tandem dehiscens cupido viatori, magnoque impetu procurrenti subducebat sese, subsidebatque præcipitanti. Ad hæc Virtutis semita nullius quasi pede trita, ac ferè cognita nulli, herbis, fruticibusque desueta virescebat: Ampla autem Voluptatis via summâ frequentiâ celebrabatur. Cuius diuersitatis id erat in causâ, quòd itineris vtriusque aditus ingredientium oculis expositus, apertusque erat; exitus verò a conspectu longè remotus, quòd pertineret, dissimulabat. Inuitabatur Alcides ad

Voluptatis premendam viam præeuntis multitudinis exemplo, quæ auctoritate suâ puero imperito ad deliberandum quodammodo suffragium præripiebat, & magnum erroris (si quis incidisset) pollicebatur patrocinium. E contrario ad arduum Virtutis callem subeundum cœlestis domicilij præmio validissimè trahebatur. Hæc itur, clamabat Voluptas: Hæc eundum Cœlo natis, reponebat Virtus. His auditis generosus Puer Voluptatis inuitamenta despiciens; Pecudum est, inquit, ire quâ itur, hominum quâ eundum: arreptâque clauâ, grande futurâ consilium, in Cœlum, vnde astris redimitus conspicitur, tandem euasit.

Affabulatio. Hæc fabula, generose Puer, te etiam cum reliquis tuæ indolis æqualibus, modò non abnuas, in Herculem cogit (liceat mihi per hanc inanem auram, quam captas, te paulatim, dum meliùs sapias, ad veram gloriam adducere). Tua illa imago est, si velis: te quoque referet, si te ad illam finxeris, & quasi ad speculum composueris. Hactenus gerulâ Naturâ vsus es; quò te illa tulit, secutus: nunc ab eâ in biuio Virtutis, ac Voluptatis deponeris tuo relicto arbitrio, tibi ipsi demandatus. Vtramque viam quàm longissimè potes ad vsque exitum prospice: oculis, antequam vestigio, decurre: Duces etiam explora, earumque sectatores, quos non ad calculos, sed ad trutinam reuocabis, facilè intellecturus, vnum Virtutis alumnum his cunctis leuiculis

lis Voluptarijs prægrauare. Cumque omnia circumspexeris, omnia consulueris, puta in te, ita fabulæ partes, distribuendas, eiusque sententiam accommodandam, ut si te Voluptatis illecebris captari permittas, puer ultimam usque ad ætatem, senio frustra reclamante, perman eas: Sin autem te Virtuti ducendum tradideris, in astringerem Herculem, seu veriùs Herculis contemptorem irrisoremque, Beatos inter Ciues astra cum suis fabulis proculcantes, euadas.

Heres ne adhuc meditabundus, ac respicis, dubius, utri te potiùs committas? Quamuis enim fortasse Virtus probetur magis, Voluptas tamen vehementiùs trahit; proinde videtur tibi Natura illam suadere, ad hanc impellere, impulsioneque ipsam fortiorem Naturæ suasionem interpretaris. Quis enim dubitet, inquires, quin impetus in Voluptatem a Naturâ sit, dum in primâ ætate, nullis præterquàm Naturæ opinionibus imbutâ, vehementissimus sit? In pueris enim nullâ arte fucatis Natura cum maximè prodit, & veluti electro inclusa pellucet. Illi autem in Voluptatem tori procumbunt: quidquid agunt, quidquid omittunt, aut meditantur, e nutu Voluptatis est. Num igitur hominis naturam exuam, ut hominem Virtute perficiam? An cum Naturâ ipsâ pugnabo, cui repugnare, si qua Tullio fides, est Gigantum more bellare cum Dijs? An potiùs vberioris Voluptatis

Metus
puerilis
amittē-
dæ ob
virtutē
volup-
tatis -

Cic. de
Sen.

spe

spe in futurum a Virtute promissæ instantem desferam Voluptatem, hoc est, Canem agam Æsopicum, qui quam escam dentibus teneo, dimittam, ut eius imagini captandæ inhiem? Non hoc certè, Adolescens, auctore me, vnquam efficies: imò diligentius, sed tamen cautiùs circumspectiùsque voluptatem persequèris. Nolo te ab eius inquirendæ itinere, sed ab errore reuocare: non in diuersum a tuâ te cupiditate seducam; sed cupiditatem ipsam prauâ seductam opinione reducam.

Ps. 33. *Inquire pacem, & persequere eam*: inquire vitam, cui te Natura peperit, beatissimam. Hereditas tua illa est: ad hanc nasceris, ad hanc educaris, ad hanc Diuinus Genitor sacris e Cœlo missis litteris sæpiùs inuitat. *Iubilate*, inquit, *Deo omnis terra*,

Ps. 99. *seruite Domino in latitia. Cantate & exultate, & psallite*. *Letetur cor quærentium Dominum. Letamini in Domino, & exultate Iusti, & gloriamini omnes recti corde*.

Ad Philipp. 4. *Denique gaudete in Domino semper, iterum dico gaudete*. Quæ verba, aliaque eiusmodi quamplurima, non utique Beatas in Cœlo mentes, sed nos adhuc inter huius terræ offensiones, casusque circumuolutos appellant. Quare non modò non auferre, verùm ne differre quidem felicitatem volo. Volo eam tibi in hac vitâ contingere, & quidem vel morte inuitâ, ac repugnante, immortalem: imò, cum defecisse videbitur, tunc maximè perficiendam. Non escam dimittes, ut imaginem

per-

Pietas
nec au-
fert nec
differt vo-
luptatē.

persequaris : sed hanc despicias , ac præteribis , vt
illam , quam Pietate ministrâ perceperis , mordi-
cûs retineas . Inferiora enim hæc Bona Supernorum
imagines sunt a labentium rerum profluente re-
percussæ , non contra , cœlestia sunt terrenorum
imagines : Illa si mente , ac voto retinuerimus , istis
etiam , dum fluxa traicimus , oculis perfruemur .

Querite primùm regnum Dei , & iustitiam eius ; & hæc Matt. 6.
33.
omnia adiicientur vobis ; inquit , hortaturque idem

ipse , ad quem ista spectat adijcere , vtique si dare
nollet , non hortaturus . Hoc tibi approbare in
animo est (quisquis voluptatem tam perditè seque-
ris , & ætatis florem , & quidquid in te indolis est ,
in illam demersum ruis) , vt potiori , atque in æter-
num mansuræ te voluptati referues . Noli te præ-
euntis ad inania turbæ fidei committere , memor ,
sublimium duntaxat esse ad sublimia niti , ac pertin-
gere , humilis verò turbæ humilia , atque abiecta
captare . Contine ab illâ mentis aciem paulisper ,
dum eam meliori lumine instructam tutiùs in insa-
nientium choros immittas : dum agnita insania , ac
furor in fugam vertat , non ad consortium inuitet .

Hoc lumen libellus hic e Cœlo mutuatum pro-
mittit , præstabitque , si quod conatur , persuase-
rit ; Quidquid veræ , solidæque iucunditatis in præ-
senti vitâ mortalibus affulgeat , id non nisi per viam
æternæ felicitatis , quasi auri ramenta prope fodi-
nas , occurrere . Binas in partes totum hoc opus

Totius
operis
propo-
situm .

se-

secabitur: prima docebit, nihil iucunditatis in
Vitio, nisi pollicitationem inesse; altera, solam
Virtutem prestare quidquid Nequitia pollicetur.
Duabus tamen hisce partibus mediam intersere-
mus, quæ modum tradat frenos cupiditatibus inij-
ciendi, ne vitio ut solent, sed virtuti, ut debent,

Eiusdem
partitio

famulentur. Quare in tres omnino libros
omne opus digessisse placuit, e quibus
eam viuendi regulam dabimus,
ad quam quisquis mores suos
exæquauerit, quam bo-
nam tantum se
facturum vitam putauerat, bea-
tam quoque se fecisse
intelliget.



LIBER PRIMVS
CAPVT PRIMVM.

Confutantur veterum Philoso-
phorum de bonorum fine,
siue de hominis felicitate
sententiæ.



Vllâ vnquam in quæstione acriùs ^{Quæstio}
inter veteres Philosophos dimi- ^{de vlti-}
catum, præter eam, quâ de bono- ^{mo fine}
rû, malorumque finibus agita- ^{inter Ph-}
bant. Finem bonorum dice- ^{losophos}
bant, Bonum illud præstantissi- ^{ac errantia}
mum, cui cetera bona obtinen-
do seruirent, nulloque magis, quàm huius seruitutis
titulo nobilitarentur. Quemadmodum & finem
malorum ^{Malum} illud teterrimum nominabant, in
quod cetera mala vltimò impellerent, non ob
aliud magis metuenda, nisi quòd extremum illud
comminarentur. Hæc autem quæstio, & præsertim ^{A dixer-}
quâ spectat bonorum finem, vniuersæ de moribus ^{lo fine}
Philosophiæ caput erat, atque vt a capite, ac vultu ^{diu rix}
maximè homines dignoscuntur; ita ab alio, atque ^{sectæ.}
B alio

Vade tā
multi de
virtuti-
bus, ac
vitijs er-
rores.

alio bonorum statuto fine Philosophorum inter se
familix olim secernebantur. Queis enim diuersus is
finis esset, fieri non poterat, vt in reliquis Philo-
sophix partibus, in quibus de officijs ad illum con-
ducentibus agitur, conueniret: ad eum ferè mo-
dum, quo, inter quos de sede, ad quam itur, discre-
pat, de vniuersā viā discrepare, necesse est. Por-
rò hanc Boni præstantissimi sedem, cui nostra feli-
citas insidet, veterum Philosophorum nulli inueni-
re licuit: inde mirum non est, eos de virtutibus ad
eam ducentibus, ac de abducentibus vitijs tam ab-
surdè philosophatos, vt sæpe vitijs virtutis nomen
induerent, virtutes vitiorum nomine dehonestar-
ent. Quare non immeritò Aristoteles locum hunc
in Philosophiā præ ceteris difficillimum censuit:
quod vt doctis firmauerit argumentis, suā tamen
Viri doctissimi insitiā luculentiùs comprobauit:
putauit enim, beatam hominis vitam iisdem cum
corporeā vitā limitibus coerceri. Idem Philosopho-
rum plerique sensere, suoque errore memoratam
difficultatem pariter confirmarunt. Cui enim inue-
nire fiducia sit, quod sagacissimos quosque humani
generis præceptores fefellit? Eorum omnium erro-
res describere longum est, & confutare operosum,
nec par futurum operæ pretium, vt quorum potissi-
mos aperuit, eoque satis confutauit dies. Nonnul-
lostamen vel Auctorum famā, vel sectantium nu-
mero celebriores præterire non libet, vt ex im-

men-

CAPVT PRIMVM.

II

mensis sapientissimorum hominum erroribus ediscamus ; altiore esse nostræ felicitatis sedem , quàm vt ad eam contuendam humana possit assurgere sapientia .

Tres in Classes partiri possumus quotquot de vitâ beatâ censuere. Primi qui minùs ceteris a rectâ viâ , quanquam longissimè , aberrarunt , ij recensendi , quibus placuit , in animo , eiusque bonis , corporis ministerio paratis , humanâ felicitatem locare : optimo quidem loco , sed minùs tuto , vtpotè mortis , ac morborum omnium irruptioni obnoxio . Horum fuere præcipui Zeno , Anaxagoras , Aristoteles . Zeno in Virtute , atque Honestate locauit , Anaxagoras in Scientiâ , ac præsertim Contemplatione Vniuersi , Aristoteles aliùs ceteris , & propiùs veritatem in Contemplatione Diuinitatis . Altera Classis eorum est , quos corporea voluptas hebetauit , ac transuersos egit , eòque deduxit , vt in eo ceno finem bonorum omnium situm esse statuerint . Huius tam lutulenti erroris vulgus Epicurum insinulat , & forè solo Epicureorum vitio , qui a Parente suo degeneres ad sui nominis infamiam ipsum Parentem attraxere ; licèt ab eo honestiorem iucunditatem sectari , sepè corporeæ voluptatis impendio quærendam , docti fuerint : Epicurum enim integro libro Laertius vindicat , erroremque suo se auctori restituere censet , Aristippo : cuius fortasse nomen non parum ab infamiâ defendit famæ indignatio tam

Tres præcipue de ultimo fine lætætiæ .
Prima in bonis animi locauit .

Secunda in bonis corporis .

Lib. 10.
de Vir.
Philol.

Tertia
in bonis
externis.

L. 1. eth.
c. 5.

10: 8. 13.

Nostri
paruuli
veterib.
Sapientib.
doctiores.
Pf. 18.
3.
Pf. 118.
100. &
99.

turpe caput publicare dedignantis. Tertiam denique Classẽm obtinet, qui stultissimè omnium censuerunt, hominis felicitatem in ijs, quæ extra hominem sunt, nempe in diuitijs, famâ, honoribus, positam esse. Hos citat suppresso nomine Aristoteles, vt quos indignos censuerit, qui suâ etiam confutatione nobilitarentur.

Hâc triplici viâ a beatâ vitâ aberrarunt, quotquot eam sine ductore sunt persecuti. Iam ductor adest idem ipse, qui nostræ felicitatis est Auctor. Errare non licet, nisi volenti, quando ille, qui bonorum finis est, ad bonorum finem, nempe ad se ipsum, nuducit, seu trahit: Proinde idem prorsus est, vnâ cum eo beatam vitam inquirere, atque inuenire.

Ego sum, inquit, lux mundi: cuius nimirum lucis id proprium est, & vt sese prodatur, & vt viam ad se pertinentem illustret. Quid enim post Christi exortum, viâ ad nostram felicitatem illustrius? Quod septem illi Sapientes, & quotquot alij Generis humani Doctores ignorarunt, iam nostri Paruuli, quibus *Testimoniũ Domini fidele sapientiam præstat*, tam bene norunt, vt eorum cuilibet illud verè vsurpare liceat; *Super se-nes, ac super omnes docẽtes me intellexi, quia testimonia tua meditatio mea est.* Nemo vnus ex illis, modò Christianâ imbutus sit cathechesi, tam rudis est, qui se natum in nihilum, siue vt in nihilum redigatur existimet. Quisque se discernere nouit a brutis, quisque se animo præditum immortalis, atque ad beatissimam apud

apud Superos vitam destinatum intelligit : quod tamen cum veterum nonnulli negarent, alij dubium haberent, ne dubiæ vel certæ iacturæ beatam vitam exponerent, cum in errorem conuenere; Non aliam homini expectandam felicitatem, quàm quæ in hac vitâ mortali posset contingere. Quàm autem id absurdè dicatur, pronum est eruditis diuinâ sapientiâ auribus iudicare. Quid enim absurdius, quàm sub mortis arbitrio, ac veluti in eius oris hiatu beatæ vitæ securitatem collocare? Tremat ouicula Leoni tradita, licet ab eo fortè saturo ad lusum accipiatur: Linguam vel blandientem, sed blandiendo prægustantem, non secus, ac vicinos atque excitatos dentes, exhorret: nec differri tunc sibi mortem putat, sed inchoari, ac trahi, libentiùs moritura, si citiùs. Ouiculâ stupidior mihi eris, quisquis inter mortis rictus, pro arbitrio claudendos, fore te beatum putes. Vix enim tutò vitam dixeris, quam vbi dicere instituas, iam mors momordit, demisitque partem illam, cui nomen Vitæ imponere destinaueras. Non est, non est, si bene rem inspexeris, huic nomini locus: Quidquid enim præterijt, iam morti accessit; quidquid expectatur, etiam sub mortis arbitratu est: negare poterit, si libuerit, & fortè negabit: quod verò instat, tam angustum est vt Vitæ nomen non capiat, nisi expirantis. Cum igitur vix illi sine mendacio vitam inscribas, quâ fide vitam etiam beatam ob iucunda quædam data-

Veteres
Philoso-
phi in vi-
ta mor-
tali finē
vltimum
statuerūt.

Vitæ bre-
uitas.

mi-

miserijs alimenta nuncupaueris? Terra ista mortis viuarium est, vnde iam hunc, iam illum promi ad deuorandum quotidie cernimus: quàm igitur nostrę erimus conditionis obliti mortales, si de ijs, quę nos morti sustentant, beatam nobis vitam promittimus!

Eiusdem
sermone.

Adde morbos, quibus nulla conditio, nulla ætas excipitur, quin ea tunc plurimis, maximisque vrgetur, cum ad senectutem deuenerit, cuius a prosperitate beatę vitę nomen expectandum esse contendit Aristoteles: quo nempe tempore, & paucissima commoda, & fortè nullus eorum gustus existit, ipso gustandi sensu vetustate detricto. Quis autem tot inter morbos, totidemque tortorum manus beatam sibi vitam promittat? At veteres Philosophi cunctis suę sapientię alumnis promissere, palàm illud iactantes, etiam in candente Phalaridis Tauro sapientem exclamaturum; O quàm beatam vitam duco! Dixerint quidquid ineptiarum voluerint veteres Philosophi, qui ærumnarum, & mœroris pleni, quàm vana docerent, sese ipsos testes proferebant: Ego vocem illam, si verè in eo Tauro contingeret, naturâ non arte in mugitum exiisse contenderem, vt quę sine Perilli ingenio, absque eo quòd per Tauri fauces euolueretur, talis meis auribus accideret, tanquam digna boue philosophante sententia. Quisque suo doctus experimento videt, magno quidem spiritu ampullas istas inflari, sed paruo etiam impelli,

li, ac diffringi. Vnius gingiuae dolor tantâ sæpe acerbitate mentem sollicitat, vt omnis aduocanda fortitudo sit ad eam in suâ sede retinendam. Quid si etiam ceteri corporis dolores accedant? quid si longè acerbiores animi cruciatus? nunquid beatæ vitæ locum facient? an potius ne miseræ quidem relinquent? Non semper, inquires, dolor adest: at semper adest eius vicarius timor ipso dolore ad fugandam securitatem fortior, ac terribilior. Cæsarem memorant præ ipsâ morte mortis timorem formidasse, atque illud dixisse; Insidias vndique imminentes satius esse subire semel, quàm cauere semper. Dolori enim modus ex damno est, & pro suo modo mœrorem animo taxat: at timor imminentium malorum pro eorum numero infinitus est. Vndique enim nos mala circumstant, eaque grauissima, ac sæuam mortem interminantia: etiam si singula metu prægustata modicum quid mœroris importent; vniuersa tantum exaggerant, vt animum obruant, conficiantque. Inde multo plures videas licet mœrore ex impendentium malorum expectatione, quàm ex instantium dolore confectos.

Tollenda igitur de medio mors est, eiusque metus beatæ vitæ securitati infestus: & si minus tolli dolores queant, frangendi, ac mitigandi sunt, vt expectati minùs nos sollicitos habeant, & minùs mœstos metu præsumpti. Franguntur autem plurimum, vbi, morte sublatâ, hanc ampliùs minitari

non

Timoris
vis, quâ
doloris
maior.

non poterunt: quis enim edentuli canis latratu turbetur? Quin si ea, quæ dolorem afferunt, ad futura gaudia promerenda assumantur, etiam in præsentium gaudiorum materiam transibunt: Siquidem ex ijs Diuinæ caritatis, ac spei dulcedo, tanquam mel e tormentis exprimitur, vti suo loco manifestum fiet. Illud interim diligenter curandum, vt nihil nostri pereat, nihilque pendeat: nullum momentum aut præteritum mors occupet, aut venturum intercludat. Vindicemus a mortis metu tempus, quod instat, & quodammodo ex elisis eius faucibus reuocemus. Sternatur illa, & in aridam redigatur caluariam: tutum enim tunc erit, eius mandibulæ nostros fauos, nostra mella committere.

Iud. 14. *De comedente exhibit cibus, & de forti egredietur dulcedo.* Verùm quis tantum sibi arrogabit, vt cum hoc immani Leone, qui totum confecit genus humanum, manus conferere audeat? Num fortissimus aliquis Samson, qui manu suâ propositum ab se enigma dissoluerat; fuso scilicet Leone, cuius ore post aliquot dies fauum mellis gustauit? At Leo ille non mors, sed sola erat mortis imago: facile illi fuit mortis imaginem lacerasse, sed æquè facile morti fuit, suam imaginem, lacerato Samfone, vindicasse. Quis igitur huic monstro occurret, mortalium robustissimis formidabili? Vt non alius, ille certè, cuius picta erat Samson imago, de quo impletum sibi gratulatur

Ec-

CAPVT PRIMVM.

17

Ecclesia oraculum illud, *ero mors tua, o mors*; ve-
 rè enim *mortem nostram moriendo*, hoc est dando
 illi vitam, *destruxit*, fecitque ex interitu, vitæ
 non percuntis exordium. Id autem quemadmo-
 dum contingat, suus non deerit dicendi locus.
 Nunc illud tantummodò maneat, mortalem
 hanc, semperque moribundam vitam perfectè
 beatam esse non posse, quin ne imperfectè qui-
 dem, nisi altiore Christi sapientiâ mortis arbi-
 trio eximatur. A primo illo errore, qui plenam
 in hoc ævo felicitatem iactabat, pluribus confu-
 tando abstinemus, ne pluribus in sui confutatio-
 nem indigere existimetur: cum præsertim suâ ia-
 ceat infirmitate, nullosque iam habeat sectatores,
 nisi fortè, qui eum sectando traducat. De alte-
 ro aliter sentiendum: non enim desunt, qui su-
 spicentur, sin minùs plenam, quantam tamen
 hæc vita recipit, felicitatem inde manare posse,
 vnde veterum sapientia sibi plenissimam pollice-
 batur: & hæc suspicio, vt leuissima sit, satis est
 tamen ad leuissimos homines post se a verâ feli-
 citatis viâ in errorem abducendos. Quare tam
 perniciosæ suspicioni tergendæ sequentia aliquot
 capita impendemus, vt ab errore in veram ter-
 renæ felicitatis viam, quæ eadem ad æternam
 perducatur, Deo bene iuuante, reuocemus.

Osee 13.
14.Vilitas
sectato-
rum so-
ctam in-
famat,

C

CA-

CAPVT SECVNDVM.

Nullam in diuitijs esse posse,
ne imperfectam quidem,
felicitatem.



Imbecilliora aggredimur, vt præ-
dâ paulatim, atque animo au-
cti duriora tentemus. Manus cū
Vulgo conserimus, qui in bea-
tos refert quoscunque diuitijs,
famâ, potentiâ, voluptatibus
diffluere conspicatur. Is de-
iunctus a nobis stabit, vbi contra eos gerenda
res erit, qui felicitatem in virtute, vel sapientiâ, ni-
mis alto pusillæ plebeculæ loco, reposuere. Ac
primùm quidem adeo vulgi opinione inoleuit,
Diuites beatos esse, vt a primis etiam Latinorum
temporibus *Beatus* idem valeret, ac *Diues*, &
vtrouis vocabulo ad Opulentos exprimendos vte-
rentur. Alium loquendi modum Christiana Reli-
gio obtinuit, cuius documento iam non diuites,
sed pauperes Beatos nuncupamus. At quibus
Christianæ documenta adhuc hærent in labris,
nec sese penetrarunt in mentem, nondum ex ro-
to

*Diues ac
beatus ve-
teribus i-
dem.*

*Nobis ve-
rò beati
pauperes.*

to vetustæ opinionis suspicio deleta est. Quanti ad cetera comparanda valet pecunia, tantidem valet ad venditandam seipsam, atque ad antiquam sui æstimationem roborandam. Nec illam qui a vulgari Trapezitarum trutinâ ad philosophicam reuocauit, minoris habuit: nam Aristoteles (ut nonnulli fidelius, quàm elegantius interpretantur) esse eam, dixit, *æquiualeuter omnia*, eò quòd ad omnia comparanda valeat. Quare mirum non est, eius vnus, tanquam rerum omnium possessione, homines sese beatos existimare. Quidni enim beatum se putet qui omni sublatâ indigentia habeat vnde ipse sibi sufficiat, & exutus inopiæ difficultatibus eò manus porrigere possit, quò vota? Nihil enim pecuniæ præclusum, nihil imperuium, inaccessum nihil: rimas omnes eius fulgor ingreditur, scrutatur maria, montes perfodit, naturæ, artisque claustra perrumpit, & quidquid ex ijs libet eruerè, quanquam armis, ac ferro contumax, ad auri tinnitum sponte prodit. Siue enim libeat voluptatibus indulgere, siue gerere honores, eosque voluptuosæ, ac turpi vitæ velamentum prætexere; siue amicos, etiam summos, parare, vel in summos euehere; siue denique aliud quidpiam cupidæ voluntati concedere; modò supra vota non sit, nec supra pecuniæ, cui ex græco prouerbio subduntur omnia, vim ac potentiam erit. Quid autem beatius, quàm cuncta

Pecunia
æquiualeuter
omnia.

sibi spectare ad voluntatem fluentia?

Confutā-
tur pecu-
niæ lau-
des.

Spinæ sū-
Christo
teste
diuitiæ.
Luc. 8.
34.

Ier. 6. 13.

O stultissimi mortalium, quicunque oculis vestris de mentis habitu, illis imperuio, creditis! Quin potius Christo abdita omnia penetranti fidem adiungitis? Nonne ipse (cui tam pugnat a veritate discedere, quam ab se, qui Veritas ipsa est) palam pronunciauit, spinas esse diuitias? Si id Ethnicus aliquis Doctor Christianos docuisset, aut Ethnicos Christianus, num maiori contemptu excipi poterat, quam nunc Christiani a Christo docti passim excipimus? Quotusquisque nostrum hoc tempore diuitijs vel possidendis non immineat, vel possessis non incubet, vel non rumpatur amissis? *A minore usque ad maiorem omnes auaritie student*, inquit, non suorum temporum historicus, sed nostrorum vates Ieremias. Num hoc est Christo, Diuitias spinas prædicanti, fidem adiungere? an potius re ipsâ, scilicet contumaciùs, quam verbo, negare? & vel finem bonorum diuitias credere, vel, quod minùs ferendum est, non credendo, bonorum fini, atque æternæ felicitati præferre?

Metapho-
ra illustrat,
nō destruit
veritatem

At Christus impropriè ibi loqui voluit, ac rem per metaphoram, excitandæ attentioni accommodatam, efferre: Quid proinde? Nunquid idcirco cum aliquo veritatis detrimento? nunquid non ad illustrandam veritatem, quæ sæpe sub obscuro nomine iaceret ignobilis, inuecta metaphora est?

A

A spinis mutuatus est vocem, quàm diuitijs a vulgo earum cultore congruè impositam non inuenit. Alieno nomine rem euocauit, sed veriùs responsum, quàm suo. Opes, diuitiæ, copiæ, & cetera iucundè sonantia nomina pecuniæ imposita, vulgi imposturæ sunt, ac mendacia, & quidem tam bellè composita, vt eos etiam qui componere decipiant, vt planè *mentita sit iniquitas sibi*. Spinarum nomen Diuinà Sapientià inditum pecuniam, eiusque asperum ingenium denudat, & qualis ea sit, non qualem se se venditat, prodit. Volo te de illa non ab inope aliquo, eam procul adorare solito, testimonium capere; sed ab experto diuite, qui opes suas semper præ manibus habeat, vñdique verset, ac proinde bene cognitâ causâ sententiam ferre possit. Ab illo diluta intelliges, quæcunque antea magnificè dicta de opibus audisti.

EX PL.
26. 12.

Contemplare primùm Diuitem quempiam ex ijs, quorum gratiam vulgus studiosiùs captat, simul e publico, vbi Beati prædicationem cultumque accepit, domum redux suum se in cubiculum abdidit. Vide, vt positâ oris hilaritate, ac risu, quo hætenus scenæ seruierat, suum sibi vultum paulatim recipiat: vt frontem contrahat, aciem defigat, crebra ex imo pectore agat suspiria, & postquam diu cogitabundus siluit, tandem in querelas erumpat. Puta, te eum e paruâ rimâ ita secum

Diuiti
experi-
mento,
quâ ap-
te spi-
narum
nomen
opibus
cõgru-
at, de-
claratur.

Ficta di-
uitis ver-
ba veros-
cius sen-
sus decla-
rantia .

Diuitiū
inopia
maior,
quā
paupe-
rum .

Eorundē
miseria,
atque
angustia .

expostulantem audire; & certò crede, sin minùs
verba, sententiam te tamen ipsam, quæ cunctis
diuitibus communis est, assecuturum. En quid tibi
tandem opes tantâ omnium inuidiâ cumulata con-
tulere; stultis nimirum vt imponas, & per sum-
mos labores eorum supercilia suspendas, nempe
vt miser sis, quò beatus dicaris. Putasti, te per
opes inopiam depulsurum; iam pro vnâ, ac sim-
plici inopiâ multiplicem subiisti. Inops enim opi-
bus indigeres; iam & opum custodibus indiges,
iam famulis, curribus, equis, veste pretiosâ, epu-
lis vndique ad spectaculum conquisitis, amplâ
domo, amplissimis prædijs, honoribus, titulis,
obsequijs, quorum vnum quodcunque desit (quan-
do autem aliquid non desit?), inope quolibet mi-
serior es, addito illius miserijs, qui illum non tan-
git, pudore, ac verecundiâ. Si tantæ indigentia
satisfacere, tuisque opibus frui nolis, ne perdas,
illarum vsum fructumque continuò perdidisti, sol-
licitus custos sterilis proprietatis. Miserum te iam
vocare incipient (eo nanque nomine vulgò Aua-
ros significant), & commiseratione etiam indi-
gnum, quòd improbo tantæ rei custodiendæ labore
consumeris, & laboris mercede te ipse fraudas:
tuis ipsius opibus indiges, quas tibi ipse negas.
Si verò frui libeat; effundere cogeris, nec nisi
per transitum, dimittendo, frui; nec antea te bea-
tum dicent, quā vbi effusione peractâ desieris
esse

esse quod diceris. Quod si, ne desinas, paucis de-
 deris; paucos amicos, eosque emptitios, & quam-
 plurimos hostes, beneficentiâ exclusos, parasti.
 Ab his autem, si nihil aliud, hoc certè imminet,
 vt, salutatione palàm negatâ, omni voluptate
 reliquorum obsequia vacua excipias. Nec reme-
 dium puta, quod subita fortasse ira suggessit, si-
 carium immittere: Hydran enim secabis, & pro
 vno amputato capite plura consurgent: Filij, co-
 gnati, affines ad sui sanguinis vltionem accur-
 rent: quin & amici, & ciues, quem sibi quisque
 percussorem timebunt, vt publicam pestem com-
 munibus odijs infectabuntur. Sin autem, vt bene
 de quamplurimis sine tuo incommodo merearis,
 ad censum augendum in largitiones exuberantem,
 animum adieceris; incommoda ipsa, non cen-
 sum augebis: nam vel id per te ipsum præstare
 cogitas, hoc est prædia tuis oculis inuisere, præ-
 sens adesse, vbi sementis facienda, vbi purgandæ,
 vel metendæ segetes, vbi noualia præparanda,
 putandæ, occandæ, adminiculandæ vites, aut
 vindemia colligenda, aut exprimendum oleum,
 aut alia id generis infinita in rusticæ, aut vrbanae
 rei incrementum præstanda, iam magnum domi-
 nium magna tibi fiet, atque intolerabilis procu-
 ratio. Sin autem id ponderis in ministrorum cer-
 uices deponere, eorumque curæ indormire libeat,
 propterea quòd videas, tanto te oneri ferendo
 non

Æmulum
 mercede
 re, reme-
 diū malo
 deterius.

Diuitū sua
 per se pro-
 curatiū in-
 comoda.

Per mini-
 stros pe-
 ricula.

non esse; præda vndique diripientibus famulis, & colonis euades: summi, infimique seruorum pro se quisque furabitur, quantum tutò se posse sperabit: plurimùm autem cunctos sperare iubet mutui conuentio silentij, & concors in dominum conspiratio. Porro dolendum quidem est, tua tunc maximè periclitari, cum in custodum venerint manus: at hoc longè magis, quod vita ipsa quot stipatores in sui armat tutelam, tot cogitur extimescere percussores. Quin etiam Natos ipsos, quos cadenti senectuti fulcimenta paraueras, præ ceteris tibi suspectos sera faciet hæreditas, præsertim cum nequaquam exempla desint, quibus ad eam veneno, viâ occultâ & compendiariâ, adeundam animentur. I nunc & epulas in auro exhibitas iucundè vora, fortè cum illis interitum voraturus. Solare senectutem liberorum conspectu, quos tuum certò expectare funus intelligis, inscius, an interea impatientes adornent. Vnde igitur tibi aliquid solatij quærendum? quid in tantis angustijs effugij, quid consilij capies? Alterutrum tibi superesse video; aut voluntariâ paupertate diuitias ex animo dimittendas, aut voluntariâ morte animum e diuitijs.

Hæc Diues de suis opibus, solâ naturæ luce perfusus, refert: nihil enim ex eo audisti, quod Verbi Diuini lucernam oleat: quid quæso de illis eâ admotâ censeret? quid eo audito, *Facilius est, Came-*

Stipatores timēdi vt percussores.

Filij ipsi præ ceteris suspecti.

Vnū diuitiū solatium, vel opes dimittere, vel vitam,

CAPVT SECVNDVM.

25

Camelum per foramen acus transire, quàm Diuitem intrare in Regnum Cælorum. Profectò hæc verba, vtcunque explicando mitigaret, magnum terrorem incuterent cogitanti, ea rudibus discipulis a Christo sine explicatione proposita, vt quàm rigidè sonarent, tam rigidè acciperentur. Ita autem ab illis accepta fuisse, satis ex eà illorum interrogatione manifestatur; *Quis igitur poterit saluus fieri?* An fortè eam interrogationem ignorantiam putas, ac despicias? Ego verò contra, vel ipsam Christi discipulorum ignorantiam, tanquam Ecclesiæ doctrinam, venerabundus excipio, præsertim cum illam tam bene in plerosque nostri sæculi diuitum conuenire perspicio. An non vides, ab eorum quamplurimis de tam largo patrimonio a Numinis Benignitate concessio sæpe obolum pauperibus eius nomine repetentibus denegari? Quin etiam non eos modò precariâ stipe, verùm etiam debità mercede sapissimè vacuos dimitti? Quid de ijs putem, qui Superum templa sibi vnà cum censu commendata suo luxui vectigalia fecere, & vbi suas sordes non auro, aut argento exceptas famuli negligentia conspexerint, eum ad pœnas continuò vocant; Christi Sanguinem quotidie cupro ministrari aquis oculis ferunt, satis eius dignitati factum rati vili quolibet æramento? Quid de ijs, qui leuissimis offensis grauissimas re-

Matt. 19. 24

Gravissimū
æternæ sa-
lutis in opi-
bus pericu-
lum.

Diuitum
vitia quam
detestanda.

Vide scelus
horrèdum,
vñtamen
familiare.

D

ne-

neglexerat? Quid denique, si quidquid decoris e
Superum manibus accepere, totum in eorum dede-
cus vertant? An non de illis prudenter interroga-
tum censeam, *Quis igitur poterit saluus fieri?* Neque
huic quæstioni responderi aliud posse intelligo, nisi
eum saluum futurum, qui traditas diuitias non vt suas,
sed vt *fidelis dispensator* ad Domini arbitrium custo-
diat. Is enim diues re verâ nō est, sed custos diuitia-
rum: & si secus a vulgo dicatur, audit potiùs cū risu,
quàm sentiat, se esse diuitem, bene conscius, ex ijs
opibus ad se pertinere nihil, præter sollicitudinem.

LUC. 12. 42.
Via, qua di-
uites Chri-
sti senten-
tiam eua-
dant.

Pronuncia nunc de diuitijs quicunque hæc au-
dis, vtra de illis sententia, vulgine verior, an
Christi. Satis, puto, persuasum habes, spinas
esse diuitias, non tenues illas quidem, quæ he-
betantur, ac franguntur in cute, sed fortioris cu-
iusdam generis, quæ ad viuum, quæ ad animum
vsque descendunt: proinde non nisi per summam
insaniam, beatam vitam in diuitijs, hoc est in du-
meto, locari, vbi vix locum vitæ reperiās. Nec
territus corruptæ opibus Philosophiæ iudicio a sen-
tentiâ discedes: quin propiùs quàm Philosophos,
accessisse dices ad veritatem Poetas, qui Ditem,
aut Plutona (nomina ab opibus deriuata) diui-
tiarum eundem, ac miseriarum Deum fabulati
sunt: siquidem Christianam hanc veritatem adum-
brarunt, quam tibi velim altissimè insculptam;
Vnde diuitias, inde misérias deriuari.

Plurimæ
diuitiarum
de Diis, qua-
si diues,

CA.

CAPVT TERTIVM.

Huius vitæ felicitatem in Potentia non esse: vbi potissimum de Principum virorum sollicitudine, & contemptu.



Er suafum tibi satis puto, quisquis præsentis æui felicitatem fectaris, eam in diuitijs locum habere non posse: multumque ex ijs parasse, non finem esse miseria- rum, sed mutationem, vt præclare docuit, & quidem meliùs

Multas diuitias parasse, nō finis miseria- rū, sed mutatio.

quàm didicit, Seneca, qui plenus opibus auaras in se Neronis concitauit manus. At fortè dubitas, num saltem Potentia possit, quidquid opibus negatum est. Hæc enim & pecuniæ plurimū obtinet, & quidquid pecuniæ ad felicitatem deest, paruo negotio videtur posse supplere. Tria quippe sunt, ob quæ pecunia ad comparandam felicitatem non pertingit: sollicitudo a prædonibus, contemptus ab æmulis, metus ob omnibus. At is, qui rerum potitur, populum habet seruorum, in quos dispertitæ

Quænam sint, ob quæ Diuites a felicitate deficiunt.

D 2

solli-

Describitur
Potentium
apparês fe-
licitas.

sollicitudinis onera in honores, ac beneficia transeunt: nec despectui patet, qui omnibus supernè imminet: nec denique ad eum percussoris metus aspirat, quem altiùs fortuna tulit, quàm vt subiectorum telis appeti possit; quemque pro lorica integri exercitus ambiunt, muniuntque. Itaque si Potentia diuiti accedat, huic negotij nihil erit, vt sese in antiquum Beati nomen, ac possessionem restituat. An non Beatum iure optimo dixeris, qui Numinis vices in terris gerat, qui solo risu, ac benignâ oris conuersione ceteros beat? quem vitæ, necisque arbitrum, ac fortunæ datorem populi adorent, ac plerique magis, quàm ipsum Numen, imò ipsius Numinis contemptu propitiare studeant? Quanto enim credere par est cum gaudio potiri, quem Regia purpura tegit auro gemmisque distincta; cui ostrum calcatur, argentum conspuitur, atque in vilissima quæque ministeria descendit: cuius amplitudinem ædes in Urbis modum laxatæ metiuntur, altitudinem, ac præstantiam ad Cælum vsque porrectæ, Diuinitatem denique in Templi formam ornata? Illum si prodire contingat, præmissa seruorum series nunquam defutura venturum obnunciat, circumfusi nobilium puerorum greges coronant, homines, noui generis iumenta, in humeros tollunt, & supra homines euehunt: accurrunt vniuersi, viâ cedunt, saluant, collaudant, festis acclamationibus profese-

sequuntur. Illi denique, quâcunque oculos circumferat, cuncta suam, cuius contemplatione beetur, reueiberant maiestatem. Quid hoc rerum statu optabilius? quid hâc vitâ beatius?

Quantum a vero absis, ac semper magis, magisque abfuturus aberres, docendus hîc mihi es, optime Adolescens. Experto Seni, suisque erroribus edocto crede, inscius, an a tuâ senectute id beneficij tutò expectare possis: fortè ad te illa non veniet: fortè vsque adeo in errore progressum, ac lassatum inueniet, vt vires, ac vita viâ retexendæ non suppetant. Accipe igitur quodcunque me mei errores, non sine offensionum, & lapsuum frequenti castigatione docuere; ac luccio appone, quod in alieno tergo tua exarentur documenta. Itaque mecum antequam te periculosæ viâ committas, eius dispendia computa, atque in hunc modum ratiocinare.

Predicta,
species quæ
inanis ostē-
ditur.

Potentia, in quâ locatam felicitatem imperiti putant, paucissimis mortalium contingat necesse est; nempe singulis in quolibet regno: quæ enim regiam non aquat, alieno seruit arbitrio, eo proculcata magis, quo maior, & maiores umbras in suspiciosum Regis caput immittit. Quare si felicitas in eo fastigio locetur, vbi non nisi vni locus, isque iam occupatus sit, minima ceteris còperueniendi fiducia reliqua erit, & maximus inde mœror, vitæ cuiusque, ne dum beatæ, exitialis.

Potentia
paucis cō-
tingit; fel-
icitas pare-
re omnibus
debet.

lis. Non tam autem iniquè nobiscum egisse, imò
etiam secum, rerum opifex Deus censendus est,
vt quam ipse omnibus tranquillæ vitæ cupidita-
tem iniecit, ac frequentî hortatu concitauit, ferè
nemini explendam concesserit: nos enim promif-
sis, sese fidelitate fraudasset. Quin potius ratio-
ni consentaneum est, vt si quis tranquillitatem
non assequatur, is vnus aliquis sit, qui sibi spon-
te id negotij sumpsit, vt publicæ tranquillitati
seruiret: nempe populi Princeps, cui onus in-
cumbit, vt omnium quietem suâ excubatione cu-
stodiat. Ipse vtique præstare debet quod olim
docuisse fertur Pelopidas, ac præstitisse Epami-
nondas. Ille scilicet, cum in bellum discessurus
ab vxore, vt se diligenter seruaret, rogaretur;
alij, inquit, istuc vt faciant, monendi sunt:
Princeps, non vt se, sed vt suos seruet, hortan-
dus. Alter verò Thebanis ciuibus suis conuiuia,
ac lætitiâ die quodam festo agitantibus, mœ-
nia ciuitatis sollicitus obibat, quo ceteri possent
vino securiùs indulgere, itaque suâ vnius curâ
omnium securitatem elaborabat. Altiùs autem
vt hæc descendant, recale memoriâ, quæ de di-
uitiarum aculeis antea memorauimus. Cum enim
Diuina Sapiencia illas vniuersè spinas nuncupaue-
rit, in quencunque illæ inciderint, sui aculei me-
minere, non aliter inter priuatos, ac principes
viros discernere assuetæ, nisi quòd istos, vt mol-
liores,

Trāquillita-
tē minimè
omniū Prin-
ceps asse-
quitur.

Pelopidis
præclarum
dictum.

Et Epami-
nondæ factū.

Aculei diui-
tiarū & plu-
res, & aeri-
us in Prin-
cipes, quā
in priuatos
seruiunt.

liores, faciliùs intrent, & pro opum multitudine plures; illos sæpe inoffensos, vt iam offensionum cicatricibus obduratos, transeant. Hoc plane Potentia præstat, vt spinas exaggeret, & sensum ad illas emolliat. Potentes aduersus alios, erga se, veluti aduersus pares, impotentes sunt: nihil se cogere queunt, nihil non indulgere. Quare cum nunquam obdurentur aduersis, quibus ceteroqui cuncta vndique rigent, semper in ea, tanquam nudi in vepres, incurrunt: itaque non carent diuitiarum aculeis, sed pluribus, & acriùs quàm ceteri, feriuntur. Id vt planius fiat, eamus per singulos antea memoratos, sollicitudinem nimirum, contemptum, ac metum. His enim tam plenas Regum aulas contemplabimur, vt vbi tranquillitati locus esse possit, minimè appareat.

Et quidem, quod ad sollicitudinem attinet, nulla hominum conditio Regibus sollicitior: tria potissimùm sunt, quæ illos sollicitos habent, opum nimirum, iustitiæ, ac publicæ securitatis custodia. Primùm nemo opibus custodiendis, atque augendis attentior, quàm qui suam Regis dignitatem illis creditam nouit. Procubuit Princeps, vbi nerui diuitiarum defluxere: illico in prædam finitimorum veniet, vbi præsidarius miles solito stipendio fraudatus e re suâ putet, Dominum commutare: nec hostem expectabit extrinsecus, sed eius ipse vices implebit, necabitque a quo deuorantur.

Potentes cum
alijs secom-
impotentes
sunt.

Tria, quæ
Principes ha-
bent sollici-
tos.

1 Opum
custodia.

randum sese fami traditum viderit . Porro cum Rex opes suas , quas inuidiosè possidet , per se ipse custodire non valeat , alijs custodiendas , inuidis nempe ipsis , tradere cogitur , qui quidem vt beneficij loco administrationem accipiunt , ita pariter vt beneficio vtuntur : se , suosque inde sustentant , luce palàm custodes , noctu prædones , nullà nisi Principis conscientia a prædando detenti : suam enim facilè placant ; quippe non furari putant , sed recipere , quidquid ipsi in ærarium Principis vectigalium nomine contulere . Quà etiam de causà pauci admodum religione tenentur (tamen si deberent) quo minùs suis Principem vectigalibus fraudent , iniquum rati , eius luxuriam suà parsimonià , ac sæpe etiam summis angustijs sustentare . Nec enim cuique obuium est , quod ceteroqui verissimum , corporis nutrimenta , utcunque a solo capite gustentur , in omnium membrorum vitam transire , & quo tempore hæc ori cibum negauerint , eodem sibi nutrimentum , ac vitam adimere . Subtilitates eiusmodi vel crassa , ac dura ingenia non admittunt , vel delicata vt pungentes ac molestas tractare refugiunt . Quare Principi totidem propemodum cauendi fures , quot habet populos vectigales .

2. Curai-
ritur.

Deinde iustitiæ cura longè magis , quàm opum Regem sollicitat . Si enim illam rectè administratam velit , primò nosse optimè debet quos iudicijs exer-

exercendis præficiat, eosque ceteris anteferre, qui ob humani iuris prudentiam, ob Diuini metum præ alijs omnibus idonei videbuntur: mox perpetuò excubare, atque identidem disquirere, vtrum omnes in officio sint, atque æquâ lance pauperi, atque opulento ius reddant: an potiùs causas ad compendium extrahant, iustitiam metu prodant, pretio vendant, amicitiae, propinquitati, muneribus condonent: postremò populos per se ipse frequenter audire, quo lecti Iudices notitiam Principis reformident, & cuncta in eius conspectu sese acturos intelligant.

Denique vt Regnum vniuersum ab externis, ac domesticis hostibus securum præstet, infinità illi propemodum attentione opus est, præsertim vbi rumoris aliquid increpuerit; ne quis locus præsidio vacuus ingressuro hosti impunitatem promittat: ne quod oppidum arce, munimentis, com meatu careat: ne milites, atque in ijs virtus, ac peritia desideretur: ne militibus arma, ne strenui ac prudentes Duces, ne pecunia, ne præmia, ne supplicia defint: omnia vt parata, atque in promptu sint, omnia frequenti peritissimorum consilio per quàm diligenter excussa. Si quid enim incurià omissum fuerit, si quid minùs cautè prouisum, totius regni corruptio in regium caput suppuratura timenda est. Quo fit, vt si Reges suum munus impigrè obire velint, ac de eius pondere non alienis

3. Publicæ
securitatis
cura,

E

ocu-

oculis, sed suis humeris credere, haud aliud in vniuersâ generis humani republicâ grauius arbitrari sint.

Principum
a Superio-
ribus con-
temptio.

Et ab in-
ferioribus
proscissio.

Longè plu-
ra priuato,
quàm Prin-
cipi licent.

Quod autem ad contemptum attinet; habet suos æmulos Princeps, non quidem inter subiectos populos, quorum supra æmulationem est; sed inter Dynastas pari, aut superiori dignitatis gradu eminentes, a quibus etiam tristiùs contemnatur, quàm si fortè a feruorum aliquo contemneretur: quippe aduersus hunc, vel dissimulatio dolorem minueret, rectâ irrisuris plagâ; vel fiducia vindictæ illum leniret, dum intrita vulnere, quæ momordit, bestiola remedium afferret. At si contingat, vt a Potentiore aliquo commordeatur; nec lenimen ullum, nec remedium, nisi fortè ipso vulnere acerbius, sperandum est. Non enim dissimulare licet vocem e superiore loco clamantis, et famæ linguam adhibentis Regis: nec spes vlla pœnas repetendi solatio est, vbi metus dandi maiores pectus exagitat. Adijce, quod Regem nemo quidem e gente, cui præest, palam contemnit; nemo tamen ferè est, qui non in occulto proscindat: Principem enim suum mordere, cuique palato iucundissimè sapit: nec ferè vlla priuata mensa est, quæ hoc regio ferculo careat. Quòd si is cupiat maiestatem suam ne priuatis quidem sermonibus violari; multa illi infra humilis plebeculæ sortem incommoda subeunda. Vt enim omnia Principi licere dicantur, longè pauciora, quàm

quàm priuato licet, nisi stultè sibi, perinde ac Deo, cuius voluntas Honestas, licere putet, quod libet. Viro enim priuato & prodire in publicum, & secedere, & mutare vestem, eamque ad noua exempla componere, stare, sedere, dormire, fabulari, agere quæ animus ferat, non expectato Senatus, Populique responso, licet. At Principi sua semper agenda Persona est, semper in scenâ, ac theatro ad concionem meditatio dicendum. Et vestis, & vultus, & vox, & gressus, & cibus, & quidquid aliud ad vitæ actionem pertinet, e ritualium libris petendum: omnia ad hистoriæ materiâ accommodanda: nec immutari quidquam sine publico sensu, atque offensione fas est. Tam priuatim agere, quàm priuato illi esse non licet; id etiam quod intra parietes intimis suis secretò commisit, illi tanquam secretò commissum, in suæ apud Principem gratiæ argumentum, cunctis auribus insusurrant: itaque res arcano tramite in forum deducitur. Quotidie audiendi quamplurimi, ijque pauperes, debiles, senes, rustici, quorum nemo non aliquid triste Principi ingerit: sua quisque vulnera illi aperit, ac tacitè tanquam dormitanti capiti exprobrat. Ad ea tamen pronas exhibere aures, identidem subridere, securum ac beatum agere, adorationes ne perdat, cogitur, tanto miserior, quanto minus suas euomere miseras potest. Dimissâ turbâ negotia in libellis relicta sæpe ad multam noctem re-

Audiendi labor.

Vndique ā-
gustia.

cognoscenda, ac disponenda sunt. Non rarò in ijs videndum, contraria ab æmulis peti, quorum vtrumlibet fiat, desertæ partis querelam expectes. Sæpe tam multa, tam dira scelera, & populis, & ministris ab se delectis, hoc est diligentis iudicio, obiectari intelliget, vt alterutrum illi agendum sit; vel omnia vt sanguine ac cædibus fædet, vel turpius fædata sceleribus contempletur: proinde aut Belluæ nomen tot facinora vindicando ob ingenium crudele, aut non vindicando ob stolidum, promerebitur.

Postremò ea, quæ de sollicitudine, & contemptu diximus, cuncta etiam in metum cadunt: terrent enim ventura, quæ præsentia torquent. At tam multa de metu dicenda occurrunt, atque etiam tam graua, vt pausa aliqua Lectori iam saturo danda sit, ne potiora plenus fastidiat.



CA

CAPVT QVARTVM.

De Principum periculis,
ac metu.

Lūs. ad ictus pateat oportet ille,
qui latiùs patet: sic prorsus vt
immania corpora ferientibus tel-
lis etiam temerè vibratis occur-
rant. Principis corpus regnum
est, cui ipse caput imponitur: Omnium
vulnera,
Principi
condolen-
da.
quidquid Regno nocetur, regio

corpori vulnus est, regio capiti condolendum. Sunt
tamen & sua capiti pericula, quæ ipsum præterea
petant: hostes enim habet Princeps, non nisi suâ
morte placabiles, quicunque eius vitam suis ob-
stare incrementis vident. Horum agmen sæpe na-
tus, & hæres ducit, hoc magis timendus, quo ad-
hæret magis, & minùs cauere fas est. Eum spes
hæreditatis armat in Patrem, eumque sequuntur
quotquot ex amicis, domesticis, notis in victoriæ
partem se venturos confidunt. Alios regiâ poten-
tiâ depressos oppressosque odia, seu propria,
seu gentilitia in Regem euocant. Alios conscien-
tia facinorum, & pœnarum metus, præsertim qui-
bus

Omnium
arma in
Principem
pruriunt.

Suum ipsius
telum, se-
que timere
cogitur.

Princeps,
quo ferro-
cior, eo ti-
midior.

Principis
robur po-
pulus.

bus nullum pateat, nisi manufactum effugium, in ultimum nefas impellit. Quamplurimos in imo iacentes, quos omnis mutatio subrigit, meliorum fiducia ad arma sollicitat. Ergo si ad hæc genera singulos reuocaueris, paucos excipies, quibus in Principis cædem arma non pruriant (loquimur hîc de Principe a Christianâ Pietate alieno, vti mox declarabimus). Nec fides illi esse in amicis potest, quos vt suæ fortunæ nouit amicos, ita vt suos cauere cogitur riuales. Nec præterea in regij corporis stipatoribus, qui odia habent venalia, addicere parati plus offerenti. Nec denique in ipso illo sui lateris telo, quo sæpe magis, quàm alieno terretur, vt quod identidem ad manus ministrantium venit, & factum suggerit in omnem posteritatem vnâ cum auctoris nomine iturum. Quid plura? sibi ipse non fidit: robur ac potentiam suam eodem, quo subiecti, metu perhorrescit, ne scilicet præueniant, quos terret, & necem inferant illaturo. Accidit illi, quod belluis ferocioribus, quibus nullæ, quod mirum est, timidiores: noctu enim prodeunt, luce latent, sola semper incolunt loca, ad omnem strepitum oculos, atque ora conuertunt, exurgunt, fugam arripiunt; quippe naturâ didicere magistrâ, nil illi a ceteris tutum esse posse, a quo nil ceteris tutum esset. Adde, quòd verum Principis robur populus est, contra quem non nisi vt priuatus potest: hic si rebellet, robore ille peribit suo. Adde,

de, quòd mille venenum propinandi modos cau-
ta malignitas reperit, in quos nec robur valet, nec
gemmarum valere amuleta, tam multi veneno su-
blati Principes docent. Itaque non quia populis ^{Caret se-}
tribuat securitatem, eà ille abundare credendus ^{curitare,}
est: de suà enim ille tribuit, & ideo caret, quòd ^{qui tribuit.}
tribuit: siquidem haud securos in priuato lare tam
multos, nisi summa sollicitudo ex altà veluti spe-
culà omnia prouidentis Principis præstat: nec ti-
morem omnibus adimit, nisi qui omnium sibi ti-
morem assumit.

Verùm vt locus hic etiam debilibus pateat inge-
nijs, quorum scilicet acies quolibet fortunæ fulgo-
re perstringitur, proferre libet in medium summæ
Potentiæ infelicissimos exitus, eosque tam frequen-
tes, vt si cui illos declinare licuit, certè metum ^{Infelices}
non licuit, qui malorum satelles, eorum vices ad ^{Potentium}
fugandam felicitatem gerit. Prodeant igitur veluti ^{exitus.}
ex insidijs Potentium pericula, & immensâ eorum
editâ strage, doceant imperitos, altissima rerum
humanarum cacumina non sedem esse felicitatis,
sed exitium. Non per omnes historias eundum, vt
exempla quærantur, ne vaga conquisitio in argu-
mentum cedat inopiæ: vnum enim Romanum Im-
perium tam multa dabit, vt tantæ multitudini, vel
in arctum coactæ, locus non sit futurus. Ac primùm
ipse ille Cæsar, qui nomen suum e matris parrici-
dio natus, Patriæ parricidio nobilitatus in cete- ^{Cæsar 23.}
^{vulneribus}
^{confossus,}

Augustus,
ac Tiberius
veneno su-
blati .

Caligula
30. vulne-
ribus con-
fectus .

Claudius,
& Agrippi-
na veneno
intercepti .

Nero sibi-
manus at-
tulit .
Galba ab
Othone in-
terfectus ,
Otho a se
ipso .

Vitellium
sui milites
facta mor-
te affecerunt .

ros Romanorum Imperatores transmisit ; vbi per Orbis Terrarum ruinam in Romani Imperij culmen euasit, dignas furiosæ superbix pœnas dedit : nam qui humano sanguine suam ambitionem impleuerat, ac dilatauerat, tribus ac viginti vulneribus confossus, quidquid cruoris ad id temporis hauserat, secta hirudo dimisit . Augustum, ac Tiberium nonnulli auctores sunt, veneno, illum ab vxore, hunc a Caio Caligula, oblato interijisse . Caligulam Romanæ, seu potius Humanæ Reipublicæ pestem, aliqui ex eius intimis, quibus cum illo simulata amicitia fuerat, vera cum reliquo hominum genere, triginta vulneribus affectum publicæ hostiam salutis mactarunt . Claudium Agrippina veneno sustulit, Agrippinam Nero filius, Neronem mortaliū scelestissimū par carnifex Nero ipse peremit : qui ceterā iniquissimus, hoc vno iustitiam coluit . Galbæ, Othonis, Vitellij Imperia singula ad annum non peruenere, nec ad biennium collata . Primo necem Otho æmulus intulit : qui pariter ab æmulo Vitellio victus accersitâ sibi morte vitam tristioris fati crudelitati præripuit . Vitellium verò milites sui religatis post terga manibus, laqueo ceruicibus impacto, ac mento subiectâ cuspide resupinato, præterea nodo reductâ in verticem comâ, ne vultum a cæno, ac stercore demissione, aut capillo protegeret, inter plebis insultantis, atque incendiarium, patinarium, spurcissimum hominum excla-

exclamantis voces in forum seminudum traxerunt: inde quàm minutissimis ictibus concisum, atque excarnificatum per gemonias primùm demisere; deinde vnco adacto per frequentissimas Urbis vias ad Tiberim vsque raptatum præcipitem in profluentem dedere. Nouem istos perpetuâ serie potentissimos Principes primum Romani Imperij post oppressam libertatem sæculum testes dedit, quàm infirmum securitatis præsidium Potentia vel maxima sit. Tam multi deinceps, tam paucis interiectis, extitere huiusce rei ex eodem Romano Imperio testes, vt eorum casibus perstringendis vix iusta volumina sufficiant. Nonnullos duntaxat proferemus, quos memoria altiùs impressos, vt præ ceteris memorabiles, suggesserit; omissis, qui vulgari nece, ferro aut veneno allatâ, obiere. Antequam tamen eos recenseam, quorum cædes aliqua insignis sæuitia nobilitauit, illud animaduersum volo; inter Septimium Seuerum, qui Antonini filij gladium clamantis populi beneficio declinauit, & Claudium Gothicum, quem matura ante biennium mors cruentæ iam paratæ subduxit, sex & viginti interiacent Cæsares, omnes violentâ morte perempti: deinde Gothico interposito alij septendecim, tribus demptis, vsque ad Magnum Constantinum; mox alij, atque alij tam multi cruento fato obiere, vt ijs vltra persequendis, atque enumerandis fatigata nos patientia destituerit.

Sex & viginti Cæsares serie non interrupta violenta morte sublati. Deinde alij 17. tribus demptis.

F

Iam

Iam ad institutum redeamus .

Ælij Pertinacis caput tota Vrbe circumfertur.

Clodius Albinus canibus voratus abijci-
tur.

Heliogabalus in latrina necatus in Tiberim deijci-
tur.

Maximini, item & filij crudele factum.

Gordianus laqueo sibi fauces elidit.

Valeriano Sapor pro scamno vitur.

Florianus sibi venas aperit.

Ælio Pertinaci a suis militibus obtruncato caput oblongæ hastæ præfixum totâ Vrbe festis, tanquam prædam sibi gratantium, Vocibus perlatum est. Clodium Albinum solâ crapulâ, ac sagine nobilem Septimius Collega interemptum diu inhumatum, vsque dum putresceret, reliquit: mox canibus deuorandum tanquam suæ iam saturæ reliquias crudelitatis, abiecit. Heliogabalum, quem quadrupedum spurcissimum Alexander Seuerus in Senatu pronunciauit, Prætoriani in latrinâ, inquam sese metu abdiderat, vulneribus confecere, ac per fœdissima loca raptatum, graui saxo ad colum appenso, in Tiberim deiecere. Maximino vnâ cum filio ad Aquileiam a suo exercitu interemptis, corpora inhumata canibus, ac volucribus perpetuò relicta: capita Romam delata, atque hastæ imposita diu humanæ felicitatis documentum steterè, ac deinde in fluium pariter demersa sunt. Gordianus Pater, auditâ suarum copiarum strage, ac filij Gordiani morte, metu, ne in hostis manus veniret, ipse sibi necem laqueo consciuit. Valerianus a Sapore comprehensus octo reliquos vitæ annos in vinculis habitus est, sic tamen, vt quòcunque pergeret Sapor, Regem secutus, equum ascendenti, vel descendenti humeros prope octogenarios pro scamno supponeret. Florianus sexagesimo sui Imperij

rij die metu Probi, quem exercitus Cæsarem salu-
tauerat, sectis sibi venis vitam dimisit. Idem, sed
laqueo Bonosus præstitit, vbi in eiusdem Probi
manus se venturum vidit. Achilleus ab æmulo
Diocletiano victus leonibus in cibum traditus est.
Galerius Maximianus, cum illi, putrefactis intus
vitalibus, ex auribus, ore, ac naribus, non secus
atque e fœtidâ cloacâ vermes ebullirent, & præ
intolerabili fœtore intolerabilem sine eo Tyran-
num Medici omnes destituerent; doloris acerbita-
te victus impatienti animo pectus aperuit. Maxen-
tij pariter Tyranni caput a ceruice reuulsum iussu
Constantini per totam Italiam in eius solatium, tan-
quam ex apro, aut lupo vastatore perempto,
circunlatum est. Magnetius, ac Decentius fra-
tres peiorum metu sibi manus attulerunt, alter fer-
ro incumbens, alter fasciâ sibi fauces elidens. Iu-
lianus Apostata e Cœlo percussus interiit. Quo
mortis genere etiam Anastasius cognomento Dico-
rus vitam amisit: sed ille ferro, hic igne diuini-
tus in scelerum ultionem immisso percussus. Va-
lens ab hostili exercitu faucius, cum in rusticam,
ac stramineam casam sese recepisset, ibi vius ab
hostibus vnâ cum tecto crematus periit. Valen-
tinianus huius nominis alter a suis eunuchis operâ
Arbogastis strangulatus occubuit. Zeno Isauricus
ab ebrietate, vel, vt alijs placet, ab intestinorum
doloribus animo ac sensu defectus, vius ab infe-

Bonosus la-
queo sibi
necem in-
fert.
Achilleus
leonib' tra-
ditur.

Galerius
Maximian'
vermib' pe-
ne cōfectus
sibi pectus
aperuit.

Maxentio
caput am-
putatur, &
circūfertur.

Magnetius
ferro incū-
bit, Decen-
tius fascia
se præfo-
cat.
Iulianus &
Anastasius e
Cœlo per-
cussi cadūt.

Valens cō-
buritur.

Valentinia-
nus strāgu-
latur.

Zeno vius
tumulatur.

Mauritius
cum liberis
trucidatur.

Phocas di-
rè interem-
ptus.

Martine Au-
gustæ lin-
gua, & He-
racleoni fi-
lio nares
abscissæ.

Iustiniano
nares, na-
resque præ-
cisæ.
Leontio idē
supplicium
vnâ cum
morte irro-
gatur.

Iustinianus,
& Philippi-
cus succes-
sorib⁹ pœnas
dant.

stâ vxore Ariadne tumultatus est: nec illi intra se-
pulcrum reuixisse profuit, nisi vt se tam crudeliter
peremptum sentiret. Mauritius, cum natos a Pho-
câ sui exercitus Duce coram se contrucidatos vi-
disset, in quibus etiam infantem, cui lac e vulne-
ribus, innocentia testis, prodijt, ipse vnâ cum il-
lis obtruncatus cecidit. Carnifex verò Phocas pro
mercede Mauritij fortunam adiit vtramque: eius
enim Imperio potitus ab Heraclio, post manus, pe-
des, ac virilia in fœdæ libidinis vltionem ampu-
tata interemptus est. Martina Augusta vnâ cum
Heracleone filio duodenni a populo ob crudeli-
tatem Imperio spoliata, & post abscissas Puero,
ceteroqui formoso, nares, ac fœminæ linguam, in
exilium acta. Iustinianus iunior in suis ædibus a
Leontio captus, auribus, naribusque præcisus in
Chersonæ urbem relegatus est. Leontius verò post
assumptum Imperium eandem abscissæ naris con-
tumeliam a Tiberio Absimaro, eius in Imperium
successore, tulit; deinde in vinculis habitus; do-
nec illum Iustinianus ab exilio magno cum exer-
citu redux in mortem produxit: nam capto etiam
Tiberio, Imperioque recuperato, sedens pro tri-
bunali Iustinianus vtrumque Cæsarem vtroque pe-
de superbus, tametsi denasatus, calcauit; deinde
Carnifici publicè percutiendos tradidit. Idem
Iustinianus Philippico successori pœnas dedit, &
Philippicus Rufo, qui comprehensum fame, ac siti
in

in custodià necauit. Leo Isauricus Iconomachus iam ætate, ac sceleribus tartareo igni proximè ad-
motus, eo veluti in opportunam materiam præ-
uolante occupatus, identidem se ardere concla-
mans, expirauit. Cōstantinus Copronimus, dignus
illius Leonis, hoc est regiæ bestię filius, postquam
cognomenti omen turpissimis moribus impleuit,
fœdā leprā coopertus, sibi post ceteros omnes in-
tolerabilis, occubuit. Constantinus alter huius no-
minis quintus, cum Nicephorum patrum apud
plebem gratiosum, & Imperio a coniuratis desti-
natum linguā, atque oculis priuasset, ac matrem
Irenem Regni consortem in exilium egisset ab hāc
populi fauore adiutā Imperio pulsus, ac pariter
exoculatus, mœrori traditus interiit. Vnā autem
cum illo periit apud Græcos Romanum Imperium,
& quidem sui capitis instar a Græcā Ecclesia Pa-
rente exoculatum, hoc est veræ Religionis lumine
orbatum, atque ad Latinos in Magnum Carolum
Gallorum Regem a Romano Pontifice translatum
est. Fuere tamen permulti, qui post Constantinum
Romani Imperij tyrannidem Bizantijs retinuerunt,
quorum infelices exitus persequi piget, cum ex
supra memoratis satis argumenti ad eos æstiman-
dos habeatur. Iam Lectorem gladiatorijs hisce lu-
dis, quos ambitio commisit, fatigatum, iam no-
bilium corporum cruore, ac laniēnā saturnum cre-
dimus: nullum enim atrocitatis genus, quod Au-

Leo Isauri-
cus oculis
to igne suc-
census ex-
pirat.

Coproni-
mus lepra
coopertus
occubuit.

Constanti-
nus V. exo-
culatus in-
teriit.

Imperium
a Græcis
ad Latinos
translatum.

gu-

gusta corpora non exercuerit, omissum vidimus. Vnum tamen, aut alterum, in quos præcipuo exemplo scæuitum est, omittere non libet, vt id etiam intelligas, summæ dementiæ esse, velle Potentiam tyrannide, quæ Potentiæ tabes, ac morbosa infirmitas est, roborare.

Tyrânis Potentiam, vt eius tabes, infirmat.

Nicephoro, qui primus translato Imperio tyrannidem, pulsâ in exilium Irene, occupauit, a Crunno Bulgarorum Rege in acie victo caput primò amputatum est: deinde hastæ superpositum Barbarorum ludibrium pependit: postremo sectus ex eo caluariæ vertex, atque argenteis laminis ad labra circumductis in poculi morem conformatus Regi, atque aulæ Proceribus in conuiujs sollemnibus vinum ac barbaram iucunditatem ministrauit.

Nicephori cranium in poculū vertitur.

Andronici scæua ludificatio, ac fœdissimæ mortis exemplum.

Andronicus, alterum tyrannicæ Potentiæ exemplum, cum incredibilem scæuitiam in Alexium pupillum Imperij hæredem, quem demersit, atque in alterum Alexium illius tutorem, quem excæcauit, mox in Latinos, postremò in Græcos exercuisset, tandem data crudelitatis documenta ab edoctâ plebe in se ipse, quasi a discipulis lanista, recepit. Nam captus ab Isacio successore (cui etiam deinde ab Alexio fratre oculi eruti sunt, supplicio Græcorum Principum vsu iam nobili) plebis ludibrio traditus est. Hæc autem nullo contumeliæ genere eum non exercuit. Vbi enim e carcere duabus grauis catenis, ac ferreis

vin-

vinculus compedibus in forum prodijt, confestim
vniuersi opifices, e suis quique officinis, sutores,
pistores, fabri, coriarij, omnis denique generis
plebecula pariter prodire: atque illi confestim
insultare cœperunt, appellare alij Canem, impin-
gere alapas alij, pulsare per summum contem-
ptum nates, capillos, ac barbam vellere, dentes
excutere, pueri etiam, ac mulieres, quo imbecillio-
re icu, hoc grauiore illius sensu, percutere. .
Inde præcisâ dexterâ, & altero oculorum effosso,
altero haud minùs crudeliter ad inspectanda pro-
bra relicto, abrafâ quoque caluariâ, ridiculo, &
scabioso Camelo impositus est, perque forum con-
uicijs, ac sibilis obstrepentibus circumductus.
Tunc autem nonnulli fustibus, ceteri saxis, cœ-
noque, ac stercore eum appetere, totum præte-
rea, sed præsertim vultum, fœdare. Fuere etiam
qui verubus latera fodicarunt. Scortum quoddam
impudens ollam feruenti aquâ plenam e culinâ
desumptam in eius faciem effudit. Postremò e
Camelo depositum, pedibus fune suspensis, ver-
soque in terram capite, inter duas columnas me-
dium alligarunt: quo tempore direptâ illi tunicâ,
ac penitus denudato impudentissimi homines fœ-
dum in modum illuserunt. Duo extitere, qui utrâ-
que manu connixi pugiones suos, mucronis pericu-
lum facturi, in eius nates adegerunt: tertius verò
quidam longum ensẽ per fauces usque ad inte-
stina,

stina, horrendo spectaculo, traiecit. Itaque diu cruciatus tandem vitâ decessit, & canis in morem subter fornicem insepultus iacuit.

E Romanorum Principum infelicitate ad reliquos argumentum.

Stultum est, ibi felicitatem credere, ubi tam aduersa timentur.

Felicitatem non sola mors, sed etiam eius expectatio fugat.

Hæc est illa Cæsarum laudata, votis omnibus expetita, toto terrarum sanguine comparata felicitas. Ex hæc autem discere licet, quantum prosperitatis in reliquos minoris potentiae Reges, eosque barbaros affluat. Exempla e potentissimis Orbis terrarum Dominis desumpsimus, atque etiam inter populos versantibus, quibus mores suo cælo persimiles maximè mites, ac temperati. Quales exitus sortiri, quali expectatione terreri eos Reges putamus, quibus minor in sui tutelam potentia, maior in sui odium barbaries? Quæ igitur dementia, quis furor, quæ furijs omnibus concitata rabies, tanto ardore in tanta pericula conniti? easque sedes tam auidè ambire, quas videas cunctorum antea insidentium cruore pollutas, ac veluti pellibus conuestitas? stupor est, ibi felicitatem somniare, ubi tantæ sedet infelicitatis expectatio.

At non omnes Reges morte tam tristi obeunt. Certè nostrâ, aut Patrum memoriâ paucissimi admodum Christiani nominis Principes spiritum per vulnera effudere. Primum non omnes tam infelicitèr obeunt; at omnes timent: felicitatem verò non sola mors, sed mortis etiam expectatio fugat. Deinde quòd non cruentâ morte Christianorum Principum exceßerint multi, in Christianam pietatem

tem

tem referendum est, quæ vel pios Reges, ne violentur, protegit; vel pios populos, ne impijs Regibus manus iniiciant, coercet. Atque id est, quod contendimus; Pietatem, non Potentiam ad huius vitæ felicitatem conducere. Denique etiam si multis cruentam mortem euasisse licuit, non continuò etiam tristem declinasse dixeris: nisi fortè tristem non putes, quæ ab ipsâ tristitiâ, seu mœrore provenit. Tam multos autem, e summis etiam Christianis Principibus, animi ægritudine oppressos interijisse constat ut illud in animum induxerim meum; quotquot Reges non sua, sed aliena probitas ferro aut veneno subduxit, vel solo mœrore, vel alijs morbis ab eo sollicitatis, ante senectutem perijisse; vix quenquam nisi pietate insignem in ultimam ætatem peruenisse. Est autem rationi magis consentaneum ut principes, quàm priuati hoc mortis genere occumbant: priuatam enim vitam, utcunque ærumnis oppressam, multùm solatur nota rerum humanarum mutabilitas, quæ illam spe meliorum lætatam sustentat, ac fortunæ benigniori reseruat. At quibus omnia in manu sunt, & nihil in vitâ sperandum superest, cum ceteroqui grauissimis premantur ærumnis, facilè in mœrorem, luctumque, nullâ spe subleuante, merguntur.

Nec vulgaris pietas, quæ fortè vulgarem hominem securum præster, Principi tot iaculis impetito satis firmũ contra terrores munimentum est: in d. illos, altius ut descendant, iuuat. Ingent enim

G

Prin-

Tristis mors
etiã incri-
ta, dum a
tristitiâ pro-
cedat.

Mœrore cõ-
fecti Prin-
ces, quàm
priuati sæ-
pius obcũt.

Mediocris
pietas non
aufert, sed
auget Prin-
cipis mœ-
rorem.

Principi eius officium, ingerit officij negligentiam, ingerit sempiternas pœnas a supremo Iudice negligentiae statutas. Audi grauissimas Diuinæ Potentiae obiurgationes, & minas; deinde cogita, num qualisqualis pietas, eorum præsertim, qui *fidem Dei in iniustitiâ continent*, hoc est pios sensus impijs factis coercent, terrores minuat, an augeat.

Audite Reges, & intelligite. Discite Iudices finium terræ. Præbete aures vos, qui continetis multitudines, & placetis vobis in turbis nationum: quoniam data est Domino potestas vobis, &c: cum essetis ministri regni illius, non rectè iudicastis, nec custodistis legem iustitiæ, neque secundùm voluntatem Dei ambulastis. Horrendè, & citò apparebit vobis: quoniam iudicium durissimum his, qui præsumunt, fiet. Exiguo enim conceditur misericordia: Potentes autem potenter tormenta patientur. Vide, quàm insipienter, quisquis rerum potiris, places tibi in turbis nationum, a quibus habes nihil, nisi vt iudicium durissimum fubeas, vt fortiùs torquearis: & id effice per quàm diligenter, ne vnquam verba ista memoriâ dilabantur. Vtere diuinis comminationibus tanquã amico ad eas euitandas clamore. Recurrat sæpe nouissimus ille dies, quo coram Supremo Regum Domino, ac Iudice, potentissimi quondam Reges nudo latere palpitant. Si enim priuato cuilibet de vno se tantùm rationem daturò decretorium æternæ felicitatis, vel miseræ iudicium maximè terribile, ac formidandum erit, quanto magis cui commissæ fuerit infinita

Rom. 1. 18

3p. 6.

Obserua
hæc verba
qui Potentia affectas.

CAPIT QVARTVM.

31

finita populorum multitudo, quorum scelera Prin-
 ceps ubi permisit, commisit, de suo daturus pœ-
 nas, quas non exegit? illi enim præstanda sunt
 adulteria, furta, homicidia, sacrilegia, ac cetera
 id genus crimina, quæ ipso non coercente pullu-
 larunt: quid si etiam exemplo suo illa incitauerit,
 ac veluti benigno Solis aspectu illustrata calefecce-
 rit, & calefacta prouexerit?

Committit
 Princeps a-
 liena sce-
 lera, si po-
 tens impe-
 dire, per-
 mittit.

En igitur, ut ad propositum reuertamur, quò
 tandem sua Principem altitudo perducit; ut ni-
 mirum ad omnem terræ motum leuissimè omnium
 contremiscat; ut primus in Cœli iras, ac fulmina
 incurrat; ut (quod præ ceteris grauissimum est)
 e tantâ vitæ sublimitate, atque honoris altitudi-
 ne sine pari casu exire non possit. Summotis enim
 scalarum gradibus, per quos paulatim ascende-
 rat, descendere illi nisi per vnicum ac præcipitem
 saltum non licet. Quo circa eò mihi tandem eius
 omnis Potentia reuoluta apparet, vnde primum
 discesserat; nimirum ad summâ impotentiam, im-

Infelix hu-
 manæ Potē-
 tiæ circus-
 lus,

becillitatem, rerum omniū metum, ac su-
 spicionem; quorum altero ventura ma-
 la, obuiam procedendo, ante
 tempus excipiat; alterâ vel
 fictis, nec vnquam ven-
 turis malis verissimè
 torqueatur.



G 2

CA:

CAPVT QVINTVM.

Nullam solidæ quietis, ac felicitatis partem in Regum, ac Dynastarum aulis reperiri.

Despicit, qui
partē felici-
tatis in ser-
uitio infeli-
cis Domini
sperat.



Atis ex Superioribus liquet, quàm nihil ad huius æui felicitatem. Potentia possit: inde autem, æquè sit manifestum, quàm multum desipiant, qui ad Potentium aulas accedunt, ut ab ijs partem eius felicitatis accipiant, quâ ipsi Potentes ex toto carent. Attamen quia ad aulæ vestibulum tanta nihilominus cæcorum multitudo fortunam mendicantium cernitur; debitæ pietatis officio me defuturum putauerim, nisi accommodatâ manu miseros ab errore deductos studeam in viam rectam restituere.

Ades igitur quicumque Regum aulas diu, no-

tu.

Atque hæcenus suspirasti putans, te beatum fore, si coram Principe astare, si cum illo amicè versari, ac familiariter posses: tametsi ipsum utique sibi amicissimum, secumque perpetuò versantem miserrimum esse iam intellexeris. Puto, me tibi non ingratum fore, si priùs de regiâ vrbe, deque aulæ ingenio (eius tamen, unde exulet pietas, de quâ solâ ad operis instituti, propositum hîc agimus.) paucis te moneam, ne tyro veteranorum ludus ad aulam accedas. Ergo principem regni urbem tandin expetitam, vòtorum compos iam tenes, prosperæ scilicet fortunæ sedem, hõnoris, opum, ac voluptatis fontem, beatè viuentium, si famè credis, domicilium: fidem tamen quæso paulisper sustine, bone Adolescens, ne levis corde citò credulus audias. Etenim hoc primum nosse te decet, plùs mortem in regiâ istâ regnare, quàm Reges: his enim ius est duntaxat in subiectas gentes, morti etiam in illòs. De gentibus vero subiectis, quemadmodum nusquam tantam mortalium, ita nec morientium tantam copiam vsquam inuenies. Quotidie plures totâ vrbe elatos intelliges, & alios quidem in suo lectulo a morte oppressos, traditos alios alienâ manu iugulandos. In tantâ enim arma gestantium turbâ, & litigantium, & competitorum æmulatione vix fieri potest,

vt perpetuæ rixę non excitentur solâ rixantium morte componendæ. Iniustas autem cædes iustis publicâ auctoritate per carnificem cumulatâ non rarò spectabis. Sæpè etiam erunt, qui & carnifici, & iudici munus præripiant, laqueo seipsi de conscientia sententiâ suffocantes. Erunt & qui inextricabiles vitæ nodos ferro præscindant, vel qui de magnâ fortunâ ab æmulo pulsi in puteum sese; aut per abrupta demittant. Atque vt hæc vbique contingant, hîc certè crebrius, vbi præter causas vbique communes infinita ambitionum multitudo honorum magnitudine accensa, paucitate frustrata sapius in mortem desperantium perfugium præceps ruit. Quare vniuersam hanc ciuitatem, quam beatè viuentium domicilium credideras, quoddam esse regnantis mortis viuarium, vnde iam hic, iam ille ad deuorandum promitur, experimento comperies.

Ædium magnarū pompā nihil famulis, nisi curā affert.

His autem de regiâ Vrbe animo perspectis, in ipsas ædes antequam subeas, mentis oculos, an intus tuta sint omnia, exploraturos præmitte: ne vitam tuam ignoto vado, ac periculis credas inexploratis. Aspicies hîc ad sensuum luxuriantium delicias cuncta composita: amplas cœnationes, longissimas, ac nitidissimas e maculoso marmore porticus

cus, regios in cubiculis thoros, vasa aurea, argenteaque, signa, tabulas, mensas citro, atque ebore elaboratas, & quidquid denique alibi pretiosum ob raritatem admirationem habuit, hic vile ob multitudinem, & quasi in ordinem redactum admirationem cedit potentiae redigentis. Ea autem ubi mente lustraueris, cogita, eorum nihil ad te, postquam seruire coeperis, pertinere, nisi curam, ne tua culpa quidquam labefiat, aut corrumpatur; certus multos ex aula, nonnullos e vita quoque dimissos ob id vnum, quod vitrum fregerint, vel fellae, aut mantili labem asperserint. Ex tam multis autem, quae vides, cubiculis, illud tibi obuenturum puta, quod Domino tuo nullos usus, ne stabuli quidem, prestabit. Semper enim equorum prior, ac potior, quam tui cura erit in aula. Si tu aegrotaueris, alienum a dignitate putabit, te Princeps inuisere: at si equus decumbat, statim deuolabit in stabulum, & curas omnes in eius salutem, & ipsam famulorum valetudinem impendet: illos enim post diurnos labores tota nocte lucubrare ad belluae curam iubebit. Quin sedulo etiam cauendum tibi erit, ne cum domestico catulo litem vnquam instituas: si enim ille querulus ad Dominum prouocabit; causa sine dubio cades: illi humanitas, tibi debita; tibi baculus, illi debitus, adiudicabitur: osculis ille, & complexu in sinum excipietur; tu foras fuste, & clamoribus abigeris, ut canis. Proinde si Principis beneuolent-

Equorum
potior, quam
aulicorum
Principi cura.

Maior earuli, quam serui ratio.

Principis
beneuolen-
tiam aucu-
pâti equo-
rum, & ca.
nû induen-
di mores.

Iun. sat. 3.

Nec tuta,
semper ea
via est.

Iaus traxi-
mè pluer,
cui min mè
debetur.

lentiam tibi cupis adiungere; eam tunc fortè ob-
tinebis, cum equinos, caninosque mores indueris.
Ferendum silentio erit, equorum ritu, quidquid
fuerit impositum, & catuli instar domino vel cæ-
denti blandiendum. Omnia illius cum plausu, &
gratulatione excipienda erunt: lingenda prope di-
xerim canis instar purgamenta oris. Ita suos face-
re solitos, non sine stomacho affirmabat Mauri-
tius Saxonum Dux, qui se non semel laudatum,
ab ijs audierat, *si bene ruerasset*, quin etiam si na-
turæ sordes cumulatè exegisset. Quare nec tuta,
ut vides, ad Principis beneuolentiam via adula-
tio est, præsertim si is ingenio acer adulationem
a verâ laude discernere queat: apud hunc, qui
catulos imitatur, inter catulos recensetur, quos
importunè blandientes calce etiam, si opus fue-
rit, summouebit. Fama est, Constantinum Ma-
gnum, Regiæ domus mures, ac tineas, appellare
solum Adulatores, ut qui omnia clanculum suo
ore vitarent: item Vladislaum Poloniæ Regem,
adulatori colaphum inflixisse cā subiectâ roganti-
bus responsione; *Par pari refero*. Par scilicet co-
lapho dedecus Viro principi ratus adulationem,
ut quæ puerile eius ingenium, talibus captandum,
significaret. Illi solùm laudibus delectantur, qui-
bus minimè debentur, gratæ nimirum quibus gra-
tuitæ: & quidem tam effusas eorum nonnulli exi-
gunt, ut sæpe patientiùs ferant hostem impuden-
ter conuiciantem, quàm famulum parcè, ac ve-
recun-

recundè laudantem. Putant enim, modicam a famulo laudem materiæ inopiam declarare: proinde magis esse probrosam, quàm immodicam ab hoste contumeliam, quæ suo quodammodo sese impetu frangit, ac perdit, nullâ fide apud auditores inuentâ. Sunt & qui laudem amant, tametsi apertissimè falsam, ut quæ verum illud, quo superbiunt, vim, ac potentiam significet. *Laus vera*, inquit, ut olim apud Senecam Atreus, & *humili saepe contingit viro: non nisi potenti falsa*: ipsamque sordidam adulandi abiectionem pro obsequio sumunt, exiguntque, ac danda denique est, si quid ab ijs auferre desideras.

Sen. in
Thyes.
Act. 2. sc. 1.

Vide quid egerit, quid tulerit Aristippus, ut Dionysium Tyrannum captaret. Is cum Regem pro amico aliquando interpellaret, nec ab eo post multa in fauorem amici dicta audiretur (pudebat enim Tyrannum, tanquam probrosæ infirmitatis, vel rationibus cedere) eius pedibus aduolutus precibus tentare cœpit, quem consilio, & ratione ab se nequaquam expugnari posse animaduertat. Id verò factum arguenti cuidam, ut Philosopho indignum; Non mihi, dixit, id crimini dandum, sed monstrosæ hominis peruersitati, qui aures habet in pedibus: mihi loquendum fuerat, ubi me noueram auscultandum. Idem & conspui ab eodem Tyranno æquo animo tulit: amicis verò indignantibus, Piscatores, inquit, ut Gobium capiant, se patiuntur aspergi; non ego patiar, ut Cetum? De-

Aristippi
deiectione in
obsequium
Dionysij.

Laert. in
eius vit.

H

niquè

Quanti
Aulico Pr
cipis bene-
uolentia cō-
fiter.

Sen. l. 2. de
ira c. 33.

De conf.
Phil. met. 1.

Aulicorum
munera in-
iurijs gra-
uiora.

Æn. 6.

Eorū dē dif-
ficillima vi-
uēdi ratio.

nique vt probè teneas, quanti flet Principis gra-
tia comparare volentibus, illa eius tibi vox oc-
currat, qui cum in cultu Regum, Senecâ teste,
consenuisset, rogatus, quo pacto, rem rarissimam
in aulâ, senectutem consecutus esset; *Iniurias*, in-
quit, *accipiendo, & gratias agendo*. Eâdem quoque
tibi viâ reptandum erit, vt ad Domini gratiam
euadas, canosque in aulâ, nec malis properatos
inducas. Sæpe enim, vt eleganter Boetius, *Venit
properata malis inopina senectus, & dolor ætatem iussit
inesse suam*.

Præter iniurias tamen, grauiora fortè, saltem
ob diuturnitatem, ac defatigationem, tuum tibi
munus (ita Latinis dicitur iniunctum quodlibet
officium, scitiùs Italis Onus) citra iniuriam impo-
net: præsertim si nobili loco natus inter aulæ Pri-
mores admitti cupis. Illud enim in animo tuo
statuendum; antequam vlla tibi momenti alicuius
administratio committatur, maximam vitæ partem,
& fortè, vt quamplurimis accidit, omnem, se-
dendo, expectando, nihil agendo, ante Domini
cubiculum traducendam. Quod vitæ genus homi-
ni non prorsus inepto stolidoque tam molestum
est, vt Poeta, verisimilium apprimè studiosus, il-
lud inter præcipuas Tartari pœnas recensere non
dubitauerit: *sedet, inquit, æternūque sedebit infelix
Theſeus*. Ad hæc comedendum tibi erit, non cum
valida atque integra fames cibum exegerit, sed
cum languida recusauerit: & loco sui condimenti,
quod

quod iucundissimum esse solet, amarissimam bilem diu frustrata parauerit. Dormiendum, non cum tibi, sed cum Domino tuo somnus ingruerit, & a te fortasse ob impatientiam recesserit. Post illum cubitum ibis, ante illum exurges, vt ei expectato subuculam (quod magnum tibi decus erit), aut thoracem, aut caligas, aut calceos ministrare possis in tempore. Denique eo loco tu apud Principem eris, quo apud te famulus tuus, hoc dempto, quod tu ingenuum ac liberum caput seruituti subijcies, ille seruale. Seruies tu quoque infimo, vbi res postulauerit, ministerio: mercedem accipies, plerunque tamen tam parcam, vt nec decenti Dominum pallio (in quod tota eadem Domino restituenda erit, eiusque honoribus impendenda) suffectura sit: interdum nullam, & mercedis loco spes computabitur. Denique, quod præ reliquis durissimum erit, quotidie ad hoc paratus esse debes, vt domum tuam ab aulâ dimissus repetas, habeasque seruitutis fructum, parum decoram ipsius dimissionis notam Principis indignatione in reliquum ætatis inuistam.

Merces exigua, totaq; domino restituenta.

At tanti est, Potentis gratiam demeruisse, vt sudem, vt algeam, vt damna quælibet, ac pericula subeam: nec defuturas mihi artes spero, quibus me Principi necessarium, reliquis famulis perutilem ostendam; itaque prouidum mihi sit, obiecta pericula deuitare. Illum tam multis officijs, meritis, muneribus mihi obstringam, vt parem mihi gra-

Aulæ artes parum felices.

Periculosa
Potentium
gratia.

Aulicorum
inuidia.

tiam referre non possit, nisi referat summam: aut saltem, ita me in eius arcana penitus insinuabo, vt eorum conscientia, ne me offendat, terrorem inijciam: istis verò meam fortunam, promissa communicatione, optabilem faciam; & quā munusculis, quā mendacijs, tumidos eorum inuidiæ fluctus vel componam, vel eludam. Primum non modò gratiam a Potentibus, verum & Potentiam ipsam assequi, tanti non esse, satis in superioribus demonstraui. Deinde fac, te quotidiano obsequio, atque assiduis laboribus Dominum tuum demeruisse, ab eoque gratiam vnâ cum censu magno, atque in vulgus auctoritate comparasse, quid aliud, nisi per minora in maximum, extremumque periculum deuenisti? illud nempe, vnde præcípites excidere Amanus, Seianus, Ablauius, Rufinus, Eutropius, alijque propemodum innumeri, qui vbi se diademata inuenturos arbitrabantur, ibi laqueos, & exitium inuenere. Quàm multorum vertici insistentes, tam multis eris intolerabilis, totidemque hostes habebis, contra quos collatis odijs, consilijsque decertantes tibi depugnandum erit. Tua omnia dicta, factaque obseruabunt: praua mordebunt: ambigua in deterius trahent: vtraque fabricandis ex falso calumnijs adminicula assument: tuo semper imminebunt exitio, nec vnquam abs te vrgendo abstinent, dum solo æquatum conspexerint. Tu enim per aliorum ruinas in fastigium istud deuenisti, alij per tuas ascendere conabuntur:

tur : & quo maior eris , eo altioris ascensus de tuæ fortunæ fragmentis spem illis facies : atque hæc est aulæ quotidiana exercitatio ; bellum intestinum , cum domesticis gerere , tam fœdum , quàm cæcum , totumque per insidias , & cuniculos occultatum . Quare nullam ibi amicitiam inuenies , nisi in speciem , quæ , pessimum inimicitia genus , caput blandè demulcet , vt consopitum abscindat .

Quod verò attinet ad artificia , quibus tibi Principem simul , & conseruos obstringere meditaris , valde a proposito aberras ; quæ enim captando Principi vincula paras , eadem tibi laqueos nectis imprudens . Primùm caue , ne nimium se tibi Princeps obstrictum putet ; nihil enim summæ libertati intolerantius , quàm astringi , ac premi : ijs te oculis semper aspiciet , quibus debitor exactorem : & ne pauperis notam incurrat , occultas simulabit offensas , ob quas te ex aulâ dimittet , iactabitque , solâ impunitate , ac vitâ dimissâ satis abundè tua esse beneficia compensata . Deinde magis etiam timendum tibi erit , ne ob arcatorum conscientiam timeat te Princeps . Haud enim te animo offensum dimittet , sed exanimatum , tecumque arcana tibi cõmissa sepeliet . Et si tua in eum merita notiora sint , quàm vt dissimulari possint ; ne palàm Ingratus audiat , parato in tempus veneno negotium transiget : deinde mortuo largiter exoluet , quos viuenti debuit honores ; illud fortè Caracallæ Cæsaris in Getam fratrem ab se inter-

Aulicarum
artium vani-
tas, & cõ-
trarij ex-
tus.

Timenda.
Principum
debita.

Et magis
credita ar-
cana.

Mendacij ve-
lamentū in-
felix.

interfectum, & consecratum vsurpans; *sit Diuus, modò non sit viuus*. Conseruos verò tuos valde arduum erit munusculis delinire, qui sibi abs te raptum putant quidquid de communi fortunâ plus possides; & si muneribus mendacia misceas, munera ipsa inter mendacia numerabunt, tanquam amorem sui præferentia, tui occultantia. Fieri enim haud potest, qui sæpe mentitur, eum aliquando non deprehendi: semel autem deprehensus, semper erit de mendacio suspectus, & fortè verissimè mendax etiam cum verum dicet, quia dicet, vt sibi fidem colligat mox mentituro. Quare se magis, quàm alios fallunt, qui dolo, ac fraudibus rationes suas procurandas committunt: siquidem amissâ fide societas omnis dirimitur, sine quâ nulla nostra machinamenta, alienis humeris ferenda procedunt. Nunquâ exitus bonos vulpina inter homines fortitur astutia, belluis ceteroqui deludendis sufficiens: sed sola prudentia successu gaudet. Hæc tamen cum sine pietate eius magistrâ, ac duce non sit, rarò inuenitur in aulâ, a quâ *exeat* necesse est, si prouerbio credimus, *qui vult esse pius*.

Sola Dei
seruitus ma-
ximè hone-
sta, utilis, ac
iucunda.

Hæc omnia reputa antequam te aulæ commit-
tas; & vide, an rectam viam inieris, quâ ad fe-
licitatem peruenias: an potius alia quærenda tibi
aula sit, vbi Rex ille Regum dominetur, qui ser-
uos omnes in filios adoptat, & seruitutis pretium
cœlestis Regni consortium statuit, cum eâ præsen-
tis gaudij accessione, quâ par est eum gaudere,
qui

qui tanti Regis e seruo filius ad superni Regni coronam se nouerit educari. Quod tamen cum tibi firmiter persuaferis, illud ad extremum monenduses, non deesse hodie pios quosdam Dynastas, qui Pietatem secum, quin & in se regnare voluerunt. Huiusmodi si Deus dederit ut aulam inuenias, non quam haecenus descripsimus, sed Diuinam ipsam, quam magnoperè suademus, inuenisse te puta.

CAPVT SEXTVM.

Felicitatem huius vitæ gloriâ
humanâ, ac nominis celebri-
tate minimè constare.



Vemadmodum futuræ vitæ sempiterna gloria, sempiterna felicitas erit; ita fortè sibi quis persuaferit, huius vitæ mortalis gloriam huius esse vitæ mortalis felicitatem. Id maximè confirmare videtur Principum Virorum

irrequieta semper gloriæ, bonæque opinionis in vulgus parandæ sollicitudo. Huc enim cunctis potentiæ viribus, huc opibus, huc belli, pacif-

Gloriæ cupiditas quâ mortalibus cunctis committitur, ac vehemens.

pacisque artibus Reges omnes incumbunt. Quousque nomen suum saxi omnibus posteritati seruandum nequaquam commiserint; nullum e Regno se cepisse fructum existimant, seque veluti futuris seculis emortuos desiderant. Quale igitur decus, cui comparando sua Regna, seque ipsos vniuersi Reges impendunt? Qualis iucunditas, sine quâ regia fortuna, cunctis voluptatibus affluens, mœret, ac luget? Accedit totius humani generis planè effrænata gloriæ cupiditas, cuius stimulis incitati complures in mortem eo sese vultu præcipites agunt, qui ad immortalitatem migraturis congrueret: tam lati rogam insiliunt, quàm qui animo, ac spe transiliendi, de fortitudine gratulationes accepturi. Denique tanta cunctos sui nominis publicandi tenet ambitio, vt ne illi quidem eam excussisse videantur, quorum de contemnendâ gloriâ extant volumina. Iis enim, vt Tullius in suæ ambitionis patrocinium notauit, sua nomina inscribere: tanto scilicet plus ceteris laudis ambitiosi, quanto eiusmodi scribendi genere eam ab ambitionis notâ purgatam maluerunt.

Or. pro
Arch. poe.

Cur aucto-
ris nomen
in scripto,
vbi de cō-
temnendâ
gloriâ agi-
tur.

Hoc mihi, antequam vltra progrediar, diluendum crimen est: ne ipse quoque, cuius nomen huic libello præfigitur, in suspicionem veniam, eodem conatu me gloriam captare velle, quo insector, videlicet venator, non hostis. Primum is mihi testis est, qui arcanis omnibus consilijs interest, me suppresso nomine, quos scripsi libros, edere

edere voluisse : at per eos nequaquã licuisse , quibus edendorum librorũ cognitio incumbit . Hi enim sanctissima Tridentinæ Synodi decreta secuti nulli quosuis libros de rebus sacris sine nomine auctoris imprimendi potestatem esse volunt : hoc scilicet sapienti consilio , vt si quid prauæ doctrinæ in publicum prodierit , is qui protulit , statim conueniri queat , cogique , vt vel datis rationibus destruat obiecta , vel datis pœnis errores , ne in publicam perniciem serpant . Itaque non auctor , sed reus tutandi operis citor , pœnas , si quid de meo apposui , non laudes , si quid de alieno rectè dixi , relaturus . *Quid enim habes* , inquit largitor omnium Deus , *quod non accepisti ? Si autem accepisti , quid gloriaris , quasi non acceperis ?* Impudentissimæ frontis est , tanquam suum in eo cœtu recitare carmen , vbi auctor inter auditores confideat . Huic me crimini minimè eximerim , si Deo inspectante , qui Boni omnis est auctor , libellos istos tanquam meos spargi , ac recitari voluerim . Certò enim mihi constat , alias meas partes in ijs scribendis non fuisse , nisi librarij dictata excipientis , & sæpe malè audita deprauantis . Si quid in ijs erratum , si quid ignoranter dictum , hoc tantummodo meum esse noui , cetera Deum habent auctore . De reliquis verò Scriptoribus , quorum libri de gloriæ contemptu circumferuntur , si Christiani sint , simili aliquã de causâ in eam mentem impulsos credere iuuat , vt sua nomina libris inscriberent . Fortè qui ijs præerant , intelligentes ,

1. ad Cor.
4. 7.

res, vtiliora fore documenta, si eorū nomen præferrent, quorum vitæ sanctitas vtilia fuisse demonstraret; ad illud præfigendum subiectos sibi Scriptores adegerint. Fortè his vitâ functis additum in librorum commendationem, & pretium fuerit. Certè non defunt, quorum nomina adhuc sub Anonymorum pronomine delitescunt. De ethnicis verò non habeo, quod ethnico Scriptori Tullio, se suosque probè noscenti opponam. Illis enim vana præsentis gloriæ imago, futuræ, ac veræ, quam desperabant, locum obtinuit: quippe ad eam omnia referebant, & quidquid ab ijs honestè factum legimus, ex humanæ gloriæ cupiditate manuit: quin etiam non aliud illis erat honestè factum, nisi quod publici honoris auctoramentum honestaret. Quare credibile est, vias omnes maximè occultas, & sæpe ceteroqui turpes tentasse, quibus ad gloriam euaderent: nec turpem vllam, aut ingloriam habuisse viam, quam ipsa gloria terminaret.

Iam redeamus ad institutum. Quantâ Cœlum magnitudine Terram, tantâ Cœlestis Gloria terrenam exuperat. Punctum est Terra, inquit Seneca, si cum Cœlo conferatur. *Laus impiorum brevis, & gaudium hypocritæ ad instar puncti*; inquit Diuini Numinis Spiritus, cui hypocrita est, Impius quilibet laudibus cohonestatus. Vides hîc vt Humanæ Diuina concinat Sapiencia: nam si Terra vniuersa punctum est, vtique cuncta eius ornamenta, laudes,

des, & gaudia puncto maiora esse non possunt.

An dubitas Senecæ fidem adiungere, quodd vi- Terra puncti auctori-
tate, & ra-
tione niti-
tur.

deas illum tā sollicitè suas concinnare sententias, vt ijs adornandis leue ducat terrarum orbis impen-

dium, illum extenuans, vt ad suos vsus coarctet?

At idem antea senserat Aristoteles, idem vete-

rum Philosophorum plerique; qui ceteroqui terram

Communis Matris nomine venerabantur. Saltem

non dubitabis, nisi tuos etiam tibi oculos credas

imponere, quin vnumquodque ex ijs sideribus,

quæ aciem fugiunt, & vix diu fatigatam admittunt,

instar puncti, cum vniuersa Cœli amplitudine col-

latum, obtineat. At certissimis Astronomorum in- Claus. in
sph. 1o: &
Sacr. bos.

strumentis constat, minimum ex illis, quæ sextæ

magnitudinis dicunt, ampliùs decies, & octies ter-

reni orbis modum excedere. Si igitur minimum

fidus ad Cœli amplitudinem punctum est, Terra

tot partibus eo sidere minore puncti quidem vo-

cabulum æquabit.

Quantulam porrò terrestris huius puncti, seu ato-

mi partem fama nostri nominis occupabit? Cer-

tè Alexander Macedo, cuius rumorem tot urbium

ruinæ, ac pereuntium gentium clamores fecere,

innumeros Asiæ, Africæ, atque Americæ populos

tam ignotus latet, quàm nos potentissimi quique

eorundem populorum Reges. Igitur si Alexandro,

cui nihil intentatum relictum ad sui nominis glo-

riam propagandam, minimè licuit angustum hoc

Terræ spatium suo rumore complere; quid reliquis,

1 2

priua.

Puncti huius
minimam
partem cu-
iusq; magni
nominis fa-
ma occu-
pat.

Ad tempus
etiam facis
breue por-
tigitur.

Ex Possen.
in exord. ad
Bibliot.

Pli. hist. nat.
l. 36. c. 12.

Egyptiacas
Pyramides
quidam co-
struxerint,
et illi igno-
rantes

privatis præsertim hominibus, sperare licebit, qui Regum instar vectigalem, servamque famam non habent? Præterea quandiu, putas, fulgebit hæc tam minuta, punctoque minor gloriæ scintilla? Profectò triginta illi Reges, qui post Ninum huius nominis alterum amplissimo Assyriorum Regno potiti sunt, ne nomen quidem suum ad hæc usque tempora, quin etiam nec ad vetustissimorum, quorum nunc scripta legimus, Historicorum ætatem protulere. Historiam Plato, labentium rerum fluxum ut sisteret, adinuentam dixit: at elegantius, quàm verius, nam ipse rerum fluxus sua secum abducit historiæ repagula. Auctor est Plinius, Egyptios quosdam Dynastas tam immanes, planèque insanas corpori suo, magisque nomini post mortem tuendo extruxisse Pyramidum moles, ut vix fides illis futura esset vlla, nisi eam complurium, & nobilium Scriptorum præstaret auctoritas. Trecenta sexaginta hominum millia illarum vnam fabricasse tradit; in quorum cibum factos tam ingentes sumptus, ut in solas capas, allium, ac raphanos mille octingenta talenta fuerint erogata. Octo soli iugera basis obtinuit, cuius latera singula, inter quaternos angulos pariter oblonga octingentos octoginta tres pedes excurrebant. Hæc autem, atque alia eiusmodi, ubi de Pyramidum reliquis exposuit, inter omnes Historicos (enumerat autem duodecim, quorum tamen monumenta nulla nunc extant) minimè constare ait, a quibus fue-
runt

tint fabricatæ, *lustrissimo casu*, dicens, *obliteratis tante vanitatis auctoribus*. *Providentiâ* tamen, si nosset, dicere debuerat, non *Casu*, cuius non est res tam providè administrare, ut rectiùs *providentia* non posset. Fuit quidem qui ad hæc vsque tempora, nomen suum infinito adhibito conatu porrexit: quid autem? num & cum antiquo splendore, ac laudibus proferre licuit? an potiùs eius famæ accidit, sicut glandibus tormentorum, quas cum fulgore dimissas fumus tantummodo comitatur, & quæ fama venerat, fumo obscurata, infamia peruenit? Profectò Alexandri nomen grandis eo vi-
uente strepitus pari cum splendore in omnes partes dimisit: ad nostras autem aures planè, ut æneus globus, cum fulgore discessit, cum horrore peruenit. Laudant indocti, exornant in scholis pueri, atque ad illorum vsum ludimagistri; at sapientissimus quisque tanquam humani generis pestem auersatur, ac damnat, ut qui immanissimæ superbix suæ infinito innocentium populorum sanguine litandum duxerit.

Alexandri
indocti lau-
dant, docti
reprehendunt,

Ex ipsis verò imperitorum laudibus satis apparet, quàm nullius sit ponderis aura popularis, quàm leues sint quos illa attollit, apud quos inter grauissima computatur. Quid enim leuius, quàm bonam inter eos opinionem quærere, quibus optima semper de pessimis, pessima de optimis fuit? Quid præterea bonæ opinionis esse queat in tam stultis capitibus, quorum sententijs sanctissimos quosque viros in crucem

Leuis aura
popularis,
leuiore,
quos attol-
lit.

cem actos, turpissimas quasque belluas in regiones
thronos euectas constat? Huiusmodi ego homines
meæ felicitatis arbitros constituam? Ita ut mere-
re debeam, si de me malè senserint, gaudere &
gloriari, si bene? Ego verò ne nuce quidem vitio-
sà, ut aiunt, tantum vanitatis emendum duxerim:
nec virtutis, aut excellentiæ argumento dandum,
sed stultitiæ, excipi a stultis cum plausu, atque co-
rum gratantium coronâ circumdari. Præclarè Pho-
cion ille Atheniensis, cui cum ad concionem di-
centi subitò populus acclamasset, conuersus ad
astantem rogauit, num fortè aliquid delirasset, aut
verbum quodpiam imprudenti excidisset, dignum,
cui populus insipiens tantâ acclamatione adhinni-
ret? Præclarè, inquam, delirantis turbæ fauorem
in dicentis deliria traxit: quippe optimè norat,
neminem nisi genio ac moribus suis gratulari; nec
probare quidquam in ceteris, nisi si quid de suo
in illis agnoscat.

Phociō po-
puli plausū
sui erroris
argumentū
credidit.

Sfort. Pall.
l. 2. de Bo.
no. c. 16.

Memini me aquid nobilem Scriptorem hoc insu-
per ad firmanda, quæ diximus, bellè factum inue-
nire. Italo cuidam erat in Galliam per Alpes ali-
quando iter: fortè fortunâ contigit, ut in oppidum
quoddam montibus arctè circumseptum, ac pro-
pe sepultum diuertisset: vbi Cœlum tres ferè non
amplius vlnas patens lucem non nisi malignam,
ad suas incolis miseras obiectandas ministrabat.
Inde autem halitus crassiores eorum omnium gutturi
enormis, ac visu fœdi tumoris accessionē fecerāt.

Ade-

Aderant in viâ, quâ viatori transitus erat, lufitan-
 tes pueri, qui simul eum consueto ibi gutture
 carentem inspexere, lusu relicto mirabundî, veluti
 ad monstrum accurrere, pro se quisque propiùs
 accedere, ac circumfundi: mox ridere inter se, ac
 ioca alter alterius in aurem insusurrare: nouissimè
 abeuntem illum vocibus palàm sibilisque sublati
 a tergo procaciter insultare. Quâ petulantiâ, &
 contumelijs vbi se peti viator animaduertit; mi-
 ratus est, se a tam ridiculâ homuncionum colluie
 irrideri: cumque iam fronte ad iram contractâ
 eos toruè, ac minaciter intueretur, vultum tan-
 dem explicare, atque iracundiam omnem in risum
 effundere compulsus est. Audijt enim matres, ad
 puerorum voces excitas, natos sollicitè euocantes,
 monentesque seriò, ne alienis calamitatibus pro-
 caces, Deoque ingrati insultarent: quin potius
 Superis gratias agerent, quòd se præ arumoso
 illo, ac môstroso viatore omnibus membris abso-
 lutos nasci concesserint. Ita planè res est: Assue-
 tudo, ac familiaritas nostra nobis vitia conciliat,
 quæque diu in nobis probauimus, probare in alijs
 didicimus, reprehensuri tanquam mancos, qui no-
 stris deformitatibus careant.

Monstrosi
 ob assuetu-
 dinem tan-
 quam mæn-
 cos irridet,
 qui suis de-
 formitati-
 bus carent.

Hæc famæ popularis conditio est: nonnisi indo-
 cta, rudis, plebeia esse potest, quæ rerum æstima-
 tionem ab indoctæ plebis sensu desumit. Lon-
 gè præstat ab hac reprehendi, quàm commendari:
 nam cum inter Sapientes constet, suis eam ma-
 ledi-

Reprehen-
di a vulgo
prestat, quā
commēda-
ri.

Ut crucem
e fractu, ita
cōtumelias
Xpus hono-
rauit: con-
tra honores
suo vsu pes-
simi homi-
num infā-
marunt.

ledictis solitam, virtutem accipere; virtutem, eius
maledicta, non vitium, nisi maledicentis, signifi-
cant: quemadmodum & laudes ad turpissima quæ-
que commēdanda dicatæ, iam ex vsu, & perpe-
tuā obseruatione turpitudinem indicant: ac proin-
de inquinat sordidæ huius famæ lingua, quos lam-
bit. Malo, me ab eâ palàm mendaci improbum
vnà cum Christo humanæ salutis auctore, quàm
Diuum cum Tiberio, cum Nerone, cum Caligu-
la, ceterisque generis humani propudijs, nuncu-
pari. Christi membra crucem tangendo ex infā-
mi supplicio eximix nobilitatis insigne fecerunt;
quidni eadem suo contactu reprehensiones, irrisio-
nes, contumelias honorauerint? Atque e contra-
rio quidni teterrimi hominum, quos gessere ho-
nores, laudesque, ac denique vniuersam gloriam
humanam suo vsu profanauerint, ac planè infama-
uerint? Mihi certè fama in pessimos mortalium
adulandos prostituta eo loco est, quo vilissimi scor-
ti acclamatio, & plausus. Ab hoc enim laudari
tam pudori est, quam olim suo fuit amasio mere-
tricula quædam, quæ illi inter Romanæ Curix Pur-
puratos cooptato festis ignibus in sua domo, to-
tâque viciniâ gratulata est. At multum interest,
inquies, inter meretricium plausum, & famæ, quæ
generis humani vox est, prædicationem. Mihi cre-
de, quin potius Deo per Ioannem loquenti; non
plùs distat, quàm a meretrice magnâ, *quæ corrumpit*
Apoc. 19.2. *terram in prostitutione suâ*, distet ignobilis meretri-
cula.

cula. Meretrix magna, Augustino interprete, gens hominum vniuersa est, quæ olim, legitimo Sponso suo vero Deo relicto, Dijs adulteris, seu Diabolo in ijs latenti se vitiandam prostituit, ac deinde vitiosis opinionibus posteritatem omnem corripit: quid igitur indecora, ac probrosa eius acclamatione delecter, atque elatus, ac resupinus incedam? Quis sanus eâ humanam constare felicitatem, quæ summum bonorum est, pronunciet? Nunquid aliud ab eiusmodi plebeijs rumoribus assequi possum, quàm quod passim iactetur, me stultæ plebeculæ non displicere? Non melior sum, quia dicor; nec Sapiëntia mihi, nec pulchritudo, nec robur accedit ex alienâ vel opinione vel voce. Vbi me amplissimis verbis exornatum audiui, non aliud didici, nisi me habere amicos vel deceptos vel deceptores, qui laudando, quæ mihi deesse, testis oculatus video, inopiam meam mihi in memoriam reuocant, & vt id non agant, obiectant. Domum redeo idem, qui veneram, cum meis morbis, angoribus, ærumnis, dempto tamen grato illo auræ popularis susurro, qui meos ictus, ac vibices afflabat: quanquam & iste idem laudis susurrus tã leuiter cutim præteruolat, vt ne culicem quidem ex eâ diffilare valeat: fac enim me lenissimo quolibet animi morfu perstringi; nulla vnquã dolorem meum mitigabit gratulatio.

Denique nihil ambizioso infelicius, qui ex alienâ semper sententiâ pallidus pendet, totidemque

K

mor-

In Pl. 16.
enarr. 2.

Nemo me-
lior, quia
dicitur.

- Ambitiosi
omniū iudi-
cio, ac do-
minio, & si-
ne mercede
se subdant.

mortalium veretur vt iudices, quot obuios ha-
bet. Servire omnibus cogitur, qui suæ famulatur
dignitati, cui tuendæ nonnisi publici fauoris con-
sensus par est, perdendæ priuati cuiusuis iniuriæ:
& , quod miserrimum est, tam operosæ seruitutis
mercedem nec vnquam petere potest, vt quæ pe-
tentibus negari soleat, ac tribui recusantibus; &
si vltro detur, nunquam ita obtinere valet, vt sui
iuris efficiat: non enim alienæ mentis bona de no-
bis opinio, quæ ambitiosi laboris est merces, vn-
quam in nostrum transire potest arbitrium.

Eccl. I. 15.

At plerique mortalium vel impendio vitæ fa-
mam conquirunt. Quid proinde? etiam æternæ
vitæ pretio a nonnullis paratur: num propterea
æternæ vitæ præferendam dixeris? An dubium
tibi est de Diuini illius Oraculi veritate: *Stulto-
rum infinitus est numerus?* sin autem dubium non
est; dubitas forsitan, quin ad infinitum numerum
implendum, quâcunque hyperbolem illam inter-
pretatione castiges, requirantur mortalium ple-
rique? Quod si tandem huiusmodi homines, qui
vitâ famam redimendam censent, inter sapientes
collocandos contendis; crede hoc illis saltem vt
sapientibus, quod sanum neminem latet; Fa-
mam, quæ huius vitæ iacturâ comparatur, esse
non posse huius vitæ felicitatem.

Vitæ feli-
citas parari
nequit vitæ
iacturâ.

CA-

CAPVT SEPTIMVM

Corporis voluptate nequaquam hominis in hac vita felicitatem contineri.



Vderet fanè, inter homines hanc instituere quæstionem; An vbi pecudum, ibi & hominum felicitas sit; nisi totum sibi pudorem aliud nostri generis dedecus longè turpius vindicaret: nimirum tam multos e nostro hominum genere voluptatibus abductos passim inueniri, qui pecorum partes, non disputando, quasi de re dubiâ, sed viuendo tueantur. Nullum vitæ institutum præ Epicureo frequentiores habuit cultores. Ante Epicuri exortum iam toto terrarum orbe Epicurei sine pallio debacchabantur, qui, Epicurei ante Epicurū, vbi ille prodijt, & voluptatem prædicare cœpit, libentissimè nomen ei suū dederunt e Bacchantiū Albo inter Philosophos transcribendum; gratiam illi maximam habuerunt, quòd suas voluptates pallio tegeret philosophico, eoque probum illis detraheret, vnde plurimū dilueretur. Sic fecerunt suo Luthero Lutheriani, Calvinistæ Calui-

K 2

no,

Gaudet,
suis flagi-
tijs Philo-
phiã, atque
Euangelium
inscribi.

no, Zuingliani Zuinglio, ceterique suis Ducibus nostri temporis Epicurei: qui gratissimi illis fuere, quòd furta, rapinas, incestus, adulteria, quæque alia vocari antea flagitia agrè tulerant, *Euangelium restitutum* nuncupauerint: quo nec vocabulo contentus Michael Molinos commestationibus suis, suorumque sectatorum, & ebrietatibus, & cubilibus, & impudicijs *Altissima* etiam *contemplationis*, ac *Theresiana Quietis* titulum nuper inscripsit. Itaque mortalium nequissimi Christi Seruatoris imaginem Epicuro velamen obtendunt, minùs offensus, si impudentiùs peccarent: saltem non cohererent epicureis libidinibus Christum lenocinari. Nihil autem his in cathedrâ pestilentia sedentibus magistris æquè tantam auditorum frequentiam conciuat, ac promissa discipulis, non in futurâ, sed in hac vitâ, & vbicunque voluerint, repræsentanda felicitas. Igitur vt seductos populos reuocemus, opus est, suum illis errorem ob oculos po-

Voluptas
pecoribus
bonorum fi-
nis, homini-
bus malorū
initium.

Nisi eam te-
perantia in
officio cō-
tineat.

nere; ac monere, in corporis voluptate æquè statutum esse pecoribus bonorum omnium finem, atque hominibus malorum omnium initium: vltimum nempe gradum ad quem bruta possunt ascendere, primum per quem homines in bruta descendunt. Quod tamen cum hac exceptione intelligendum, censemus; nisi temperantia voluptatē ad munus illi a naturâ præscriptum coerceat: nimirum ad vitæ necessaria condienda, nobisque secus fastidituris commendanda. Optima enim sunt condimenta, si

ci-

cibum concilient; pessima, si præstent: videlicet prodest saccharum, vbi cœnam inspergat; interficit, vbi vniuersam efficiat. Ita sanè voluptas, si seruiat nostræ infirmitatis remedijs mitigandis, utilis, & probabilis est; si suo iure, nullisque legibus astricta veniat, venenum affert post accibos dolores interfecturum.

Igitur, vt huius rei altiùs, & a suo fonte, vbi liquet, veritas educatur, hoc primùm statuendum est; Nihil homini acerbius contingere posse, quàm vt ex homine in pecudem transeat, suis, vtcunque voluptatibus affluentem. Vtique si oculis nostris huiusmodi metamorphosis obijceretur, lachrymas non teneremus; quando vix pudore cohibente tenuimus, cum apud Poetas audiuius, & credidimus fabulosas. Quid? num Diuinis oculis minus fidei, quàm nostris, eorumque testimonio vis minor erit ad nos commouendos, quàm fabulis Poetarum? At certè in Sacris Litteris passim occurrunt Dei testimonia, quibus homines ventri, ac libidini dados, Canes, Porcos, Equos, Mulos, Lupos Dominus appellat. Vtique hæc ad similitudinem, non ad veritatem dicuntur: at similitudo cum mutis animalibus, non veritas, quæ in hominem cadere nequaquam potest, illius summa turpitudine est; vbi præsertim tanta similitudo sit, vt alienos oculos fallat, idemque intuentibus vocabulum suggerat, quod visis belluis occurrit. Quid enim imaginem Diuinitatis sortito turpius,

Matt. 7. 6.
& 15. 26.
2. Pet. 2. 22.
Tob. 6. 17.
Ps. 31. 9.
Matt. 7. 15.
& 10. 16.

ac

ac miserius euenire queat, quàm quòd vsque adeo ad belluarum speciem accedat, vt non modò a lusciosis hominibus, verùm a summâ Dei Sapietiâ inter belluas computetur?

Voluptati-
bus deditus
belluis mi-
serior.

Adde, quòd si rem penitus inspexeris, homo voluptatibus efferatus belluis miserior est, quòd in voluptate persequendâ plùs omnibus fatigatur, ac furit, minus omnibus obtinet. Nihil illo ferocius, vbi ingenium, quo cunctas edomuit feras, ad suam ferociam acuendam adhibuit. Nihil non tentat, nihil non audet ad conspectam voluptatem erecta cupiditas. Per Sanctissima quæque proculcata, si in arduo sit, molitur ascensum; per abrupta omnia, si in imo, sese præcipitem vsque ad Inferos dabit. Mali ipsi Dæmones non tam peruersos in omnem Diuinæ Legis contemptum agunt, quos obsident, quàm homo agitur voluptatis obsessus cupiditate. Illi siquidem ad Christi nomen expauescunt, & contremiscunt; hic verò non modò nomen non pauet, sed ipsum Christi Sacrosanctû Corpus sæpe pedibus terit, in finum abscondit, canibus vorandum obijcit, quo voluptatem a Diabolo, eo pretio promissam, obtineat. Itaque quem Christi Domini contemptum per se Diabolus non audet; si ferocissimis istis voluptarijs committat, voto potitur. O deterrimas, o plus quàm Diabolicæ malitiæ voluptates, quæ hominem Diabolo deteriorem efficiunt!

Dæmonia-
tis, ipso-
que dæmo-
ne peior.

Vbi autem infelix voluptatis mercator eâ po-
tiatur

riatur, haud amplius ex illâ capere potest, quàm ^{Humane vo-} angusta corporis capacitas ferat, quæ cū pro immē- ^{luptatis præ-} sâ cupiditatis hiatu minima sit, quantum ab eo vo- ^{ferinâ pati-} luptatis excludit, tantundem illum offendit. Mi- ^{citas.} nus certè ille potest recipere, quàm boues, quàm equi, quàm asini, quibus gula productior, ac venter laxior voluptati temporis ac loci fines extendit: quin minus, quàm canes, corpore cetero- qui breuiore; imò etiam, quàm vermes, quàm culices, quorum voluptas nec supplicij saltem metu frigescit, nec pudore contrahitur, nec pœnitentiâ regeritur, rependiturque: quæ omnia humanæ voluptati contingunt, quam semper metus aliquis præcedit, comitatur pudor, subsequitur pœnitentia. Quæ igitur ista hominis felicitas, quam obtinenti vel acerbissima quæque sentienda, vel humanitas, ne sentiantur, exuenda, & cum ferarum stupore commutanda?

Voluptuosi
minus ha-
bent volu-
ptatis, quâ
vermes, &
culices.

Vt verò indicata mala in apertum proferantur, ^{Mala, quæ} perpende primò quid supplicij metuendum veniat ^{a voluptate} corporis voluptatem sectanti? Duo sunt genera ^{procedūt.} suppliciorum, quibus voluptuosi afficiuntur: alterum, quo se ipse punit, qui ob voluptatem delinquit; atque hoc est ipsum peccatum, primum idem & peracerbum sui supplicium, ut quod ab amicâ voluptate in carnificem versâ progreditur: alterum, quo peccantem punit vindex cunctorum scelerum Deus. Illud statim infertur, hoc denunciatur: quod tamen cum grauissimum sit, ac sempiternum, plus

101.

Cic. Car.
mai.

Inde cuncta
ferè mor-
borum, &
plurima
mortalium ge-
nera.

Inde plerique
animo-
rum morbi.

torquet denūciatum, quàm illatum alterum. Quod autem ad prius illud suppliciorum genus attinet tanta suis amasijs mala importat voluptas, vt meritò Archita ille Tarentinus laudetur a Tullio, quòd affirmauerit, Nullam hominibus pestem capitaliorem a naturâ datam, quàm corporis voluptatem; malam scilicet, seu malis artibus conquisitam. Ex hâc enim primùm corpori, vbi sedet, adsunt cuncta ferè morborum genera, cruditates, grauedines, colicæ, febres, hydropes, diarrhœæ: ventris præterea, & vesicæ, & capitis, & omnis generis dolores, apoplexiæ, epilepsiæ, paralyfes, cetera denique malorum turba in medicorum nomenclaturam necdum relata. Mortes quoque, ad quas mortiferi illi morbi perducunt, eandem vtique cum illis originem habent: tam multæ autem illæ sunt, vt de solâ voluptate, quæ per gulam illabatur, in prouerbio sit; *Plures occisos fuisse gulâ, quàm gladio*. Quos verò gladius a gulâ intactos excepit, plerunque nonnisi aliâ voluptate mandante periere. Hæc enim Helena illa est, quæ, vt olim Troas cum Græcis, ita deinceps populos ferè vniuersos inter se, & cum finitimis commisit. Paucos etiam videre est, priuato qui sub ferro cadant, quod voluptatis libido non ministrauerit. Iam quis animi morbose eodem veneno partos enumeret? Inde enim immensæ sollicitudines, timores, angores, vitæ, opum, dignitatis profusiones: inde adita sine delectu pericula,

cula, cæci impetus in obstantia voluptatibus facti, nullâ Superum, nullâ parentum, aut patriæ, aut reipublicæ, aut denique orbis terrarum habitâ ratione: inde contempta omnis Religio, Fas, Pietas, Fides, & quidquid denique vitiorum mens ad voluptatis capturam aduocat, cuncta ex istâ peste progrediuntur. Atque hæc quidem omnia magnum sui timorem præmittunt; verùm tanto maiorem ea, quæ a Deo ob quæsitam scelere voluptatem impendent, quanto sempiterna mala ijs, quæ vltra vitam non exeunt, grauiora sunt. Illa enim, præterquam quòd cuncta peritura mala comprehendunt, hoc insuper adiiciunt, vt peritura non sint, eâque re illorum offensas in infinitum augent, exasperantque. Hinc habes quàm potiori iure ad exhibitam voluptatem vsurpare tibi fas sit Demosthenicum illud; *Tanti non emo pænitere*, quando omnium huius æui malorum patientiâ æternum pænitere coemendum sit.

Timores a
voluptate
progressi.

Demosthe-
nis ad Lai-
dem mere-
tricem respō-
sū.

His igitur timoribus ventura voluptas amatoribus suis suum venenum prægustandum exhibet; totum datura cum venerit. Vbi verò iam adest, vltra mala commemorata, quæ comminatur, secumque veluti prolem in utero gestat, funditque cum maturuerint, tanto pudore, (qui de vulnere honesti cordis cruor est) possidentis ora suffundit, vt cum eâ in publicum prodire non audeat: sed fornices, præsepia, latibula, denique sedes, & cubilia ferarum, pro susceptis illarum moribus,

Pudor ex
voluptate.

L

quæ-

quæritet: & si contingat cum voluptate deprehē-
 di, verecundia ipsa honestum eius turpitudini
 velamentum opponit: restituit enim pulchritudi-
 nem, qui de turpitudine erubuit. Nec ad auerten-
 dum pudorem satis est Christianæ Religionis lu-
 men extinxisse: modò sua homini natura constet,
 se belluâ circumuestitum intueri, seque cum belluis
 errare earum pascua quærentem, sibi denique inde
 voluptates, vnde corporis sordes affluere, utique
 illum pudebit. Puduit nanque ethnicos homines,
 vtcunque conatos fœdas voluptates, Dijs affigen-
 do, dedicare: sic prorsus, vt non aliter Aristotē-
 les Alexandrum discipulum se a libidinis fœdi-
 tate continere posse censuerit, quàm hunc pudorē
 comminando: *Quæ enim, inquit, tibi gloria
 erit, si cum porcis communicaueris?* Nec Christiani
 hominis, sed ethnici vox illa est, quæ voluptuo-
 sos, *Epicuri de grege porcos*, appellat. *O filij homi-
 num* (non possum quin Daudicis verbis exclamē)
*usquequo grani corde? ut quid diligitis vanitatem,
 & queritis mendacium?* Quanta ista vecordia est,
 quasi Superum conuiuia suasori Diabolo credere,
 quæ vel Ethnicis ipsis Christiano sensu carentibus
 porcorum volutabra suboluere? Hinc ab ijs salu-
 bris composita ad nostram vel eruditionem, vel
 exprobrationem fabella, Vlyssis socios in canes,
 sues, apros a Circe oblato poculo commutatos.
 Poculum illud fœda voluptas fuit, quæ cum men-
 tem inuasit, usque adeo abripit, sibi que deuin-
 cit,

In ep. ad
 Alex.

Horat.

Pl. 4. 3.

Voluptatis
 poculū, vt
 olim Cir-
 ceū, in bel-
 suas verat.

cit, vt aliud nihil præter se cogitare permittat :
 quare ad cetera stolidum animal, ac planè pecu-
 dem, nullis officijs, quæ mentem desiderant, ap-
 tam relinquit. Etenim si temperantia Platone au-
 ctore voluptatibus coercendis prudentiam ser-
 uat: vnde *σωφροσύνην* apud Græcos dictam existima-
 uit, quasi *σώζουσα τὴν φρόνησιν* : contra intemperantia vo-
 luptatibus nutriendis prudentiam, atque vnâ cum
 illâ hominem, prudens animal, perdet. Quodd si
 contra obniteris, vnde quæso hominem te esse
 agnoscam, quisquis cœno voluptatis prudentiam
 demersisti? An ex eo, quodd hominis imaginem
 adhuc retines? At etiam pictura, etiam simula-
 crum hominis eam retinet: An quodd præterea
 viuus? At simius quoque viuam hominis imagi-
 nem refert: An fortè quodd præ belluis loque-
 ris? At nouimus asinam, nouimus & bouem
 aliquando locutam: quis neget in te prodigium
 renouari, hoc dempto, quodd non bos, aut asi-
 na, sed porcus loquatur? Profectò si loquere-
 tur, non secus ac tu, spurcissimis verbis par de-
 clararet ingenium. Igitur hominis nihil habes, ni-
 si, qui te præ belluis reprehendat, animum im-
 mortalem, cui hæc vitia sunt, non sicut illis in-
 genium, & natura a Conditore tributa. Non
 inscitè dictum videtur de sue, inquit Tullius,
 animum illi pecudi datum pro sale, ne putresceret.
 Tibi animus ipse computruit: sal quoque infatua-
 tum est: totus proinde caro suilla factus es, eaque

Nullum in
 Voluptuo-
 so hominis
 signum.

Num. 12.
 28. & Liu.

Lib. 5. de
 fia.

insulsa, & sine sale putrescens, vbi te corruptrici voluptati tradidisti.

Pœnitentiæ
morsus vo-
luptatē se-
quentes,

Denique abeuntis terga voluptatis pœnitentia premit, quæ animum delicijs mollem acerbis moribus lancinat. Ea enim vermis ille est, quæ e voluptatis putredine ortum nunquam interiturum, semperque impij præcordia apud Inferos depasturum Christus aliquando interminatus est. Binos siquidem tortores infernos impijs imminere pronunciauit: vermem videlicet, atque ignem:

Marc. 9. 48. *Vermis eorum non moritur, & ignis eorum non extinguitur.* Impius iam vermi traditus inferni supplicij dimidium habet, atque in eo pignus residui.

Inde enim hic vermis maximè furit, quod sempiternum ignem pro momentaneâ, & iam dilapsâ iucunditate perpetuò denunciât. Hæ furia illæ, quibus sceleratos corripere, ac tædis ardentibus vri Veteres affirmabant, veros conscientia stimulos, verisimili causâ significantes. Quis enim non furijs agitatum Caligulam dixerit, qui, vt Suetonius est auctor, in somnijs incitatus plusquam tribus horis nocturnis, ijsque non nisi tetricis rerum imaginibus perturbatus, quiescere haud poterat. Inde noctis plerunque vigilia, & cubationis pertæsus nunc thoro residens, nunc per longissimas porticus vagus expectare, atque identidem inuocare lucem consueuerat: quæ tamen adueniens horrorem illi duplicabat, suis, quæ horreret, scelerum vestigijs, quaquaersum expositis. Quis non
ijsdem

Voluptuosi
Reges furijs
agitati.
Suet. in
Calig.

ijsdem sollicitatum furiarum rædis Neronem crediderit, quem pariter sæpiùs noctu suorum scelerum panor ad pœnas conscientiaẽ dandas citabat? In omnem sese strati partem versans, iam pronus, iam supinus, iam in alios, atque alios habitus componens, nusquam inuenire quietem poterat: quare mentis inops, vt Tacitus refert, lucem opperiebatur, tanquam exitium allaturam. Theodicum Italiae Regem (Reges exempla proferimus, vt pateat, conscientiaẽ stimulis ne a regia quidem fortunã remedium adesse) Symmacho integerrimo viro sublato, in eum mœrorem sceleris conscientiaẽ mersum produnt, vt, cum cœnanti prægrandis piscis caput aperto ore, atque exertis dentibus esset appositum, perinde ac si caput Symmachi vindictam comminantis intueretur, illico totus inhorruerit: mox furibundum a cœnã aufugisse, atque aliunde aliò diu cursitasse, quasi tortorem, quem se ipse ferebat, euasurum; donec tandem lecto receptus paulo post metu ac mœrore exanimatus interierit. Huc demum exeunt partæ sceleribus voluptates, quæ, vtrunque beluis eas naturæ ductu, ac sine noxã quærentibus beatam pro suo modo vitam efficiant, hominem æquẽ malum, ac miserum reddunt; & quo magis alienæ admouent felicitati, hoc magis abalienant a suã.

Annal.
l. 14.

CAPVT OCTAVVM.

Nullum in litteris a pietate
seiunctis vitæ solatium
collocandum.



Sapientia
corporis
voluptate
iucundior.

Actenus cum imperito vulgo rem
gessimus, cuius quo maior mul-
tudo, eo vis ad resistendum
imbecillior, vt quæ vulgarius,
ac vilius esse, quod petit, ar-
gumento sit. Iam cum paucis
conferenda manus, quos tamē
fama, bello potens, vltra numerum confirmat:
nimirum cum ijs, qui in humanā sapientiā, vel
virtute locatam huius vitæ felicitatem censuerunt.
Atque vt a sapientiā, quæ prima occurrit, & fa-
cem virtuti præfert, exordium ducamus, illud ma-
ximè nobis eius vim ad beatam vitam commen-
dare videtur, quòd sapientia longè iucundior sit
corporis voluptate, nec vlla eius incommoda pa-
tiatur; non timorem, non pudorem, non pœni-
tentiam; cum per se optima, atque honestissima
sit; nec in suo comitatu habeat nisi virtutes, ho-
nestę menti æquè amicas, ac periucundas. Quòd
verò ipsa sapientia sit corporeā voluptate iucun-
dior,

dior, cum ratio, tum exempla demonstrant. Ratio quidem; quia præstantissimum animi bonum est, proinde carissimum, summoque amore dilectum: quia verò gaudium boni præsentis amor est, non potest animus non summo cum gaudio complecti, quod summo cum amore quæsiuit: & siqua in inquirendo difficultas fuit, ac lassitudo, ipsa pretiū auget & gaudium fatigata inquisitio. Exempla verò duo tibi ob oculos pone, Pithagoram, & Archimedes, duo scilicet humanæ sapientiæ Lumina ad rem hanc illustrandam, siue ad eiusdem sapientiæ decus ac nitorem prodendum maximè apposita. Ille inuentà post diuturnam contemplationem laterum trianguli orthogoni ratione (quæ infinitis Matheseos problematis lumen est) EA apud Eucl. prop. 47 l. 1. elem. *ἐκ τῆς ὁρθογωνίας* ceterum bonâ immolatio. Musis præ gaudio Hecatombem immolauit: quasi nouum sibi Regnum insigni aliquâ victoriâ comparasset: id enim eo Sacrificij genere apud Veteres significabatur. Archimedes verò deprehenso inter lauandum aureæ coronæ furto, argenti que subdito ab Artifice pondere; tantâ lætitiâ gestijt, vt nudus e balneo egressus domum currenit, identidem *εὕρηκα*, *εὕρηκα* ingeminans; non sic certè de auro, vt de auri furto comperto triumphaturus. Dic iam quæso: Audisti ne vnam helluonem aliquem dapibus distentum, vel vnam capellam Superis in gratiarum actionem immolasse, vel publicas vias præ gaudio obijisse exclamantem, *Ὀρίαν, Ὀρίαν*? an potiùs plerisque,

Hoc est, inueni, inueni.

Nemo sibi
tranſactum
corporis vo-
luptatē gra-
tulatur, imò
odit, ac lu-
get.

ſque, quòd nimium vorauerint, triftes, ac tan-
diu ſub ventris onere gementes, dum illud po-
nant, atque in priſtinam vacuitatem, quā mens
ſe de ſtercore emerſiſſe gratuletur, reſtituantur?
Cui igitur dubium eſſe queat, an animus magis ſuā
ſapientiā gaudeat, an ſui corporis voluptatē? Quan-
uis tamen id verum, ac perſpicuum ſit; minimè poſſe
ſolā ſapientiā huius vitæ felicitatem conſtare, plura
nobis, eaque clariffima documenta ſignificant.

ſi Felicitas
ſapientiā cō-
ſtaret, ple-
rique mor-
taliū per-
petuò mœ-
rerent.

Primum e naturæ parentis benignitate deſumas
licet: Nam ſi a ſapientiā huius æui felicitas ha-
beretur, pleroſque mortaliū perpetuo mœrori,
ac miſeriæ natura parens, perinde vt nouerca,
damnaffet. Excipe enim à Litteratorum ſorte ru-
ſticos omnes colendis agris addictos; excipe
opifices, variā labentem vitam indiſtriā ſuſten-
tantes; excipe milites, qui ſuā quiete Remp.
donant; deme quoſcunque rei vel publicæ vel
priuatæ adminiſtrandæ munus exercet: deme
etiam e vacuis hominibus, quorum ingenijs ad ar-
duum ſapientiæ clium ſuperandum ſat firmitatis,
ac virium non ſuppetit: quibus & pueros adde,
& mulieres, & cæcos, & ægrotos, & mendicos,
& ſi quos alios naturæ libris, ac litteris interdi-
xit; tum reliquos computa, & paucos omnino in-
uenies, quibus ad ſapientiam, neque his, niſi
poſt multos ætatis annos, aſpirare contingat. Mi-
nimè autem conſentaneum eſt credere, Deum
O. M. cunctos mortales, & naturæ ſtimulis, &
addi-

additis e Cœlo vocibus toties ad vitæ hilaritatem, & gaudium inuitasse, nec tamen nisi paucissimis potestatem fecisse inuitamenta sectandi. Hoc planè illuisse foret: non secus, ac si quem iter carpere iuberet, vbi illum vinculis inexplicabilibus præpedisset.

Alterum documentum ex humanæ litteraturæ imbecillitate desumendum: quæ tanta est, vt cum ad sapientiæ culmen se euasisse putet, adhuc densissimis ignorantia nebulis se obuolutam inspiciat. Consule peritissimos mortalium Aristoteles, Platonem, Pythagoras, Trismegistos: vide, quò tandem tanta virorum excellentia pertineat; ac breui animaduertes, quantà sub nocte lateat ea, quæ ceteris lusciosis clarissima dies nuncupatur. Simul illud miraberis, orbis terrarum magistros, tam portentosa inscitia laborare, vt neque quid intra se peragatur, non secus atque externi, ac peregrini, nouerint. Infinita enim propemodùm sunt corporis nostri opificia, quæ diu, noctuque nobis inscijs intra nos peraguntur: quamplurima pariter, eademque abditissima nostri animi munera, quæ mentis oculos latent, tamen sub ipsis exerceantur. Quis igitur rerum externarum, ac remotissimarum peritiam iactare aufit, quem latent, quæ domi suæ, quæ intra se, quæ in oculis suis factitantur? Adde, quod sapientissimi cuiusque animus, dū tenebricosâ sui corporis custodia continetur tã stupidus est, vt nec se ipse de facie nouerit,

Humane
sapientiæ
imbecilli-
tas . & .
ignorantia.

M

& si,

Stultè rerū
diuinarum
scientiā i-
stac, qui
nec se ipse
de facie
no uit.

& si, Deo speculum aliquod opponente, cerne-
ret, incredibilem de se, veluti de re nouissimā,
nunquam antea visā, imò ne leui quidem suspicio-
ne apprehensā admirationem caperet. Quam igi-
tur fidem mereatur, cum de Superis disputat, de
Numinis naturā, mente, consilio, sapientiā, pro-
uidentia, a quibus mente assequendis tantum absit
oportet, quantum a rebus infinitè distantibus pro-
spiciendis, qui nec se valeat intueri?

Quisq̃ue
nostrā ve-
rè infinitā
premitur i-
gnorantiā.

Hinc autem æquam humanæ sapientiæ æstima-
tionem habere licet: si enim illam conferas cum
Diuinā, infinitè ab eā distantem inuenies. Quid
est autem infinitè a Diuinā Sapientiā distare, nisi
infinita ignorare Diuinæ Sapientiæ comperta?
Quid porrò infinitarum rerum ignorantiam nisi in-
finitam ignorantiam dixeris? Hinc pariter liquidò
disces, nihil auxiliij fore ad ignorantiam hanc pro-
pulsandam in inuentis hætenus disciplinis: nam
perfectò plus illæ te docere nequeunt; quam a
suis inuentoribus, atque auctoribus didicere: qui
tamen, post illas benè perceptas, ac litteris con-
signatas, adhuc se sub infinitā laborantes igno-
rantia & norunt, & ingemiscunt.

Qui plūs
litteris stu-
dēt, minūs
sciendi siti
extinguit.

Mirabar plurimū antequam litteris operam
darem, & sæpe mecum ipse tacitus quærebam;
Quid ita, qui maximè litterarum studio vacarent,
minimè omnium discendi sitim extinguerent? At
sumptis deinde in manus libris, ac diu, noctuque
per annos plurimos versatis, deprehendi, quam
plurima

plurima in ijs ad quæstionem vocari, quam paucissima ad veritatis lucem educi, sic vt de eius possessione non turbet, aut saltem litem intendat opposita viri alicuius eximij auctoritas: proinde qui litteris discendi studio operam nauent, eorum similes esse, qui sitis extinguendæ cupiditate aquam marinam potent: quo enim plus potant, plus sitiunt; vt qui sitim ipsam quodammodo, falsam potando, bibant: ita planè res habet, sitim bibunt, qui ex humanis disciplinis plura incerta ac dubia intelligunt, domumque referunt, quàm quæ secum, vt sibi explicarentur, attulerant. Inde litteratos videas semper in ferendâ sententiâ tardiores, quàm imperitos, quos in quâque re facile pronunciare plerunque cernimus, vtpote dubitare sub artium disciplinâ nec dum edoctos. Plato ille, quem Diuinum ad hæc vsque tempora etiam Christiani nuncupamus, nemo dubitat, quin honestissimum inter sapientiæ procures locum obtineat: is tamen suâ omni doctrinâ eò demum peruenit, vt Academicam scholam primus aperuerit: cui scilicet vna hæc certa sententia fuit; Nihil in rebus humanis certum haberi. Ei autem scholæ Socrates Platonis magister, omnium Sapientissimus Apollinis oraculo iudicatus, fundamentum iecerat, qui id vnum se scire frequenter iactabat, Quòd sciret nihil: fastigium verò Pyrrho Scepticorum Parens imposuit cui placuit, ne id quidem sciri, quòd sciretur nihil; verùm omnia æquè

Plato Acad.
demiæ de
omnib' du-
bitantis au-
tor.

Causa academice dubitationis est sensu incerta fides.

incerta nutare, atque in vtranque partem disputationem admittere. Ad id autem explanandum satis appositè pharmaci exemplo utebatur, cuius est, non modò noxios e corpore humores, verùm vnâ cum illis etiam se ipsum deijcere: ita aiebat; academicæ sententiæ esse, non solùm rerû ceterarum, verùm etiam sui ipsius notitiam certam e mente depellere. Nec vana prorsus causa eos in hanc sententiam impulit: nam cum humanam scientiam sensuum testimonio maximè niti, sensus verò falli, ac falsa referre cernerent, vti cum Solem palmarem, Lunam cunctis sideribus maiorem, sidera tardissimè incedere, littora legentibus in aduersam partem aufugere, atque id generis alia mentiuntur; statuerunt, æquè humanæ sapientiæ fidem, ac sensuum, vnde oritur, fluctuare: nec falsi crimen ex eo dilui, quòd raro sensus fallantur, & sæpiùs verum enuncient: nam ita ad scientiam, vti ad prudentiam spectare aiunt, testimonio semel mendacij comperto nunquam fidem committere.

Academica opinio in multis fallitur.

Hæc opinio veritatem nimia distentam amplificatione corrumpit. Grandi quidem laboramus incertiâ, non eâ tamen, vt non complura teneamus, quibus timendum non sit Academicum illud; *Quid si falleris?* Etenim si *Me esse*, verbi causâ, dicam; vtrique dubitare de falsitate non possum: nam si fallor, sum; dum is, qui non sit, falli non possit: ac per hoc sum si fallor, quia ego sum, qui fallor;

lor; vt acutè contra Academicos disputat Augu-
stinus. Eàdem securitate gaudent principia illa,
quæ ad agendum, vel differendum necessaria.
Græci Axiomata, nostri Dignitates vocant: eas
enim violentibus virgarum pœna vnà cum insa-
niæ notâ, Aristotele iudice, subeunda. Scilicet ijs
negatis nulla differendi, nulla rerum agendarum
ratio constabit. Nec earum notitiam sensuum in-
dustria, sed naturæ parentis munere, tanquam ne-
cessarium vitæ instrumentum, obtinuimus. Non
est autem audiendus Clitomachus ille, quem vo-
luisse Tullius refert, satis ad vitæ actionem, ac
mentis sanitatem esse, si verisimilis de illis adsit
notitia. Stultè enim id dicitur: quippe fieri non
potest, vt simile veri aliquid ijs appareat, quibus
verum nunquam innotuit: quo pacto nequit ima-
ginem Pythagoræ similem pronunciare, cui nun-
quam Pythagoras cognitus sit: si igitur verum
nullum nobis cognitum vnquam fuit, nec vtique
quid veri simile sit, dignoscere valebimus.
Quamobrem quin multa nobis clarissimè pa-
teant, dubium esse non potest: at si hæc cum
infinitis rebus, quæ latent, conferantur, tam
pauca videbuntur, vt Academicos dicentes, Nul-
la esse, commune illud prouerbum, quod est
quasi commune humani generis suffragium, leui-
tatis absoluat: nimirum; *Parum pro nihilo reputa-
tur.*

Tantum scientiæ Divinæ nobis Providentiæ

inde

L. 11. de ci-
uit. Dei. c.
26.

Axiomata
certissima
sunt, nec
eorum firmi-
tas a sensu-
bus pendet.

Cic. in La-
cul.

Veri simile
agnosci nō
potest ab
eo, qui ve-
rum nō ag-
nit.

indidit, quantum vitæ administrandæ necesse fuit: quemadmodum ceteris animantibus totum id luminis contulit, quod suæ cuique vitæ tuendæ opportunum videbatur. Quia verò hominem præ illis eo ingenio donauit, quo etiam posset superuacanea cognoscere, vnde sæpe non cresceret, sed turpiter, ac periculosè inflaretur; ita debili, & quassatâ memoriâ instruxit, vt ingesta facillè diffuerent; sic prorsus, vt in ultimâ ætate (cuius accessu semper magis, magisque in rimas memoria fatiscit) cuncta ferè, quæ ingeniû parauerat, transierit, & in puerilem imperitiam remeauerit. Quæ summa Cœlestis Patris clementia fuit, vt per eam imperitiam iterum ad puerilem infirmitatem, ac modestiam regrederemur, iterumque paternam indulgentiam, quâ maximè tunc ob malè actam ætatem indigebamus, reciperemus. Quare, vt tanta non sit hominum inscitia, quantam Academici calumniatur, re verâ tamen tam pauca certò cognoscimus, partim rerum sublimitate sensibus inaccessâ, ac fallaci eorundem sensuum testimonio, partim infidâ memoriæ custodiâ, vt stultissimum sit de tantâ inopiâ superbire, ac se tanquam beatum efferre.

Nec ad beatam aui præsentis vitam interest, plus an minus didiceris, nisi hoc fortè, quòd eo miserius futurus sis, quo amplius humanæ sapientiæ paraueris. Illud enim præ indoctis sapientes habent, vt sua eos ignorantia non fugiat, quemad-

Memoria
imbecillitas
Diuinæ Cle-
mentia do-
num,

Docti præ
indoctis id
habent, vt
sua eos

admodum fugit indoctos, quos proinde minimè
offendit. Equidem vt ingenuè fatear, quid mihi
hac viâ felicitatem olim sectanti accidit, hoc fide
bonâ affirmare possim, quòd cum complures stu-
diorum classes voluptatis gratiâ perlustrauerim,
tam multas, tamque implexas quæstionum ambages
ex ijs omnibus didici, vt eòdem inscitie, vnde
digressus fueram, tandem reuolutus viderer. Exi-
lietam mirum in modum, vbi exacto puerilium lit-
terarum curriculo Philosophiæ limen attingere da-
tum fuerat. Putabam, me veluti ad Sibyllæ ady-
ta peruenisse, vnde certa de rebus omnibus ede-
rentur oracula: at tam ambiguïs responsis auditis,
tam obscuris pariter, atque infirmis rationibus, tã-
ta in vtranque partem sententiarum varietate,
breui animaduerti, publicas me ignorantie tene-
bras reliquisse, ac manu tractabiles in hoc antro
Sibyllino reperisse. Enimuero versabar antea in
summâ rerum omnium ignorantia, & ne vlla igno-
rantia deesset, hanc ipsam ignorantiam ignora-
bam: nunc verò variâ, ac multiplici scientiâ de-
gustatâ aliud nihil affecutus videor, nisi vt igno-
rantie meæ ignorantiam deposuerim, vt sciens
ignorem: hoc est, vt tenebras meas, quas antea
non noram, tractare iam liceat. Latebat antea,
Cubi, exempli gratiâ, duplicandi, seu Anguli tri-
farii partiendi, vel Circuli quadrandi ratio; at
quòd lateret, latebat: iam pergit quidem latere;
sed quòd lateat, patet. Hoc autem quid aliud
esse

ignorantia
nō lateat.

esse dicam; nisi meam quòd ignorantiam didic-
rim, quòd quæ a tergo miseria erat, iam ob
oculos obuerfetur.

Adde hìc etiam, quòd quidquid ambigui e studio
litterarum mortales adipiscimur, in dies dilabi me-
morix incontinentiâ sentimus. Licet enim ante se-
nectutem extremâ meminerint senes, quæ pueri di-
dicere, vt quæ per omnē ætatem crebris sermonibus
repetita altiùs menti tenent excusa; tamen vbi vl-
timum instat ætatis, noua pariter ac vetera Diui-
næ Prouidentix beneficio, quæ illos voluit vnâ mor-
tis cogitatione occupatos, defluxere. Festiua id
comprobat Faseoli nostri iam senis, atque in ma-
gnam rerum obliuionem redacti cum scriptis ab
se editis collocutio: Is enim cum librum Theolo-
gicarum disputationum, quas olim discipulis tra-
diderat, ac deinde vulgarat, in manus, atque ocu-
los referret, exclamasse in hunc modum aliquan-
do dicitur; O quanto, Fili mi, Parente tuo sa-
pientior es! Probè tenes, quæ ipse tibi commisi,
ac fideliter reddis iam sua caligantibus oculis non
agnoscenti. Gratias ago, quòd hoc ampliùs me
doces, a me minimè edoctus; Stultum esse, spem
iucundæ senectutis in eâ sapientiâ ponere, quæ
ad senectutem vsque non peruenit.

Denique terrenæ felicitatis spem haudquaquam
litteris commendandam, ab ipsâ sapientium ma-
gistrâ experienciâ discimus: eâ siquidem docente
constat, miseram litteratis omnibus vitam fuisse,
quibus

Hieronymi
Faseoli se-
nis festiua
de suâ obli-
uione ser-
mo.

quibus a pietatis cultu, a rerum supernarum expectatione solatium non adfuit. Extat volumen integrum Ioanne Pierio Valeriano auctore eò scriptum, cui titulus, *De Litteratorum infelicitate*: ubi omni antiquitate relictâ magnam affert recentium exemplorum vim: eoque statim ostendit, tantam esse infeliciam Litteratorum copiam, ut qui primi retro spectanti occurrerunt, parem iusto volumini materiam suffecerint. Vnum aut alterum in specimen ceterorum e superiori memoriâ adducam. Leone Pont. Max. huius nominis Decimo floruit eius maximè aspectu illustratus Antonius Quernus, cui carminis præstantia, ornata etiam Principis gratiâ, Archipoetæ cognomentum fecit. Is autem tamen si Leonis familiaritate vnâ cum Pontificiâ fortunâ gauderet, tam acerbos tamen ventris dolores, tamque impotenter tulit, ut, postquam cuncta remedia irrita cecidisse vidit, omni spe destitutus, adactis in ventrem forficibus, dolori ac dolenti animo exitum patefecerit. Pietas Christiana, si adfuisset, id certè passa non foret, vel quia tolerantiam cœlestibus auxilijs roborasset, vel quia dolorem ad tolerantiam modum precibus rede-gisset: at Poësis disciplinarum ceteroqui iucundissima, non modò eam impotentiam non sustulit, verum etiam, fractâ atque emollitâ animi fortitudine, contulit. Adde huic Torquatum cognomento Tassium, qui tantâ captæ Hierosolymæ poemâ sparsit amœnitate, ut ex pleno eructasse, nemo for-

Litteratorum
pietate ca-
rentium in-
felicitas.

Infelix Ar-
chipoetæ
exitus.

Id. & Tor-
quati Tas-
sij.

tè iret inficias: eâ tamen vsque adeo vacuus fuisse dicitur, vt præ nimio mœrore sæpe a mente alienatus domi diu solus exclusâ luce federet: eoque tandem opprimente decesserit. Hæc demum est humanæ sapientiæ vis: nocturni fulguris instar, tantum luminis impertit, quantum ad illustrandas, quibus vndique cingimur, tempestates; satis est, nihilque præterea: quare auget ostentando, non solatur æumnas; quæ si laterent, saltem præcluso oculorum aditu impressionem in animum non facerent: proinde verissimum prodit oraculum;
 Ecclesi. 1. *Qui addit scientiam, addit dolorem:* quia nimirû addit doloris scientiâ, quæ præcipua doloris pars est.

CAPVT NONVM.

Diuinitatis contemplatione, &
 Virtutis cultu e sola Philo-
 sophia petitis nihil ad
 huius vitæ felici-
 tatem profici.



Væcunque hætenus de humanâ sapientiâ verba fecimus, eâ pariter sapiëntiæ partē a terrenâ felicitate excludunt, quæ tota Numini cōtemplando vacat: paucissimis enim

enim illa quoque, nec, nisi sera, contingit: quando scilicet corpus vetustate ruinosū ac præceps sibi adminiculando totū animū aduertit, nec vnquam ad Numinis contemplationem vacuum dimittit. Imperitissima præterea præ reliquis disciplinis est, vt quæ exploratoribus sensibus destituitur; qui Numen agnoscere, nisi fortè ligneum, aut marmoreum nequeunt. Nec suos valere ex humanis ærumnis cultores eximere, proprio docet, quamquam contrario verbis, exemplo Aristoteles: qui cum summam hominis felicitatem in philosophicâ Numinis contemplatione locasset, tam ieiunum tamen inde vacuumque voluptatis se recessisse prodidit, vt eam, auctore Laertio, e cœno libidinū cum stolidorum vulgo quæritauerit. Nec vnusquodque e veteribus omnibus legitur, ceterarum rerum administratione dimissâ, in solitudinem secessisse, Deo duntaxat ad philosophicam lucernam, contemplando vacaturus: quod vtique Philosophi eo lumine præditi non omisissent, si bonorum finē ibi se reperturos sperarent. At quia hoc apud Christianæ Sapientiæ cultores frequentissimum est, & in tertiâ huius operis parte notum fiet, præcipuam huius æui felicitatem in Supremi Numinis contemplatione, cœlesti lumine illustratâ, positam esse; paucis hîc monendos beatæ vitæ studiosos censeo, Aristotelem suæ mentis sagacitate veram quidem odorasse humanæ felicitatis materiam; sed cum in sede monstrandâ, tum in viâ, quam ipse

Laert. in
eius vita;
vbi refert,
cū lux cō-
cubitus in-
molauit.

Aristotelis
de vera fe-
licitate er-
rores.

non pressit, procul a veritate abijisse. Et quidem quod attinet ad sedem, planè toto Cœlo aberrasse verè quis dixerit, vbi eam Cœlo exclusit, atque humi positam censuit: totâ præterea viâ falsum fuisse, vbi per inexplicabiles, & exitu carentes Philosophiæ anfractus ad suam felicitatem iter instituit. Præterquam quòd quid voluptatis a Diuinâ vnquam contemplatione haurire is possit, qui Deum semper in tenebris contempletur, sine spe illum aliquando coram intuendi, atque in amicitiam bonorumque communionem veniendi? Hæc enim contemplatio non voluptate pectus, sed inuidiâ implet, ac rumpit, qualis cæco contingeret ac mendico, vbi regiam affluentiam meditaretur. Atqui hoc Aristoteles docuit, qui vbi de Diuinâ contemplatione egit, perinde ac si nocturnum, & frigidum id lumen esset, nullam de Diuini Amoris incendio mentionem habuit: tantumque a nostrâ amicitia Deum abesse voluit, quantum ab eâ, quæ amicos iugat, æqualitate. Haud enim vidit, aut mente assequi valuit, quod deinde nobis Christi Fides aperuit, Deum nostram humanitatem assumpsisse, vt nos ad suam assumeret Diuinitatem, talemque nobiscum iungeret amicitiam, qualem nunquam tam arctè homines inter se coniungere. Quo igitur magnificentius de Diuinæ Naturæ decore, atque opibus Aristoteles, eiusque discipuli sensere, eo tanquam de alienis bonis, nec in commune vnquam venturis iniucundiùs sensisse illos.

Sola Numi-
nis cõtem-
platio sine
spe & cari-
tate mole-
stiam, non
iucunditatem
affert.

illos necesse est. Contra verò si Dei Optimi Maximi Bona Euangelicæ Sapientiæ lumine collustrentur, eorumque præcipuum immensa Bonitas, appareat, quâ ille sua omnia contemplantibus, amicitia nomine communia fore promittat; æquè gaudeant, qui ea contemplantur, oportet, ac is qui hanc rerum vniuersitatem intueatur, & cuncta, quæ circumspectando videat, sua esse cognoscat: toto enim reuerà mundo donamur, quando eius Dominum amore atque amicitia, ipso sese nobis donante, complectimur. Verùm hæc de re aliàs, & fusiùs: illud solùm interim maneat; humanam sapientiã, vel cum altissimè assurgit, non secus, ac terrenos montes, eleuari, abstrahique a terrâ, vnde constant, nequaquam posse: proinde non minùs a verâ hominis felicitate vel possidendâ, vel cognoscendâ distare, atque a cœlestium orbium supremo, vbi ea felicitas sedet, suprema montium cacumina distent.

Christianâ
Numinis
cōtemplatio
ex omni
missa ho-
norum cō-
munione
incondita
est.

De Stoicis verò, quibus beatam vitam in vnum cum honestâ cōreplacuit, ita sentiendum censeo; illos quidem a viâ felicitatis non aberrasse, sed viâ amœnitatē, hoc est virtutis specie deceptos detentosque, vltra ad felicitatem perquirendam, minimè processisse. Quare in medio ad beatam vitam itinere confedere, eius pulchritudine, tanquam adepto bonorum fine, contenti. Multa præclarè de virtute dixerunt, quæ tunc demum veritate donabis, vbi Christiana mente prouideris.

De virtute
Stoicâ, sive
morali quâ
sentiendâ.

cetera.

Stoicorum
effata quā
speciosa, tā
vitiosa.

ceterum ad Stoicorum sententiam prolata, quā speciosa sunt, tam vitiosa, corruptaque: hæresim olent, si illorum ex ore prodeant: resipiscunt, vbi Christianos sensus induerint. Inter hæc illud in primis, quod huc pertinet, obseruandum; Virtutem, aiebant, se ipsā contentam par sibi præmiū esse nequaquam poenitendum, etiam si cum morte coniuncta veniret; cuiusmodi esset sui capitis pro patriā, vel pudicitia, aut aliā quapiam honestā causā deuotio: sat lucratum rati eum, quem tanta virtus coronaret. Quid enim dulcius, atque optabilius, quā aut Horatij, aut Curtij, aut Deciorum more vitam patriæ rependere, atque in eius, tanquam dulcissimæ parentis complexu, deposuisse? Stultissima tamen hæc vanitas est, si eā mente proferatur, quæ Stoicorum erroribus imbuta animos pariter cum corporibus interire arbitretur. Quid enim lucri esse queat, vbi sit iactura lucrantis? aut quod insanix portentum, coronam ei polliceri, qui caput ad eam obtinendam securi amputandum supponat? At detur hoc ethnica Philosophiæ nondum Christi luce purgatæ, condoneturque aliquis oculis carenti lapsus: illud nō exiguam habet admirationem, esse adhuc inter Philosophos Christianos, qui cum eiusmodi tradant Philosophiam, totam e corpusculis concretā, cui non satis cum animorum immortalitate conueniat, sæpe suis auditoribus virtutes morum moderatrices, tanquam summum vitæ ornamentum,

com-

Sunt, qui
inter Chri-
stianos ad-
huc stoici-
sant.

commendent. Et licet non apertè significant, eas esse bonorum finem; quia tamen alium tacitū omittunt, nec vltra huius vitæ confinia philosophādo excurrunt; nonnihil suspicionis relinquunt, an solam virtutem nostræ felicitati terminum statuunt. Proinde haud ab re fuerit, nonnulla hîc afferre, quibus ouum hoc maturè frangatur, ne ex eo iterum Stoicismus, quasi (Gallo nescio quo fouente) Basiliscus erumpat.

Istorum sententia est, Philosophiā mortales hominum animos perspicuè demonstrari, tamen si eos esse immortales Diuino Testimonio Sacris Litteris consignato credendum omnino sit. Ita quidam athomorum venator insignis, quàm bonus vir, tã malus Philosophus, suos docuisse auditores fertur; idque ab ipsis auditoribus ego ipse, nec sine stomacho, accepi. Quasi aliunde lumen ad sua demonstranda, quàm à Diuino Testimonio desumat Philosophia. Quid enim aliud est lumen illud, quod Rationis nuncupamus, & ex Diuini Vultus percussu signatum super nos Regius Psalter affir-
mat, nisi ipsum Diuinæ Sapientiæ Testimonium, vnde nostra omnis descendit, atque illustratur Philosophia? Quid aliud axiomata illa, seu dignitates, vnde omnis differendi, agendique ratio proficiscitur, nisi Dei suæ, quam condidit, naturæ Doctoris Pronunciata? Nequaquam certè sine rationis alicuius cautione ea admitterentur, nisi Diuina documenta suo sese fulgore, & claritate probent.

Stultū est,
affirmare
Philosophiā
demonstrari
idcirco cō-
trarium Di-
uinā Fide,
credendū.

Ps. 4. 7.

Prima prę-
cipia, Dei
naturæ do-
ctoris do-
cumenta.

barent. Mirum profectò est, tantâ has dignitates maiestate pollere, vt vi planè Diuinâ hominum sibi mētes subijciant, sic vt illis repugnare, atque assensionem abnuere nequeant, etiam si maximè velint. Quid autem id esse dixeris, nisi argumentum minimè dubium, eas superioris alicuius Numinis voces esse, quibus æquè hominum mentes conformauit Opifex Deus, atque externis vocibus aures: vt quemadmodum istæ humanas voces sentire, sic illæ Diuinis consentire cogerentur? Si igitur Deo teste nititur animorum immortalitas, qui fieri potest, vt cū philosophicis rationibus pugnet, quas idē Dei Testimoniū præstat? Hoc solum duo inter testimonia interest, quòd cum Deus naturalia modo naturæ accommodato docet, seruos erudit; cum gratuita, & supra naturæ ordinem elata, amicos: fieri autem nequit, vt quod ille seruos edocuit, eosdem dedoceat in amicitiam receptos: vtique enim secum ipse pugnaret, si semel mortales hominum animos significaret, iterum retractatâ, hoc est erroris damnatâ sententiâ immortales fateretur.

Quòd si adhuc dubitas, an quæ naturæ lumine commonente didicimus, in Deum tanquam in primum percussū luminis fontem referenda sint; audi Deum ipsum id Paulo interprete declarantē. Vbi enim Paulus de naturali Numinis notitiâ omnibus promptâ, ac præsertim Philosophis, sermonem habuit, *Deus enim, inquit, illis manifesta-*

uit:

Ad Rom. I.
19.

uit: Quæris autem quo pacto? Vtique non alio, quam per anticipatas illas notiones, seu Græcorum *προληψεις*, quas natura nostris mentibus indidit, tanquam faces ducendæ per has tenebras vitæ pernecessarias. His autem non secus in Diuini nostri Parentis agnitionem venimus, atque agnecens effusi in suarum matrum notitiam, naturâ suggerente, veniât: quo scilicet, quemadmodû illi, ita & nos inde vitæ alimenta peteremus, vnde primordia duximus. Fuit autem preterea æquè necessarium, vt suæ quoque immortalitatis animus naturæ admonitu conscius esset: ne scilicet spei ac metus in futurum expers in omnes vitiorum sordes procumberet, seseque ad Epicuri de grege porcos aggregaret: id nempe potissimum Epicureos in sua volutabra demersit: dum enim, sese putarunt animo, non secus ac bruta, mortali præditos, noluerunt ijs voluptatibus fraudari, quas maximas mente tam stolidâ nosse potuerât: quare bruta animalia fuere, quia se esse credidere, operibus ipsis sese cooperiente mendacio. Est autem tam alienum a Deo, hominem in lucem hanc *sine necessario* ad beatam vitam com-
meatu, atque instrumento dimittere, quàm suam dimittere Prouidentiam, quæ vtiq; cæcutire visa esset, si homines sine oculis ad suam agnoscedam immortalitatem effinxisset. Nec satis fuerat qualibet nostræ immortalitatis suspicio ad nos præsentibus voluptatibus absterrendos, vt quas

Hoc est, anticipaciones, seu prænotiones, quæ & *Principia* dicuntur.

Opinio de animi mortalitate, Epicureos facit,

Non facit nobis esse cōtinuū, si cōtinuū de nobis spi-

○

for-

mi immor-
talitate no-
ticiâ esse-
mus instru-
ti.

fortasse æterna, atque immortalia essent secutura supplicia. Sæpe enim tam validè in voluptates urgente malo Dæmone impellimur, vt nisi certus obfistat futuri supplicij metus, nullo negotio prolabamur, certâ voluptate dubij timoris debile frænum rumpente. Itaque ad Conditoris Prouidentiam pertinuit, in hos quoque casus, inditâ nobis nostræ immortalitatis, atque immortalis supplicij firmâ persuatione, nos communire.

Virtutes
morales si-
ne theolo-
gicis cada-
uera virtu-
tum sunt.

Quod verò ad virtutes attinet, quæ nostros ad vitæ huius officia mores effingunt; posse quidem illas censeo nonnihil cultores oblectare suos, at non maiore oblectamento, quàm bonæ rei simulacrû soleat. Si enim illas a virtutibus alijs, quas Theologicas vocant, seduxeris, mera virtutum simulacra, seu potius cadauera remanent: nempe sine Fidei lumine, sine Spei motu, sine spiritu Caritatis. Fac me fortiter pugnare pro patriâ: fac pro diruto muro me meum pectus opponere, meque vnum hostiles acies, iam per ruinarum cliuum subeuntes, repellere: & alios quidem ferro obtruncare, resupinare, rotare alios, hunc clypeo, illum cubito, alium calce euertere, cunctos acto in girum ense, & oculis, & voce non frustra minacibus, & fortitudinis, & audaciæ miraculo deterritos prohibere: quid, rogo te, inde mihi voluptatis accedet, si totus interim sudore fluam, si vndique saucius meam cum sanguine vitam sentiam dilabi? An gaudebo e futuri ex-
pe-

pectatione triumphī, pari scilicet metu compressa, ne in triumphū vel ab hoste superstite, vel a defuncto agar, ipsa occidendi lassitudine occisus? An ex aliquo post mortem nomine seu famā, cuius sensum sit mihi mors ablatura? Crede mihi; nihil inde voluptatis, nisi securo spectatori potest obtingere: nec nisi stultē colligas periclitantis voluptatem e tuā; quasi hæc ex illā descendat. Tristissima quæque oblectamento sunt e tuto spectantibus, quibus non pariunt, sed excitant voluptatem, commonendo, vt de suā sibi securitate gratulentur. At si pro Cœlesti Patriā fortiter pugnem, & simul Christianā Fide monstrante, Deum ac Superos certamini suā causā suscepto adesse prospiciam; si sempiternam coronam Spes ostendet; si Caritas amantissimo Numini id gratū fore promittat; pugnae me pericula longē maiori, quā sui olim Romanos triumphī iucunditate perfundent. Illi enim quot passibus ad coronam, totidem ad exitum properabant: nostra verō pericula quo propiūs ad exitum, eo ad coronam nunquam exituram perducunt. Quid si in lectulo iaceam vlcerebus coopertus, sanie ac vermibus scatens, acutissimis præterea tortus doloribus, ac spe salutis, quin & lenimenti, deiectus; nunquid si futuræ ac lætioris vitæ expectatione reficiar nulla solā patiētiae conscientia nullo donādā præmio nulli vel probandā arbitrio recreabor? Fert patiētia dolorem, non gaudiū parit, nisi futuræ spem

Iucundiores
bonorum
pugnae, quā
improborū
triumphi.

felicitatis adducat : tunc autem lætitiā affert
maximè cumulatam , vbi Cœlestis Regni clauēs
exhibeat, & iura conferat vitæ in omnem æterni-
tatem degendæ apud Superos felicissimæ: tantū-
dem enim tunc animus a mœrore secedit, quan-
tū in spem beatæ perennitatis erigitur.

CAPVT DECIMVM.

Salomonis ineluctabili testimo-
nio sectantium huius vitæ feli-
citatem per vias hætenus
improbatas error fir-
mius reuincitur .



Eatam huius temporis vitam non
in opibus, nec in potentiâ, vel
gloriâ, aut corporis voluptate,
aut sapientiâ, seu virtute nostris
viribus comparatâ positam esse,
hætenus edocuimus. Suspicio-
nem adhuc vnâ reliquam vi-
deo, cuius depulsio ceterarum quoque reliquijs
ex animo penitus eradendis conducet: nimirum
an si hæc vniuersa in vnum hominem confluant,
eum in præsentī vitâ beatum possint efficere?
Haud

Haud dubiè enim multa sunt, quæ collatis viribus possunt quidquid segregata non poterant: quod præsertim, vbi de felicitate sermo sit, locum habet, cum hæc non possit non esse contenta bonorum omnium affluentia, quando ipsa felicitas bonorum omnium affluentia definiatur. Verùm si beatam in terris vitam ita comparatam quis dixerit, vt tam multa ad sui sustentationem desideret, protinus apparet, quàm misera ea futura sit, quæ tot tantisque adminiculis fulciri debeat, quolibet subducto ruitura. Quotocunque enim ea obueniret, & quandiu morari sic posset, si tanto rerum inconstantissimarum apparatu indigeret? Si quidem vel mortalium nulli ea vnquam omnia contigit habuisse; vel si cui contigit aliquando, suam secum hæc bona inconstantiam, & cum eâ sollicitudinem, felicitatis perturbatricem, attulerint necesse est. Præterea singula in superioribus vidimus plus ærumnarum, quàm iucunditatis afferre: itaque si cuncta suas in vnum hominem ærumnas deponant, quid illo erit infelicius, quem infelicissimum vnicus in renibus calculus, vel in vngue festuca potest efficere? Præclarè in hac re Stoici, quibus amor honesti immodicus licet, linguam ad honestatem mirificè composuit. Cuncta hæc, quæ vulgus imperitum Bona appellat, tam bono nomine minimè dignabantur: verùm *Commoda* duntaxat appellari voluerunt: ea verò, quæ vulgò Aduersa dicuntur, non Mala, sed *Incommoda*.

Nequit felicitas in omniū huius vitæ bonorum cumulo consistui.

Nempe ob raritatem cumuli, ob inconstantiam bonorū, ob admistionē cū malis.

Bona, vel Mala huius vitæ *commoda*, vel *Incommoda*. Stoicis *Commoda*.

da nominarunt. At meâ quidē sententiâ meliùs, si etiâ diuitias, potentiam, gloriâ, atque id generis reliqua, Incommoda nuncupassent: castigatiùs certè ad Philosophiæ formulam loquerentur: hæc enim docet, cuique rei a potissimâ sui parte nomen accedere, præsertim vbi tam exigua sit pars altera, vt aciem Nomenclatoris effugiat, ne coram illo in contentionem nominis compareat. Etenim non est, cur Bona appellanda sint, quibus affluenti liceat esse non bono, imo & pessimo, ac miserrimo, quibusque carenti optimo esse, ac beatissimo liceat. Verùm quia communis nomenclatura illis Bonorum nomen, publicâ veluti fide, confirmat; & nos iam inde ab ineunte ætate a parentibus, & nutricibus vnâ cum lacte communem persuasionē hausimus, ita intimis ea hæsit præcordijs, vt humanæ vi rationis diuelli haudquaquam possit. Quare Diuinæ Prouidentię consilio comparata ratio in medicinam adhibenda est, vt suam in sedem mota mens nostra reuocetur.

Deprauata
ab ineunte
ætate rerū
animatio cē-
lesti reme-
dio emēdā-
da.

Salomon
Bonis hisce
cunctis do-
natus, vt eo-
rū esset va-
nitatis tes-
tis.

Eius sapiē-
tia.

Sub jce igitur animo, quisquis adhuc hæc in bonis enumeras, sapientissimum illum Salomonem quem Diuina Numinis Prouidentia, cunctis huiusmodi Bonis cumulatum voluit, quo eorum vanitatis testem proferret omni exceptione maiorem. Eâ enim primò sapientiâ donauit, vt neminem post natum hominum genus parem illi fuisse, Diuina Eloquia testētur, neminem fore præfagiant.

Ita

Ita in Sacris Litteris legimus. *Dedi tibi cor sapiēs,* ^{3. Reg. 3. 12.}
& intelligens in tantum, vt nullus ante te similis tui
fuerit, nec post te surrecturus sit. Quam ob rem, ^{3. Reg. 4. 31. & 34.}
Erat nominatus, vt eedē Litterę tradunt, in Uni-
uersis gentibus per circuitum. Et *veniebant de cunctis*
populis ad audiendam sapientiam Salomonis, & ab
uniuersis Regibus terrę, qui audiebant sapientiā eius.
Fuit autem & Sabęorum Regina, quę alieno mi- ^{3. Reg. 10. 1.}
nimē contenta testimonio, coram spectādi auida,
quę fama vulgarat, ipsum adiit, tantaque eius sa-
pientię illam admiratio cepit, vt spiritu prope
defecta obstupuerit, steteritque diu miraculi simu-
lacrum: vbi autem sese collegit, Verus est, ^{3. Reg. 10. 7.}
inquit, quem audiui in terrā meā super sermonibus tuis,
& super sapientiā tuā: & non credebam narrantibus
mihī, donec ipsa veni, & vidi oculis meis, & pro-
bauī, quōd mediā pars mihī nunciata non fuerit: &c.
Beati viri tui, & beati serui tui, hi qui stant coram
te semper, & audiunt sapientiam tuam. Scripsit ve-
 rò Salomon quamplurima partim ad rerum natu-
 ralium notitiam, partim ad morum disciplinam
 pertinentia. De illis hæc verba in 3. Regum ha-
 bentur; *Et disputauit super lignis a cedro, quę est in* ^{3. Reg. 4. 33.}
Libano, usque ad hyssopum, quę egreditur de parie-
te: & diseruit de iumentis, & volucris, & repti-
libus, & piscibus. Sed hæc corporum salubritati,
 vel curiositati comparata magnam partem perie-
 re: quanquam nonnulla eorum, quę ad vim me-
 dicam attinent, credibile est ad nostrorum me-
 dico-

Rerum me-
dicarū vis
e Salomo-
nis libris
habita.

dicorum libros translata. Vnde enim herbarum, aut lapidum, aut rerum ceterarum aduersus morbos auxilia (paucis exceptis, quæ nobis casus, aut muta animalia suo vsu monstrarunt) nisi e Cœlo tradita nosse licuisset? Nam quod experimentis eam nobis scientiam quæsitam dicunt, veri speciem non habet: siquidem si quod aliud in experimentum, in hoc optimè caderet *Periculi* nomen, quod singulas plantas, resque alias naturales singulis morbis, non sine laborantis periculo, cæcâ temeritate adhiberet. Quare consentaneum est credere, e Salomonis sapientiâ hanc rerum naturalium ad medicinæ usum scientiam ad Græcos primùm a Iudæis, ad quos constat sapientiæ studio nonnullos Græcorum Philosophos peregrinatos, deinde ad nos a Græcis manasse. Quæ verò ad morum modestiam comparandam pertinent, ea ab interitu vindicauit idem, qui ad nostram salutem dictauerat Deus; habenturque in Libris Prouerbiorum, Ecclesiastæ, Sapientiæ, Ecclesiastici, atque eo, qui Cantica, Canticorum inscribitur.

Hisdē vir-
tutes mo-
rales.

Porro virtutibus omnibus, quæ mores huic vitæ fingunt, Salomonem manente sapientiâ exornatum fuisse, inde liquidò nouimus, quod in Reip. administratione admirabili prudentiâ enituit: atque ad hoc petijt, obtinuitque sapientiam, quam & *Prudentiam multam nimis* Diuinæ Litteræ appellant. Fieri autem non potuit, vt Prudentia, præsertim eximia, quam vitia cuncta perturbant, sine excu-
ban-

3. Reg 3. 9.
& cap. 4.
19.

bantium virtutum cœtu, & custodiâ permanferit. Nec regere sua membra potest caput vacillans, quod sese regere non potest: nec is alijs dominari valet, quem seruum continent, quodque libet ducunt libidines. Palâm igitur est, Salomonem tandiu virtutibus, quandiu sapientiâ, ac prudentiâ floruisse.

De eius verò opibus paria sapiëntiæ muneri Diuinx Litteræ tradunt. Ita enim in Libris Paralipomenon habetur. *Sapientia, & scientia data sunt tibi: diuitias autem, & substantiam, & gloriam dabo tibi; ita vt nullus in Regibus nec ante te, nec post te fuerit similis tui.* Cui opulentix illud in primis fidem facit, quod Parens eius David reliquerit illi in Templi structuram centies mille auri talenta: ex argenteis verò talentis millies mille. Talētum autem ad Romanæ libræ pondus reuocatum centum viginti quinque libras appendit. Aurei verò ad argenteum ratio, quod ad valorem attinet, duodecupla Davidis tempore erat: sic, vt libra auri duodecim libras argenti valeret. Quà ratione pecunia Salomoni a Dauide in Templi vsum relicta, talentis ad Italorum calculos, & vocabula reuocatis, fuit, teste doctissimo Villalpando, ad tria millia, ac ducentos octoginta duos ^{3. 282. 134, 024.} milliones scutorum Romanorum, centum præterea, ac triginta quatuor millia, & quatuor supra viginti: quantam nempe pecuniæ vim totâ vix Europâ reperiēs. ^{Vill. in Ezech. 2. p. 2. disp. 3. c. 43. pag. 504.} Aeris verò ac ferri certum pondus

P

non

1. Paral. 22.

14.

Iud. antiq.

1. 7. c. 12.

Qui locus
fuerit O-
phir fufè
tra&at Pi-
neda de
reb. Sal. 1.
4. c. 16.

Quid aurū
obrizum.

3. Reg. 10.

14.

non fuit, lassatis, victisque numeri magnitudine
rationarijs, vt ipse Dauid fatetur. Quantum verò
fuerit totius As hæreditatis a Parente Salomoni
relictum, ex quâ tantum copiarum in vfus pios
legatum est, minimè constat. Hæc tamen verba
ex Iosepho rerum Iudaicarum consultissimo habemus.
Tantas diuitias hæredi reliquit Rex Dauid, quantas nullus alius Rex vel Hebræorum, vel aliarum Gentium. Deinde paternæ hæreditati immensam fecit accessionem ipsa Salomonis sapientia, cumulandis opibus in suæ magnificentiæ sumptus intenta. Præcipuus fons, vnde illas hausit, Ophir perhibetur; quæcunque tandem ea regio, vel locus fuerit; siue Aurea Chersonesus, quam nunc Malacam dicimus, siue Sophala, siue Somatra, aut Peruvia, prout aliæ aliò Auctorum coniecturæ feruntur. Eò autem tertio quoque anno classem mittebat, referebatque quadringêta viginti auri talenta, & auri quidem purissimi, quod deinde *Obrizum*, corrupto fortè vocabulo ex antiquo *Ophirizum*, dictum est. Adduntur autem ad indicandos redditus annuos aliunde prouenientes in Libris Regum hæc verba. *Erat autem pondus auri, quod offerebatur Salomoni per annos singulos, sexcentorum sexaginta sex talentorum auri: excepto eo, quod afferbant viri, qui super vectigalia erant, & negotiatores, vniuersique scruta vendentes, & omnes Reges Arabia, Ducesque Terræ. Inter quos Arabica Sabæ Regina supra memorata, Dedit Regi centum viginti*

viginti talenta auri, & aromata multa nimis, & ^{2. Paral. 9.}
 gemmas pretiosissimas. Ac de vniuersis Terræ Regi-
 bus, qui eius opulentiam muneribus cumulabant,
 sic rursus in Libris Paralipomenon; *Magnificatus* ^{2. Paral. 9.}
ijs est igitur Salomon super omnes Reges Terræ præ di-
uitijs, & gloriâ. Omnesque Reges Terrarum desidera-
bant videre faciem Salomonis, vt audirent sapientiâ,
quam dederat Deus in corde eius. Et deferebant ei
munera, vasa argentea, & aurea, & vestes, & ar-
ma, & aromata, & equos, & mulos, per singulos
annos. Quibus ex muneribus, ceterisque annuis
reditibus tantam argenti vim Hierosolymis coe-
gerat, vt illud suo pretio exuerit, ac prope in
antiquam terrenæ originis ignobilitatem pari cum
lapidibus conditione remiserit. Argentum enim ^{Ibid. n. 26.}
in diebus illis pro nihilo reputabatur. Fecitque vt tan- ^{& 3. Reg. 10. 27.}
ta esset abundantia argenti in Hierusalem, quanta &
lapidum. Ita in secundo Paralipomenon, atque
in Regum tertio. Quare omnia vasa, quibus pota- ^{3. Reg. 10.}
bat Rex Salomon, erant aurea, & vniuersa supellex ^{21.}
domus saltus Libani de auro purissimo: non erat argen-
tum, nec alicuius pretij putabatur in diebus Salomonis.

Quantum verò auri insumptum fuerit in Tem-
 plum illud seculis omnibus celeberrimum, quod
 a ceteris orbis terrarum miraculis omnem ad se
 meritò euocauit admirationē, discrepat inter Au-
 ctōres; idque solū conuenit, immensum fuisse,
 & humanā propemodum fide superius: quanquam
 & viam ad fidem emolliuit, mordacissimi, & sua,

ne dum aliena, deterere soliti, Cornelij Tacitū
 Tac. l. 5. hist. testimonium, qui Templum illud *immensa opulen-*
 tia in suā historiā nuncupauit. Inde autē aliquid
 3. Reg. 5. conijcias licet, quòd in fundamentum lapides
 17. grandes, ijdem & pretiosi iubente Rege deiecti
 narrantur. Nihil præterea erat in Templò, quod non
 Ibid. 6. 22. auro tegetetur. Quin & pavimentum domus textit au-
 & 39. ra intrinsecus, & extrinsecus: & quidem auro pu-
 rissimo, ac laminis tam crassis, vt clauis pariter
 2. Paral. 3: aurei, quibus illæ affigebantur, siclos singuli quin-
 9. quagenos, nempe supra duas libras Romanas
 vnciam appenderent: quis autem nisi pro crassis-
 simis tabulis coercendis clauos adhibeat plusquā
 bilibres? Vasa insuper aurea (omittimus argen-
 tea, ac cetera minoris, siue nullius tunc pretij.)
 Templi, & Sacrorum ministerijs dicata, eodem
 Villalpando teste, ad sexcenta sexaginta millia
 fuere. Iam quid impensarum in Templi artifices,
 & operarios factum sit, disce ex ijs verbis, quæ
 3. Reg. 5. habentur in libris Regum. Fueruntque Salomoni
 15. septuaginta millia eorum, qui onera portabant; & octo-
 ginta millia latomorum in monte; absque præpositis,
 qui præerant singulis operibus, numero trium millium,
 & trecentorum. Libenter hæc Diuinis verbis te-
 standam committimus, nostræ auctoritati tantarum
 rerum fidem promittere diffisi: quis enim vera
 ista putet, nisi ab eo audiat, qui & vera facere
 potuit, & falsa dicere non potuit?

De potentiâ & gloriâ pauca addenda supersunt:
 illa

illa siquidem ex opibus, tanquam robur e sanguine conualescit, hæc ex potentiâ tanquam flos roboris surgit, cui tamen & sapientia coronidem, & quasi lauream imponit: nihil enim eo Rege gloriosius, cuius summæ potentiæ summa quoque eius moderatrix accesserit sapientia: quamobrem immensis opibus parem potentiam, summæ potentiæ, ac sapientiæ parem gloriam obtinuit. De eius potentiâ illud in Sacris Litteris speciatim habetur; *Exercuit etiam potestatem super cunctos Reges a flumine Euphrate vsque ad terram Philistinorum, & vsque ad terminos Egypti.* Quam potestatem suo fœdere, atque amicitia mirificè cumularunt, omnes Reges Terrarum, qui, vt antea memorauimus, desiderabant videre faciem Salomonis, & deferrebant ei munera, vasa argentea, & aurea per singulos annos. Quid autem eo Rege validius, qui per se potentissimus, socios habeat, ac fœderatos Reges orbis terrarum vniuersos? De gloria verò reuoca in mentem, quæ supra e Sacris Litteris recitauimus verba. *Magnificatus est igitur Salomon super omnes Reges Terre præ diuitijs, & gloriâ.* Quod tamen etiam spectare videtur inaudita illa Regiæ Mensæ luxuries, & equorum ferè incredibilis multitudo. De Salomonis mensâ sic habent Diuinæ Litteræ. *Erat autem cibus Salomonis per dies singulos triginta cori similia, & sexaginta cori farina, decem boues pingues, & viginti boues pascuales, & centum arietes; exceptâ venatione ceruorum, caprearum,*

huiusd. potentia, quæ ex opibus, & gloriâ, quæ ex potentiâ oritur.

2. paral. 26.

3. Reg. 4. 22.

ad.

atque bubalorum, & auium altilium. De equis verò
 sic additur; Et habebat Salomon quadraginta millia
 praesepia equorum curtilium, & duodecim millia eque-
 strium. Quæ utique ciborum, equorumque co-
 pia non tam ad illum, quàm ad eius gloriam su-
 stentandam comparata videbatur.

Eiusd. deli-
 ciae, ac vo-
 luptates.

Quod autem ad voluptates, ac delicias atti-
 net, quibus tandem eius demersa periit vnâ cum
 animi dotibus sapientia, hæc Salomon in Eccle-
 siaste de se ipse testatur. *Omnia, quæ desiderau-
 runt oculi mei, non negavi eis, nec prohibui cor meum,
 quin omni voluptate frueretur, & oblectaret se in his,
 quæ preparaueram.* Quæ verò preparauerat, paulò

ante insinuauit, latius in libris Regum descripta,
 nempe domum regiam lapidibus pretiosis ab imo
 fundamento ad fastigium constructam: cuius ma-
 gnificientia tam multis cedrinis columnis sustine-
 batur, ut a cedrorum copiâ, quâ Libani saltum,
 seu nemus emulabatur, Domus saltus Libani nun-
 cuparetur. Eandem aureâ, ac gemmatâ supelle-
 ctili, aureo, atque eburneo throno, armamenta-
 rio aureo, aureis denique sine numero vasis in-
 struxerat. Hortos præterea, & pomaria cuncti
 generis arboribus confita, venationes, piscinas,
 cantores, cantrices, ac denique inauditum fœmi-
 narum gregem e septingentis vxoribus, ac trecē-

E mille fœ-
 minis vnum
 filium reli-
 quit Salo-
 mon.

tis concubinis, non tam sobolis (vnicum enim
 tot fœminarum maritus filium reliquit, plures for-
 tē relicturus, nisi vitiato semine filios in parente,
 per-

perdidisset intemperantia) quàm voluptatis gratiâ, vndique ex vniuerso Regno contraxit. His insuper delicijs indulgere per otium, ac summam tranquillitatem licuit: siquidem eâ pace potitus est, quam Salomonis nomen a Parente Prophetâ inditum pollicebatur. Ita enim in Regum historiâ scribitur. *Et habebat pacem ex omni parte in circuitu. Habitabatque Iuda, & Israel absque timore vllô, unusquisque sub vite suâ, & sub ficu suâ a Dan usque Bersabee cunctis diebus Salomonis.*

3. Reg. 4. 24.
& 25.

Quorsum tamen putas prouidentissimum huius vniuersitatis Rectorem tam multa in vnum hominem concessisse, ac præsertim sapientiam, quæ de ceteris rebus vsum potissimum, fructumque decerpit? Eo vtique, si quo alio, consilio (euentus enim eius consilia profert, cui nihil euenit inconsultum), vt orbi terrarum Ecclesiasten instrueret, qui ad vniuersam humani generis concionem, non tantum vt doctor rerum nostrarum vanitatem e superiore loco deprædicaret; verum etiam probaret vt testis; exponeret vt exemplum: tantam denique vni dedit sapientiam, vt in vno omnes doceret. Hoc sibi munus, vbi de lassatis, frustratisque cupiditatibus sapientiam recuperauit Salomon, assumpsit; vt nomen ipsum, quod suæ inscripsit orationi, declarat. *Verba, inquit, Ecclesiæ filij David Regis Hierusalem: mox verbis tam grauib. & rem concludentibus sermonem exorditur, vt in ipso statim exordio perorasse videatur,*

Salomon tam
multis cum-
mularus, vt
cunctorum
vanitatis
predicator
esset.

in præfatione
concione
tor.
Eccle. 1. 1

Ibidem.

Salomon in
tata reru af-
fluencia moe-
rore confu-
sus mori-
tur.

Apud Pi-
ned. lib. 8.
de reb. Sa-
lom. c. 3.

Astarchem
Scriptura
vocat, qua
Cic. l. 3. de
nat. deo.
Venerē in-
terpretatur.
Eccle. 4. 2.

tur, nec pluribus indigeat, qui ea sibi firmiter per-
suaserit. *Vanitas vanitatum, dixit Ecclesiastes: va-
nitas vanitatum, & omnia vanitas.* Deinde non
aliud esse docet manuum nostrarum fructum, qua
inanem auram captasse, eaque turpiter intumui-
se. *Quid, inquit, habet amplius homo de vniuerso la-
bore suo, quo laborat sub sole?* Quae interrogatio
hanc tacite ex praecedentibus suggerit responsio-
nem; Nihil praeter instantis aurae vanitatem,
& ut postea subdit, afflictionem spiritus, hoc est,
molestiam illam, qua nos tandiu inclusa aura di-
stendit, quousque tandem disrumpat. Ita con-
stat Salomoni euenisse, quem sua tam male ha-
buit, cruciauitque rerum humanarum opulentia,
ut Auctores non contemnendi sint, eum assiduo
moerore postremos octo vitae annos confectum &
vita migrasse. Vbi enim obtutum in superioris
aetatis flagitia retorfit, viditque templa, quae per
summam benignissimi erga se Numinis contume-
liam spurcissimis Dijs, ac praesertim Veneri ex-
traxerat, tanto animi dolore oppressus est, ut vel
inde mortem obierit; vel, si non obijt, certe illam
vitae tam turpi, ac detestandae praoptauerit. Id
ea verba significant perspicua sui doloris indicia.
*Et laudavi, inquit, magis mortuos, quam viuentes:
& feliciorē viroque indicaui, qui nec dum natus
est, nec vidit mala, quae sub sole fiunt.* Idem in
eadem concione saepissime conqueritur de rerum
humanarum labore, molestia, tædio, infidelitate,

ac

ac denique vanitate, quâ cuncta hæc inferiora tu-
 ment, & magnitudinem apud incautos mentiu-
 tur. Nusquam tamen adeo perspicuè sui animi
 mœrorem testatus est, quàm vbi verbis illis supra
 memoratis; *Omnia quæ desiderauerunt oculi mei, non* Ecel. 2. 10.
negavi eis, nec prohibui cor meum quin omni volupta-
te frueretur; hæc verba subiecit: Cumque me con- lb. n. 11.
uertissem ad vniuersa opera, quæ fecerant manus meæ,
& ad labores, in quibus frustra sudaueram, vidi in
omnibus vanitatem, & afflictionem animi, & nihil
permanere sub sole: ac planius infra; Et idcirco reduit ibid. n. 12.
me vita mea videntem mala vniuersa esse sub sole,
& cuncta vanitatem, & afflictionem spiritus. En-
 quo nomine appellet ea, quæ imperitum vulgus.
 Bona, commoda, fortunas, delicias, voluptates,
 felicitatem nominat, & suspenso supercilio mira-
 tur in Salomone: Salomon ipse rerum suarum sa-
 pientissimus, ac fidelissimus testis vniuersa nuncu-
 pat mala, & cuncta vanitatem, & afflictionem.
 Spiritus vsque ad extremum vitæ tædium, ac mor-
 tis cupiditatem. Quisquis igitur singulis ijs bonis
 se plenum ac beatum fore adhuc confidit, quibus
 vniuersis vacuum, ac miserum Salomonem, eo
 ipso teste cognouit; quàm certò credit Salomo-
 nem fuisse sapientem, tam certò credere debet,
 se esse stultum, vt qui & Salomoni contraria sen-
 tiat, & videat se a Salomone ipso inter stultos
 connumerari: ita enim ille suæ sapientiæ, ac do-
 ctrinæ contemptores sub initium prouerborum.

Neque enim
 sigula bea-
 tum effice-
 re, quæ vni-
 uersa mise-
 rum red-
 dunt.

Q

21-

Prov. 1. 7. appellat: *Sapientiam* inquit, *atque doctrinam stulti*
despiciunt: ac deinde idem eodem in libro
 Il. 15. 5. inculcans, *stultus* inquit, *irridet discipli-*
nam Patris sui; Eam nimirum, de
 Ib. 1. 9. quâ ipse dixerat; *Audi fili*
mi disciplinam Patris tui,
mei scilicet, quæ
vitæ potioris,
 ac beatæ patrem agnosces, ubi ad
 meæ doctrinæ formulam, cui
 elaborandæ suam mihi
 Deus accomoda-
 uit Sapientiam,
 vivere in-
 cipies.



LIBER SECVNDVS
DE VITA
IN TERRIS BEATA
CAPVT PRIMVM.

Ad Beatam vitam in terris ob-
tinendam edomitis opus
esse cupiditatibus.



Niuerſas a verâ felicitate aber-
rantium vias libro ſuperiore
præcluſimus: eoſque qui in
præceptis ibant, ſuam felicitate
in ſui exitio quaſituri, inie-
ctâ tergo manu pro viribus ſu-
ſtinuimus. Iam retro agendi
ſunt, atque ad erroris initium reducendi: tantum
enim illis ſubeundum, quantum deuenere, vt ve-
ri itineris, quod totum in arduo eſt, ad exordiū
redeant. Et quia pronæ ſemper ad ima cupidita-
tes aſcenſum tardant; antequam de virtute, quæ

Q uia nos

Ex Sen. ep.
21.

Via ad per-
petuam vo-
luptatē fa-
cilis.

Ipsa cupi-
ditatum cō-
pressio iu-
cunda.

nos ad felicitatem perducatur, sermo instituat, de cupiditatibus imminuendis, atque ad virtutis usum edomandis præcepta aliqua in hoc libro præmitteremus. Nec tamen interea, Adolescens tibi verba dari, ac promissa differri existimes, quantum enim de immodicâ cupiditate detraxeris, tantundem continuò adieceris voluptati. Vis inquit Epicurus, secretâ, & compendariâ viâ locupletem facere? *Non pecuniæ adiiciendum, sed cupiditatibus detrahendum.* Non enim qui multum pecuniarum habet diues est, sed qui satis: satis autem habet, qui amplius non cupit. Vis pariter, inquit Seneca, qui Epicuri sententiam quòcunque translata idem posse affirmat, aliquem in perpetuâ esse voluptate? *Non voluptatibus adiiciendum, sed cupiditatibus detrahendum.* Tum enim demum voluptatis plenus discedes, cum plus capere cupiditati tuæ non vacabit: quare hâc imminutâ maior fiet sine nouâ accessione voluptas. Itaque quæcunque in præsens de frangendis cupiditatibus præcipiemus, eadem de animi tranquillitate, ac felicitate subitò comparandâ præcepta erunt. Ac tu pariter quidquid ad comprimendam intestinam cupiditatum seditionem effeceris, id totum in animi tui, vbi concurritur, pugnaturque tranquillitatem cedit: quemadmodum qui Remp. administrant, eâdem operâ eius felicitatem obtinent, quâ seditiosos coercent, vt, quibus sublati, dirempta per eos societas iterum

CO2-

coalescit, & priuata commoda in communem publicat felicitatem. Quid autem boni cupiditates in officium redactæ animo importent, satis ostendunt damna, quæ priore libro docuimus ab ijs sine freno furentibus exoriri: Vtique saltem ea, cuncta mala cohibita submouent, quæ effrænes important. Quis enim dubitet, quin plurimum iucunditatis inuenturus sit, vbi exuatur auaritiæ vepribus, careat ambitionis sollicitudine, famæ durissimum mancipatum effugiat, cæno turpis voluptatis emergat, cunctis denique affectu mentis incommodis se ipsum incolumem educat, & reuocatis viribus sese de tortorum manibus extorqueat? Contra verò quis benè habere animum, dixerit, quem mille morbi vndique circumstent, torqueant, dilanientque? Si verò dubites, an in morbis numerandæ sint suum egressæ modum cupiditates, occurret, confirmabitque dubitantem omnium Philosophorum auctoritas, quibus ille *πάθος*, seu (vt Latinorum quidam apud Tullium interpretantur) passionēs dicuntur. Ratio autem postulat, vt non gaudere, sed pati existimentur, qui inter passionēs versantur: æquè saltem ac is, qui febri, aut podagrâ, ceterisque morbis corporis laboret: nisi, fortè putes, animum plùs alienis egrotare morbis, quàm suis: plùs dolere, si sui corporis articulum fregerit, aut luxauerit, quàm si mentem perdiderit, aut prauis detorserit opinionibus. Eadem affectus, & affectiones, (quo

Cupidi-
tes modum
egressæ ani-
morum mor-
bi.

mo-

modo corporis languores appellamus) præterea ægritudines , ac perturbationes a Philosophis nuncupantur . Perturbari autem a suis perturbationibus animum , item a suis ægritudinibus , atque affectibus languere , nemo ignorare queat , nisi cui morbus mentem ipsam ita peruaserit , vt licet cum maximè afficiatur , minimè tamen sentiat , propterea quòd sensum ipsum vitiauit affectus .

Discat id a Cœlesti Magistro , qui adhuc dubius pendeat : discat & a vulgari experienciâ , cui inspiciendæ non erigenda in sublime fides est , sed potiùs oculi per triuia , & compita demittendi . *Non est pax impijs , dicit Dominus .* Vbi vides , consulto Prophetam suâ diffusum auctoritate Diuinam contra proteruos interposuisse ijs additis verbis , *Dicit Dominus* : Is nimirum dicit , cuius acies in nostri pectoris intima , nobis ipsis clausa , descendit : Is cui probè nota , explorataque sunt cuncta impiorum conuiuia , saltationes , cachinni , lusus , oblectamenta : Is est , qui dicit , *Non est pax* ; siue , vt hæc verba e suo codice recitat Augustinus , *Non est gaudere impijs* . Itaque tametsi vniuersi circūstrepant impij esse sibi pacem , gaudiūque iactantes , non magis adhibenda fides , quàm si non esse Numen testentur : eodē quippe vtrunque testimonium reuoluitur , siquidem negat Numen esse , qui mentiri illud affirmet : cum tam procul à Deo , qui veritas ipsa est , mendacium abesse debeat , quàm ab ipsâ veritate . Quod si-

tu

Impijs pax
tribui ne-
quit , nisi
Deo men-
dacium tri-
buatur .

tu quoque præmissam Diuini testimonij faciem secutus, impiæ mentis secretiora peruasferis, cam profectò (si modò in suâ sede repereris) minimè pacatam inuenies. Cum quo enim pacem habeat cui Dominus exercituum bellum indixerit? An cū rebus suis, cum diuitijs, cum delicijs, cum voluptatibus? quas nouit ad Domini nutum defecturas? An secum ipso, & suâ cum conscientia, quæ saepe ceteris dilapsis bonis superstes, vna pro cunctis consolandi munus exequitur? At illa æquè Diuinæ beneuolentiæ, atque iracundiæ interpres, vt Pios supernis pollicitationibus solatur, ita Improbos acerbis minis absterret; denunciatque, pro leui voluptate non leui eos supplicio defuncturos. Num clamantem improbi, & comminantem conscientiam non sentient? at morsibus illa vtitur, ijsque acutissimis ad comminandum. Agit enim cum impijs Deus, vt nos cum belluis, quas flagello alloquimur, verberibusque vtimur minis ad peiora, ni pareant, denuncianda. Inde est, quòd non modò pacem, & gaudium inesse impijs negat, qui *Deus pacis, & totius consolationis* in Sacris Litteris dicitur, a quo scilicet quidquid pacis, & consolationis hic est, profluere debet; verum eos æstuantis instar oceani perpetuò iactari, ac fluctuare confirmat. *Impij autem*, inquit per Esaiam, *quasi mare feruens, quod quiescere non potest*. An non vides, vt ventus vnus, aut alter pontum vniuersum ex imis sedibus citet, nec sine eius

Ad Rom.
15. 33. 2.
ad Cor. 1.
3.

16. 37. 20.

eius reclamantis fremitu susque deque permisceat? Quid in impiæ mentis inconstantiam cunctis vndique incumbentibus cupiditatum statibus non licebit? Quænam quies in eâ mente sedeat, in quam ius omne perturbationibus datum? Quam nempe gaudium quodcunque statim attollat, tristitia deiciat, quam prouehat ira, reuocet metus, inflect secunda, frangant aduersa, tanta denique semper inconstantia teneat, nihil ut illi nisi irrequieta perpetuò leuitas, atque agitatio constet. Desine mirari, quid ita Supremus scelerum Vindex non alias de ethnicis Philosophis sui Numinis contemptoribus pœnas sumpserit, nisi quòd

Ad Rom. 1.
21. & 24. &
26.

Tradidit illos Deus in desideria cordis eorum, & in passiones ignominie. Ita Apostolus, qui satis grande in hoc Æuo de noxijs supplicium sumi credit, si suis vesanis, efferatisque cupiditatibus, quasi ad bestias damnati, traderentur.

Edomire
cupiditates
nobis per
uiles.

Contra verò cum belluæ istæ iugum subiere, omne nobis seruitij genus, suis viribus, nostro consilio instructæ, ultra omnem humanæ seruitutis facultatem exhibent. Cuncta per hanc peregrinationem onera nostra ad arduam virtutis viâ moluntur: & fidæ comites in nostram salutem depugnant: neque enim impetus suos, edomitæ dimisere, sed in mitigatâ feritate condunt, ad imperium, nutumque domini districturæ. Nihil igitur indomitæ cupiditatibus ad beatam vitam euntibus infestius, nihil edomitæ opportuniùs: Vtræque ta-

men

men, si benè vti noueris, vtilis: illæ suis morfi-
bus te ad se domandas excitabunt: istæ sui domi-
torem vtili, atque honestà seruitute ad vsque
beatam vitam commodè iuxta, ac celeriter com-
portabunt. Inde videas, Christum omnis probi-
tatis exemplar humanis non caruisse cupiditatibus,
sed ita illas humanitatem edocuisset, vt non nisi
ad rationis imperiū euocatæ præsto essent. Nun-
quam ab illis perturbatus dicitur, tametsi cum
opus ei foret, earum quâlibet vteretur, non qui-
dem vt duce, verùm vt milite, qui nequaquam
ducit, aut imperat, sed sequitur imperium, exe-
quiturque. *Turbauit se ipsum*, inquit Ioannes, vbi
Lazarum deflere voluit, non turbatus est. Egit
nimirum turbidum illum motum, non passus est,
nec lachrymas iniussas tulit, sed pro imperio ius-
sit adesse, ijsque pium pro amico officium indixit.
At verò qui se ab suis cupiditatibus turbari sinūt,
qui abripi, qui abduci quò nollent, quò non de-
cet; hi languentes sunt, & vires suas perdidere,
quamuis ex morbi viribus se fortes putent. Ita
planè res habet: non tu fortis es cum supra mo-
dum irasceris, sed fortis te ira agit infirmum, at-
que impotentem reluctari. Tu ipse putas, ad
summam te imbecillitatem redactum, vbi tibi vi-
deas manum aut pedem præter imperium concita-
ri, vt agites quidquid agis, curras dum incedere
destinasti: quâ igitur imbecillitate languebis, vbi
nihil tui continere possis, & omnia præter impe-

R

rium

Christus
cupiditati-
bus nō ca-
ruit, sed be-
ne domitas
habuit.

Io: 11. 32.

Cupidita-
tib⁹ incita-
ti quo for-
tiores ex
morbi vi-
rib⁹ appa-
rent, eò ex
suis debi-
liores sūt.

rium, & imperium ipsum præter rationem agatur
in præceptis?

Iam audi magistram experientiam doctissimi
eius discipuli Augustini verbis loquentem. *Iussisti*
L. 1. cōfess. c. 12. *Domine, & sic est, ut sua sit sibi pœna inordinatus*
Augustini de cupidi- *animus*. Experto crede, inquit Augustinus, cla-
ratum per- *matque a suis lassus, ac redux erroribus; ne tu,*
urbationi- *quem eosdem cupidè ingressum videt, ijs te per-*
bus testi- *dendum committas. Hoc illi studium, hæc vna*
monium, *cogitatio, & curarum summa ab ineunte ætate,*
per triginta ferè annos fuit, suas vti aleret, &
saginaret cupiditates: a quibus in diuersâ incita-
tis propè discerptus id vnum edidicit, stultè ex
pectari a malis, ut benè habeas, atque a pertur-
bationibus, ut quiescas, sed quo magis illas exa-
turaueris, hoc maiores futuras tuæ quietis pertur-
batrices. Audi iterum paternam erga se Diuinæ
prouidentia curam cum gratiarum actione com-
memorantem, admirantemque, quòd iniquos suis
quoque offendi voluit voluptatibus, quibus Nu-
men offenderent, ne alia, quàm quæ Deo cōmunia
essent, solatia quærirarent. Nam tu, inquit, sem-
per aderas (mihi scilicet per deuia voluptates que-
renti) misericorditer sauiens, & amarissimis aspergens
offensionibus omnes illicitas incunditates meas, ut ita
quærerem sine offensione iucundari. Idemque alibi
his iterum amantissimis verbis suas e cupiditati-
bus narrat offensiones, deque illis Numini tan-
quam medico a phrenitide sanus gratias agit.

Inhila-

Inhiabam, inquit, honoribus, lucris, coniugio, & tu
 irridebas: Patiebar in eis cupiditatibus amarissimas dif-
 ficultates, Te propitio tanto magis, quanto minus sine-
 bas mihi dulcescere, quod non eras Tu. Quantam
 deinde ex dimissâ carnis voluptate, voluptatem
 hauserit, his denuò verbis testatur. Quàm suave,
 inquit, mihi subitò factum est, carere suauitatibus nu-
 garum, & quas amittere metus fuerat, i. m. dimittere
 gaudium erat. Ejciebas enim eas a me, vera Tu, &
 summa suauitas, & intrabas pro eis omni voluptate
 dulcior. Quid hoc testimonio præclarius? ijs sal-
 tem, quos epicurea non dum voluptas penitus
 dementauit. Quòd si tu quoque vnâ cum vulgo
 Epicurei dogmatis gustato cortice mentem perdi-
 disti, nucleum exime, Epicuri mentem asseque-
 re, & in eâ tuam recuperasti. Clamat Epicurus,
 teste Tullio, non posse quenquam iucundè viue-
 re, nisi idem iustè, sapienter, atque honestè viuat:
 nec sapienter, honestè, iustè, nisi iucundè. Quæ
 verba cum idem Tullius in libris de finibus retu-
 lisset, suâ tum auctoritate, tum eloquentiâ mirifi-
 ce commendauit, confirmauitque Tullium autem
 cum audis, illud ingenium intellige, quod solum populus
 Romanus par imperio suo habuit, vt ait Seneca, aptum
 scilicet tanto regendo corpori caput. Igitur testi-
 bus tam luculentis, non popina, non fornices,
 non ganeæ, sed tēpla, sed sacraria, sed quæcun-
 que virtutem, atque honestatem, eadem veram
 sinceramque dabunt iucunditatem. At non tem-

L. 6. cont.
c. 6.

L. 9. conf. c.
Eiusdē re-
fl. mori m
de pietatis
suauitate.

Teste etiā
Epicuro so-
la cum ho-
nestate iū-
gitur dele-
ctatio.

In præf. lib.
1. cōtrou.

Obiectū ex
piorum la-
chrymis.

Diluitur.

7. eth. c. 14.

Non sēper
lachrymæ
argumenta
doloris, nec
risus gau-
dij.

pla, vbi sola suspiria, & gemitus, sed ganeæ po-
pinæque cachinnos tollunt, & lusus, & cantus, &
choreas agitant: arduum est autem credere, eos
gaudere, qui lugent, lugere ac lachrymari, qui
gaudent. Putas ne, qui ad magnos dignitatis gra-
dus subitò euecti sunt, eos in sinu suo gaudere?
Quid ni putem, inquires. Vidisti illos ad nouum
nuncium collachrymasse? Ego verò vidi, & vidis-
se æquè voluptati fuit, atque admirationi. Putas
ne rursus, tristes, ac melancholicos interdum ca-
chinnos tollere, & voluptatibus indulgere? Pu-
to equidem, nec miror tamen, vbi ab Aristotele
dictum accepi, eiusmodi homines mœrore oppres-
sos risu, ac ceteris voluptatibus medicinam quæ-
rere atræ bili, quæ illorum viscera perpetuo mor-
su depascitur. Non semper igitur lachrymæ sunt
indicia doloris, nec risus gaudij, sed illæ inter-
dum superfluentis lætitiæ, hic opprimentis mœro-
ris. Quare si Deo testanti credidisti, non esse
pacem impijs, nec deesse pijs; vbi impios exter-
nam agitare lætitiā videris, dic illos eā agitatio-
ne, ne mergantur, eniti: vbi pios lugere, dic,
redundantem pectoris, liquidamque lætitiā per
oculos superfluere. Hæc si dixeris, mihi crede,
non errabis: Deum sequeris præeuntem, eiusque
infinitam sapientiam in tuæ fidei securitatem op-
positam habes.

CA-

CAPVT SECVNDVM.

De Philautia, siue amore sui,
omnis inquietudinis fonte,
compescendo.



Rinceps omnium cupiditatum A-
mor est, cuius ceteræ, ita nu-
tus obseruant, atque ingenium
induunt, vt commune cupidi-
tatis cognomen, quasi de pa-
rentis nomine, qui & cupido
dicitur, traxerint. Quin & apud
nonnullos, eo fortè cognomento deceptos, Amo-
ris quoque nomen, & opinionem obtinuere: sic,
vt varia cupiditatum nomina Amor idem, prout
alia, atque alia munera exercet, induat: atque
adeo ira ipsa, quâ nihil amori dissimilius, nihil
aliud sit, nisi Amor in suos hostes, quasi Cupido
pharetratus, insurgens. Hæc exigui momenti con-
trouersia est, & ex illis, quas vtiliùs negligas, ne
tempus vtilioribus auferant, quàm definias. Il-
lud ad rem maximè pertinet; reliquis affectibus
in amore medicinam fieri: hoc persanato, reli-
quos conualescere: vel id inde sit quòd amor cū-
ctarum munera cupiditatum vnus exerceat; vel
quòd

Amor om-
nium cupi-
ditatū prin-
ceps

In eo, tan-
quā in ca-
pite, reme-
dium cete-
ris adhibe-
tur.

quodd cordis instar, vbi sedem obtinet, ceteris
tanquam membris vitam, & calorem impertiat.
Itaque cohibendo, cogendoque intra suos fines
amori danda opera est ad beatam vitam nitenti-
bus, ne suo pondere aliò diuertat, aut remore-
tur

φιλαυτία
amor sui.

Amor sui
bonus, si
tutor & ma-
lus si domi-
nus.

Quæ causa
sui extra
se perpetuò
cernendi.

Philautia
omnes an-
imi morbi.

Præcipuum amoris vitium Philautiam Græci
dixere, nempe amorem illum, quo se quisque
complectitur, ac fouet: qui quidem innoxius est,
quandiu munus sibi a Naturâ commissum obit,
nimirum nostri tutelam: noxius verò vbi enormi-
ter de nostro creuit, & ex tutore, vt sæpè fit, in
dominum transijt. Eò enim aliquando procedit,
vt sint, qui nihil præter se, nisi propter se, ament,
seque vnos in rebus ceteris spectent: haud absi-
miles Antipheronti illi Oretano, quem narrat in
problematis Aristoteles eo morbo laborasse, vt
se extra se perpetuò cerneret: fortè relabente in
oculos ob memoriæ infirmitatem, & incontinen-
tiam hâc vnâ sui imagine, quam vehemens phi-
lautia semper in mente excitatam gessit. Huiusmo-
di sunt omnes sui amatores: se semper in oculis fe-
runt, se in omnibus spectant, nihil cogitare, quod
ad se non referant, possunt. Id autem quid aliud
esse putem, nisi pessimæ valetudinis argumentum,
cunctorumque animi morborum signum prænun-
cium. Siquidem ex hoc Philautiæ morbo, tan-
quam e caudice cuncta nostri animi vitia, ac lan-
guores erumpunt: inde infinita gloriæ cupiditas,
immen-

immensum cogendi auri studium, insatiabilis voluptatis fames. Inde ira, iurgia, contentiones, sacrilegia, fortilegia, cædes, vltima denique malorum, pessimaque, quæ amantis, & complectentis in speciem opprimunt, suffocantque; præcipuè tamen metus, ac tristitia vitæ beatæ pestes, ex eo morbo manant. Qui enim sese diligit, alia innumera sibi diligere cogitur, sine quibus esse non potest, nisi miser. Deum duntaxat cæcus ac demens ille non diligit, imò hostem habet, in cuius potestate sunt, quæcunque vitam sustentant: quare cum ea infinitis propemodum adminiculis incumbat; hæc autem omnia præpotentis hostis in manu sint, atque etiam spontè suâ subinde labantur; de quolibet cadente mæror animum subeat, necesse est, de cunctis malè stantibus timor.

Amor sui
cuncta diligit
præter
Deū a quo
vno cuncta
pendent.

Fuit patrum nostrorum memoriâ insanus quidam, quem vel timor vsque adeo a mente depulerat, vel amentia timore compleuerat, ut se vitro pertenui instar ampullæ constatum crederet: quamobrem nunquam publico sese credere ausus, ne in quæ frangeretur, incurreret, ab omni se mortalium commercio secreuerat: quin semper oclusas fenestras, foresque malebat, ne quo auræ vel renui deiiceretur afflatu. Si quando moueri, ac suos intra parietes ingredi cogeretur; tam attentè, leniterque pedes humi ponebat, quàm qui vitrei calicis pedem in solo deponeret. Accedentibus verò, manu statim intentâ, vti procul essent,

Exemplum
iniani se
vitrei exi-
stimantis.

Ridendus,
seu miserā-
dus magis,
qui se amat
plus equo.

essent, denunciabat. Similiter & nimis altè lo-
quentes tam sollicitè, enixèque vocem vti demit-
terent, rogabat, quàm si vltimum exitium depre-
caretur: quippe inaudierat, vitrum etiam voce
nimium sublatâ aliquando dissiluisse. Denique cor-
pori suo sparteum amictum, quò minùs periculose
tractaretur, instar ænophori, obtexerat: Itaque
stramento sub illo conditus, atque obuolutus do-
mi perpetuò sedebat, sibi, suæque pigritiæ incu-
bans, mortuus propemodum ne moreretur. Rides
video, hominis insaniam, & iure quidem, meritò-
que, at risisti imprudens te ipse, quicumque tuum
e carne corpusculum plus nimio diligis: plura tibi
timenda occurrent, quàm si e tenuissimo vitro con-
stares: tunc enim a solâ vi extrinsecùs ingruente,
non verò a temporis edacitate cauendum foret.
At hæc nostri corporis caro temporis dentes, quos
vitrum obtundit, auertitque, ita proritat, vt ab ijs
diù seruari minimè possit, quocunque protexeris
munimento: nullâ vi extrinsecùs corrumpente, suo
putrescit ingenio, mortemque tam vitare nequit,
quàm suæ compagem mortalitatis. Quò igitur tan-
ti timoris, ac sollicitudinis causa tollatur, Amor
summouendus est, qui assiduè nobis nostram inge-
rit fragilitatem, nosque sollicitos facit plus quàm
vitrei vasis custodes.

Quæ nos a
nostri cor-
poris amo-
re abducât.

Vt autem id facilè præstes, perpende, quàm
multa te a nimio tui corporis amore diuellant. Pri-
mùm nihil eo ignobilius, quod terræ filium veris-
simè

simè dixeris, vnde tibi pudenda cum belluis cognatio, & confaguinitas existit. Vas præterea, si intus inspexeris, stercoreis plenum, atque vndique, ni bene occluseris, fœtorem exhalans, inuenies. Denique vbi animus illud destituat, tantâ scatet putredine, ac pestilentia, vt nisi humo sollicitâ mandaretur, eius breui in totam viciniam contagio manaret. Reuise illud post biduum, triduumue, quàm terræ commiseris, si iustam eius æstimationem habere desideras. Finge, animum tuum defuncti, ac iam defluentis cadaueris sui tumulû referare, idque velamentis nudatum in apertum proferre, atque vndique diligenter inspicere; Quid putas dicturum, vbi vermibus ex omni parte coopertum, ac circumuestitum, vbi oculis effossis, semesâ facie, nudatis, ac ringentibus malis, cunctis denique artubus sanie, taboque fluentibus mirabundus inspexerit? Hæcine, inquiet, caro illa est, cui conficiendæ tantum in omni vitâ laborum exhaustimus? cuius oblectamentis, & præsentis aui fortunas, & futuri felicitatem insumpsimus? cui demerendæ diuina nobis amicitia posthabita, æternumque cum Deo regni consortium reiectû? Hanc ego labem gemmis, & purpurâ excepi? in thronos euexi? cunctis spectandam, adorandamque circumtuli? Et fieri potuit, vt de hac ego belluâ, nec famulante, sed dominante superbi-rem, & gratulationes exciperem, libensque mihi ipsi gratularer, quod ei curandæ, pascendæ,

S

per-

perfricandæ, oblectandæ, eius denique stercorei & sumptuosius, & peregrinis cibis elaborando curas omnes, & cogitationes impenderim? Ego, ego nempe, cui cœlestis origo naturæ vniuersæ imperium donat, cui media inter superos auro stat sedes, ac sempiternum regnum paratur? O me stultissimum pariter, atque infelicissimum, qui meos omnes amores in hanc cloacam demersi, ac tam turpiter fœdaui, quos in sempiternæ vitæ pretium poscenti, atque ad eum flagitanti Deo dare potueram!

Quæ nos ad
nostri cor-
poris odiū
incitant.

ius odij
æquitas.

Hæc reuelati tui corporis contemplatione admonitus non modò perditum in eam pestem amorem corripies, ac reuocabis; verum & odium immittes, nusquam æquius, nusquam vtilius collocandum. Et quidem ut huius odij æquitatem agnoscas, tale reputa corpus tuum, qualis si tibi seruus aliquis domesticus sit, qui te tam pertinacibus odijs persequatur, ut manus tibi afferre decreuerit, tametsi certissimè norit, se crudelissimam mortem, te sublato, non euasurum: Obuiopectore, lætisque præcordijs ferrum excipere, haud renuat, simul tuo sanguine imbutum, fumansque conspexerit. Id ipsum corpus tibi tuum molitur, hoc nomine tibi maximè infensum, quod vni sibi maximè amicum: non potest auersam abs te non gerere voluntatem, quàm ad se perpetuò conuersam gerit. Benè tuus hic verna, te suggerente nouit, mortem sibi imminere sempiternam, si tibi

bi illam intulerit: libens tamen, volensque in commune feretur exitium, modò suæ alicui effrenatæ libidini satisfecerit. Quid hâc stolidâ barbarie truculentius, quid tetrius, quid odio, eoque summo, dignius? Vt autem etiam odij eiusdem vtilitatem intelligas, cogita, plerasque tui animi offensiones, quibus diu, noctuque conficeris, e tui corporis beneuolentiâ proficisci. Quidquid caro doleat, indulgens, atque vxorius animus condolescit: quando autem carni dolere aliquid non contingat, cum vndique offensionibus pateat inermis, vndique offensiones intentantia circumstent? Aut æstuet corpus; aut algeat, aut esuriat, aut sitiatur, aut laboret, aut in durius aliquid, ac molestius incurrat; illico animus eius vicem veluti suam conqueritur, atque ad iniuriam propulsandam, vel vlciscendam sollicitus exurgit. At verò si corpori tuo odium indixeris; continuò maximam ærumnarum partem ex animo sustulisti: quin & mœoris locum gaudium occupabit, vbi, cui inimicitias denunciasti, malè omnia cedere conspexeris.

Eiusdē vtilitas.

Eiusdē iucunditas,

Castigato corporis amore, cohibenda est etiā nimia animi in partem sui inferiorem, & cupiditatum familiam indulgentia. Partem animi inferiorem voco animum ipsum, prout corpori vacat, & inferiora hæc bona sensu duce persequitur. Amor qui in hanc partem demittitur, frēno maximè indiget, vt qui rebellantium plebeculæ cu-

Cohibēdus præterea nimius animi in se ipsū amor.

S 2

pidi-

cupiditatum inquietum caput est, ac mentis tran-
 quillitati summoperè infestum. Dum enim vni-
 uersis illis gratificari studet, atque omnes exple-
 re, desideria multiplicat, & pauperatatem, vnde
 torqueatur, adauget. Contra verò diues est, vbi
 belluonum gregi nutriendo temperauit. Paucis
 enim contenta paruo dimittitur temperantia: at
 intemperantia, vas pertusum, nullâ affusione
 completur. Frenum igitur huic indomita cupidi-
 tati, injiciendum est: vt in eâ tanquam in capi-
 te, ceteris cupiditatibus injiciatur: tametsi nec ibi
 resistendum, sed cauendum præterea; ne à corpo-
 re, atque humilibus voluptatibus abstractum amo-
 rem, totum ad se tanquam de victoriâ gratulati-
 uis animus accersat. Sunt scilicet, quos contemptus
 sui ad sui admirationem attollit: & quasi multum
 præstiterint; quod se despexerint, tantumdem sese
 efferunt, resultantque, quantum demisere, æquè
 sui aestimatores, & contemptores. Hi periculosius
 præ cæteris laborant, vt quibus superbia e virtu-
 te conflata, firmitus, quasi melius materiata, co-
 hæreat, & proinde fortius, ac diutius animum
 torqueat. Itaque maiore cum diligentia quæren-
 da medicina est. Adhibe, quam Lucas medicus
 de Christi sententiâ profert; *Si quis vult post me
 venire, abneget se met ipsum &c.* Quid est, inquires,
Abneget se met ipsum? Dic, te non esse; & sic ab-
 negasti te ipsum: oculos verò refragantes ne au-
 dias: *sine illos, cæci sunt, & daces cæcorum.* Cen-
 turies

Amor sui
 ex virtute
 periculo-
 sor.

Luc. 9. 23.

Mat. 23. 14.

ties in singulos dies offendes, si illos audieris,
 teque illis, tanquam catulo cæcum, ducendum
 commiseris. Quid potius de te aures Diuinis ser-
 monibus eruditæ sentiant, attende: *Si quis existimas* Gal. 6.
 inquit Paulus, *se aliquid esse, cum nihil sit, ipse se* 3.
seducit. Ne te abs te seducas, si te nosse velis:
 esto tecum, teque penitus inspice: nihil in te
 bonum comperies, quod tuum sit, nihil tuum
 quod bonum. *Quid enim habes*, clamat, qui iure 1 ad Cor. 7.
 depositi tibi cuncta commisit, *quod non accepisti?*
Si autem accepisti, quid gloriaris, quasi non acceperis?
 Redde custos, quod tuum non est, & custodem
 ipsum, ne dum custodita, restitues. Tute ipse
 tuus non es: nihil de tuo habes, nihil de tuo es,
 nisi fur, siquid de tuo, te habere, vel esse di-
 xeris. Hoc peracto, admittas licet amorem tui
 in te iam vacuum, & cum nihil istic gerendum
 amor inueniat, spontè suâ, nullo pellente, rece-
 det: nempe nequaquam te amabis, si nihil te
 esse duxeris. Vbi verò tui amor abs te recesserit,
 ubi eo recedente derumueris, atque in arctum,
 immò nihilum coactus te, quærenti inuidiæ abnega-
 ueris, cunctas illico temporum iniurias elusisti,
 cunctisque, perfunctus periculis, ac timoribus ad
 summam animi tranquillitatem, veluti e malorum
 conspirantium turba dilapsus, euasisti.

CAPVT TERTIVM.

De impuro aduersus alios
amore coercendo.

Vltus e nostro pectore nostri amor
sedulo comitandus est, nec vn-
quam a latere discedendum,
quousque recto se tramite in-
Deum recipiat, vbi in infiniti
boni caritatem, ac de eius con-
tactu, & comprehensione gau-
dium vertatur. Haud enim exigua illum in itine-
re manent pericula: quotquot per viam e venu-
stiorum numero occurrunt, quibus occulta Diui-
nitatis imago nitido e vultu quasi pellucet, toti-
dem sibi detinendo insidias locatas habet: statim
se abripi sentiet, atque ad Diuinos Dei simula-
cro honores habendos inuitari. Quod si faciat,
ratus, iam se felicitate vna cum Diuinitate poti-
rum; breui se delusum, item plures quam antea
in ærurnas indutum agnoscet. Qui enim se ipse
amat, vt mala complura, commoda tamen non-
nulla, ac solatia quærit: at qui se in alienum amo-
rem totus effudit, tormentum parauit; nullo nisi
insaniæ solatio relaxandum. Amantis animum in
alie-

alieno corpore viuere magni Catonis, sententia fuit, facta iam vsurpatione communis. Quid est autem in alieno corpore viuere, nisi e suo discessisse, ac viuere desijſſe? Simile quid Aristoteli placuit, qui magis, vbi amat animum habitare ſenſit, quàm vbi animat: idque eo ductus credo, argumento, quod is, qui amat, perpetuò in dilecti corporis contemplatione, ac deſiderio verſetur: quicquid molitur, loquitur, agit, eò refert, ſic planè, vt ſui, ac cæterarum rerum cogitatione dimiſſa, vnus menti obuerſetur amicus, vnus feratur in oculis, nihil vt prouideri poſſit præterea.

Hinc diſcas licet, quàm grauis, & moleſtus ſit is, qui ad externa amor egreditur. Conſtat enim geminam apud Philoſophos amorì formam attribui; alteram, quæ bono præſenti, & poſſeſſo incubat; alteram quæ abſenti, atque alieno imminet; gaudio illi, huic deſiderio nomen facere: cum igitur rerum externarum amor in bonum abſens porrigatur, in deſiderio, non in gaudio connumerandus eſt: patet autem, nos tandiù torqueri, quandiù abſentium deſiderio, conuellimur, idque adeo perſpicuè, vt apud Latinos idem ſit, *aliquem deſiderare, ac de eius abſentiâ mœrere*. Quare alienæ pulcritudinis amor non tam benè cum mœrore coniunctus dicitur, quàm mœror, ſive, quòd eòdem recidit, deſiderium: proinde æquè ſtultè quis dixerit, cum gaudere, qui deſideret,

Impati amoris mœrore, leſſia, atq; angor.

*Crampas
convulsio,
seu contra-
ctio nervo-
rum.*

atque eum, qui morreat. Quantæ autem demen-
tiæ sit, etiam beatum illum putare, cuius cor his
desideriorum convulsionibus (quas spasmos Itali-
cum Græcis dicimus) trahitur, vulgo notissimum
est, cui deperire dicuntur, quicunque nimis cu-
pidè amant. Nec vocem illam ab ignorantia vul-
gi, verum a rei perspicuitate inditam esse, osten-
dit ea, quam cernimus in amantibus a reliquis re-
bus euocatio, tantaque sui corporis incuria, ac
negligentia, ut illud ferro aperire, in præceps, in-
rogum dare, perinde ut vacuum cadauer ad ami-
cæ nutum paratissimi sint.

*Eiusdè de-
mentia, ac
furor.*

Vixit superiore Patrum ætate Galeatius quidã
patriâ Mantuanus, qui cum in vrbe Ticinensi,
mulierculam nescio quam diu deperisset, essetque
sollicitus, num suum illi amorem satis probasset;
eâ petente, ut in amoris argumentum ita, ut Equo
insidebat, sese in Ticinum e ponte daret; nullâ
morâ subditis equo calcaribus sese in profluentem
egit, latus, quòd tam illustre sui amoris illi do-
cumentum præberet, oblitus tamen, quòd & fu-
roris, qui mutæ benevolentia vices tam stolidè
quæreret, ut quærendo perditum iret. Memini
præterea ipse, cum ante aliquot annos essem Nea-
poli a pluribus, ut rem totâ eâ Vrbe testatissimam,
itemque recentem audire, Virum equestris ordi-
nis ob præreptam sibi, quam perditè amabat,
puellam mœrore, ac desperatione eò adactum, ut
laqueo de suo conclavi pependerit, tametsi mor-
te

te ab accurrentibus famulis exemptus vitam reliquam perpetuò profugus, ac solitarius miserè duxerit: quippe publicam lucem reformidabat, veluti duplex sibi dedecus acti, agentisque in suspendium exprobraturam. Vides hìc, incaute Adolescens, laqueos amoris suà prèdà resectos, quos nimirum insidiosi tibi Poetarum flores bellè occuluerant. Facilis ingenij notam, ac vitæ socialis nexus, Fortunæ blandientis monilia, Iuuenilis ætatis ornamenta, canebant illi, & fabulabantur; quæ tamen vsus declarat, in quid tibi quoque parentur, nisi procul absis, aut si deceptus, captusue sis, omni conatu eos abrumpere, atque euasisse festines.

Flores poetarum mortiferos laqueos concitant.

Paucis, inquires, res ista tam malè cessit. Crede mihi, nulli non deterius, si rem benè penitus, nec in solâ fronte, perspexeris. Ex vno specimen accipe, vt æquam de cæteris sententiam feras. Fuisse Basilij Magni temporibus, scriptum in eius vitâ legimus, seruum quendam prænobilis viri, qui captus amore herilis filiæ incredibili ardore eius nuptias appetebat: nec conditionis imparitas illius obtinendæ spem ademerat: nam quem aditum fortuna præcluserat, scelere aperiri posse non desperabat: Itaque secum statuit, magum consulere, eoque internuncio mali sibi Dæmonis artes, ac præsidia comparare. Accersitus magus dæmonem adesse iubet, qui sponsam eâ demum lege seruulo se daturum paciscitur: vt

Vide Sur. in Vita Basilij

Horrendū nefas impuri amoris insinuat.

T

is

is sui arbitrij, ac potestatis in perpetuum fiat. Miser ille cupiditate obcæcatus diram, horrendamque conditionem, etiam libens, admisit: atque ut se ad eam præstandam paratum ostenderet; protinus Christo, ac sanctissimæ Triadi conceptis verbis, præeunte Diabolo, maledixit: tum fidem suam, ut ratam faceret præfectâ venâ sanguinem misit, eoque Syngrapham fidei pignus conscripsit, ac malo Dæmoni tradidit, quoquo tempore ad eius arbitrium repræsentandam. Eâ Diabolus acceptâ poculum amatorium, quod fæminæ propinaret, famulo præbuit: quo illa, doli inscia, simpliciter hausto, in tantam impuri amoris rabiem exarsit, ut Parentis genibus aduoluta, obstinatissimis precibus, lachrymis, ac suspirijs illum sibi in matrimonium dari postulauerit. Miratus parens ingemuit primò ad amorem in suâ sobole tam degenerem: deinde videns, negare se non posse puellæ, quod tam cupidè flagitaret, nisi suas sibi delicias, eam abalienando, negaret; eius infirmitati pariter ac suæ indulgit, quod petebatur: habuitque seruus iniqui facinoris pretium sui corporis cum fœminâ, animæ cum Diabolo coniugium. En quo tandem perducunt, quos per viam non præfocarunt, vincula amoris: quid autem excogitari atrocius, quid execrabilius, possit? Præpotentem rerum Dominum contumelijs, ac maledictis incessere, hostis tartarei se in fidem, & clientelam conferre, cœlestis regni iura abdicare.

dicare, sempiterni supplicij conditionem volenti animo accipere, vt lutei tandem figmenti paucis, ijsque etiam incertis, diebus, non ius, aut potestas, sed simplex vsus, ad arbitrium Domini dimittendus, obtineatur. Quis tantum dementiæ, ac furoris verbis, aut cogitatione consequi valeat?

At hic iterum clamas, rarò ea exempla contingere, atque vt proferantur, nonnisi e reposita vetustate reuocanda; Primùm passim apud omnis ætatis Scriptores similia occurrunt: sed seligenda fuerant, quæ vetustate, & maiorû fide conualluere. Deinde nihil crebrius audire est, quàm propinata suggerente Diabolo, vel quopiam eius interprete, amatoria. Hæc autem nonnisi vel aperta, vel tacitâ sempiternæ penæ conuentione nemo a bestia illâ efferatâ coemit. Postremò quisquis eò cæcæ cupiditatis instinctu perductus est, vt mulierculæ sine cerebro caput Diuini Numinis beneuolentiæ præoptet (quo nihil inter mortales frequentius) iam cælo repudiato, hosti tartareo manus dedit ac sempiternis sese sine singraphâ penis obstrinxit. Interim autem quæ illi voluptas obuenire potest, nisi fortè, quæ inter manus carnificis ad supplicium eunti, inscio quâ horâ, quo loco perficiendum. Huiusmodi sunt impuri amatores: tantum viæ ad supplicium, quantum vitæ decurrunt: nec Rei Syngraphâ opus habent Lictores ad eum ducendum, quando supremi Iudicis

Impuri
amatores
cuncti Dia-
bolo addic-
ti.

scripta sententia extat. Vt igitur tartareum hunc flagitiosę libidinis ardorem, quo animus infernis ignibus paratur, maturę extinguas, hęc tibi maximę obseruanda propone.

Impurus
amor otio-
forū nego-
tium.
Ex Laert. in
Vita Diog.
l. 6.

Primū im-
puri amo-
ris reme-
dium labor
affiduus.

Alterū fu-
ga periculi.

Primū omnium, quia amor otiosorum negotium est, vt bene olim Dyogenes ait, otium tibi vitandum puta: quę enim mens otio, ac desidia marcet, in impuri amoris libidinem facilę suppurat. Quiescentem a vomere humum, nec creandis frugibus occupatam, rubi, vrticę, ac sentes ferarum cubilia, occupant. Impuri Dęmonis cubile desidiosa mens est prauos in frutices malę luxurians: simul huic falcem admoueris, atque otiosa deliramęta sustuleris, feram illam fugasti: quippe cui nunquam vacat, ei vtiq; lasciuires non vacat. Fac tamen, vt occupatio te vniuersum obtineat, ne vitio locus vel minimus relinquatur: exigua semina exiguum locum desiderant, parem incremento factura. Frangatur proinde corpus, siue suo, siue mentis, quę eius sibi vires insumat, labore. Laboranti enim corpori, lapsantique animus aliđ dimissus accurret, ne domus incustodita procumbat, ac Dominus sine tecto migrare cogatur.

Fuge deinde pericula: nec modđ illa, quę in præcipiti sunt, & casui proxima: hęc enim aptius, quā pericula, casus dixeris inchoatos: Labi nimirum iam cępit, qui in decliuem, & lubricum locum sese immisit: Verū & quę remota dicun-

tur

tur, nec perniciem quidem inferunt, sed moliuntur. Hæc pariter, vt illa, eodemque, & fortè maiori studio cauenda sunt: quippe ad exitium ducunt, quod non vt illa, commonstrant, nisi fortè vbi impetus captus sustineri non potest, sed inchoatum per plana cursum continuari cogit in præceps: ductam nempe per parua delicta vitam in magna deuoluit. Agant oculi mentis excubias: nihil admittant, nec propiùs accedere patiantur, quod amorem, per se satis leuem, ad rebellandum sollicitet. Fæminarum, & puerorum aspectus non secus, atque hostis tartarei, eorum sub personâ ad insidias latentis, te in metum, & fugam vertant. Sic enim habeto; in hoc cum libidine certamine non congressu, sed fugâ, & cursu rem peragi, ac victoriam reportari. Hinc familiaria cum illis colloquia, solis præsertim in locis, tam procul habe, quàm de tui deditione sermones: eam scilicet spectat, qui se ab hoste ad secreta huiusmodi colloquia elici patitur. Nec de tuæ constantiæ vsu, atque experimento Fiducia sui potissimum vitanda. animum capias: etenim quicumque cecidit primò, antea ceciderat nunquam; semel inchoandû est, nec nisi post multos primæque integritatis annos, ac diuturnum castitatis experimentum. Ætas omnis in hæc vitia impellitur, at fortissimè omnium adolescentia, quæ vltra communem voluptatis libidinem, tunc maximè æstuantem, habet præterea, vt Augustinus loquitur, *libidinem curiositatis*, lib. 6. c. 11. cuius

Ep. 2. ad
Nep.

Ep. 5. ad
Rutt.

Nihil a ca-
su remotius
quàm cadē-
di metus.

cuius impulsu amicum Alipium in primo ætatis
feruore miserè cecidisse deplorat. Audi peritissi-
mum senem Hieronimum Nepotiano iuniori præ-
cepta dantē; *Ne sub eodem, inquit, tecto (cum
puellis, tamen si Christo dicatis) mansites : nec in
præteritâ castitate confidas . Nec sanctior David, nec
Samsone fortior, nec Salomone potes esse sapientior .
Memento semper, quòd Paradisi Colonus de possessione
suâ mulier eiecerit.* Idem aliquando Rusticum mo-
nuit, vt cautè, vel cum Matre ipsâ versaretur, ob
ancillas saltem, quæ in illius obsequio essent, qua-
rū, inquit, *quantò vilior conditio, tantò ruina facilior.*
Sæpè nempe plùs militem ad vrbis expugnatio-
nem inuitat, arcis infirmitas, quàm nobilitas, ac
pulcritudo, quæ plerumque præsidij abundat.
Nec putes tibi non obuenturum, quod Salomo-
ni accidit, aut Samsoni, aut Davidi: hæc enim
fiducia de intollerabili arrogantia est, quæ nunc
te supra culmina humani generis effert, mox in
tantam altitudinem deijciat, in quantam extu-
lit. Crebriùs enim, ac faciliùs cecidere, qui suis
vinibus præfidentes cliuorum supercilia deambu-
lauere securi: iusto scilicet Prouidentia consilio,
vt e lapsu suam pariter, & superbiam, & infir-
mitatem metirentur, atque hanc illi parem, vt
morbo solet esse imbecillitas, agnoscerent. Con-
tra, nihil est, quod equè a casu prohibeat, quàm
cadendi metus: is enim & vitat discrimina, &
quæ vitare non potest, nonnisi euocatis auxilio
Superis ingreditur: Nec

Nec præterea te ludi patiaris rectæ voluntatis conscientia. Noui, inquis, quæ mihi mens sit in hac probatissime feminæ beneuolentiâ: nihil in eâ, nisi probitas, prudentia, verecundia, comitas, ipse denique pudor, ac pudicitia præ ceteris arridet: quæ certè duo postrema minimè omnium probarentur, si mihi pudicus amor non esset. At, amabo te, quare hæc in vetulis longè sanctioribus, prudentioribus, maiore etiam verecundiâ, magisque probatâ pudicitia minime arrident? Mihi crede; placent tibi puellaris animi dotes, quatenus eius formæ cohonestandę, & quasi ancillulæ concinnando capiti famulantur. Explicat enim probitas frontem, & malę conscientię rugas explanat: genas tingit verecundia purpurisso: palpebras pudicitia componit: indecoros tollit prudentia motus: aperit comitas modico risu venustatis florem. Virtus denique omnis suum bonæ menti vultum restituit. Fac virtutes ad anilem, quoque duratum vultum amplius non accurrere; illę tibi ex animo protinus excidere. Igitur non virtus placuit, que nunc cum maximè matura est, sed vultus virtutis operâ cõmendatus. Castus, inquis, ac pudicus mihi amor est, nihilque illi obuersatur impurum. Credo equidem, sed caue, ne crescat: recens enim natus nondum vitium perdidicit, tenerum elide, vt ne adultum experiare procacem. Do tibi, cum nihil turpe hætenus spectasse; vereor tamen, ne
iam

Impuri amoris velamen amouetur.

Stob. ferm.
61.

Lib. 2. cōf.
c. 2.

Tertiū cō-
tra impurū
amorē re-
mediū su-
per ad Supe-
ros preces.

iam spectare incipiat, suoque etiam lapsu verum
demonstret Aristotelis Cyrenaici responsum, qui
ab amico rogatus, num amor fœdæ voluptatis
gratiâ esset: *Neque eius gratiâ, inquit, nec sine eâ.*
Non dubito, quin tuus iste amor purus in lutum
defluerit, minùs tamen dubito, quin lutulentus
sit emerfurus. Iactas, illum tibi e Platonica scho-
lâ benè moratum prodijisse, doctumque intacto
amici corpore in eius animum penetrare: At Pla-
tonicus Augustinus suæ doctrinæ vanitatem exper-
tus, limosum esse confessus est limitem amicitiae,
non ita purum, vt a Magistro didicerat: veren-
dum proinde casto licet amor, ne dum in ani-
mum transit, hæreat, vt incautis plerisque contin-
git, viscatus in corpore.

Tertiam tibi remedij loco adhibendam statue
precationem, præsertim, vbi impura cupiditas al-
tas in pectore egit radices. Nullus corporis affe-
ctus æquè contumax aduersus medicamenta fuit,
arque hæc animi pestis: nullis planè cedit reme-
dijs, nisi fortè diuinitus allatis: atque his etiam,
quàm potest, contumacissimè resistit, & ne tan-
dem cedere compellatur, properè amouere curat:
nam non modò preces pro se ipsi non fundunt,
qui nimis cupidè amant, verùm ab alijs susas non
secus oderunt, atque eos, a quibus excitantur,
qui læta somnia vident. Est, qui putet, in amo-
re maleficium aliquod interuenire; nec nisi mali
Dæmonis arte posse tam obstinatè eam in animo
per-

perniciem coalescere. Verum id sit, an secus, minimè moror: certum duntaxat mihi est, si maleficium interueniret, nec nisi incantato carmine suis amantes obstringerentur amasijs, pertinaciùs, quam adhæreant, non adhæsuros. Diuinitus igitur accersenda remedia sunt, quando alia nulla processisse conspiciamus. Orandum sedulò, eoque impèsiùs, quo magis impuri amoris, sibi timentis, suasu, mentem seduci ab orando intelligimus: tandiu etiam precibus immorandum, tandiu pulsandum, ac fatigandum supplicijs, votisque Numen, quousque languor abscedat. Iungantur, si res exigit noctibus ad precandum dies, vt se iunxisse aliquando, nec sine successu, testatur Hieronymus simili morbo tentatus. Tui pretium ab hoste disce, qui te diu, noctuque plures iam fortè annos, vt in potestatem redigat, circumfider, pudeatque firmitus illi in te perdendo, quàm tibi in asserendo, adesse propositum. Nec recedendū a Deo existimes, si statim tibi non videaris exauditus: differt enim vt te apud se diutiùs habeat, multumque confert de eo, quod differt: nunquā certè victus es, quandiu cum ipso supplex fuisti: quare tuarum cardinem precum vtique exaudiuit, qui, ne ab ipso offensione aliquā recederes, potissimum postulabas. Illud tamen, si quando durum inuenias, cogita, an tu duior cum ipso sis, qui toties ab eo aliquid rogatus, nunquam dedisti. Facilem nanque illum habebis, si te facilem illi

Ep. 22. ad
Euloch.

V

præ-

Prou. 29.9.

Precipue
ad Virginis
patrocinij
confugien-
dum.Camuliam
portâ nunc
vocat.

præbueris : e contrario difficilem , si te diffi-
 lem , vt ipsemet inter proueria Salomonis te-
 statur : *Qui declinat aures suas , ne audiat legem ,*
oratio eius erit execrabilis . Aduoca Virginum Pa-
 rentem , quæ virginitati periclitanti , tanquam
 lilijs suâ manu consitis , præsto erit . Illi tuum
 dono offer amorem , si e cœno , vbi iacet , por-
 rectâ eum dexterâ erexerit . Sequere Bernardini
 Sanctissimi adolescentis documenta , quæ adhuc
 retinet , redditque posteris marmor apud Senen-
 ses sub Imagine Virginis in hæc verba exaratum .
Hanc mihi exquisiui amicam ab adolescentiâ meâ .
 Sita est autem ea imago , atque inscriptio eo lo-
 co , quò olim Bernardinus ad Virginem salutan-
 dam , nunc verò nonnulli eius ciues ad reliquas
 feminas officiosis salutationibus demerendas con-
 ueniunt . Quare quoties illâc transibam , videbar
 mihi parietes ipsos ita contra illos clamantes au-
 dire : O viles animæ , atque a maioribus vestris
 degeneres , quibus cum liceat , Cœli , terrarum-
 que Reginæ vobis amicitiam , & ad amicitia leges
 regni consortium parare ; de sordidæ mulierculæ
 gratiâ nihil profuturâ , plurimùm nociturâ , regni
 ipsius cœlestis impendio comparandâ , cura vnica ,
 & sollicitudo est . Quid has voces exprobraturo
 marmori vel inarastis , vel inarata hætenus tolle-
 rastis ? aut eas tollite vestræ dementiæ testes , aut
 earum admonitu resipiscite . Cape tu quoque ,
 mi Adolescens , ex hac reprehensione quidquid

in .

CAPVT TERTIVM.

755

in te cadere putas, & libens velli te sinas, vt ex-
citeris, abiectisque ceci amoris insomnijs, vigil,
atque oculatus in posterum ama.

Postremò adde precibus e vexato corpore cla-
mores. Iniunge iumento tuo Niniuitarum exem-
plo cibi abstinenciam: Indue illud cilicio, flagris
contunde, vt quod irritando Numini pars magna
fuit, propitiando adlaboret. Vis autem non
modica ad curandam amoris impuritatem inexte-
nuando corpore sita est. Nam præterquam quod
audit Deus, veluti nostra, nostrorum iumentorum
lamenta, vbi illa dolor noster effecit; spontè suâ
amor impurus e corpore abscedit, quando illi im-
puritatis materiam e superuacuo nutrimento con-
gestam absumit inedia.

Quarta re-
medii cor-
poris affec-
tationes.

Denique si cuncta hæc morbo tuo adhibueris,
facile conualesces: fructumque maximum exacti
pessimi hostis (qui sub amoris nomine tibi insi-
dias molitur) habebis, placidissimam animi tran-
quillitatem, hoc est sedem illam venturo Domi-
no, venturæque cum eo felicitati vacuam, para-
tamque, de quâ Regius Vates pronunciauit; *Fa-
ctus est in pace locus eius, & habitatio eius in Sion:* Ps. 75. 3.
hoc est, in arce illâ fortissimâ, quæ nulli, nisi Cœ-
lo apertâ, nullos nisi cœlestis Amoris ictus, at-
que ignita iacula admittit.

V 2

CA-

CAPVT QVARTVM.

De ira temperanda, atque in
officium cogenda.

Eccle. 7. 10.

Ira furori,
quàm insa-
nia simili-
or.

Vod M. Cato opinatus est, Iram
esse breuem insaniam, non eius
tantummodò leui nititur au-
toritate: idem enim sanxerat
multò ante Diuino Spiritu affla-
tus Sapientissimus Ecclesiastes
vbi ait; *Ira in sinu stulti requies-*
cit. Nihil huic affectui ad diuturnam insaniam
deest, nisi diuturnitatis accessio: extende iram,
& insaniam cœquasti: nisi fortè hoc inter insaniam,
& iram interesse putes, quod inter insaniam, &
furorem: huic enim ira, quam illi propior vide-
tur: & si quid a furore distat; inde fortasse est,
quòd vltra furiosam amentiam ira transilijt. At
non æquè iratus, ac furiosus mente deficitur:
imò propterea transilijt, quia quidquid iratus præ-
furibundo retinet mentis, ad ictus, & clades cer-
tiùs inferendas seducit. Quò fit, vt plures exitio
datos ab irato vno sæpè videre contingat, quàm
a furiosis quamplurimis: quin ferè nullus à furio-
so perijt, nisi qui in eius ferrum se imprudens in-
duc-

duerit. Eo enim, tanquam ferâ e caucâ, dilapso, statim vndique accurritur, & conclamatur, terroreque coercitus facili negotio alienæ cedit potentiæ qui sui potens non erat. At quem irarum furia sollicitant, nulli doli, vis nulla cohibet, quin in obuios quosque, non homines modò singulos, verùm, si potentia adsit (quæ victrice sub iracundiâ impotentia dicitur) etiam in populos desæuiat. Quoties immanis ira Tyranni cruenta flumina ad mare, nec consueto alueo, aggestu cadauerum auersa ire coegit? Quoties mare ipsum colore immutato sanguineum æstare compulit, & nouâ horroris accessione procellis interritos deterrere? Quid memorem eculeos, & ferreas, aculeisque rigentes virgas, & cruces, & actos per media corpora palos, & sepulcra viuentibus defossa, & miseros feris obiectos, & in frustra concisos, & cute vniuersâ exutos, eodemque sale, atque aceto perfusos, ac deinde per testarum fragmenta raptatos, & adhuc spirantes eliquato plumbo in solatium sitis impletos? Quid viuentium corpora lento igne paulatim adusta, siue ardentibus ex ære tauris inclusa, siue galeis, loricisque, insuper, & calceis candentibus induta, siue ex editis turribus, vel supinè cylindro reuincta ex abruptis montibus data, siue media inter duos afferes dissecta, aut sexcentis alijs humanitati pudendis supplicijs discrucgiata? Hæc enim leuissima sunt, propterea quod

Porcatium
ira quàm
furiosa.

in

Eadē quā
Aupida.

in singulos prodita, præ ijs, quæ latiùs in populos patuere. Sæpè nonnisi succensis cum inclusâ ciuium multitudine vrbibus, aut vastatis longè latèque regionibus, aut deletis populis, inducto insuper in regias vrbes aratro, vnius ira Potentis placari voluit. Quâ feritate quid magis stupidum, attonitumque? quasi magnificum quid sit, dignumque Rege solatium, pestilentia vim, atque opinionem in vulgus æquasse: sitque grandis potentia argumentum res in nihilum, quod a nullâ potentia habuerant, restituisse.

Ira hominis hypotiposa.

Nec minor Priuatorum, quàm Regum, ac Dynastarum bilis: sæpè etiam hoc maior, quò egesta minùs. Principis iram, doloremque, vt quæ in quamplurimos exoneratur totidem leuant, quot ferunt, sentiuntque: at Priuatos æqua rabies, sed solos plerumque corripit, vritque, vt qui eam exhalare, atque in alios effundere non possunt. Subijce animo, quencunque irarum furijs aliquando ex toto permissum nosti. Eius imaginem diligenter obserua, teque ita compone, vt nemo, tuos in illa vultus agnoscat. Vide, vt ad illatum conuicium subitò expalluit, sanguine cordis auxilia euocatum abeunte: Vide, vt inde copijs adiunctis totum se cruor in summâ facie ad æmulum terrorem explicuit: Eodemque tempore vt flaua oculos bilis sedauit, atra vultus residuum: cui etiam rugæ, & venarum tumor vmbra adiungere suas: Vt paulatim aucto calore totus intumuit,

muit, & dum rupto nimbo edere dolorem parat, spumam pro verbis, & suspiria, & gemitus, & subitos, inconditosque clamores ferarum in morem profert. Dentium attritu, conflictuque. Apros de industriâ refert, vt plus quàm humanam sævitiam se meditari significet. Iam & vestes, & crines lacerat, & pectus pulsat, & modò caput allidit, modò membra mordet, dein dentes ad superos vertit, & quos dentibus se non posse videt, doletque, linguâ proscindit: quò palàm denunciet, nemini sperandum a suâ rabie tutum fore, a quâ nec propria membra, nec Superos eximat. Denique totius corporis tremor, tumorque, atque infecta nigrore cutis, & angor, & æstus satis ostendunt, eum composita alijs venena præbuisse, & quam illis perniciem comminabatur, suo vsu probasse.

Ex hâc tam dirâ imagine satis, superque intelligis, puto, quem tanta rabies exagitet, nullâ cum posse beatæ vitæ tranquillitate gaudere. Simul illud liquidò constat, haud in transactâ tempestate, æstuque composito spem pacis locari posse: quidquid enim spatij discussis nubibus superat, quidquid sereni micat, vix agnoscendis complorandisque editis stragibus sufficit. Dies vnus iræ permissus plures in annos materiam lachrymis, ac pænitentia suggerit. Illico subeunt partæ per iracundiam inimicitia, rescissæ veteres necessitudines, violata propinquitatis iura, offensi grauitè

Tracundo
nec æstuan-
ti, nec sedato
pax est.

Su-

Superi, quidquid gratiæ, bonæque opinionis in omni ætate collectum, momento temporis dissipatum. Itaque iracundum, aut ira a beatâ huius temporis vitâ prohibet, aut iræ reliquiæ: quocirca hoc de viâ submouendum impedimentum est, ut quod profecti sumus, expedite venire possimus.

Iræ remedia, quorum in primis dissimulatio.

Primò igitur ad illatam iniuriam per quam diligenter obserua, ut vultus, ut manus constet, ut lingua loqui pergat, si caput, ne silentio testetur doloris vim vocem inhibentis, omnesque ad se animi, corporisque vires euocantis. Nihil in fronte, nihil in oculis, totoque corporis habitu immutatum appareat: etenim difficile ira resistit, quando iam prodiit, & imminens leuitatis nota eam ad vltiora obligatam trahit. Sæpè scilicet pergimus, quia capimus, retinetque in malè captis penitentia pudor: imò interdum iræ iram adiungimus, ne leui ratione videamur abducti; quasi maior insania maioris rationis, ac melioris consilij argumentum sit. Interim quò exterior eadè perseueret corporis facies; auoca pro viribus ab iniuriâ mentem, atque in intimos tuæ memoriæ recessus secedens, relege ibi tuæ antea vitæ historiam: quoties talia peccasti, vnde sempiternam ignominiam, & malorum reliqua promeritus es. Haud fieri tibi posse iniuriam intelliges, quando iure optimo cuncta tibi mala deberi existimabis. Pura cum,

Secundum suæ cōsciētiæ & antea vitæ recognitiōe.

eum, quem aduersarium censes, Legatum ad te Diuinitus missum, vt tecum transigat de magnis nominibus paruo ære dissoluendis, de sempiterno supplicio exigui patientiâ dedecoris redimendo. Cogita eundem Christi verbis sic tecum agere. En syngrapha tua, quæ in fronte abs te Domino tuo decem millia talenta, a tergo tibi a Conseruo centum denarios deberi testatur: vtrum vis elige: aut Syngrapha conijciatur in ignem; aut si nomina dissolui mauis, para te ad ignem loco Syngraphæ subeundum. Hæc audiens, si sanus es, gratiam referes, cui referre iniuriam volueras. Quod si contingat, vti non raro assolet, vt ille de tuâ mansuetudine insolescat; non idcirco istam abijcias, quæ te vel nolentem pro merito vindicabit: illatam enim tibi infamabit iniuriam, meritamque apud omnes inuidiam æmulo tuo conflabit. Audi, & sequere Philippi Macedonum Regis exemplum. Hic cum Legatis Atheniensium pacem rogantibus benignè annuisset, quæsissetque præterea, quid vltra Atheniensibus facere posset, quod illis foret acceptum, hoc a superbo Demochare, ex Legatis vno, responsum tulit; *Nihil, inquit, ciuibz nostris acceptius erit, o Rex, quàm si te ipse suspendas.* Quo audito Philippus, non se, sed maiore æquitate iram suam, eâ dignam animaduersione, suspendit, præfocauitque: ac dimisso Demochare incolumi, non aliam de illo vindictam sumendam duxit, nisi quam inultæ poten-

Optimum
vindicte ge-
nus, indi-
gnitatem
iniuriæ mo-
destia oltē-
dere.

tiæ modestia posset exigere, æternam scilicet ob tantam procacitatem infamiam.

Terriū re-
mediū di-
latio.

Sin autem iracundia, antequam ratio illam præcluderet, mentem occupauit: exactoque consilio, atque omni sibi aduersâ ratione subitam ultionem indixit; promitte illi, te ultorem, sed sine tuo periculo futurum. Dic autem tibi periculum maximum imminere, ne si iniustas ab æmulo repetas pœnas, iustas communi Domino daturus sis longè grauiores: Itaque instituendum antea iudicium, audiendum Reum, dandam illi aduocationem esse, ut si deinde crimen non diluat, digno supplicio plectatur. Interea differatur ultio, dum rabiosa cupiditas despumet, & mens in suam restituta sedem, ac libertatem aduocato iterum consilio, actionem iniuriarum apud rationem contra æmulum instituat, Illa sedeat pro tribunali, non ira, quâ aliquando ut ministrâ, ac satellite, nunquam ut iudice utendum, imò quândiu iudicium fit, summouenda, ne suis rumoribus illud perturbet. Nullum autem iræ præcipiti remedium præsentius dilatione est, quæ eius fluctus ubi cohibuit, fregit, composuitque, durare, ni progrediantur, inualidos. Sæpè etiam sola ipsa dilatio iniuriam, iræ causam, disiecit: nam semotâ iracundiâ, quæ offensam suâ criminatione auxerat, palâm fit, nullam nobis iniuriam, ab æmulo, sed illi potius a nobis interpretatione malignâ factâ. Interdum ambiguè, sed bonâ mente dicta in de-
terio.

teriore partem, aut aliò destinata ad te traxisti. Interdum pupugit quidem alius, sed vt te prouocaret ad ludum: quid iniquius, quàm maleuolentiam interpretari, quod nonnisi cum amicissimis fieri solet? Etiam si seriò momordisset amicus, flectere in lulum, iocumque debueras, & consequentium interpretationem ex antecedentibus petere: quanto magis si iocari voluit, vt consueuerat. Aristotelem ferunt, cum se a quodam maledictis lacessitum audisset, facerè dixisse; *Ab-*
sentem etiam verberet licet, modò presenti parcat. Socratem pariter acceptà alapà iocando conquestum, in ea se tempora venisse, vbi ignoraretur, quando cum galeà esset e domo prodeundum: Illud præterea iræ signum dare consueuisse, quòd vocem summitteret, & parcius loqueretur: signum nempe lenitatis, & mansuetudinis, vt eius admonitu ira erubesceret, recederetque. Haud arduum puta quod ægri isti infirmæ, ac debilis naturæ viribus superare potuerunt: ideo nanque eos in exemplum libentiùs propono, qui non inuitent modò, verùm etiam pungant, stimulentque non sequentium ignauiam. Tibi vltra vires naturæ diuina quoque, ni renuas, præsto erunt auxilia. Fortè seriò quidem contumeliam aliquis dixerit, sed iratus, hoc est per id tempus insanus: Nunquid æquum est, ab insano supplicium exigere? Tute illum stultè locutum dicis, & belluam, & mulæ similem, prætereuntes temerè ferienti, com-

Quantum
remedium
benigna in-
terpretatio.

Laert. in
eius vita.

Irato vt in-
sano par-
cendum.

pluries appellasti. Dic igitur, quare non, ut stulto, non ut belluæ, cui par cum illo ut rationis, ita culpæ vacuitas est, ignoscendum putas? Excusatiùs certè vindicare, si mente illum sanà locutum diceres: nunc verò satis tibi non constas, qui verbo stultum dicis, re, atque ultione prudentem: hæc enim nonnisi scienti, prudenterque contumelioso rependitur. Quòd si eum punias, quòd irasci non debuit, nec in insaniam spontè prorueret; habes tecum, quem utiliùs ob iracundiam, & cognatam insaniam punias. Tu enim quoque irasceris irascenti, & quidem minùs iustè: siquidem ille aduersùs sanum iratus est, tu aduersùs insanum. In te igitur priùs exemplum statue, quid irato debeatur, & quas de te pœnas capisti, exige ab alijs. Sat puto leuib. pœnis contentus eris, & fortè isthæc omnis tempestas, quæ fulmina erepitabat, in amicæ reprehensionis auram detumescet.

At mendacium, seu facinus tale mihi exprobrauit, ut eam notam haud vnquam nisi exprobrantis sanguine possim eluere. Quid, obsecro, dolet? morbus tuus, an indicium ab alio factum? si indicium, per quod tui opinionem apud alios imminutam putas; quare non magis morbus, qui non tuam imaginem, sed te ipsum rodit? quique ipsum indicium suis sordibus inquinat, suumque veluti odorem corrumpit? Si autem morbus; hic non alieno sanguine, sed tuo curandus est:

mitte

mitte illum flagri adiumento; aut aliâ corporis afflictione: atque vbi conualueris, grates medico tuo refer, qui morbum tibi tuum aperuit, atque ad remedium incitauit. At contumeliam dixit, non amicè monuit, vt debuit: illa est, quæ vrit, non simplex, atque vtile indicium. si vales; euentui crede, te vrendum fuisse, non amicè palpandum, aut molli aliquâ viâ curandum, vt conualesceres. Nemo te tibi amicior: compluries te peccantem vidisti, & nunquam non amicissimè commonuisti: nec tamen peccata recessere: igitur igne, & ferro vlcus ressecandum fuerat, non blandâ manu confouendum, & fomentis, blanditijsque in suâ pernicië confirmandum. Negligimus enim vt leuem morbum illum, cui lene cernimus, & blandum adhiberi medicamentum.

Quare differ te, quàm diutissimè potes, iratum: conijce furiosam mentem in vincula, donec respiscat, & hæc, quæ diximus, atque horum similia per otium contempletur. Corporis iniurias patiendi consuetudo debilitat; iniurias animi, etiam consuetudo meditandi: quæ scilicet illas animo representans cum eo sæpè committit, efficitque, vt iniuriarum nulla animum quasi tyronem nouitate deterreat, deijciatque. Magni Theodosij legem, Ambrosio latam auctore, tibi positam puta, quâ nempe cauit, ne quis Cæsaris iussu capitis damnatus mortem subiret, nisi post trigessimum a promulgatâ sententiâ diem. Malo enim

suo.

Theodosij
prudens cō-
tra iræ im-
petum lex.

suo didicerat optimus Princeps, quàm iniquum sit reo appellationis copiam negare a Principe irato ad sedatum, qui & potentiâ, & dignitatis gradu, & iudicandi munere præcellit. Egregium etiam Archite factum, dictumque sanctissimæ apud te legis instar obtineat. Non enim a sanguinarijs, suis Dijs, sed a nostri clementiâ Numinis, naturâ interprete, hausit. Is cum peregrinè in patriam reuersus prædia sua Villici incuriâ labefactata, conspexisset, subitâ irâ correptus, astanti villico, *Quàm malè, inquit, te acciperem, nisi iratus essem.* Sapientissimè quidem iracundiam excusauit, ut non puniret, ratus humanitatem eo morbo infirmam, atque impotentem ad iustè puniendum manum regere non posse.

Ex apoph.
Ald. Mau.

Vltio non
minuit, sed
auget iniu-
riam.

Ira infirmi-
tatis argu-
mentum.

His accedat ea cogitatio, non tolli vltione, nec minui iniuriam, sed augeri, & altiùs excipi, dum contra itur. Si enim simul ac tangeris arrectis villis, exertisque dentibus, os ad remordendum conuertis, quasi caninâ rabie contemptum redempturus, longè à proposito aberras: Despectior eris, quàm antea, si qui vir putabaris, iam canis, & is quidem rabidus, appareas. Nec te fortem puta, propterea quòd quemque accedentem, tangentemque sine discrimine morfu petis. Nam id proprium est leuissimæ cuiusque bestiolar, cui, quia tangi, opprimi est, contactus quilibet odium euocat capitale. Inter homines quoque eos esse iræ paratioris vi-

de-

demus, qui imbecilliores sunt, pueros nempe, senes, mulieres, ægrotos: quibus etiam id moris esse, vt cum præ imbecillitate congrédi nequeant, feruentius irascantur, atque inhorrescant, vt maximè terreant, arceantque, quos maximè pertimescunt. Quare quo fortiùs loquuntur, & acriùs comminantur, eo infirmiores sunt, toto spiritu in verba, minasque conflato. Verum firmitatis, & roboris argumentum est, se ipsum validè tractum continere posse, nec dolori ferendum permittere, imò nec ab eo, plusquàm rupes à fluctibus, concitari; Valde autè concitatū se prodit, qui dolorē inferenti reposuit, quæsiuitque malignū ex consortio pænæ leuamen. Denique illum verè fortem existima, qui iniurijs, & contumelijs ita animum obfirmavit suum, vt iam ne sentiat quidē, statimque, perinde ac si non agnouisset, ignoscat.

CAPVT QVINTVM.

Potissimum Iræ medicamentum
Præpotentis Dei Patientia.



Bi ad hæc leuiora, quæ hæc-
nus memorauimus, remedia
morbū tuū adhuc contuma-
cem perspexeris; de Christo,
nostræ salutis auctore, potiora
tibi

tibi querenda medicamenta sunt. Omnium ta-
men potissimum in ipsâ Medici contemplatione
medicamentum statue. Sume præ manibus Chri-
sti e cruce pendentis imaginem. Serpens hic
æneus (eam de se ipse sculpsit effigiem, quo se
anguis instar pestiferi commune odium, ac de
caso, suspensoque commune gaudium sustinuisse
significaret) serpens, inquam, hic æneus solo as-
pectu virus, quo te reptantes tecum supra terram
Fere morsibus suis implerunt, exhaustiet: bilem,
videlicet ex alienis iniurijs collectam. Aspice ad
æneam illam iniuriarum tollerantiam, & confer
tuum cum innumeris eius opprobrijs, quæ illum
vsque adeo deformarunt, ut in ea verba compu-
lerint. Ego sum vermis, & non homo, opprobrium
hominum, & abiectio plebis. Vide singulas Chri-
sti iniurias infinitis partibus tuam istam tenuissi-
mam excedentes: quid enim nisi infinitum esse
queat, quod infinitam valeat potentiam offen-
dere? Quid nisi tenuissimum, quod tuæ bene con-
gruat paruitati? Expostula deinde, si potes de
iniuriâ illatâ, ferrum cape, anhela, meditare vin-
dictam; quando rerum Dominum à suis figmen-
tis tantæ vulnera atrocitatis silentio ferre tuâ cau-
sa vides.

Christi e
cruce pen-
dētis allo-
cutio.

Finge animo illum sic tecum loqui, ut eius
æquitatem intelligentiâ, magisque imitatione
percipias. Volo te, quas habes, querelas, con-
tra emulum tuum omnes proferre: modò, quas
ego

ego pro te sine querelâ iniurias tuli prior, auscultes. Ego si fortè non nosti, antequam carnem hanc cum vermiculis communem induerem, integrâ vixi æternitate beatus: mox vniuersa, quæ vides, & plura, quæ oculos tuos fugiunt, eo grandiora, quo meliora, solo nutu, atque imperio cōdidi, eodemque alios, atque alios rerum orbes excitare quotcunque, si velim, possum: quando nec rerum affluentia mihi deesse possit, nec potentia, nec sapientia, cum hæc omnia ego ipse sim, qui mihi deesse non possum. Eâ verò opulentiâ diues, meque ipso plenè contentus haud opus habeo rebus procreatis ad plenum gaudiū, æquè rerum omnium Dominus, siue illa extra me dimisero, siue mecum retinero. E tantâ nihilominus amplitudine, ac sublimitate in huius me corpusculi angustias conieci, vt illud tibi in exemplum componerem patientiæ, ac tuis querelis silentio meo silentium facerem: Quod vt pro viribus æstimare valeas, illud in acerbissimis meæ necis cruciatibus tibi contemplandum propone. De ijs autem sic primùm in vniuersum habeto, tot, tantisque fuisse me cruciatibus traditum, vt sola illorum recordatio timere, tremere, sudore sanguineo manare, ad extremum mortis agonem venire hominem diuinitate suffultum coegerit. Quàm grauis res ipsa venerit, cui tam feralis imago contigit, facili negotio conijcies, si rem attentius inspexeris. Nefario parricidio fundamenta iecit is,

Y quem

Matt. 26. 15.

quem de puluere, ac stercore pauperem erexeram, vt inter supremos populi mei principes collocarem. Ab eo enim venij hostibus ad lanienam empturis: nec secus, ac soleant vilissimæ quæque merces, pretio nimirum ad emptoris arbitrium statuendo: *Quid vultis*, inquit, *michi dare*, & *ego eum vobis tradam*? Quo pacto nequissimus proditor ne sui quidem iumenti caput vendidisset: cum contra eo ipso tempore, infinito mei sanguinis pretio de illo a tartareis hostibus redimendo transigerem. Comprehensus deinde, ac funibus circumligatus, non secus ac de insigni fieret grassatore, cuius interitus publicæ, priuatæque rei conduceret, inter sibilos, insanosque plaudentis populi clamores ad iudicum subsellia perducor. Iudices sedebant seruuli mei, apud quos graui me supercilio, & minacibus oculis intuentes reus agor, quòd regnum affectauerim alienum, quòd contumeliosus in Deum fuerim, quòd flagitijs omnibus coopertam vitam traduxerim: Is videlicet, cui nihil vsquam in Orbe meo esse potuit alienum, quod raperem: cui tam arduum fuerat esse in Deum contumelioso, quàm in me ipsum: cui denique non alia fuere flagitia, quàm quæ vos per summam nequitiam, ego per summam bonitatem admisi, vbi vos flagitijs omnibus coopertos mihi membra coagmentaui: tunc enim,

Et. 53. 4. *Iniquitates vestras ipse tuli, & dolores vestros ipse portauit.*

Agno-

Agnouit Iudex innocentiam meam, palamq. pronunciauit, non tamen, vt inuiolatam dimitteret, sed vt eo acerbiùs, quo iniquiùs damnaret. Ad crucem enim, suppliciorum extremum, consuetà, imò præter omnem consuetudinem, immani verberatione præmissà, condemnantis iudicio insons condemnor. Ea autem fuit verberum carnificina, vt nudata ossa, regius quemadmodum prædixerat Vates, sese proderent dinumerantibus. Huic verò tam crudeli verberationi a nefariâ turbâ Satellitum, probare se populo cupientium, e pugnis, colaphis, calcibus, sputis in os meû egestis, spineoque ferro capiti imposito, altèque defixo tam ingens pænarû cumulus accessit; vt qui vultus latentem antea diuinitatem insinuaret, iam ipsam vix proderet humanitatē. Postremò funibus collo iniectis ad verticē Caluariæ montis in modû belluæ raptatus infami ligno suffigor: atque ibi tandem morte turpissimâ, eademque omnium, quotquot vlli mortalium antea contigerant, acerbissimâ, latronum medius, tanquam eius ordinis caput, in regiâ, ac florentissimâ vrbē, excelsa, & maximè conspicuo in loco, festo die præ ceteris celeberrimo, in luce ipsâ meridianâ, spectante, ac plaudente populo innumerabili, vestibis omnibus per summam ignominiam, quin & cute ipsâ per summam immanitatem denudatus, totâ exhorrescente, mecumque auctore suo propè commoriente naturâ, morior

a filijs interfectus, pro interfecto-
 ribus filijs, mo-
 rior omnipotens, morior immortalis. O rem grā-
 dem, fortè inquires, nec nisi Deo testanti, nec
 nisi de Deo perpetrante credibilem. Ita planè
 res est: credere non deberes, nisi ipse testis, ni-
 si actor essem. At quid ad tantam & vix credi-
 bilem atrocitatem me dixisse putas? Toto tēpo-
 re, quod ea tenuit, vocem protuli nullam, sal-
 tem, quæ me commotum significaret, nonnullam
 quidem, quæ me pacatum: vsque adeo silui, *ut*
 Matt. 27. 14. *miraretur Præses vehementer*, & cum primùm ere-
 ctâ cruce populum mihi vni intentum vidi, hæc
 vna vox longum silentium rupit; *Pater ignosce illis*,
 Luc. 23. 34. *non enim sciunt, quod faciunt*. Idque tam serio di-
 xi, tam impensè rogaui, ut quos tunc in terris ha-
 bui percussores, iam in Cœlo regni consortes meę
 precationis merito nunc adhibeam.

Has igitur tot, tantasque, ac tam atroces iniu-
 rias sine querelâ sustinui tuæ salutis fructu satis
 abundè recreatus: eius nempe, qui meæ necis
 fuisti tuis criminibus auctor, & cui romani Præ-
 fidis ministri, tanquam abs te conducti sicarij ma-
 num suam in opus sibi penitus ignotum, locarunt.
 Hæc meas lachrymas cogitatio terfit, hæc silen-
 tium querelis indixit; fore aliquando ut te e sem-
 piternis supplicijs ereptum sempiterni mei regni
 consortem huius tolerantia merito cernerem.
 Iam peto abs te tanti amoris, tantorumque meri-
 torum gratiam. Profectò si ut pro me vitam, di-
 gnitatem,

Christi pa-
 tientis sola-
 tium suorum
 utilitas per-
 cussorum.

gnitatem, diuitias profunderes, exigerem; tametsi orbis terrarum penès te esset imperium, dare deberes; tum quia hæc omnia redderes, non donares, tum quia eadem hæc, sed infinita cum accessione, tibi ipse donauit, non reddidi. Nunc verò cum non in meam, sed in tuam duntaxat vtilitatem, petam, vt leuissimam illam, quam accepisti iniuriam, non hosti tuo, sed mihi, cuius ille membrum est, condones, quanto id libentius præstandum, ius atque æquitas omnis suadeat? Retines, puto, memorià, quid aliàs dixerim; *Quandiu vni ex his fratribus meis minimis fecistis, mihi fecistis.* Ego me clipeum æmulo tuo opposui protegendo: Per me transibit, meq. feriet priorem, quidquid in illum iactaueris: ne verbo quidem contumelioso parcam, quin sempiternis pœnis vliscar, prout satis disertè significauit, vbi dixi; *Si quis dixerit fratri suo fatuus, reus erit gehennæ ignis.* Si igitur æquum adhuc non puras mihi tam bene de te merito ignoscere; tibi saltem ipsi vltionem tanti futuram, æterno supplicio luendam condona.

Christo cō-
donatur
hostiam in-
iuriæ.

Matt. 23. 54.

Matt. 5. 22.

Nobis con-
donamus,
quod hosti.

Hæc si tecum humani generis conditor, & restitutor Christus loquatur, haud censeo, te adeo sine pudore, ac sensu futurum, quin continuò eius genibus aduolutus iram hætenus æmulo reseruatam, aduersus te ipsum tuæ vlttricem contumaciæ adhibere incipias. Quare si Christi Domini verba, irâ paulisper semotâ, per otium reputaueris

Nulli, si que-
ratur excu-
satio desit.

ris, ijsque sub omnibus vnum illud Verbum diui-
num intellexeris, quod vim ceteris infinitam ad-
iungit, suauissimum iuxta, ac maximè salutare
morbo tuo remedium comparasti. Compesce igi-
tur querelas omnes, easque amâtissimo Domino,
ac Parenti, qui suas tuæ saluti donauit, gratus
repende. Cuilibet, qui aliquid in te peccauit, si
attentè quæreret, sua nunquam deesset iusta, &
probabilis excusatio. Puerum aut fæminam, vt-
cunque ætate prouectam, par imprudentia apud
cordatū quenque excusaret: Senem, atque ægrū
debilis, & iam malis æquata patientia impuni-
tum dimitteret: Inferiores humilitas iræ, supe-
riores periculum, pares æquitas, quam ipsi no-
bis optamus, absolueret: nemo non peculiari ali-
quo patrocínio, apud æquum iudicem gauderet:
Vnū tamen apud te sit velim commune omnibus
patrocínio, communis scilicet omnium Parens,
qui cunctis suis liberis abste pacem petit, quique
ab omnibus tibi: paratus perdere quoscunque
mortalium, atque æternis ignibus punire, qui in
te contumeliam iactauerint: imò qui te non vt se
ipsi dilexerint, tibi esurienti, sitienti, egrotanti,
& reliqua id generis incommoda patienti præsto
non fuerint. A regio infante vel irato quisquis,
Rege inspectante, & nati manum iuuante, va-
pulat, suis plaudît verberibus, & verberanti ar-
ridens gratias pro opportunâ agit correctione.
Novit enim, nec puerum iniuriæ faciendę intelli-
gentem

gentem esse, nec Patrem fore, vel propulsatæ tolerantem. Quotquot Deo parente mortales nascimur, regios pueros dignitatis gradu, non rationis vsu dum irascimur, superamus. Quare quisquis ab homine vapulat, a plusquam regio se infante cædi, nec nisi Patre inspectante, & nati manum regente, putet: proinde sua verbera, non iniuriâ, sed meritæ obiurgationis iure inflicta, gratus, si sapiat, non iratus, ac merens accipiet: aspera enim licet bono vsu mitescent, & in beneficia transibunt.

*Iniuriâ ho-
mibꝫ. vt Dei
filijs coram
patre cõ-
donâde.*

At non meum, inquires, vulnus, sed Dei, quem se mihi clipeum contra ferientes oppositum noui, irâ persequor: proinde non Dei filijs, sed hostibus, a quibus id vulnus infligitur, succenseo. Primum rerum omnium Parenti nullus hostis, nisi filius, qui potest quidem filij erga Patrem, at non Patris erga filium voluntatem, ac beneuolentiam exuere. Deinde si filio hostiliter in Deum contumaci irascendum putas, sume ab ipso Deo, cuius partes suscipis, irascentis formam. Hæc eadem interdum, quæ medici erga agrotum, interdum, quæ iudicis erga maleficum est. Ille a corpore vnius hominis, iste totius generis humani membrum putridum secat, vt reliqua non computrescant. Vterque sedato animo curam suam exequitur. Nec si medicus languidi maledictis impetitur, aut nausæatis vomitione aspergitur, in odium, nisi languoris, qui iniuriam fecit, exurgit:

*Honestè i-
rascendi spe-
cimè a Deo
irato sumen-
dum.*

igitur: aduersus languorem autem non iram, sed irę instrumenta duntaxat pacatus exercet. Neque iudex latroni irascitur, sed in eum, vt venator insurgit, lictores canes immittit, circumuenit, captumque voce, ac vultu sui muneris increpat, ac tandem læto animo publicę tranquillitati donū suspendit. Si enim pro scelerum grauitate, ac multitudine ira illi exercenda esset, a mente discedēdum foret, hoc est iudicium deferendum, vt iudicis munere fungeretur: hoc autem pacto sęuiri quidem ferarum ritu in miseros posset; at certē animaduertere, vt hominem in hominem decet, non posset. Deum igitur, si tua illi militat iracundia, contra eius hostes ducem sequatur. In illos non se, sed sua arma effundat, ac stans in vestigio tela contorqueat. Scilicet hæc diuinę naturę conditio est, vt cuncta seueritatis instrumenta, quibus nostra indigent mala, nullā irā cōmotus adhibeat, sed irę munera rationi rectiūs exequenda committat. Nonne vides vt sudo, ac ridente Cœlo terra concutitur, subsidit, dehiscit? suos quoque interdum cum oppidis habitatores exorbet? Hoc irę Diuinę specimen est: haud aliter Deus irascitur, nempe serenus, ac ridens natos pulsat, vel vt superstites suam vitam corrigant, vel vt extincti alienam. Id autem est, quod tibi sequendum proponimus: Irę telum rationi seruandum committe, nunquam nisi eā red-dente, adhibendum.

Ergo

Irę munus
ratio me-
lius ex-
quitur.

Ergo, inquires, irascat nunquam, si iræ munus rationi cadendum? Ergo improvidè natura hoc me gladio instruxerit, qui stringentem feriat, nec satis fidæ tutelæ, nec ornamento sit? Hoc minimè dicam: sequendum quidem nobis mortalibus Deum quàm proximè licet, præmonui, at non assequendum. Illum habere iram non decet; nos decet, quandiu sine ipsâ possumus, non adhibere. Non iram, sed iræ intemperantiam damnamus, diuino docti oraculo; *Irasimini, & nolite* Pl. 4. 5. *peccare*. Crebrò id nobis usu venit, ut corporis ministerio ad iustæ ultionis usum animus indigeat: quare cum corpus ratione duci nequeat, opus habuit bile succendi, atque iracundiæ facibus sollicitari, quò pro rei arduitate incalesceret, & ad communem perniciem propulsandam cum animo conspiraret: proinde ad honestos usus euocata ira utilis est, nec utenti indecora: modò nec antea, nec ultra progrediatur, quàm ratio præscripserit, & signo receptui dato statim resistat, reque vel infectâ recedere gloriosius habeat, quàm inuitâ, & reclamante ratione perficere.



Z

CA-

CAPVT SEXTVM.

De temperando metu, vbi præ-
fertim de morte con-
temnenda.



Vemadmodum imminentium ma-
lorum terrores malis ipsis quo-
dammodo velitantur, & aduer-
sus nos primi depugnant; ita
in parte nostrâ eorum metus
iræ præcurrit: nempe prius me-
tuimus, quàm irascamur. Mala
proinde cum irâ in extremo, vt ita dicam, cer-
tamine, terrores verò cum metu in primâ acie
congregiuntur. Quare cum iram aduersus mala
præsentia hætenus instruxerimus; proximum est,
vt etiam metum aduersus eadem appropinquan-
tia, & exitium minitantiâ instruamus. Spes au-
tem eius, quam petimus, victoriæ (cuius pretium
felicitas) plurimum in hoc primo congressu sita
est. Ridet enim præsentia mala, qui venientium
terrores meditando fregit, prædomuitque. Vbi
verò mala edomita non ampliùs terrent, oblecta-
re incipiunt, quasi mitigatæ feræ magistrum, qui
se lambi gaudet, familiariterque tractari à terro-
ribus

ribus populorum. Et quia cuncta, quibus petimur mala mortales, telo vno, nempe mortis formidine depugnant; prima nobis hæc erit huius teli cura frangendi: eo enim exuta malorum vim, nomenque deperdunt, & in molestam quidem, sed minimè formidandam incommodorum turbam discedunt. Itaque antea de morte, postea de reliquis incommodis contemnendis documenta dabimus.

Multa de mortis contemptu vetus philosophia naturæ præceptis imbuta differuit; nunquã tamen obtinuit, vt quenquam ex alumnis suis in mortem securum immitteret. Haud enim valet natura supra se ipsam per suæ mortis, hoc est, per sui ipsius contemptum assurgere. Si qui autem fuisse narrantur, qui mortem superbo pede calcarint; hos destitutos potiùs quàm institutos naturæ documentis dixerim, vt qui stultissimè se ipsi deuorandos neci tradiderint, suum vt nomen ab eius morsibus vindicarent. Nulla verò nos Christianã sapientiã imbutos præterit dies, quin sacris anniuersarijs publica Numini gratulatio fiat ob innumeros vtriusque sexus mortales, quos diuinarum vis litterarum pro cœlesti patriã deuouit, & in occursum vel teterrimæ mortis lætos, nedum securos immisit. Totidem contemptæ necis, quot suæ doctrinæ martyres, seu testes Christus enumerat: qui omnes vitam hanc breuem Christi Euangelio dedere, vnde nouerant sibi, non

Philosophia nequit mortis contemptum persuadere.

Sola Christiana sapientiã id præstat.

suo tantum nomini, restituendam æternam. Quare ex hâc vnâ, non e veteri philosophiâ huiusmodi documenta petenda sunt.

Deus igitur, cuius sapientiam nihil fugere possit, ut potè attingentem a fine vsque ad finem,

quique propterea melius quàm mortales ipsi, quid sit mors, intelligit, sæpè id sacris litteris inculcat, animi e corpore excessum, non morti tribuendum esse, sed somno: proinde ut aliquem ex hâc vitâ migrasse significet, eum dormisse, sæpè ait, cum patribus suis: & licet vulgare quoque mortis vocabulum, ut a vulgo percipiatur, adhibeat, quod omnes facere cogimur; quando tamen doctoris partes assumit, somnum pro morte, vno vocabulo grande claudens documentum, usurpat.

Lazarus inquit Christus, *amicus noster dormit: sed vado, ut a somno excitem eum*: quem nimirum quadriduo ante Sorores extulerant, humauerantque. Quin vbi puellam principis Synagogæ filiam vitæ restituendam adiit, non contētus, se eam dormire dixisse, insuper & explanatiùs mortuam negauit.

Recedite, inquit, *Non est enim mortua puella, sed dormit*. Id pariter Tessalonicenses edocuit Paulus Christi discipulus, monens, ne eorum ignorantia tenerentur, quibus cum nulla esset reuiuiscendi fiducia; vitâ functi in mortuorum numero habebantur, cum reuerâ inter dormientes ad nouissimæ tubæ cantum euigilaturos connumerari deberent.

1 Ad Tess.
cap. 12.

Nolumus, inquit, vos ignorare,

rare, Fratres, de dormientibus, ut non contristemini, sicut, & ceteri, qui spem non habent. Atque hic loquendi modus usque adeo apud veteres Christianos increbuit, ut quæ sepulcra ethnicis dicebantur, postmodum cœmeteria, hoc est dormientium cubicula, mitigato euangelicâ spe vocabulo, dicerentur.

κοιμητήριον
dormitoriū

Contra verò quibus animus nequitiâ periit, Christus mortuos nuncupandos, vel cum maxime vivere putarentur, edocuit. *Noli*, inquit, *opera tua, quia nomen habes, quod viuas, & mortuus es*. Ita de eo sacrorum Antistite, qui suis honoribus ad viuendi licentiam abutebatur, pronunciat viuorum Iudex, & mortuorum. Nec huiusmodi mortuis plus, puto, confert ad vitam corporea viuentis species, ac reliquis defunctis marmorea tumulo insculpta: vtraque enim belluis, ac mente destitutis imponit, neutra diuinæ sapientiæ oculis interiora perlustrantibus: quorum e iudicio illa extitit aduersus hypocritas Phariseos sententia; *similes estis sepulcris dealbatis, quæ a foris parent hominibus speciosa, intus verò plena sunt ossibus mortuorum, & omni spurcitiâ*. Huius autem rei potissima ratio ex animi nobilitate descendit, qui cum diuinâ e stirpe oriundus, haud alio, quàm diuino Spiritu animetur, ac viuat; abrupto caritatis vinculo, quo cum Deo iungebatur, non secus perit, ac pereat corpus, animo, vnde vivebat, amisso. Extinctus autem animus, ut ut adhuc in corpore iaceat,

Vera mors
hominis
culpa mortifera.
Apo. 3. 1.

Matt. 23.
27.

ceat, vitâ illud, quâ ipse caret, donare non potest, sed mortui duntaxat feretrum, aut monumentum efficere. Quodd si propriâ amissâ vitâ adhuc communem cum reliquis animantibus retinet; ex eâ nihil ampliùs habet, nisi vt ex homine in sordidum animal, quasi verminans cadauer, defecerit.

Iusti verè
râquâ mori-
untur.

Itaque cum e diuini oraculi responsis nobis certissimè constet, corporis interitu nos dormire, non mori; solâque animi a Deo, vnde viuit, defectione hominem interire, illud efficitur; iustos, ac Deo caros viros veram mortem nunquam optetere, solamque illis relinqui, quæ mortis specie soporem, membris, ac quietem immittit. Quodd si perfractè adhuc in tuâ sententiâ perstas, mori, atque e viujs exterminari eos, quorum animi ad vitam transeunt immortalem; insipientiæ damnaberis ab ipsâmet infinitâ Dei sapientiâ. *In-*
cap. 3. 3. *florum anima, inquit, in manu Dei sunt, & non*
tanget illos tormentum mortis. Visti sunt oculis insipientium mori, & aestimata est afflictio exitus illorum,
& quod a nobis est iter, exterminium: illi autem
sunt in pace. Obserua pulcherrima verba: Non
afflictio, sed exitus ex afflictione est ea, quam tu
mortem dicis, nec exterminium, sed iter, & reditus
ab exilio ad patriam: illam nempe Hierusalem,
cuius nomen pacem promittit, non ampliùs cre-
dendam, sed videndam. Visio enim pacis nobis
dicitur, quæ Hierusalem Hebræis. Vita ista mor-
talis

talis tota continuatis decedentium temporum,
mortibus compacta est, idque a nobis viuere di-
citur, quod est lentè mori. Quare qui huic æuo
finem cum iure ad immortalitatem imponit, is
demum mortem, non vitam finire, imò hanc in-
choare, censendus est. Quod præclarè docemur
e Christianæ Ecclesiæ ritu, quæ in suis fastis san-
ctorum virorum, natales appellat dies, quibus ij
vulgo mortui dicuntur, & vt in natalibus ferias,
ac lætitiā indicit. Accidit illis, quod Soli, qui
dum nobis videtur occidere, gentibus oritur no-
bis ignotis: Ita eorum, qui nobis occasus cre-
ditur, ortus est mundo alteri nobis ignoto: vbi
scilicet, *Iusti fulgebunt, sicut sol in Regno Patris eo-
rum.* O quantus erit ille fulgor, qui non vt fide-
rum lumen in conspectu solis euanescet, sed sicut
sol in conspectu infiniti luminis stabit.

Nec est, cur contrarium aliquid suspicemur,
quando sanctos Christi martyres hinc dirā lace-
ratione conscissos migrare conspiciamus: nam
quis luctu dignum existimet, cui humilis saccus
in pœnam datus dilaceretur, vt læto, regioque
amictu Cœlitum more induatur? Hilari certè car-
mine id sibi præfagiens gratulabatur regius Va-
tes, vbi ait; *Conscidisti saccum meum, & circum-*
dedisti me lætitiā, vt cantet tibi gloria mea, & non
compungar: hoc est, vt exutus corporis sacco
non ampliùs eius, quasi cilicij, setis excrucier.
Id nobis persepè vsu venit, quod olim Israeliti-

Mors ia-
florum na-
talis dies.

Mitt. 13.
43.

Corpus a-
nimi indu-
mentum:
eius lace-
ratio non
curanda.

Pf. 29. 12.

Gen. 37. 31.

ca-

carum Tribuum Parenti, qui cum præ manibus haberet Iosephi, amatissimi filij, tunicam scdè discerptam, & recenti adhuc sanguine madidam, illico in vberimos fletus erupit, quòd a belluâ dilaniatum, vt ceteri fratres simulauerant, crederet: quando reuerâ ille in Ægyptum diuino consilio ducebatur, vniuersi vt eius regni administrationi præficeretur. Haud aliter nos ad Martyrâ dilacerata corpora, quandoque ingemiscimus, dum illis interim obtigit, vt Cœlitum sedes conscenderint, æternum cum Deo regnaturi, nostrasque lachrymas, veluti e lusciosis oculis lapsas irrisuri. O si daretur, gaudijs illorum interesse, quos hic lugemus vt miseros; puto nos non lachrymas dimissuros, sed ex alienâ ad nostram miseriam, & cæcitatem deplorandam cōuersuros. Ibi enim eos ipsos, quos hic maximè malignorum lingua proscidit, carmen illud festiuum concinentes audiremus, quod Deus ipse in eorum vsum, Ecclesiâ teste, conscripsit; *Protexisti me Deus, inquit, a conuentu malignantium, a multitudine operantium iniquitatem*. Ita Christi Ecclesia sponsi sui arcanorum conscia in Sacro, quod ad eorum memoriam instituit, loquentes illos inducit: quem ad modum, & quorum corpora leonibus, aut igni tradita nouimus, illa Ecclesiastici verba proferentes facit; *Liberasti me secundum multitudinem misericordiæ tuæ a rugientibus preparatis ad escam: a pressurâ flammæ, quæ circumdedit me,*

Pl. 63. 2.

Eccl. 5. 1. 4.

Et in medio ignis non sum asluatus : quæ postrema præsertim verba Beati Laurentij festo die recitamus, cuius nimirum corpus haud dubiè igni traditum conflagrasse constat : Etenim Christi Martyres corpora sua non se ipsos putabant, sed vile animi indumentum, quod quietis tempore deposuisse, aut trahenti dimisisse, in promiscuo illis erat: nec magis horrore, corpus in sepulcrum vermibus, aut extra illud bestiis seu igni deuorandum abijcere, quàm attritum, atque inutile vestimentum.

Porro duo sunt, quæ latam mortem, & somno parem efficiunt; summum sui corporis odium, summum Cœlestis patriæ, diuinique complexus desiderium. Vtrumque ad migrandum sollicitat, illud pellendo, hoc inuitando. Odium corporis, vbi præsertim longâ cum eo similitate conualuit, id morienti præstat, vt mens sui corporis miseratione minimè tangatur, nec proinde miseriam participet, sed vt de hostis (cuius vinculis tenebatur) vltimâ patientis calamitate, perinde ac de suâ libertate lateatur. Summa verò Dei caritas, quæ Ioanne teste *foras mittit timorem*, spem diuini conspectus, æquè firmâ, ac metu vacuam, inducit. Spes verò cum rei expectatæ gustum exhibeat, incredibile dictum est, quantâ migraturos voluptate perfundat: quæuis nempe infinitæ voluptatis libatio omnem aduocat, occupatque mentem, nullum vt in eâ ærumnarum recordatio-

Duo latam
mortem effi-
ciunt, cor-
poris odium,
ac Dei visce-
di studiū.

1. Io: 4. 18.

Aa

ni

Vide optabilem piosum exitū.

ni locum relinquat. Quis enim corpori laboranti vacet, vbi mentis obtutu, vel etiam corporis oculis, vt viris sanctis contingit, sibi mox discessuro patefactum Cœlum aspiciat? Inde autem beatissimis cœlestis patriæ ciuibus sole ipso fulgentioribus oppletum cernat cubiculum: quorum alij lectulo superfusi suâ immensâ lætitiâ parem ægro mox futuram promittant: alij frontis sudorem suis manibus tergant, & blanda verba depromant: alij in tartareos hostes vndique propellendos incumbant. Hinc Deiparam Virginem pronis expectare manibus videat, dum prodeuntem a corpore animum, suæ fructum culturæ, Filio munus exhibeat: ipsum verò Christum Iesum e superiore loco imminētem mille cœlitum stipatum agminibus, infinitâ luce præfulgidum, qui regiam coronam, auro, gemmisque distinctam tenens, strenuo militi, sempiterni pignus imperij, exporrigat: nec illum vt reum ad Tribunal Iudex expectet; sed benignissimus Parens ad regni consortium vt filium inuitet. Quid hoc spectaculo beatius? quemens a tantæ felicitatis conspectu aciem ad sui afelli languores inspectandos demittat? Quis mortem tam florentis fortunæ ministram non expectet securus: quin etiam non, quâ licet, votis omnibus accersat, vt relictis illi mortalitatis exuijs, liber ad cœlestem patriam cum tam honesto comitatu remigrare festinet? Verùm ne ista magnificè potius, quàm verè dicta putentur, non-

nonnulla eorum exempla subijciemus, qui ob
eximiam pietatem, quasi in conspectu æternæ fe-
licitatis, cuius certissimam spem, veluti clauem
manu tenerent, læti obiere.

CAPVT SEPTIMVM.

Ea, quæ superius dicta sunt,
exhibentur exemplis.



Obertus cognomento de Nobili-
bus, quem Iulius Patruus Pon-
tifex Maximus sacrâ purpurâ
adhuc impuberē donauit, qui-
que patruo gratiam de com-
muni acclamantis populi gratiâ
statim persoluit: tametsi enim
non sine aliquâ aduersus Pontificem inuidiâ ad
tantum fastigium tam tener euectus initio fuerit;
tamen subitâ maturitate, prudentiâque non ab an-
nis emendicatâ, sed propriâ, innatâque, & qua-
si ingenio Soli productâ, suam protinus populo
cooptationem, & cooptantis iudicium approba-
uit: Hic, inquam, purpuratus Adolenscentulus,
vbi quatuor ipsos annos, quibus ab initio ma-
gistratu supersuit, facem virtuti prætulisset,
ignauix etiam subdidisset, in supremum incidit

Ex eius vi-
ta.

Vide Ciac.
in lul. 3.

Aa 2

mor-

morbum, in quo Christianæ virtutis odorem, ut poma fugientia solent, suauissimè exhalauit. Cum enim diuturnâ tabe alterum latus exulceratum, alteri cum incubare octoginta ferè dies, noctesque coegisset; ne suspirio quidem indicauit, se sui corporis doloribus condolere: verùm ad extrema redactus inter laudes diuinas paulatim decedens lætam hanc vocem concordi vultu prodidit; *Nunquam putassem fore sic dulce mori*. Ita nempe ex hac vitâ discessit, cui *viuere Christus erat, & mori lucrum*, hoc est, vitæ ipsius, quam mors rapiebat, augmentum: tunc enim maximè cum Christo vitâ suâ æternâ, ac beatissimâ iungebatur.

Mors iu-
florū dul-
cis.
Ex ep. ad
Philip. 1.
12.

Ex eius vi-
ta. a Iosef-
fo Malleio
descripta.

Idem, eodemque innocentia iure expertus legitur, atque eadem verba pronunciasse Franciscus Suarez e Societate Iesu, cui, & summa doctrina fuit, & sanctitas per suæ doctrinæ despectionem superior. Illud vir præstantissimus dixisse aliquando fertur; (hinc sanctitatem metire) malle se vniuersas suas lucubrationes, in quas vitam omnem insumperat, perdidisse, quàm vnius horæ quadrante cum superis inter preces traducto fraudari. Non est igitur, quòd mireris dulcissimam illi contigisse mortem, vnde obtineret, ut sempiterno Numinis complexu, non inter preces supplex; sed amicus inter colloquia, ac blandimenta fiueretur. *Nunquam putassem*, is quoque ait, *fore sic dulce mori*: quia nunquam singularis modestia

flia reputare illi permiserat, mori sibi mori non fore, nec vitam cum morte, sed hanc cum vitâ, eâque beatissimâ commutare.

De beatissimo Adolescente Aloysio Gonzagâ fat fusè in eius vitâ narrauimus, quantâ se hilaritate mortis, tanquam obstetricis, amplexibus, excipi ad vitam potiozem aspexerit. Maximas primùm gratias egit, eam adesse denunciante: deinde maiores Numini, cuius imperio aderat: mox ad se venientes, declarato exitus die (quem certum arcano Numinis affatu didicerat) inuitabat, vti secum grates coniungerent, quas tanto muneri pares vnus ipse agere non posset. Sæpè illud Apostoli vsurpabat; *Cupio dissolui, & esse cum Christo*: modò carmen Dauidicum. *Lætatus sum in his, quæ dicta sunt mihi; in Domum Domini ibimus*: modò aliud; *Quemadmodum desiderat ceruus ad fontes aquarum, ita desiderat anima mea ad te Deus*: Huiusmodi autem desiderium vt linguâ quale esset, ita vultus ardore quantum, & quàm incensum, significabat. Simul ac verò cœlestis Patriæ species vnâ cum beatorum Ciuium felicitate eius sese oculis referuauit, in eam ita præ gaudio mente totus migravit, vt, quanquam vigil noctem integram in summis corporis laboribus agitauerat, momento eam auolasse existimaret. Denique, vt rem totam verbo complectar, eâ mortem lætitiâ subiit, quâ ianuam ad immortalitatem.

Ex ep. ad
Philip. 1.
23. Pl. 121.
1.

Pl. 44. 2.

Mors iustis
ianua ad
immortalitatem.

The-

Theresiam virginem perhibent, magnam illam rigidiorum Carmelitarum parentem, simul horas pulsari audiret gaudere solitā, quòd horā minùs expectanda mors esset: Eius quoq; carmen, nec inelegans (amore ingenium excitante) circumferitur, cui versus in hanc sententiam sæpiùs intercalatur; Hei mihi morior, quòd non morior: vnde satis significauit, se victuram, si moreretur. Grauis iam illam incuruauerat ætas, quàmplurimis onerata laboribus, doloribusque, pia tamen femina, vnde ceteris dolores asperari solent, a mortis siue exitus recordatione, lenimentum captabat. Vbi verò mors adfuit, tantā lætitiā ad eius conspectum exiliit, vt cepisse eam diceres reuiuiscere, propterea quòd suæ mortalitatis finem instare iam intelligeret.

Mors etiam
cruenta sō-
no similis
iustis.

Stephanus
saxis cōfra-
ctus obdor-
miuit.

Nec placida solū, & quæ cubanti in lectulo obreplit, somni similis visa mors est: nam Stephanus etiam inter saxa, sui capitis ictu crepitan-
tia, obdormiuit in Domino. Quàmplurimi sanctissi-
mi Christi Martyres, ijque vel senes in vltimā
ætate, vel pueri, puellæque in primā, vtrique
corpore inualidi, mortem igni, ferroque instru-
ctam contempserunt, vel potius tanquam immissam
ad perrumpendam custodiam, atque asserendum
in libertatem animum, dilexerunt: nihil scilicet in-
teresse rati per ostium ille, an per ruinam, mo-
dò e carcere ad solium, egrederetur. Andream
Apostolum accepimus, vbi eminus Crucem, in-
quam

quam agendus mox erat, conspexit, tantâ amoris significatione eam salutasse, vt non audito crucis vocabulo, thalamum nuptialem a sponso salutatum existimares. *O bona Crux, inquit, quæ decorem e membris Domini suscepisti, diu desiderata, sollicitè amata, sine intermissione quæsitâ, & aliquando cupienti animo preparata. Accipe me ab hominibus, & redde me Magistro meo, vt per te me recipiat, qui per te me redemit.* Cum verò populus eam constantiam magnæ innocentie (quam nihil nisi culpa terret) characterem interpretatus, illum Carnificum manibus vindicare moliretur; tantâ vi, ac sollicitudine sanctissimus senex supplicij remissionem deprecatus est, quantâ ceteri supplicium deprecarentur.

Andreas crucem salutat, vt thalamum.

Ignatius Antiochenæ Ecclesiæ Antistes cum damnatus ad bestias illarum non iram, sed obsequium, ac lenitatem ceteris Martyribus exhibitam vereretur, vt quæ potissimam probandi amoris opportunitatē eriperent; hæc ad Romanos in suâ ad illos epistolâ scripsit. *Vtinam fruar bestijs, quæ mihi sunt preparatæ, quas & oro mihi veloces esse ad interitum, & ad supplicia, & allici ad comedendum me: ne, sicut & aliorum Martyrum, non audeant corpus attingere. Quod si venire noluerint; ego vim faciam, ego me urgebo, vt deuorer. Veniam deinde poscit ob tam generosum suæ fortitudinis metum: additque alia plena fortissimi pariter, ac suauissimi amoris. Ignoscite, inquit,*
mibi

Ignatius feratū nō irā, sed mansuetudinem timet.

Ex Hier. de script. eccl.

*michi filioli : quid mihi proſit , ego ſcio . Nunc incipio
 Chriſti eſſe diſcipulus , nihil de his , que videntur , de-
 ſiderans , vt Ieſum Chriſtum inueniam . Ignis , Crux ,
 beſtiæ , confractio oſſium , membrorumque diuiſio , &
 totius corporis contritio , & tota tormenta Diaboli in-
 me veniant : tantum vt Chriſto fruam . Vides hic ex-
 poſitum , quod fortè ſupra minùs dilucidè dixerat ,
 quaſi de blandis ludicriſque beſtiolis loqueretur ;
 & ſinam fruam beſtijs ; fructum enim dant beſtiæ ,
 immanes licèt , amantibus iucundiſſimum , quibus
 Chriſtum in omnem æternitatem fruendum do-
 nant . An putas hæc ab eo dicta propterea quòd
 nondum niſi ſolà pictas in mente belluas con-
 ſpexerat , quibus quàm iucundum , tam facile , ac
 pronum illi erat , ſe victorem appingere ? Imò ve-
 rò uſque adeo re ipſa venientes luſit , vt elegan-
 ter etiam , ac figuratè , in otioſæ mentis argumen-
 tum , loqui potuerit . Simul enim Leones contra
 ſe immiſſos aſpexit , ac rugientes audiit , Frumen-
 tum , inquit , Chriſti ſum : dentibus beſtiarum molar ,
 vt panis mundus inueniar . Quid quòd etiam argu-
 tari in medijs flammis aduerſus Tyrannum Lau-
 rentius potuit , eamque rabiem incendere , cuius
 incendio torqueretur . Affatum eſt , inquit , iam
 verſa , & manduca . Quin Eulalia virgo , tredecim
 vix annos nata , etiam iocando ſuggeſſiſſe fertur ,
 quâ ratione magis ſauire poſſet Tyrannus : dum
 enim toto corpore proſciſſa vndique ſanguine
 difflueret , Tyrannum rogauit , vt ſale ſuas car-
 nes*

Xpi diſci-
 pulorum
 character,
 nihil appa-
 rent. ſi cu-
 pere.

Picta in-
 tre mar-
 tyria facilè
 obeuntur.

Laurentius
 in flammis
 contra ty-
 rannum ar-
 gutatur.

Idè etiã io-
 cando præ-
 flat Eula-
 lia.

nes inspergeret, quò voranti iucundiùs saperent'.

Cantare etiam Theodoro Martyri licuit, quem Cantat nu-
datis costis
Theodorus.

Ecclesiastica refert historia, ferreis vngulis excarnificatum, dum costæ nudarentur latum cecinisse Pf. 33. 1.

dauidicum carmen. *Benedicam Dominum in omni*

tempore, semper laus eius in ore meo: cumque in ar-

dentem rogi esset iniectus, ibique totus e di-

uinæ caritatis ardore flagraret, non aliter spiri-

tum, quàm in Dei laudes effusum dimisit. Mar-

cum quoque, & Marcellianum fratres ad stipitem Idemque
præstat ad
stipitē cō-
fixi Marcus,
& Marcel-
lianus.

clavis confixos, iudici vt resipiscerent stultè mo-

nenti sereno vultu dixisse ferunt; *Nunquam tam*

iucundè epulati sumus, quàm hæc libenter Iesu Christi

causâ perferimus: ac deinde diem, noctemque ad

mortem vique nunquam cessasse, alterno cantu

psalmos, hymnosque suauissimè modulari.

At quid ego singulos persequor, cum fami-

lias, ac gentes integras eâ lætitiâ celebrasse con-

stet, ac festos habuisse sui martyrij dies, quâ nos Iaponū in
martyrio
lætitia.

eorū anniuersarios agere consueuimus. Est apud

Iapones christianos id positum in more, vt cum

ad mortem Christi causâ obeundam se damnatos

audiant, quidquid vestis, atque ornamentorum

in arcâ pretiosissimum lateat, festis, lætisque die-

bus asseruatum, producant, iisque induti sese li-

ctori ducendos tradant: quò nimirum gaudium,

& in gaudio clausum futuræ mortis amorem si-

gnificent. Mira id generis, de Iaponum forti-

tudine in se, suisque fortunis pro Religione de-

Bb

uo-

uouendis narrant eius historiæ scriptores. Libet in sequenti capite nonnulla subijcere eo consilio, vt exempla recentia fortiùs nos propinquos ad sequendum moueant, cernentes non effætam nostris esse temporibus naturam, nec exhaustas in priora secula diuinæ munificentiae opes; ne tempora calumniemur, & nostram illis socordiam tribuamus.

CAPVT OCTAVVM.

Recentiora alia pretiosæ
mortis exempla.

Horredum
lenti ignis
supplicij.

Vb huius seculi initium in Insulâ Iaponiâ terrarum ad orientem extremâ, complures christianæ religionis cultores a barbaro Xongunsamâ, ceterisque eius regni Tyrannis lento igni traditi periere. Omnes tam hilari vultu, atque eleganti amictu in theatrum, infinitâ spectatorum multitudine oppletum, prodibant, vt si fictam se acturos tragædiam crederent, verum præmium pro bene actâ personâ mox relaturi. Supplicij locus planities erat, quam perpetua lignorum strues medijs palis circumdata clau-
debat:

debat: aberant autem ab igne pali, iisque alligati Martyres, quantum igni ad omnem suam immanitatem, ac sæuitiam proferendam opus erat. Primùm enim illos ardenti calore torquebat, atque in sudorẽ penitùs eliquabat: mox eo exhausto, exiccatoque perstricta cutis in aridam coge- batur membranam, deinde infuscabatur, adure- batur, incendebatur. Denique post alteram, & sæpè tertiam, aut quartam ab inito supplicio ho- ram interiora ignis perrumpens sensu cuncta tor- rebat acerrimo, donec sensus ipse, doloris vi re- tusus, hebesceret, ac tandem animo auolante, deficeret. Illi tamen interea, dum tam horren- ^{Alacritas in} do cruciatu corpus flagraret, maiori, quàm in Ba- ^{perferendo.} bilonicis illis Pueris, prodigio, eosdem hymnos pari lætitià non tamen pari ab igne immunitate cantabant. Grande prodigium fuit, inter flamma- verari, & minimè torqueri: at longè maius, & humano ingenio prorsus impenetrabile; tor- queri simul, & gaudere.

In vrbe Meacensi, emporio eiusdem insulæ ^{Martyrũ 52.} celeberrimo, duo supra quinquaginta, imperante ^{lento igne} Xongunsamã, coronã istã donati huins prodigij ^{flagrantium} ad infinitam multitudinem testes fuere. Cuncti ^{mira cõlã-} enim sereno ore, oculisque in Cælum sublatis, ^{ria.} ac cœlesti rore de eius desiderio perfusis, rogem longi post itineris cursum subiere. In his quinque matres cum suis paruulis e collo pendentibus cir- cumspectantis populi oculos, atque ora euoca- rant.

Teclæ no-
bilis femi-
næ genero-
sis.

Eiusque vi-
ri Ioannis,

rant. Tecla præsertim lectissima fœmina, summo inter Iapones loco nata, quæ quatuor terribilissimæ ætatis liberis ad latera coronabatur, quintum adhuc lactentem in sinu, sextum in utero æternæ vitæ mox paritura gestabat. Nulla generosæ matri sollicitudo, nisi de filiis ad virtutem adhortandis fuit: & licet in cunctis vna torqueretur, perinde ac dolore vacua, cunctorum tolerantiam suâ fortitudine roborabat. Puellæ inter astantes natu minimæ dolenti, se ardoris vi oculos perdidisse; Ne doleas, inquit, filia, nam protinus infinitæ illos pulchritudini referabis. Dignus etiam, qui præ ceteris memoretur, eius Vir fuit, Ioannes nomine, vnde tanquam e capite tanta virtus in familiæ corpus defluerat. Is enim apparitori, qui tyranni iussu crudele supplicium denunciauerat, & letus gratias egit, & quam putauit homini peropportunam, retulit: nam machæram, quam pro gentis more, ac generis nobilitate curiosè ornatam gerebat, dono illi dedit, plura si ad manus forent, ac meliora daturus. Quà verò mortis prodromos, eadem deinde securitate mortem ipsam vnâ cum familiâ, ac socijs reliquis excepit. Nam cunctis suo palo astrictis, vt flammâ sublatâ æstus inualuit, non clamor, aut gemitus æstuantium auditus, sed cantus, & hymni, & voces, quibus vel grates de tam felici exitu agerent, vel christianæ Religionis necessitudinem ethnicis commendarent, vel denique Iesu, ac

Ma,

Mariæ nomina inuocarent; fidemque suppliciter obtestarentur: paruuli præsertim, qui vix aliud proferre nouerant: & qui ne id quidem propter infantiam nouerant, identidem e matrum præscripto Crucis signo sese communire, non sine incredibili spectantium admiratione, visebantur.

Pretiosæ huiusmodi iustorum mortis prænobilis altera familia in Ozacensi vrbe illustre testimonium dedit. Coniuges Paulus, & Maria quatuor liberorum parentes vnâ cum filijs lento igne deflagrarunt. Cuncta ibi fuere admiratione dignissima: sed hæc, quæ cursim perstringemus, in primis. Ignatius e filijs nata maximus duodennis erat, nouem annorum Xauerius, quinque Magdalena, trium non ampliùs Vrsula: hos omnes vterque parens, quo pacto sese ad grande sacrificium compararent, instruxerant: & pater quidem sua documenta exemplo firmarat: nam vt suum nomen delatum nouit, seque à tyranni ministris quæritari, vltro in iudicium venit: illis autem per viam occurrentibus, atque in ius vocantibus cuncta primùm sua arma pro læto nuncio distribuit: deinde manus, seque totum catenis constringendum obtulit: quod cum illi ob hominis claritatem facere recusarent, precibus, consilio, auctoritate interpositis tandem obtinuit. Postulatus in quæstionem de suâ, suæque familiæ religione, acerbissimos cruciatus, tam equo animo, vultuque tulit, quàm si tulisset nullos: denique
ad

Christianæ
fortitudinis
exempla in
Ozacensi fa-
milia.

Pauli parē-
tis constan-
tia.

Magdalena
quinq̃uēnis
securitas.

Matris ge-
nerositas.

Ignari
duo Iennis
fortitudo.

ad extremum supplicium ductus, perinde omnes benignè salutauit, ethnicosque obuios ad Christi cultum adhortatus est, vt multi non alio, nisi tam intrepidè coram tam atroci supplicio adhortationis miraculo, christianæ sese religioni adiungerent. Paruula Magdalena antequam duceretur, totam obiuit viciniam cognatis, notisque mirâ tranquillitate, tanquam in Cœlum profectura, valedicens. In hanc autem vnâ cum Vrsulâ natu minimâ prima desæuijt barbarorum crudelitas: qui vbi ceteros, suo quemque stipiti, alligauerant, raptas e complexu matris puellulas ante ora parentum, non sine circumstantis populi horrore, ac fremitu iugularunt. Cogi tamen debuit ipsa barbaries, atque incusso metu irritari, quo tantum facinus auderet: nam diù Præfectis id imperantibus a carnificum turbâ repugnatum est, nec, nisi ijs denunciata morte, obtemperatum. Quod tamen ferreos carnifices emollire valuit, matrum pectus non emolliuit: cunctis enim Christiani nominis hostibus tantam sæuitiem deplorantibus generosa mater siccos oculos Cœlo inhærentes, quò beatas illas animulas præmisisse gaudebat, toto & sui, & natorum supplicij tempore nunquam deflexit. De Ignatio quoque paria narrantur, atque alia præterea miræ fortitudinis documenta. Cum enim antequam pyra succenderetur, nobilis quidam, ac prædiues ethnicorum Antistes auctor illi vehementer foret, vt Christo
ma-

maledicens suas in partes transfiret, adiunctâ pollicitatione, nati, atque heredis loco apud se illum futurum, si consilio acquiesceret; Puer senis insaniam stomachatus, expuisse primùm dicitur ad hereditatis mentionem, quasi ad avaritiæ sordes; mox digito in pyram intento, Mons iste, inquit, immensas mihi opes, easque sempiternas iam parurit. Denique sene, quàm puerili, tam forti ad pudorem reprehensione dimisso, atque incendio excitato, oculos, ac manus in Cælum sustulit: & licet vento agitante, flammis undique appetere-
tur, immotus vsque permansit, nisi si quando comæ oculis affusæ Cæli conspectum, vnde illi omne robur, adimerent: tunc enim cæsarie manibus in suum locum restitutâ, iterum eodem se habitu componebat: donec aliquando perusto carcere animus, quò diù spectauerat, euolauit.

O quàm multa, quàm præclara ex ijsdem Iaponum monumentis suppetunt huius imbecillæ ætatis exempla, de ipsâ imbecillitate ad grandiores incitandos fortiora! Libens proferrem, nisi instituti breuitas ab ijs fusiùs persequendis reuocaret. Haud lachrymas tenuimus, vbi apud Daniele^m Bartolum (paucula strictim attingam) ^{In Iapon. l.} scriptum legimus Thomam tredecim annorum ^{4.} puerum, cum audisset Regis edicto impuberes ^{Thomas} ab ignis supplicio excludi, simulatâ pubertate ^{puer simu-} (quam tamen ipsa tam fortis simulatio reuerâ ex-^{lat puber-} cesserat) nomen suum, vt in albo damnatorum, ^{tatê vt mar-} ^{tiryû obti-} ^{neat,} inscri-

Alius puer
septennis
intrepidus
prunam ar-
dentē ma-
nu tenet.

Petri quin-
quennis in
audita cō-
stantia.

inscriberetur, obtinuisse: itaque mortis ministros
lusisse, & in ijs mortem ipsam, ceteroqui tam
crudellem, ludum, iocumque habuisse. Item
alium septennem, cum a patre moneretur, suæ
vt fortitudinis inter futuras flammias specimen
daret, suppositâ prunæ, quam forcipe porrigebat,
dexterâ; illico, vt se ad omnem patientiam pa-
ratum ostenderet, supinâ manu prunam exceptam
tandiu intrepidum tenuisse, nullâ exhibitâ dolo-
ris significatione, dum pater tam grandem in-
tam pusillo animum demiratus, gaudio, lachry-
misque perfusus, dimittere iuberet, quod tamen
iussu lentè satis ille perfecit, prunâ minus prom-
ptè dimissâ, quàm acceptâ. Petrum insuper vt
alios mittam complures, quinque vix annos na-
tum, dum sibi decumbenti capitis supplicium cum
vniuersâ familiâ denunciatum audijt, statim vesti-
menta celebritatibus dicata sibi dari postulasse:
tum brachijs carnificis ad supplicium non modò
non reluctantem, verùm etiam volentem, gau-
dentemque delatum, eodem vultu mortem vidis-
se, quo audierat. Locum enim primùm sibi de-
legit, quem parens eandem ob causam recenti
sanguine perfuderat: ibi genibus nixus, vbi pau-
lulum orauit, humeris suâ sponte nudatis, cerui-
ces ferro præcidendas dedit: idque tantâ alacri-
tate, vt ethnicos omnes ad lachrymas damna-
tę innocentię testes compulerit: ac tres carnifi-
ces, qui stricto gladio ad opus deinceps acces-
se-

ferant, ab immani cæde solâ subeundi cupiditate deterruerit: nec antea quartus rem perficere est ausus, quàm ab ipso puero, moræ iam longioris pertæso inuitatus, increpitusque.

Denique Leonardum cognomento Chimuram e nostrâ Societate (vt agmen claudat eorum aliquis, qui instruxerant) Iaponicæ Ecclesiæ monumenta ferunt, mirè lætum fuisse, vbi accepit, se quoque in eorum censu positum, qui ignis supplicio Iesu Christi causâ essent addicti: deinde tandia animo deiectum, quodd rem in dubium vocari senserit, donec tandem certior factus, se suæ spei compotem fore, explicatâ fronte, atque ore ridenti socios arctè complexus de communi prosperitate gratularetur. Simul canticû Simeonis, quasi pari voto potitus, vsurpauit. *Nunc dimittis seruum tuum Domine secundum verbum tuum in pace.* Quasi enim Christum se in complexu habere putabat, quando tanti pignus amoris, & mox futuri in Cælo complexus, obtinuerat. Cumque psalmos, hymnosque alios gratijs agendis vnâ cum socijs recitasset, lachrymarum vi, & caritatis ardore fluentium, illos abrumpere coactus est. Stipiti verò religatus non antea diuinas laudes altâ, & lætâ voce concinere, seu altantibus Ethnicis celebrare desijt, quàm viuere. Flammas interim circumlambentes, tanquam sensum afferre inualidas irridebat, easque obuijs manibus in speciem amplexantis capiti per iocum admouere conabatur.

Leonardi
chimuræ
gaudij de
spe futuri
supplicij.

Eiusdem in-
ter flâmas
lusus,

Ce

Deni-

Denique ad exitum vsque non secus decertauit, ac qui in ipso certamine triumphum non petere, ac promereri, sed agere videretur.

Si igitur (vt modum sermoni, quem materiæ vbertas nullum habet, ipsi faciamus) Apostoli
 Eph. 16, 14. monitis obsequentes, accipiamus armaturam Dei, ut possimus resistere in die mala; induamur loricâ iustitiæ, quam non tangit, nedum penetrat tormentum mortis; scutum præterea fidei sumamus, in quo possimus omnia tela nequissimi ignea extinguere; itaque armati morti occurramus; mutatam illam e terribili in amabilem, e metuendâ in exoptabilem inueniemus: proinde non modò beatam in terris vitam sui metu non minuet, verùm etiam sui spe, atque expectatione cumulabit.

CAPVT NONVM

De ceteris vitæ incommo- dis contemnendis.



Vemadmodum vulnus mortific-
 rum capiti inflictum, reliquum
 quoque corpus interimit; ita
 morte, quæ caput est reliquo-
 rum malorum, acriter vulnera-
 tâ, & peremptâ, reliqua quo-
 que

que mala intercidant, necesse est. Sunt tamen & ipsa suis ferienda vulneribus, vt si quam vim nocendi, aut terrendi saltem, veluti confectæ belluæ trepidantia membra, retineant, hanc etiam funditus perdant.

Primum e vitæ incommodis dolor est, qui & ceteris aculeus præfigitur. Hunc ope diuinâ posse a nobis vel hebetari, vel frangi, vel etiam infractum, rigentemque in voluptatis materiam, conuerti, exemplo in superioribus docuimus: vbi acerbissima ignis tormenta, non modò locum, canticis, facetijsque, verùm & materiam quoque dedisse ostendimus: quare tametsi, quâ id ratione fieri possit, nos fugeret; fieri vtique posse factum ipsum perspicuè manifestat. Nec illi abrogare fidem, nisi pariter christianæ religioni abrogetur, licet: nam hac monente docemur, salutis nostræ Auctorem inter atrocissimos indutæ mortalitatis cruciatus mentem humanam perpetuo sue diuinitatis intuitu beasse. Per ardua quidem ad intelligendum ista res est, & vel sublimibus fortè altior ingenijs: at vbi semel nostra mens eò peruenerit, vt id de Christo sibi firmiter persua-deat, pronum ad similia de sanctissimis Viris credenda iter inueniet. Quo autem pacto duo ista cohæreant, & summum animi gaudium, & summus dolor, non vna omnium sententia est: plerique animo bipartito, litem se felicitatem inter, & miseriam dirempsisse putant, illam in superiore

Leniendi
doloris ratio,

animi portione, hanc in inferiore statuentes. At cum animi nullæ sint partes, nisi quas nostræ mentis opificio confingimus; conficta quoque pax ista videtur ad nostræ solatium ignorantia. Melius proinde, sinceriusque hæc illam ratione conciliandam putauerim.

Quo pacto
in factis vi-
ris gaudiū
cum dolore
cohereat.

Amorem rei vnus, certò constat, minimè cum rei alterius odio pugnare, sed amicissimè in vnus hominis voluntate morari: vbi præsertim, odium amoris hostibus aduersetur, sitque veluti eius armiger, ac Satelles. Hoc vnicuique de suo sat notum est experimento: quisque enim satis intelligit, esse in se amorem sui vehementissimum, & parem aduersus ea, quæ sibi aduersantur, indignationem, atque odium. Gaudium autem, ac mœror, secundum Philosophorum placita, aliud nihil sunt, quàm boni, maliue præsentis amor, aut odium. Quare quemadmodum potuerunt in humanâ Christi Domini voluntate sine pugnâ morari summus erga diuinam bonitatē amor, & summum aduersus eius offensas odium; quidni potuerint, & summum gaudium de eadem bonitate coram spectatâ, & summus dolor de hominum criminibus eam bonitatem lædentibus, & Christo præsentibus coherere? Porro si gaudium de infinitâ Numinis pulchritudine perceptum, dolore de eiusdem offensionibus non est in Christi pectore imminutum; haud dubiè credendum, nec dolore alio de suæ humanitatis offensionibus,

incom-

incommodisque imminuendum fuisse : siquidem dolor hic fere nullus præ illo fuit, & quidquid esset, æquè medicamentum erat prioris, ac leuamentum. Etenim diuinæ Personæ in assumptâ hominis naturâ offensiones, eas, quas tulerat in diuinâ naturâ, sustulere : propterea quòd quantum honoris Deo eripuerant hominum crimina, tantundem Christi cruciatus reddidere. Hæc puto, alicui subobscura erunt : sed si vitium in oculis non existat, paulò diutiùs immoretur, iterum, ac sepiùs respiciet, & vt in locis subobscuris asolet, inclarescent.

Disce hinc, autem, quid Sanctissimos Christi Martyres in suis, quin etiam & de suis cruciatibus latos præstiterit : quid præterea te quoque, si eorû vestigia presseris, securû inter supplicia, præstabit. Illis enim valde perspicua, pro modo luminis, diuinæ bonitatis species gaudium mitigandis doloribus opportunum afferebat : idque ipsum gaudium augebat cum sua, tum amati Numinis gloria sui martyrij cruciatibus comparanda : vtriusque autem gloriæ spes mirificè sua illis tormenta commendabat. vt e quibus infinitæ nectar dulcedinis exprimeretur : cuius rei documentum capere licet ex ingratissimis pariter, ac salutaribus corporis medicamentis. Cogita tibi vermibus laboranti præscriptam a medicis absyntij potionem, commendatâ priùs eius amaritudinis contra vermes efficacitate : Dic amabo te, non ne admirabili quodam
cuius

Tormenta
solatio mar-
tyribus sūt,
vt amara
ægris medi-
camenta.

eius potionis hauriendæ studio, stomachi doloribus dilaniatus, inardesceres? nonne etiam sorbendo, quasi de salutis poculo, gauderes? si quis autem amaritiem illam, in quâ præcipuam salubritatis vim inesse putares, infuso melle mitigaret, an non te maximè offenderet? Placet igitur animo amarities, eoque magis, quò palato plus displicet, ut cui constet, eandem vim, quæ palatum lædat, vermes perimere. Quid ergo mirum, si cruciatus, in quibus vis æternæ salutis inest, quo tempore sanctorum Martyrum corpora offenderent, animos futura prospicientes, ac spe prægustantes oblectarent.

Lenimentū
doloris spes
breuitatis.

Accedit, mirum in modum spem inualescere, atque vnâ tolerantiam acerbitatum roborari, cogitatione breuitatis. Inde Epicurum, licet malum omne dolore metiretur, eum ob hoc negligendum dixisse aiunt, quòd semper, si magnus foret, brevis futurus esset, si longus leuis. Quocirca cupienti sese ad aspera indurare frequenter illud in mente versandum; mortalia esse cuncta, mortalium damna, & nobiscum breui commoritura: nec nisi stultè longum timeri, quæ te vel citò deferent, vel tu illa. Grauiissima onera baiuli currendo ferunt, certi se minùs diù, citiùs perueniendo, adde, & minùs grauià prorsum impellendo, laturos; minùs enim deorsum, hoc est super humeros grauant, quorum pondus in anteriora discedit. Baiulos tu quoque imitare, si gra-

Vt cursus
baiulis, ita
alacritas iu-
stis minue-
do oneri cō-
fert.

grauissima quæque leuiter ferre desideras. Alacer, ac rigida onus ceruice sustenta: viribus enim sæpè ignauia deficitur, ac rimiditas ob id solùm, quia illas non aduocat, habitura, si iuberet adesse. Citò illud perfer, & ferendo in anteriora, quæ spectas, futura scilicet præmia, propelle: crede mihi currendo incalesces, & à cursu pondus diminues, & a calore vires augebis.

Atque hæc quidem, quæ de leniendo dolore diximus, plus etiam aduersus leuiiores molestias valent. Cunctæ siquidem Dei causâ toleratæ, nostræ in Deum caritatis incendium, veluti spinæ conflagrantes, augment: eoque aucto illustrius cum diuinæ pulchritudinis species, tum eius potiundæ spes animo affulget: atque inde is expectatæ felicitatis gustus existit, qui curis omnibus mente abigendis, vel torrente voluptatis demergendis sufficiat. Quid igitur metuam paupertatē voluntariā sempiterni regni emptione factam? An quia multa mihi pariet incommoda, humilitatem, ignobilitatem, solitudinem, fortè etiam vincula, seruitutem, exilium, ceterasque, quas paupertate ministrâ inferre fortuna solet, iniurias? Ego verò arborem diligo, & cum voluptate contemplor, quæ spinas protegendis a belluarum incurſu Domino suo pomis tulit, curamque faciendæ sæpis detraxit. Quò plures molestias inopia pariet, eò tutius mihi illius asseruari fructus gaudebo. An eam mihi exprobrari verebor? at exprobranti Chri-

Cererarum
molestiarū
mirigatio.

Paupertatis
solatio.

Matt. 5.3. Christi verba reponam; *Beati pauperes spiritu, quoniam ipsorum est regnum Cælorum.* Quid enim mihi aliena maledicta noceant, quæ nihil possunt nisi malum dicenti facere, & rumpere, vnde eruperunt, auctorem? Verè beatum me tum demum putabo, cum beatus ab eo Verbo præpotenti dicar, a quo cuncta dicendo fiunt. Franciscum

Francisci A-
lfiatis de
paupertate
responsum.

memorant, eximium illum euangelicæ paupertatis cultorem, cum Romæ nudis pedibus hyberno tempore niues calcaret, germano fratri fortè occurrenti, rogantique per iocum, num sibi stillam sudoris, quolibet accepto pretio, diuendere vellet, hoc responsum dedisse; si nosset, inquit, quanti sudores meos omnes Christo vendiderim, haud mirareris, ne stillam quidem mihi reseruasse. O si mortales nosset, atque in re ipsâ, non in solâ diuinarum scripturarum syngrophâ, legerent, quanto Deus sudores nostros, & quidquid eius obsequio impendimus, pretio mercetur; profectò non eos, qui sua omnia diuinæ beneuolentiæ cōparandæ impenderent, sed qui aliquid sibi reseruarent, risu, vel potiùs lachrymis dementiam miserati, prosequerentur.

Quid igitur? Vtrum reliquas aduersæ fortunæ iniurias extimescam? Absurdum id quidem: nec inter fortuita, nec inter aduersa connumerandum, quidquid contra nostræ naturæ corruptellam de amantissimi Parentis consilio in medicamentum porrigitur. Quare non exquo animo fec-
ram

ram paucissimorum dierum humilitatem, ignobili-
tatemque, quibus certissimâ promissione decre-
tam noui cœlestis, ac sempiterni regni coronam?
Quid propinquorum, aut amicorum solitudinem
verear, cum apud me vniuersi orbis instar obti-
neat, vniuersi Conditor, & exemplar? Modò
eius complexu ambiar, in frequentissimo me
theatri confessu, ac celebritate versari arbitror.
Quid amissa prædia pecoribus compascua, Quid
exilium a patriâ metuam? qui non alienam, nisi
Cœlum, quò vndique terrarum pari peruenitur
itinere, patriam agnosco? Vbi amantissimos Pa-
rentes Deum, ac Deiparam, vbi fratres, Dei fi-
lios, vbi arctissimâ propinquitate, ac necessitudi-
ne coniunctos Cœlites omnes inueniam? Quid
seruitutem, aut vincula pertimescam? Miser pro-
fectò forem, si in eam seruitutem abduci possem,
ijsque vinculis astringi, quibus a Conditoris mei
famulatu (cui seruire, regnare est) seducerer,
diuellererque: at cum tum maximè illi seruiam,
quando eius tuendæ dignitati ista sustineam, nihil
mihi vinculis meis erit optatius. Arctiùs mihi il-
la constringam, deosculabor, fouebo, vt quibus
æternam mihi felicitatem obligatam noui. In il-
lis emori, cum illis tumulari cupiam; Babilam
sanctissimum Christi martyrem imitatus, qui post-
quam plures annos, eosque vitæ postremos in
vinculis exegisset, moriturus mandauit, ne aliter,
quàm suis vinctus catenis, tumularetur, haud

Humilitatis,
solitudinis,
exilij, &
vinculorū
solatia,

S. Babilam
martyr cū
suis catenis
tumulari se
mandat.

Dd

pos-

posse ratus a Christo deseri, quem iisdem sibi catenis deuinxerat, quibus ipse ob seruata illi fidem detinebatur. Dicam, quod olim Paulus, qui cum Romanâ custodiâ arctè satis, contentè-
 Ag. 28. 20. que haberetur, eâ sese consideratione, ac voce aliquando relaxabat; *Propter spem enim Israel carenâ hâc circumdatus sum.* Spem autem Israel Christum vocabat, qui rerum sperandarum maxima est, & ceterarum origo: cuius si ipse quoque fin compos, non est cur non summoperè gaudeam, tanquam rerum omnium in vno omnia tenente potitus.

Perditæ va-
 letudinis,
 ac diuerso-
 rum morbo-
 rum solatia,

An fortè, quem externa mala non terreant, corporis me incommoda, propiùs animum velli-
 cantia, terreant? Perdita scilicet valetudo, cæ-
 citas, debilitas, surditas, ceteraque morborum turba, quorum aliquo haud ferè vnquam nos vacare contingit? At quid mihi hostis mei curam iterum ingeris, cui dolorem, cui exitium opto, ne dum incommoda leuiora pertimescam? Vtinam membris omnibus captus ea hætenus non potuissem, quæ non debueram: non eloqui turpia, non intueri, non audire, non tractare, non petere. Scilicet paruulus permanissem, nocendi in-
 ualidus, eoque Dei benignitate redactus, quò
 Matt. 18. 3. nisi redigar, regni cœlestis angusto aditu excludar: Christo clamante. *Nisi efficiamini sicut paruuli, non intrabitis in regnum Cœlorum.* Dummodò mens libera sit, quâ Numen agnoscere, quâ promereri.

va.

valeam; tametsi omni corporis usu instar infantis
 vtero contenti caream, ipse quoque vt Ioannes
exultabo infans in gaudio, vt cui membra detinean- Luc. 7. 44.
 tur, dum ad sempiternæ vitæ usum consoliden-
 tur. Firmari enim tunc mihi oculos credam su-
 perno lumini contuendo, cœlestibus parari canti-
 cis aures, ijsdem linguam concinendis instrui, ca-
 put coronæ, manus sceptro componi, membra,
 denique tota, suæ mortalitatis angustijs coarcta-
 ta, æternitati durari. Stultissimus sim, si publico
 immaturus egredi cupiam, leui quâlibet auræ pe-
 rimendus iniuriâ. Ah quoties cæcum me fuisse,
 aut surdum, aut mancum, debilemque præopta-
 uerim, ne eâ libertate ad horam vius essem, que
 me æternis vinculis manciparet. Pygmenium lu- Pygmenius
exprobrata
sibi cæcita-
tem gratula-
batur.
 liani Cæsaris olim amicum, cum ei per ætatem,
 obcæcato Iulianus occurisset, atque impiè cauil-
 latus dixisset; *Gratias ago dijs, o Pygmeni quod
 te video*; subito excepisse ferunt; *atque ego Deo
 O. M. quod te non video*. Insipienter ille pruden-
 tissimi Senis cæcitatem riserat, quam hic sibi me-
 ritò gratulabatur, vt cuius beneficio tam dete-
 stando monstro, eiusque sceleribus contuendis
 oculos clauserat. Quàm nunc mallet vices cum
 Pygmenio Iulianus mutasse, cum iam ex suis
 oculis nihil habeat, nisi vnde perpetuò lachry-
 metur ea, quæ in vitâ oculatus deliquerat. Iu-
 uat huius nefarij Principis irritum, & vnâ cum
 ipso perituum desiderium cooptare, ac dicere;

Dd 2

Vti-

Vtinam ad Numinis iniurias mihi obcæcari, aut quoquo modo debilitari contingat: Mihi parcerem, si illi, eò valentior, quò ad mea damna debilior. Tametsi cuncta in me tunc pericula incumberent, modò Deus adesset, nullus foret mihi casus pertimescendus, vt cui se diuina clementia in casus omnes, veluti puluinar insterneret. Intrepidus, ac securus in omnia vitæ pericula pendebo, quando benignam Numinis prouidentiam, quæ me casurum excipiat, aperto sinu expectantem aspiciam.

CAPVT DECIMVM.

De Inuidiæ, & Maledicentiæ
vitijs comprimendis.

Inuidia, quæ alijs libentiùs inuidia dicitur, princeps malorum omnium, & radix est: proinde æstimare illam nemo satis possit, nisi antea, quos pepererit fructus, agnoscat. Quidquid in orbe terrarum, quidquid in eius medio, atque inferno sinu malorum clauditur, haud dubiè ex hac vna radice prodijisse constat. *Inuidiâ Diaboli*, inquit Sapien-
tissi-

Sp. 2. 24.

tissimus Salomon, mors introiit in orbem terrarum: quæ nimirum pestis ipsum ex Angelo Diabolum effecerat, mortique tradiderat sempiternæ. Lucifer enim cœlestis militiæ princeps vnâ cum reliquis suarum partium perduellibus ægrè ferentes, vt grauissimi Theologi tradunt, se relictis hominem in Deum, communicatâ Diuinitate, cooptatum; liuore attrati sese in teterimos Demones generis humani corruptores, & carnifices deformarunt. Inspice igitur tartaream illam custodiam infinitos e cœlo, terræque congestos populos immentis supplicijs coercentem: mox contemplatus quidquid inde pœnarum in terram hanc, inferorum corticem, exudat, tecum ipse disquire; Quis tantum incendium, tot, tantasque, ac tam horribiles calamitates mundo intulerit vniuerso? Certè, si qua fides sapientissimis Patribus, vnus liuor est de alienâ felicitate contractus. Hic Angelos corruptit, hic homines perdidit, hic inferos suo igne succendit. Vtrum igitur tam demens fueris, vt putes, si tartaream hanc pestem in præcordia demiseris partem tibi vllam felicitatis obuenturam. Vis nosse quid boni de liuore expectare possis, audi vulgatum prouerbum. *Vnum illud est in inuidentiâ bonum, quod maximum est inuidenti malum*. Torquet enim sua quenque inuidum inuidia, roditque, vt caries, quæ se genue- re præcordia: & vt cuncta scelera pœnas de suis sumant auctoribus, nullum præ inuidiâ graui-
res,

Affectata a
malis An-
gelis diui-
nitas quæ-
dam fuerit,

Suar. tom.
1. disp. 5.
sect. 4. &
disp. 42.
sect. 1.
Inuidia in-
feros, & or-
bem terra-
rum malis
impleuit.

Vnicum in-
uidiæ bonū,
quod inui-
dū torquet.

res, cetera enim sui dantaxat mali, liuor & sui mali, & alieni boni conscientia vritur. *Nunquam erit felix, inquit Seneca, quem torquet felicior.* Ecquis autem sit, qui se non habeat, aut habere putet felicior? Cum igitur liuidus tortores habeat, quos putat feliciores, nunquam non in tormentis erit, & quidem sine commiserationis leuamine, quia nemo eam, quæ de sua felicitate infelicitas constat, tollere, aut leuare desiderat.

Inuidus se-
per torque-
tur, sed sine
commiseratione.

Simul illud deterrimum in inuidia obseruare est, quod nec obsequio, nec beneficentia mitescit: cunctis propterea feris mordacior, quæ officijs mordacitatem remittunt: imò illa efferatur magis, ut quæ alienam offenditur æstimatione, quam delata ~~et~~ æmulis officia adaugent: quod te inuidiæ mitiorem, ac suauiore exhibebis, eò te illa libentiùs, eò auidius vorabit. Quæ nequitia tanta est, ac tam aperta, ut nullo gaudeat, ne apud inuidum quidem patrocínio. Vitiorum reliquæ e virtutum viciniâ pallium aliquod mutuantur, quod turpitudinem suam aliquatenus tegant: ut a frugalitate tenacitas, à liberalitate profusio, à prudentia metus: at sola habitat inuidia procul ab omni virtutum confinio, palam sibi maligna, sibi que non secus, ac ceteris inimica: proinde ubi ceteros momordit, suos in sese morsus conuertit: itaque se ipsa lacerat, ut Flacco dicere licuerit;

Inuidus se
ipse mor-
det.

In

*Inuidiâ sculi non inuenere tiranni*Hor. l. prim.
ep. ad Loll.*Tormentum maius.*

Illi enim quo igne corpora miserorum, eodem sensum doloris absumebant: at inuidiæ flamma inuidentis animum inuiolato sensu perurit. Quocirca scitissimè Martialis, vt inuido pessimè optet, ipsi eius liuori illum deuouet, sic penitus deuorandum, nihil vt alienæ mordendum inuidiæ relinquat. *Omnibus inuideas Liuide, nemo tibi.*

Mart. l. pr.
epigr.

Porro si qua alia animi affectio mentem excecet, maximè inuidia est, quæ obliquis oculis, vel malignè apertis semper aliena despectat: inde inuidia dicta, quodd non videat, quæ cetero qui splendidius micant: haud enim oculi vident, quæ videre non sustinent: cuiusmodi est alienæ dignitatis fulgor, quem imbecilla inuidi acies tolerare non potest: propterea semper obscura vestigat, res omnes a deteriore parte contemplatur, & iudicat, alienis damnis, tanquam suis emolumentis recreata. Quæ in re muscarum perfimiles inuidi sunt, qui salubria præteruolantes, corruptis, & vlcerosis insistant: ibi fodicant, ibi epulantur, ibi tripudiant: itaque fit, vt sanie, cruore, putredine pasti, nihil, nisi putridum, halare queant. Hæc enim potissima eorum maledicentiæ causa: nihil præter malum de alijs norunt, idque eructant, vomuntque quo pleni sunt. Inde autem commune odium in illos existit: non

Inuidia maximè omnium animi morborum mētē excecet.

Inuidi maledici, atque inde euictis odiosi.

eorum modò, quos suis morsibus petunt, verùm,
 & reliquorum, qui adsunt, & fortè comprobant,
 ne obloquendo in se periculum trahant. *Abomi-*
 Pron. 29 9. *natio* hominum *detractor*, inquit sapiens: quisque
 enim suam rem agi putat, ædes vbi proximè com-
 burantur. Est verò tam additum inuidiæ publi-
 cum odium, vt hoc sæpè inuidiæ vocabulo signi-
 ficetur: iam enim inuidiâ premi, aut flagrare,
 non tam inuidum esse, quam publicè odiosum si-
 gnificat. Quare cum graues omnium, & morta-
 lium, & superum, & sui etiam ipsius inuidus of-
 fensiones incurrat; nullam pacis, ac tranquillita-
 tis spem reliquam habet, nisi maleuolentiam pa-
 riter, & maledicentiam compresserit.

Inuidiæ si-
 mul, & Ma-
 ledicentiæ
 remedia.

Ergo vnâ operâ morbus vterque emendandus
 est, quando alter enascatur ab altero. Potest
 enim, & aliunde maledicentia oriri, præsertim a
 superbiâ, quæ de suo humilis, & pusilla extare non
 potest, nisi cuncta prosternat, ac proterat. Quæ
 autem ab inuidiâ profluit, fonte exiccato, arescat,
 necesse est. Tollitur autem inuidia triplici potis-
 simùm ratione; Fraternali in alios caritate; Re-
 rum humanarum contemptu; Felicitatis æternæ
 desiderio. Caritas id agit, vt homines primò
 animis, & voluntate, deinde rerum, & fortuna-
 rum communione ita inter se iungat, vt quis-
 que amicum, veluti se alterum sui ipsius amore
 complectatur: proinde tam longè absit ab alte-
 rius inuidendâ fortunâ, quàm a suâ, cum suam
 fecerit

Primum re-
 mediū Ca-
 ritas.

fecerit alienam. Quemadmodum enim hoc magis hortulos nostros diligimus, quo illos pomis, floribusque, ac vario frugum genere magis refertos, & luxuriantes cernimus; ita tanto nobis amici cariores sunt, quanto illos ingenio, gratiâ, opibus, auctoritate, ceteris item naturæ, ac fortunæ muneribus florentes conspiciamus: ex ijs enim floribus fructus nobis prodeunt iucundissimi. Denique nos ipsos amare nobis videmur, dum nostri amatores amamus, quemadmodum, & nos laudare, dum laudatores nostros laudamus: etenim laus amor quidam est in verba prolatus. Contemptas quoque rerum humanarum, etiam quos caritate minimè dignos credimus, nostræ inuidentiæ subducit: quis enim boui plena fœno præsepia, aut Sui quercum glande refertam inuideat? at qui sapiens diuino illo Oraculo instructus; *Omnis caro fœnum, & omnis gloria eius quasi flos fœni*, eodem loco habet belluæ cuiusque saginam, & quidquid hominum fortunam implet, eodemque homines his fortunis saginatos, ac tumidos, quo belluam de suâ saginâ tripudiantem. *Inde vobis ira, & insania est*, inquit Seneca, *quod exigua magno aestimatis*. Idem tu de Inuidiâ dicito, cuius insaniam tunc demum sanitati reddideris, cum exigua suæ exiguitati restitues. Denique amor æternæ felicitatis inuidiæ, ac lioris reliquias, si quæ supersint, extinguet. Qui enim opulentissimo inliat supernæ hereditatis patrimonio, quod cohe-

Secundum
Contemptus
rerum hu-
manarum,

Is. 40. 6.

Lib. 3. de
ira cap. 34.

Tertium æ-
ternæ felici-
tatis desi-
derium.

Ec

re

redum numero non minuitur, sed augetur (nam & ipsorum Consortium ad patrimonium pertinet) haud vllam inuidiæ causam habet. Siquidem terrena hæc bona pro telluris angustia, & competitorum multitudine partita, quantum vacuitatis in cuiusque pectore, tantum liuori locum relinquunt. Contra quo plures de vno illo infinito Bono gaudent, quod totum singulis datur, hoc plures in vnum coeunt, singulique suam in commune lætitiā afferentes, publicam augent, omni vt liuoris causā, ita & liuore ipso proscripto.

Supplicium de
inuido di-
uinitus sum-
ptum,

Ex Cass.
coll. 18, cap.
35.

Libet in maledicæ inuidiæ remedium supplicium de illā diuinitus sumptum adiungere, vt a poenā per æquissimum Iudicem constitutā, tanquā ab vmbra æquali, sceleris magnitudinem dimetiri liceat. Fuit in celebri apud Ægyptios cænobio, cui Vir prestantissimus Isidorus præerat, Adolescens eximiā virtute Paphnutius nomine. Is quantum gratiæ apud ceteros erga suam integritatem formā, atque ætatis flore vernantem, collegerat, tantundem apud Inuidum quendam, eiusdem cænobij monacum, liuoris, & malevolentia: qui etiam, vt Sancti Adolescentis nomen labe aliquā aspergeret, ne fortè sua fœditas sine exemplo, ac veluti sine pari extaret; hanc illi calumniam sceleratā fraude composuit. Eius conclaue furtim ingressus inter palmarum texta, monasticæ occupationis materiam, codicem suum eo artificio abdidit, vt furtiuum, atque alienum esse ex loco ipso

ipso tam alieno suspicari possent, qui inuenirent. Deinde ad cœnobij Præfectum accurrens, acriter apud illum conqueritur, sibi ab aliquo monachorum codicem e cubiculo sublatum, petitque non tam suæ (aiebat) quàm communis securitatis studio vt in singulis eorum cubiculis, dum monachi in templo diuinas laudes persoluerent, conquiratur. Præfectus, re maturè consideratâ, tribus senioribus quærendi codicis negotium committit, qui adhibitâ diligentia compertum coram illo, cunctisque ad id vocatis monasterij Patribus protulere, reum clamantes Paphnutium. Mirari omnes rei nouitatem, & quisque proximum dubius intueri, factum ne, an calumniam credere, atque execrari deberet. Procumbit continuò tametsi suæ conscius innocentie Paphnutius, & veniam precatus in pœnas sese offert, quascunque dare iuberetur. Præfectus præ ceteris vehementer obstupuit, indoluitque in suo monasterio, suam, vti putabat, ob negligentiam vel alienæ rei furem adesse, vel famæ. Et licet Paphnutium adduci vix posset, vt reum existimaret; fide tamen priuatâ publicæ posthabitâ, acri illum obiurgatione acceptum hac impositâ pœnâ dimisit; Vt ad templi fores veniam ab introeuntibus in genua receptus postularet, dum dignum scelere supplicium statueretur. Binas hebdomades id probrum sustinuit integerri- mus Adolescens, quibus elapsis, Deus, qui ha- ctenus tantæ constantie spectator adfuerat, vt iam

Ec 2

exem-

exemplum statueret malæ cædentis inuidiæ, voluit vt idem, qui sceleris inuido auctor fuerat, esset buccinator, & vindex. Malus enim Dæmon e corruptore subitò carnifex, arreptum inuidum ita in ore omnium miserabiliter diuexauit, vt suam illum testari culpam, toto ordine fraudis exposito, veluti in quæstione, ac tormentis compulerit. Tunc autem astantes vniuersi in preces effusi, misero illi propitiare Numen, nonnulli etiam e grauioribus Patribus, sacro carmine adhibito, Dæmonem pellere nitebantur: At is non antea discessit, quàm Paphnutius ipse, cuius illi virtus intolerabilis erat, accedens suâ presentia, & contactu fugaret. Accessit enim Isidori iussu mitissimus Adolefcens, atque infelicem monachum arctè complexus mortiferum spiritum, tam feruidæ caritatis impatientem exhalare coegit. Duo hic animaduertere libet: Alterum est, Diaboli opus esse calumniam, a quâ (vt quisque a suo opificio artifex) nomen desumpsit: **Calumnia** enim calumnia, & **Calumniator** latinis dicitur: quare qui calumniam alteri intendit, vel Diabolus est, vel efficitur: Alterum, non esse inuido illi pœnam inflictam, sed ostensam, & condonatam: proinde qui inuidiæ, & calumniosæ maledicentiæ crimen, quantum sit æstimare voluerit, ipsam pœnam, quanta sit, metiatur, oportet: quod quatenus fieri poterit, insequens caput pro viribus edocebit.

Diaboli
opus calu-
nia.

CA.

CAPVT VNDECIMVM.

Extremum cupiditatum reme-
dium sempiterni Supplicij
recordatio.



Væ (malum) inquires , dementia
ista est , beatam vitam quæ-
rentibus inferorum supplicia
referare ? Nihil sapientius , mi-
hi crede : diuinæ mentis con-
siliū , cuius ego adsum inter-
pres , fuit ; Vt beatam mortali-

bus vitam tribueret , miseram comminari . Hæc
ad illam , fugando pellit , gratissimā pulsus post
euentum seueritate . Ita planè res est : tartareus
ignis Cæleste Regnum impleuit , eoque , quot
ex Angelis ademit , totidem ferè ex hominibus
restituit : qui Lot imitati sese in montem reci-
piunt , terræ , quam incolunt , incendium euasuri .

Tartara cœ-
lū replent.

Initium Sapientie timor Domini : Finis autem , &
absolutio caritas ; Hanc timor in animum inducit ,
vt egressus relinquat : acui linum trahenti persi-
milis , quæ pungit , vt lino (quod nectentem cum
Deo caritatem refert) locum aperiat , idque in-
gressu relinquat . Perfecta enim caritas animum
genrif-

Pl. 110. 10.

ingressa pungentem metum, quo vsa est viatore,
 1. Io. 4. 18. foras mittit, vt Ioannes inquit, atque intus ipsa
 manens animum cum suo amatore coniungit.
 Cogita, ob pericula huius cui minora sæpè crinem
 timentibus, sæpiùs mentem incanuisse. Cogita,
 vt repentina domestici incendij conclamatio, aut
 vicini soli subsidentis labes, subitò rixantes dire-
 mit, & furem cohibuit, & prædam ex ipso Leo-
 num ore decussit. Iam in propinquo esse cogi-
 tandum est, terræ, quam incolimus, labem, eam-
 que nobis incendium pandere sempiternum. Si id
 non metuimus, si ad officium non reuocamur, in-
 trepidi quidem sumus, & fortes, stipitis tamen,
 non hominis fortitudine, quæ vera esse non po-
 test, nisi ex ipso Dei metu descendat: per hunc
 enim solum in pericula agimur vniuersa, vt præ-
 potentis Numinis iram declinemus: quidquid au-
 tem Dei metus non firmat, infirmissimum est, &
 mollia equè ac dura flectere illud valent, ac fran-
 gere. Itaque haud ab re fuerit infernos ignes
 beatam vitam quærentibus referare, vt si quo
 morbo, mitioribus remedijs contumaci adhuc te-
 neantur, hac veluti vstione adhibitâ, conuale-
 scant. Ne tamen metus iste vllum sui timorem
 tibi incutiat, sed clipeum exhibeat ad defen-
 denda mala, quæ metuis, ipsumque securus exci-
 pias; hoc tibi diuinâ fretus auctoritate possum
 promittere, non interim talia metuenti gaudium
 defuturum, imò ne trementi quidem effusam,
 seu

Vera forti-
 tudo sine
 Dei metu
 non est.

Cum diui-
 no timore,
 ac tremore
 effusa con-
 stat lætitia.
 Pl. 2. 11.

seu gestientem letitiam . Accipe ad huius promissi firmitatem diuini chyrographi cautionem : *Seruite Domino*, inquit Regius vates , *in timore* , & *exultate ei cum tremore* . Vide tremorem cum exultatione in diuinâ hâc suasionem , & consilio coniunctum , & puta ea duo equè posse inter se ipsâ coniungi , ac non posse Deum imprudentis consilij esse auctorem . *Timor Domini*, inquit præterea Ecclesiasticus , *sicut Paradisus benedictionis* : & rursus ; *Timor Domini gloria* , & *gloriatio* , *& letitia* , & *corona exultationis* . Denique *Timor Domini delectabit cor* , & *dabit letitiam* , & *gaudium in longitudinem dierum* . Quibus verbis quid ad rem propositam luculentius , quid certius ad fidem dici queat ? Non igitur timor Domini vitæ præsentis gaudia , sed morbidas cupiditatum affectiones , gaudiorum , imò & vitæ ipsius corruptrices , terret , fugatque .

Vt ergo ad huius tam salubris pariter , ac iucundi metus causas aperiendas accedamus , tria nobis pœnarum genera , quas apud inferos scelesti pendunt , consideranda sunt . Primum ea erit , quam Theologi nostri *Pœnam sensus* appellant : deinde , quam *Pœnam damni* : postremò pœnæ eternitas vtriusque . Quod attinet ad primum ; suusque sensum , vt e sacris litteris , vel Patrum auctoritate constat , dolor afficiet . Oculos torquet malorum Dæmonum aspectus vsque adeo tristis , ac trulentus , vt nulla ei tolerando satis

Ecc11.40.28.
Idem 1.11.

Id. 1.12.

Tria pœnarum
in apud inferos
genera
ra.

Pœna sensus.

tio esse queat mortalis fortitudo. Catharina Se-
 nensis illorum vnum aliquando inuita, malle se
 affirmavit, vti eius narrat historia, nudis pedibus
 ad nouissimum vsque diem ignitam laminam,
 vel ardentes prunas calcare, quàm iterum tam
 horrendo monstro vel ad momentum percelli; ta-
 met si re verà non Dæmonem, vt Christus illam
 subinde monuit, sed eius vmbram, ac speciem
 humanæ accommodatam fragilitati conspexerit,
 haud dubiè moritura, si monstrum ipsum relecto
 vultu contempleretur. Bone Deus, qualè igitur
 id fuerit tormentum, quod vt vitaretur vel ad
 momentum, ignis, tormentorum maximum, diu-
 tissimè tolerandus preoptabatur? Huiusmodi im-
 manissima, atque horrenda portenta, non vnum
 aut alterum, sed planè innumera, nec ad momen-
 tum, nec in vmbrà mortalibus oculis temperatâ,
 sed in omne æuum, atque in re ipsâ ante ora
 nocentium obuersabuntur. Adijce innumeras
 nequissimorum hominum animas, quas non singu-
 la peccata fœdarunt, sed plerasque quàm plurima,
 eaque maximè nefaria, nunquam ad vltimam vs-
 que, & longissimam ætatem intermissa. Si Dæ-
 mones ob vnum crimen tam turpes, quid ho-
 mines, naturæ ceteroqui vilioris, ob infinita?
 Adijce vnicuique miserorum sui ipsius conspectû,
 nunquam ex oculis recessurum: cuius fœditas
 longè spectanti, quàm externa quælibet, tri-
 stior: longè enim intolerantiùs suam quisque fa-
 ciem.

ciem vomica aliquâ, aut carcinomate dehonestatam cernit, quàm alienam.

Consentanea oculis reliquorum erit sensuum perpeſſio. Aures ferient perpetui eiulatus, illis ſimiles, quos dum hîc audimus, ſimiles tartareis dicimus. Id tamen inter vtroſque intereſt, quod inter imaginem, & exemplar: atque illud præterea, quod hîc rarò, & breui, ibi innumeri, & ſemper ex vniuerſo illo immani antro reſonabunt, nec alio, quàm rabidarum mentium ſolatio interrupti, iactatis ſcilicet in ſuperos contumelijs, quæ tamen nonniſi iactantes fatigent, dilanientque. Naribus qualis odor paretur, hinc diſcas licet; quod Philippus Nerius, quorum ſacras confeſſiones exciperet, tantâ ſclerum graueolentiâ offendi ſolitus fertur, vt grauius nihil in toto vniuerſo fore cenſeret: dum interim non deſint, quos e latrinâ ſubitò erumpens fœtor extinxerit: Cuius rei teſtem me ipſe profero, qui Romæ hominem vidi hoc lethi genere extinctum, dum domesticam cloacam vacuaturus perſumperet. Quis autem æſtimare queat, quantum fœtoris futurum ſit in cloacâ illâ omnium maximâ, in quam totius vniuerſi colluies deſluit, totque peſtilentium animorum cadauera congeruntur? Linguam, & palatum vel fames, aut ſitis, ne guttâ quidem aquæ mitiganda, vt Epulo indicat euangelicus; Luc. 16 25, vel ſulphuris eliquati potiones, quas ſanctiſſimi Viri ſibi per viſum teſtantur oſtenſas, horrendum

Ff

in

in modum infestabunt . Denique sensum tactus toto corpore fuscum ignis eiusmodi circumcludet, diuexabitque, cui noster hic ignis collatus pictus nonnullis Patribus dicitur: nec immeritò, nam inter illos, ac Theologos conuenit, tam acrem futurum, ut ultra corpus, sit in animum quoque discruciantum penetraturus . Iam perpende si apud inferos alia nulla præter ea, quæ diximus, supplicia tuis essent parata libidinibus, eaque tamen coram spectares; an non continuò, tametsi flagrantissimæ illæ essent, restinguerentur, ac penitus refrigescerent? At hæc puerorum terricula-menta sunt, si cum ijs, quæ suggeram conferantur.

Pœna dam-
ni grauior,
sed explica-
tu difficilior.

Altera longè grauior apud inferos pœna erit, quæ ex infinito damno, seu ex infiniti boni iacturâ consurget . Hæc utique infinitè torquere, valida esset, nisi laborantis animi modus, & angusti fines infinitam doloris portionem excluderent, eâ tamen retentâ, quæ complere, & cumulare cuiusque patientiam valeat . Tametsi autem hoc ita sit, difficiliorē habet damni pœna, quàm sensus explicationem, præsertim apud eos, qui rerum estimationem omnem sensibus committunt, nihil ut ratum habeant, quod eorum testimonio non comprobetur: proinde æstimare nequeunt, quid doloris sit animo allatura diuini conspectus ademptio, quæ in vitâ sensibus grauis non est, ut qui per eam nihil sibi sentiant ademptum, Non,

Nonnulli, vt oculis quoque tantum detrimentum, quoad eius fieri possit, subiiciant, bonorum pro-
scriptionem in exemplum assumunt. Hæc enim quò plura, & maiora nobis adiungit bona, hoc acerbior contingit: sic vt quos ex amplà, atque illustri fortunà in obscuri laris angustias redegit, quasi coopertam flammam, latebras indignatam, extinxerit. Multa in eam rem suppetunt exempla, quorum delectus plus habet negotij, quàm in-
quisitio: Vnum, aut alterum profero ex magis reposità antiquitate, quibus par ætati accessit auctori-
tas. Sardanapalum postremum Assiriorum Regem, vbi ab Arbace regijs copijs præfecto, (qui eam monarchiam ad Medos traduxit) se victum, inque eius manus post paulò venturum sensit, tanto dolore oppressum ferunt, vt satius habuerit accen-
se pyre sese cremandum tradere, quàm victoris famuli iugum subire, ac fortunam ferre. Saulem quoque sacræ litteræ memorant, re malè cum Philisthæis gestà, cum nullam regnandi spem superesse cerneret, suo gladio incubuisse, vitamque recusasse, quando viduatam imperio ducere cogeretur. Malè sanus vterque quorum vitam inanis sustentabat ambitio: at eorum insania nostræ in tutelam sanitatis veniet, si vti illà nouerimus. Confer Sardanapali, ac Saulis Regnum cum eo, quod amissum noxias animas apud inferos lancinat. Illud terrenum erat, siue ad terreni huius puncti angustias coarctatum; hoc in amplissima

Infl. n. l. p.

Sardanapalus ob amissum regnum se in ignem deiecit.

1. Reg. 31.

4. Saul eadem de causâ gladio incubit.

Si tātus ex
terreni re-
gii iacturā
dolor, quā-
tus ex cœ-
lestis.

Pœna dam-
ni amissæ
iacturā ex-
plicatur.

Cœli spatia procurrat: Illud ad paucos dies, eosque incertos; hoc in omne ævum distenditur, tamque finem, quàm finis metum ignorat: Illud infinitis curis, molestijs, angoribus premebatur; hoc infinitâ voluptate circumfluit: Rex denique in illo sub Regni nomine durum populis, quorum Rempublicam administrabat, exhibebat ministerium; in hoc regiæ habet potentiæ, sine administratione, prouentus. Si igitur illius vanitatis iactura, nec sine aliquâ recuperandi spe, fidissimâ vitæ comite, tantum habuit acerbitalis, ut ignis, ac ferrum lenimento fuerint: quantum habituram consentaneum est credere cœlestis huius, ac sempiterni imperij iacturam, spe nullâ mitigandam, non ferro, aut igne delendam, verum inchoandam, & succendendam?

Aptius huic damno, eiusque pœnæ explicandæ exemplum eorum erit, quos puellæ alicuius amore captos subitus demortuæ, vel nuptæ rivali nuncius exanimavit, seu etiam (quod sæpius accidit) voluntariam in mortem egit. Ut tamen exempli huius collatione cœlestium nuptiarum, amissionem æstimare pro dignitate possis, illud mihi primùm docendus es; Impias mentes, postquam corpora dimisere, ab Auctore naturæ rerum omnium imaginibus, earum præsertim, quæ sub sensus non cadunt, plenissimè instrui: inde autem in eam diuinitatis notitiam venire, quâ rebus omnibus optatissimis præoptandam illam agno-

agnoscant: inque eius desiderium tam vehementer exardescant, vt toto amoris impetu in Deum, tanquam in infinite voluptatis materiam ferantur. Hoc enim amoris genere, & lapis centrū, & ignis sphæram, & suum quisque bonum, naturā deducente, prosequitur: quid enim dolerent apud inferos impij de Numinis absentia, nisi illud aliquā sub notione diligerent? Acerbè tamen eodem tempore Deum vt tortorem oderunt, quemadmodum seruus, quo tempore Dominum, a quo vapulat, auersatur, eodem amat, cupitque diū viuere, vt in cuius vitā suam quoque verti, seque inde sustentari cognoscit. Si igitur lutei iactura figmenti (vt ad exemplum reuertamur) desiderantes exanimat; quo dolore miseras nocentium animas afficiet summi, infiniti, atque etiam vnici boni amissio, cuius pulcherrimam apud se imaginem perpetuò retinent, & contemplantur? Aegri quorum palatum non vitiauit infirmitas, eò auidius feruntur in epulas, quò magis reliquis voluptatibus excluduntur. Quod enim desiderium in plures voluptates sanus, validusque dispertit; hoc ægrotus in solam edendi voluptatem, exors reliquarum, coniungit: quò fit, vt iracundiam illi, nonnisi magnā virtute cohibendam, mensa vel negata, vel dilata, vel malè condita sollicitet. Cum igitur miseræ inferorum animæ cunctis voluptatibus, earumque facultate, atque appetentiā careant, non habent, quò desideria sua partiantur

Naturalis
Dei amor
cū odio in
damnatis
cohzret.

tur: proinde in infiniti illius boni voluptatem, sibi olim destinatam, omni desideriorum agmine incumbunt, summâque vi, & conatu feruntur: non alio tamen euentu, quàm vt parem conatui istum repulsæ sentiant, ac suo sese impetu non sine immenso dolore, feriant, rumpantque.

Cur in via
diuini con-
spectus ad-
eum non
crucietur.

Hinc mirari non debes, quid sit, quodd mortaliū plerosque, dum in viuis agunt, tanta diuini conspectus incuria teneat, vte eo adempto (qui summus inferorum dolor est) nullo mœrore, aut curâ tangantur. Primum enim ignorantia, vt sensum ad intelligentiam, ita & ad dolorem eripit, eique veluti stuporem inducit. Deinde si quid sensus ad vtrunque supersit, multiplici rerum in vitâ amabilium varietate auocatur, quo minùs dolori vacet. At infelices illas improborum animas, nec ignorantia torpor, nec vlla voluptatum, aut rerum gerendarum auocatio lachrymis, ac dolori subducet. Quemadmodum enim cœleste illud, quod *Lumen gloriæ* Theologi vocant, & Beatorum mentes in possessionem diuinitatis inducit, eò vberius affulgebit, quo quisque suis rectè factis plus de diuinitatis fructu promeruit; ita tartareæ mentes tartareo quodam lumine, pro scelerum grauitate temperato, perfundentur, quo in amissæ possessionis æstimationem, paremque dolorem deueniant. Quare cum ibi futura sit summa ceterarum rerum immunitas, arque ab occupationibus otium, non alia illis, nisi luctus,

&

Tartareum
lumen Lu-
mini gloriæ
exaduerso
respondens.

& lachrymarum de infiniti boni iacturâ occupatio erit.

Postremum, idemque longè maximum inferorum supplicium Æternitas erit, tota per expectationem minimè dubiam anticipata, & quodammodo ad initium reuocata. Licet enim ea in infinitam longitudinem distendatur, nec nisi momento vno semper miseros feriat; se tamen totâ, quanta quanta est, ænei arietis instar in momentum illud incumbit, eoque miserorum mentes quatit, ac deiicit. Perpende igitur, quam longa sit, vt simul quàm ferire valida, intelligas. Adhibe eas comparationes, quas fortè tenes, sed otiosas, in mente. Reputa vniuersum supremi cœli ambitum rebus ceteris vacuum tenuissimâ arenâ ab imo ad summum impleri: deinde singulis annis granum ex illis vnum ab Angelo demi, certoque in loco vltra mundum seponi, quoad immensa vis illa pulueris exhausta alterum veluti orbem arenarum confecerit. Dic, rogo, quantum putas, tot annorum millibus de æternitate detractum? multum haud dubiè: sed si, quantum supersit, inspicias, detractum nihil verissimè censes, quòd illa, vt antea in suâ infinitate integra perseveret. Extende annos illos in lustra, in secula, in centurias, in myriadas seculorum, denique in numerum, quem pores maximum mēte persequi, & repleto iterum Cœli sinu, iterumque detractis ad statâ illa tempora arenulis, atque

Veriusque
pœnz æter-
nitas.
Quo pacto
tota simul
torqueat.

que exhausto earum numero denuo cogita, num sit aliquid de æternitate imminutum? Ablatum quidem longè plurimùm de æternitate, sed imminutum planè nihil intelliges: ad eum ferè modum, quo si de fluuio perenni vacuum implesses oceani alueum, immensam certè aquarum vim ex eo detraxeris; at fluuius nihil imminutus, perinde vt antea, plenus efflueret. Iterum cogita, iterum detrahe, iterum, atque iterum computa: semper magis, magisque cognosces æternitate computationem omnem in infinitum exuperari. O igitur æternitas, quæ vel sola mortalium mentes torques, & opprimis, quid comitata, quid armata malis efficies? An non te comite leuissima cuiusque molestiæ vellicatio in infinitæ vulnus acerbitalis euadat? Culcitra ipsa, vtcunque mollis, si æterna cubanti, nec dormituro sedes futura sit, intolerabile supplicium exhibebit: qualem pœnam exhibituros putem immensos corporis, maiores animi cruciatus, si cum æternitate iungantur? Cogita quisquis hæc legis, malorum, atque acerbitalum quantum plurimum vales: voca in auxilium figmenta, ea præsertim, quæ magnitudine fidem excedunt: nocte hyperbolas, finge pœnarum monstra: deinde confer cum veris; semper tuæ mentis cogitationem tam citra verum inuenies, quàm vltra illam procurrit æternitas.

Lectus in-
fomnis cū
æternitate
coniunctus
supplicium
intolerabi-
le.

Inferorum
pœna em-
nem men-
tis fictione
superat.

Ioannes ille Chrysostomus, qui suæ doctrinæ pretium suo cognomento declarat, ea diuini oraculi

culi verba, *Quod oculus non vidit, nec auris audi-* 1. Cor. 2. 9.
uit, nec in cor hominis ascendit, quæ præparauit Deus ijs,
qui diligunt illum, verissima esse, ait, etiam odio
habentibus accommodata: nimirum, Quod oculus
non vidit, nec auris audiuit, nec in cor hominis
ascendit, quæ præparauit Deus odio habentibus se.
 Quam ob rem tanti Viri auctoritate, nec non
 præmissis rationibus fultus ita locum sceleribus
 meis ad inferos destinatum interdum commini-
 scor, certus fictionem semper futuram veri-
 tate minorem; itaque mecum ipse differere soleo;
 Si mihi (quod Deus omen auertat) ob mea sce-
 lera locus ita ibi esset compositus, vt pistoriæ
 fornacis speciem imitaretur, non ex vulgari ta-
 men cemento factus, sed ex ære fusus, eoque
 ultra communem ignis feruorem candente, te-
 studine autem tam depressa, vt iacentem me
 tantummodo, non stantem posset admittere:
 aditu verò, saltem post ingressum, omnino ca-
 reret, conflatis ostij rimis, deletisque vestigijs,
 sic prorsus, vt in omnem partem æquabilis mu-
 rorum crassitudo, centena vel millena passuum
 millia decurreret. Si, inquam, in hunc locum
 tam horrendum post vltimam illam, ac decreto-
 riam supremi iudicij sententiam vnâ cum corpo-
 re includerer, eoque ingressus fornici inscri-
 ptum subitò inspicerem; HÆC TIBI SEDES
 IN ÆTERNVM ERIT: nec de rei ve-
 ritate vlla mihi incideret dubitatio; quid, quæ-

Fictus, sed
 vero mitior
 apud infe-
 ros locus.

Gg

fo,

so, simul ingressus atrocissimo illo igniti æris feruore, atrocioribus characteribus me combustum sentiens, efficerem? Profectò si mori possem, illico tantæ succumberem acerbitati. At, *querentes homines mortem*, inquit Ioannes, *et non inuenient, et fugiet mors ab eis*. Saltem si insaniendi locus esset, protinus a mente discederem. At mentis intelligentia, & sensus augebitur, vti antea monuimus, non minuetur ad dolorem. Quid igitur agā? Clamem ne, exclamem, Superum fidem, clementiam implorem? lachrymis, questibus, lamentis conficiar? At quorsum, cum nemo audiat, nisi qui clamoribus tuis perinde, atque aspidis combustæ crepitu, gaudeat? Talis contra eum fuisti, talis haberis. In diras, credo, in execrationes, in rabidas contra superos voces erumpam: Stridebo, immugiam, ululabo, pectus vnguibus, manus, & lacertos moribus appetam, caput solo, testudini allidam, centies, & millies in omnem partem versabor, torquebor, defatigabor; Quid tum? Vbi me integrum diem, vbi me annum totum, vbi centum, ac mille annos ita iactauero, occurreritque nihil me hactenus profecisse, nihil omnino in posterum profecturum; æneam stare Sententiam, plusquam æneum Iudicem, tam certò inexorabilem, quàm immutabilem; quid agam? quò me infelicissimum vertam? Quid consilij capiam? Quiescam ne? æquo animo feram? Silentio necessitati parebo? At quo tandem pa-

ca

O malorum extrema nunquam defitura taci-
 tus patiar, is, qui comedix, vel maximè iucun-
 dæ ultra tertiam, quartamve horam productæ
 assidere vnquam sine execratione non potui?
 Quid igitur (rogo iterum, ac sæpius) faciam?
 quid mente reuoluam? quid comminiscar? Ve-
 lim, nolim, ea mihi sedes in æternum erit: in-
 de nunquam exeundum: non radius lucis: non
 auræ frigidioris solatium ad me aspirabit vnquam:
 non amici, aut propinqui ad patientiam adhor-
 tantis verbum exaudiam: non rei vilius species,
 non recordatio iucunditatis, præterquam momen-
 to transactæ, & æternum promeritæ, atque og-
 gerentis supplicium, obuersabitur O æternitas!
 o intolerabilia pariter ac semper toleranda sup-
 plicia! o horrenda cupiditatum monstra! hæc
 sunt oblectamenta, quæ promissistis: huc tandem
 vestræ insidiæ spectarunt: hic abiectâ simulatio-
 ne vestros vultus retegitis. O si mortales ex hoc
 pretio libidines suas æstimarent; profectò æquè
 voluptatum illecebras, atque indictam illis a Su-
 premo Iudice multam exhorrescerent. Quin ve-
 rissimum fore puto, quod a sapientissimis Patri-
 bus dictum audiui, vt si Deus vniuerso hominum
 generi coram spectandas teterrimas Erebi pœnas
 proponeret, atque vni duntaxat ex omnibus su-
 beundas comminaretur; omnes subrectis horrore
 crinibus contremiscerent, abiectâque rerum hu-
 manarum curâ in solitudinem, tantæ infelicitatis

Ex pœnâ
 soluta cul-
 pæ malum
 æstimandū.

Gg 2

effu-

effugium meditaturi, secederent. Nobis tellus prouidè ad vitam in eâ degendam opacata est, metu perituris, si pellucida, subiecta monstrâ patefaceret. At o cæcas hominum mentes, an non Deo teste compertum habemus, supplicia illa atrocitatem suam vltra nostrorum oculorum aspectum in infinitum extendere? nec vni subeunda esse; sed tam multis, vt præ illis paucos Christus in sacris litteris eximendos dicat. Quo igitur metu, quâ sollicitudine par est, nostræ nos saluti consulere, & contumacissimis, atque ad tam horrenda supplicia perducturis obstare libidinibus?

Matt. 7. &
20. & alibi.

Hæc de frangendis cupiditatibus dicere habuimus. Licet enim quarundâ leuiorum mentionem nullam fecerimus, nullius tamen remedium omisimus: nam quæ grauioribus morbis præscripta sunt, citiùs leuiore extinguent. Præterea quanquam nos minimè latet, etiam mortis, supremique iudicij metum ad animos compescendos plurimùm valere; tamen ab eo vrgendo abstinuimus, quòd telum vtrunque non nisi inferorum supplicijs veluti præfixum, & cuspidatum terreat: Poenâ enim tam atroci sublatâ, omnis iudicij diuini, mortisque metus hebescit. Duo tamen generatim commonemus; alterum est, cupiditatum nullam beatè viuere cupienti contemnendam esse, ac sine freno relinquendam: quia minima quæuis in maximam, si nutriatur, nihil non aursuram,

Minima
quæuis cu-
piditas ma-
xima, si ou-
triat, fiet.

furam, excrescet. Cernere id licet in Christi seruatoris nostri cade, cui scelus par nunquam fuit, tamen si nulla non in illam cupiditas propemodū conspirauerit: Iudæ auaritia, Pontificum, & Sacerdotum inuidia, Phariseorum traducta hypocrisis, ac detectę pudor obscenitatis, Herodis ambitio, Pilati metus, atque imperandi libido, plebis, ac ministrorum adulatio, populi denique vniuersi concitata, ex frequenti reprehensione iracundia: quisnam crederet auaritiam, adulationem, metum, aliasque eiusmodi mitis ingenij cupiditates tam execrabile facinus ausuras? Furor est autem inde vitę humanę præsidia ad felicitatem expectare, vnde diuinę, beatęque suprema perniciēs, ac tantum miseriarum accessit. Nec satis tibi consultum puta, si preclusis reliquarum cupiditatum hiatibus vnum aliquem apertum dimiseris: plus enim timoris obsessis ciuibus porta vna affert iam referata, quàm centum clausę securitatis. Vt in te omnes sese tartarei spiritus fundant, tima quęlibet tuę voluntatis sufficiet, hoc est vitium, quod in eā faciat quæuis malè compressa cupiditas.

Alterum, quod monemus est non leuem quamlibet ad perpetuam, & securam in hac erummosā vitā tranquillitatem satis fore cupiditatum compressionem, sed magnam requiri, perfectamque, per quam nimirum ita sui corporis, animique patientiam aduersis omnibus quis obfirmauerit,

rit, vt malorum perpeſſio in quandam ſenſus ve-
luti duritiem occalluerit, & quaſi loricam ad no-
ua vulnera e veterum cicatricibus natura confe-
cerit, nec iam inter cędentis, aut palpantis for-
tunę manum diſcrimen vllum agnoſcat. Qui ſeſe
ita munierit vnus aduerſa omnia prouocare, ne-
dum expectare intrepidus poterit: bellumque
ipſum inteſtinum, ac ſingulare certamen, quod
ſecum gerendum beatam vitam quærenti indixi-
mus, quamuis acre futurum ſit, non pacis ta-
men expulſio erit, ſed præſidium, & munimen-
tum: idque contra ſuas cupiditates pugnantem euen-
turum certò promittimus, quod fortiffimis olim
ſub Iudâ Machabęo Iſraelitis eueniſſe tradunt

1. Mach. 3.
26

diuinę litterę, *Qui præliabantur*, inquiunt,
prælium Iſrael cum letitiâ. Tu quo-
que præliaberis, ſed ita vt pax,
& lætitia non prælium ſe-
cutura tantummo-
do ſit, verùm
etiam comitatura, eademque fu-
tura victorię præmium,
auxiliumque.



LIBER TERTIVS
DE VITA
IN TERRIS BEATA
CAPVT PRIMVM

Vbi de Christianæ virtutis
iucunditateⁱⁿ vniuersum
agitur.



Rima felicitatis pars est, miserijs caruisse, eaque tanta, vt veteres inter Philosophos, Tullio teste, minimè defuerint, qui bonorum finem, absolutamque felicitatem in doloris vacuitate constituerent. Parùm quidem benè de naturâ parente sentire, a quâ nisi latronum, vt vocant, beneficium, expectarunt nullum: scilicet, inuiolatum dimitti. Illud tamen per huius imperitię tenebras veritatis emicuit; Magnum esse indolentię bonum, quod viris doctis.

Eorum auctor
Hieronimus Rhe-
dus.

Ætis summi boni speciem exhibuit . Hâc autem beatæ vitæ parte , quantum mortalibus licet , positus est , qui e vitijs elapsus etiam cupiditatibus ad ea reuocantibus frenum iniecit . Altera iam superest obtinenda , eaque potissima , quæ in Christianâ virtute , ad euangelicam normam exactâ , continetur . Quanta illam etiam in præsentis aui animi voluptas sequatur , in hoc tertio libro aperiendum suscepimus : & primum quidem in vniuersum de eius ad beatam vitam efficacitate loquemur ; tum ad singularum quarundam virtutum incredibile improbis gaudium , & iucunditatem enarrandam progrediemur .

Virtus philosophica vitæ in terris beatæ minimè sufficiens .

Nulla e veteribus Philosophorum familijs æquè ac Stoyca admirationi apud ethnicos fuit . Hi enim Philosophi eximijs honestatis laudibus , cui summam bonorum tribuerant , errores suos mirificè cohonestarunt : nec fortè a vitâ beatâ aberrasse illos tam benè dixeris , quàm abfuisse , ut quibus a viâ non tam digressio fuerit , quàm reuerâ defuerit progressio . Haud dubiè enim virtus omnis ad beatam vitam conducit , sed si ultra philosophicos fines minimè progrediatur a perfectâ immortalis vitæ felicitate adhuc plus distat , quàm ut de eâ possit gustum capere , mortalitatis vitæ felicitati , siue solatio sufficientem . Longius igitur prouehenda virtus , ut æternæ nos felicitati propius admoueat , & in possessionem præsentis , quæ in eâ viciniâ moratur , inducat . Illud

ta-

tamen hic pro certo, exploratoque sumendum, eam in cuiuslibet virtutis usu voluptatem inesse, ut si cunctas quis virtutes animo inferat, felicitatem huic suo congruentem obtineat. Huius rei triplex proferre licet testimonium; primum e diuinarum Scripturarum sacrario, proximum e cuiusque honesti hominis experimento, tertium e virtutis ipsius ingenio, & causis.

Quod ad diuinum oraculum attinet; nihil in sacris litteris crebrius, quàm beatos nuncupari, qui a vitijs abstineant, ac virtutem, atque honestatem colant. *Beati immaculati in viâ, qui ambulant in lege Domini; Beati, qui scrutantur testimonia eius, in toto corde exquirunt eum. Beati omnes, qui timent Dominum, qui ambulant in vijs eius. Beati quorum remissa sunt iniquitates, & quorum tecta sunt peccata. Beatus vir, cui non imputauit Dominus peccatum, nec est in Spiritu eius dolus. Beatus vir, qui timet Dominum, in mandatis eius volet nimis. Potens in terrâ erit semen eius &c.* Denique ex Euangelio Daudicis carminibus mirè consono habemus; *Beati pauperes spiritu, beati mites, beati qui lugent, beati misericordes, beati mundo corde, beati pacifici, beati qui esuriunt, & sitiunt iustitiam, beati qui persecutionem patiuntur propter iustitiam.* Quibus octo enumeratis virtutibus ita homines beatos fieri nobis firmiter persuasimus, ut virtutes illas iam vulgò octo beatitudines nuncupemus. Plura etiam eiusmodi loca toto hoc opere disseminata

Primum e sacris litteris pro virtute beante testimonium. Ps. 118. 1. &c.

Ps. 127. 1. Ps. 131. 1. &c.

Ps. 111. per totum.

Matt. 5. 3. & seqq.

Hh

repe-

reperies, e quibus omnibus planè illud efficitur, tam certum nobis esse debere, beatos esse, non modò in patriâ Beatorum, verùm etiam *in viâ*, *Pl. 118.1.* vti Psalter regius testatur, eos qui ex virtute viuunt, ac diuinam legem sequantur, quàm cerra, explorataque sint reliqua sacrarum litterarum, vtcunque captu difficillima mysteria, vti sunt, quæ de venerandâ Triade, aut Eucharistico Pane, aut id genus alijs sacræ nobis litteræ tradunt: Vna, enim cunctis diuina substruitur auctoritas, quæ vni mysterio subduci nequit, nisi concidant vniuersa. Si enim neges, qui bene viuant, beatos esse, vno tempore mentitum Numen, & mendacia esse posse quæcunque alia dixit, affirmas.

Secundum
pro virtute
testimoniū,
experientia.

Alterum testimonium a proprio ductum experimento plus fidei a nobis obtinet, vtcunque minus mereatur, quàm immissæ de Cælo voces: ad eum ferè modum, quo leuis auræ susurrus plus sonat auribus admotus, quàm remota tonitrua: imò hæc aliquando in susurrum longinquitate elanguescunt, susurrus in tonitruum sonitum propinquitate conualescit. Quamplurimos afferre licet eiusmodi testes, qui suo sibi vsu liquere dicant, idem esse benè, ac beatè viuere, eamque inter *Pl. 84.11.* Iustitiam, & Pacem, vti ait Regius vates, osculo verè firmatam necessitudinem, vt alteram ab alterâ seiungi nequaquam contingat. Verùm quia hos quoque per totum opus dispersos dedimus, dabimus, que præsertim in sequentibus, non est

cur

cur hîc ijs enumerandis diutiùs immoremur. Illud
 solùm, vt quisque reputet, moneo; quantâ animi
 tranquillitate gauisus est, si quando a vitijs emer-
 sit, quanto maiore, si quando virtutem impensius
 coluit, si corpus suum asperius inediâ, vel flagel-
 lo accepit, si animum fregit, edomuitque: deinde
 computet, quantò plura suis, ac duriora sint san-
 ctoirû Virorû ieiunia, aliâque corporis, aut animi
 afflictationes; atque inde perspicuè colliget, quantò
 maiora illis, quàm sibi solatia diuinitus contingât,
 clamante Dauide, *secundùm multitudinē dolorum meo- rum in corde meo consolationes letificauerunt animā meam.* Ps. 93. 19.

Tertium denique testimonij genus ab ipsâ virtu-
 tis conditione ductum in hunc modum exponitur. Tertium pro
 virtute tes-
 timonium,
 eius natu-
 rals condi-
 tio.
 Primùm cum virtus vis quædam animi sit, vigor, ac
 sanitas, qui eâ præditus est, non potest, non sum-
 mopere gaudere, quòd se depulsis languoribus
 sanum videat, & in omnes conatus validum: id-
 que præsertim, vbi longus, & multiplex morbus
 præcesserit: si enim gaudet animus restitutâ cor-
 pori, hoc est iumento suo, post diuturnum lan-
 guorem valetudine; quantò magis sua illum va-
 letudo, omni persanata ægritudine, delectabit?
 Præterea sanitas ista suum menti lumen a cupidi-
 tatibus obscuratum, item libertatem per eas im-
 minutam, restituit. Longè autem iucundissimum
 est, depulsis tenebris, fractisque vinculis in aper-
 tum educi, cœloque libero frui, cuius spiritu tan-
 quam nativo sese recreet animus, augeatque.

Hh 2

Quid

Quid enim pulchrius, quid proinde iucundius, quam cœlestia spectantem terrena calcare? fortunæ iacula, e superiore loco ridere? non metu contrahi? non mœrore deijci, non lætitia insanire? non de tenui spe cum tremore pendere? nihil, quod tolli possit, suum deputare, nihil, quod suum sit, perdere posse? supra humanas denique erectum, ac Cœlo proximum tumultuantis mortalitatis pugnas, & fremitus, tanquam gladiatorium munus virtuti exhibitum in tuto spectare? O si ^{huc} oculos tollerent ij, quos non natura pronos, & ventri obedientes, sed nequitia finxit; ne illi, eâdem retentâ voluptatis cupidine, relictis nequitie sordibus ad honestatē confugerent.

Accedit ad hæc, quod cuiusque consuetudinis (quo in genere virtus reponitur) comes est delectatio: parit enim in animo aduersus ea, quibus consuevit, familiaritatem quandam, amoremque, ac deinde ad eadem obtinenda facilitatem; plurimum autem iucunditatis habet in promptu esse, quod ames, siue id quidem honestum sit, siue turpe: proinde vtraque consuetudo, siue bona, quæ virtus dicitur, siue mala, quæ vitium, aliquid habet iucunditatis: id tamen interest inter duas, quod bona, atque honesta consuetudo voluptatem, quam affert, conscientie gratulatione, item initæ a Deo gratiæ, meritique apud superos præmij opinione, expectationeque mirificè auget. Contra yero mala, ac vitiosa
con-

consuetudo, conscientiae moribus rodit, ac deuorat, quidquid attulerat oblectamenti. Denunciat enim offensi Numinis iram, atque improbo praestat Damoclis gladium conuiuantis ceruicibus intentatum, metuque in praecordia iam demissum: quem scilicet, qui viderit, miserrimus sit, miserior, quem latuerit, aucta in malorum cumulum, quae caelat effugium, caecitate. Quid beatius Damocle, si externa computes bona? Iusserat illum Dyonisius aureo in lecto, ac floribus insperso, coronam insuper redimitum, ad mensam conquistissimis epulis instructam accumbere. Vniuersum vnâ cum suo instrumento cubiculum regiam proclamabat magnificentiam: textili picturâ, eademque nobilissimâ instrati parietes: signis item, tabulisque depictis pulchrâ varietate distincti, aurea laquearia, gemmea pauimenta, indutæ purpurâ sedes, eburneæ mensæ sub magnis ex auro crateribus fatiscentes: cuncta ad miraculum composita, dispositaque. Aderant seruorum greges, aderant eximia formâ delecti pueri, quorum alij cibos, pocula alij summâ curâ atque ordine ministrabant: nonnulli prorsus vacui, eius vt natus obseruarent, aperto capite protinus imperata, facturi aureum cubile circundabant. Nec suffitus, aut vnguenta deerant, nec musicum carmen, nec neruorum, seu tiliarum cantus, nec denique eorum quidquam quod pulcherrimam valeat, maximèque obtabilem fortunam instrue-

Damocles
supernâ irâ
metuentis
exemplū.

re,

re, desiderabatur. Quid, inquam, illo beatius si hæc inspexeris, nihilque præterea? At ille horum nihil potuit inspicere vbi intentis fursus oculis gladium ab equinâ setâ pendentem suspexit; nec vlllo regij apparatus, ac deliciarum sensu tangi, quando iam sensus omnis impendentis mortis horrore defecerat. Itaque ad ferri eius fulgorem, quasi ad fulgur expallescens, quam fortunam antea magnis precibus euocauerat, iam paribus votis ab sese expertus deprecabatur. Ita planè res habet: certissimum documentum hæc propositâ imagine nobis Dyonisius præbuit, certius proposito se ipso eius imaginis exemplari; fieri nimirum nequaquam posse, vt cui conscientia diuinæ ultionis gladium intenter, pars vlla liquidæ voluptatis vel a Regiâ fortunâ contingat.

Virtus ani-
mi cibis
suâ iucun-
ditate con-
ditus,

Denique nutrimentum animi virtus est, quo ille alitur, & in magnitudinem suam, seu magnanimitatem excrescit. An tu putas vulgaribus cibis, perituram vitam facturis, inductam a rerum Conditore iucunditatē, quæ comedendi laborem redimeret; virtuti autem sempiternam vitam contentiùs elaboranti inspersa condimenta nulla? Falleris, & magnam rerum Auctori iniuriam infers, quasi pecudum adulatus palato animorum nutrimenta neglexerit, minùs his, quàm illis amicus. Ieiunia tam rigida, tam crebra, tam diuturna a sanctissimis Viris, nec gementibus, aut suspirantibus, sed lætis, alacribusque seruata, & cibus
gra-

grauatè ob intermissa pietatis officia captus, satis indicant, quantà pietas iucunditate dapibus præstet, & quàm verè illud ab Ecclesiastico pronunciatum, cunctisque gentibus deprædicatum; *Non est, non est oblectamentum super cordis gaudium*. Lugubat Bernardus, monasterij clareuallensis Antistes, quoties a rerum cœlestium contemplatione ad mensam euocaretur, cibosque non secus atque ager ingrata medicamenta, sumebat. Luxit quoque inter epulas Isidorus, præstanti virtute apud Ægyptios monachus: causam verò rogatus, Fleo, inquit, quia bestiarum cibos edere cogor ad diuina Cœlitum natus conuiuia. Denique magnus ille monachorum parens Antonius non flebat quidem ad mensam, sed mente ad futuras in Cœlo dapes immisâ, appositas capere obliuiscabatur, nec aliter esse poterat, quàm, vt hoc ageret, ab assidentibus moneretur. Tunc autem non tam ciborum, quos caperet, gustu, quàm eorum, quos repudiaret, continentia delectabatur: sat sciens, hanc delectationem non gulæ longitudine definiri, sed vitæ, eiusque apud superos immortalis.

Illud quoque de Bernardi discipulis memorandum, quod cum ad omnia virtutum genera præclarè instituti, cibus valde sordidis iucundissimè vescerentur, pane scilicet fursureo, ac propemodum terreo, confectaque ex fagi frondibus pulte; seridò conquesti sunt apud Guilielmum Cathala-

Pietas cibo
lōgè iucun-
dior.

Eccel. 39.
16.
In eius vi-
tā,

In vitis P.
P.

In eius vi-
tā apud
Sur.

Pietas et a
cibus con-
dimentum
adiungit.

nensium Antistitem Bernardi amicissimum; quòd indulgentiùs a suo Magistro haberentur : tantum se capere in mensâ voluptatis , vt quasi per aliam viam regressi in regionem suam, quas delicias in ciuitate reliquerant, easdem in solitudine etiam auctas recuperassent: proinde veritos, ne futuris in Cœlo delicijs fraudarentur, rogare se, vt pro suâ auctoritate Bernardo tantæ indulgentiæ modum imponeret: Responsum tamen a prudentissimo Antistite fuit, iucunditatem illam non ciborum esse, sed temperantiæ, quæ cœlesti illos suauitate condiret: idcirco non iacturam inde timendam cœlestium deliciarum, sed spem augendam, quandoquidem istæ non darentur, nisi illam præsummentibus arham: quo responso nouum cibus illis condimentum, & iucunditatem adiecit.

Ceteris
quoque iu-
cundior vo-
luptatibus.

Habet igitur sua pietas condimenta, quorum dulcedine mens imbuta corporeæ dapis sensum amittat, aut fastidium capiat. Quod si etiam intelligere libeat, quantum ceteris quoque plebeijs voluptatibus nobilissima, planequè diuina virtutis iucunditas præstet; percurrere vniuersa ægypticæ solitudinis monasteria. Vide ibi infinitam sanctissimorum hominum multitudinem, quàm procul ab humanâ societate, tam ab humano solatio seiunctam. Cerne corpora illa solis ardore semistulata, ieiunijs enecta, nudo solo ad quiescendum allisa, adeo exucca, arida, exsanguia, vt vix continente cute ossa cohæreant. Larvas cre-
de-

deres, si subito occurrerent, & fugâ declinares, quemadmodum in vitis Patrum nonnulli fecisse, solitarios conspicati narrantur. O quàm angustè, inquires, habitat in eiusmodi corpusculis animus! quàm anxie, ac trepidè sub tecto tam ruinoso! quantâ cum inopiâ, vbi ne mendicandi quidem potestatem solitudo permittit! Atqui si magis accesseris, si cuncta penitùs rimatus fueris, nusquâ parem inuenies hilaritatem, nullo propiùs exemplo supernæ felicitatis admoneberis, quàm beatis illis apud Ægyptios monachorum choris, perpetuò Deum summo cum gaudio laudantibus. Non angustè, si rem diligentius expendaris, sed laxiùs habitare animum intelliges, cui adeps inanimus hospitium non occupet; nec de tecto ruinoso timorem esse migrare cupienti: nec denique inopiâ premi, qui ea solum non habeat, quæ noluit, quæque, vt rerum Domino potiretur, erogauit.

Viderat Antonius Paulum in Ægyptiâ specu verpibus, dumetisque rigidâ, latitantem: audierat septimum supra nonagesimum iam annum cum siluestribus feris versatum, nec modò nullo hominum recreatum subsidio, sed ne alloquio, ne aspectu quidem; nouerat, centenariâ propè exesum inediâ, centenariâ solitudine, centenario silentio sepositum: vbi tamen hæc rogantibus discipulis referre debuit, compendiaro sermone vsus; *Vidi, inquit, Paulum in Paradiso*: idque ne

Ii

teme-

Pauli soli-
tudo Anto-
nio Paradi-
sus.

In vita Ant.

Id. ibid.

temerè dixisse videretur, iterum ac tertio ait.
Vidi Paulum, Vidi Paulum in Paradiso. Tantâ enim
lætitiâ plenum illum, ac gestientem inuenerat,
vt cum Paulo altero in Paradisum raptò scitè
confunderet, nihil interesse ratus, in Cœlo ne
fuerit, an Cœlum cum suis delicijs ad sese pertra-
xerit. Ipsemet verò Antonius, qui vitam suam
vndique ex seueriorum Patrum exemplis, veluti
e spinis totâ solitudine collectis, asperauerat: &
vltra commune ferarum genus, ceteris solitarijs
familiarè, sub earum corporibus spiritus tartareos
in contubernio habuit; eâ tamen mentis iucundi-
tate perpetuò affluebat, vt, Athanasio teste, sem-
per in Cœlo cum beatis mentibus versari videretur.
Quin etiam perpetuò hilaris alios omnes hi-
larabat aspectu: sic prorsus, vt hâc ipsâ oris hi-
laritate, cœlesti quodam nitore perfusâ inter ce-
teros monachos etiam a peregrinis, qui eum
quæsitum aduenerant, nullo indicante, dignosce-
retur. Suos autem monere solitus erat, vnâ
esse hostis tartarei frangendi rationem, mentis
lætitiâ e rerum supernarum contemplatione,
ac spe descendente: inde enim inuidos spiri-
tus rumpi, atque euanescere: hanc verbis sua-
dere conabatur, hanc læto vultu quasi addito
exemplo persuadebat, communicabatque. Præ-
terea auctor est idem Athanasius, potentissimos
quoque, atque opulentissimos Reges curarum tem-
peramentum, & solatium ab eo solitos emendi-

ca-

LIBER TERTIVS;

251

care. Magnus enim Constantinus, eiusque duo Constanti-
nus Cæsar
ab Antonio
Iolatiame-
dicat, liberi Costantius, & Constans Romanorum Im-
peratores, non semel ad illum litteras dederunt,
quibus rogabant, suis ut eos responsis consola-
retur. Quod cum præstaret Antonius mirum est,
quanto cum gaudio ea responsa acciperent,
quanto cum maiore iterum, ac sepiùs lectita-
rent. Denique supremum vitæ diem, quem ce-
teri trepidando solent, ipse ridendo clausit, ocu-
lisque, ac manibus in Cælum sublatis animum
consciis, quò iturum, mirè latus dimisit.

En quò pertinet Christianæ virtutis efficacia, Ex ps. 62. 3.
& 113. 8.
ut in terrâ desertâ, inuîâ, & inaquosâ, conuertat
petram in stagnâ aquarum, & rupem in fontes aqua-
rum, & quidem tam dulcium ut sub aquarum
specie mellis suauitatem exhibeant, quemad-
modum idem Regius Psaltes interpretatur, ubi
ait; *Et de petrâ melle* (hoc est aquâ mellis dulce- Ps. 89. 17.
dinem referente) *saturauit eos.* Maneat igitur,

virtuti cuilibet communem esse, & quasi
e genere suo hereditariam iucundita-
tem: iam ad præcipuas quasdam
virtutes descēdendum, qui-
bus ultra communem
sua est, & pecu-
liaris, eaque longè maxi-
ma, voluptatis
accessio,



II 2

CA.

CAPVT SECVNDVM.

De Fide, quam Deo loquenti
mortales adhibemus.

Idem diuinam Theologi nostri ap-
pellant, quam Deo O. M. super-
na nos myſteria, viamque ſalutis
edocenti tribuimus. Hæc vir-
tus ceterarum, quæ nos ad fe-
licitatem ducunt, dux eſt, &
magiſtra, ſine quâ nec Deo

Ad Heb. 11.
6.

Fidei iucū-
ditas quan-
ta, & vnde.

Duplex ca-
puſ iucun-
ditatis in-
ſciētiā, ma-
gnitudo, &
firmitas.

lib. p. de
part. anim.
6. 5.

placere poſſumus, vt ait Paulus, nec nobis Deus,
qui quanquam noſtræ omnis felicitatis materia
eſt, non aliud ſine fide gaudium afferre poteſt,
quàm quod cæco ſpectaculum, vtcunque pulcher-
rimum. Quantum autem illa voluptatis habeat,
coniectare inexpertis licet ex immenſâ diſcendi
cupidine, quâ vniuerſi tenemur, cui quo plùs ſa-
tisfacimus, hoc vberior voluptas, quaſi in ſiti-
potantibus, accedit. Duo autem ſunt, quæ ma-
ximè ſciendi ſtudium proritant, delectantque
nempe magnitudo rerum, quas noſcimus, & no-
titix firmitudo. De magnitudine ait Ariſtoteles,
magis nos oblectari leui notitiâ rerum cœleſtium,
quàm pleniffimâ rerum inferiorum: propterea
quod

quodd gratius nobis sit, quæ in pretio habemus, ac diligimus, eminus contemplari, quàm humilia, quæque negligimus, tractare, ac possidere. Firmitudo verò notitiæ, quantæ iucunditatis sit, suis omnibus theorematis, problematisque Mathesis demonstrat, quorum singulis cum diuersa persua-deat, hoc vnum omnibus apertissimè, & sine metu fallaciæ docet, summam esse in ijs intelligendis iucunditatem. Tametsi autem ea discipli-na nihil quidquam aliud præter materiæ dimen-siones, rem scilicet tenuissimam contemplandam præbeat, tamen quia ea, quæ dicit, oculis quo-dammodo subiicit, & firmissimè persuadet, in-credibili studiosos voluptate perfundit: vel inde id sit, quodd certum sibi lucrum, vtrunque paruum, animus gratuletur, vel potius quodd ingenium suum, cuius acumine illud obtinuit, quasi nobi-lis auceps magis venatione lætus, quàm prædâ. Testis præ ceteris locuples Archimedes (mar-tyrem dicerem ob mortem propterea obitam, si fas esset vocem iam consecratam in vsus pro-fanos reuocare), qui Marco Marcello Syracu-fas deuastante, cum omnia tumultu, ac rui-nis oppressa supremos clamores tollerent; ipse geometriæ magis, quàm vitæ studiosus hanc ho-stium furori permisit, ne a geometricâ formâ, quam descripserat, contemplandâ, breui fugæ spatio diuelleretur. Duo autem hæc in diuinam fidem mirificè conuenire perspicuum est: sum-

Vnde oria-
tur mathe-
seos iucun-
ditas.

ma

ma enim docet, eaque summâ pariter comprobatur firmitate: quare si pro modo cum magnitudinis, tum firmitatis rerum, crescit intelligendi voluptas; hanc nonnisi summam a diuinâ fide profluere necesse est: vtraque tamen pars euoluenda est, & veluti oculis exponenda, ne inuolutè tradita minùs sese approbare possit accipientibus.

De rerum
magnitudi-
ne, quas
docet fides
diuina.

Primum igitur (quod ad rerum, quas diuinâ fide cognouimus, magnitudinem attinet) suam. Deus O. M. infinitam quaquauersum magnitudinem nobis aperuit: infinitam scilicet potentiam, quâ Cœli, terræque orbes, quotcunque libuerit, momento condere possit: infinitam sapientiam, qua orbium illorum formas summâ cum infinitarum partium conuenientiâ atque venustate componat: infinitam in omne spatium amplitudinem, quâ tot, tantisque rebus cum in suâ immensitate locum, tum de suâ æternitate tempus, ac vitam distribuat: infinitam bonitatem, per quam infinita cuiusque generis bona in se ipse contineat, nempe infinitam probitatem, infinitam benignitatem, infinitam pulcritudinem, & gratiam, & suauitatem, & mansuetudinem, & clementiam, & lucem, & dulcedinem, & odorem, & quæ denique singulorum pretium nobis in infinitum auger, liberalitatem, per quam cuncta hæc, nostra in æternum fore promittit, modo tanta dona vnâ cum Donantis amicitia non dedignemur. Ape-

rule

ruit præterea nobis animorum nostrorum immortalitatem sempiterna illa Numinis munera æquat-
 turam: Aperuit adoptionem, cuius beneficio in
 æternam fortunatissimi regni educamur heredita-
 tem: Aperuit supernarum sedium amplitudinem,
 decorem, opulentiam, voluptatem, quorum con-
 templationis fructus non in oculis sistit, aliena
 mirantibus; sed ad animum vsque, sua contem-
 plantem ingreditur. Denique tam multa, tam
 magna, tam præclara Deus nobis aperuit, no-
 stræque fidei credenda tradidit, vt si cum ijs,
 quæ oculis patent, conferantur, hæc mundi cor-
 ticem esse dixeris, illa mundum: quare tanto
 maior ex interiorum harum rerum notione volu-
 ptas existit, quàm e communibus hisce specta-
 culis, quanto rerum interiora cortices suos, ac
 velamenta pretio, & pulcritudine vincunt. Ve-
 rùm quia consuetis voluptatibus frequens vsus
 condimentum nouitatis, eamque pretij partem
 ademittit, quam raritas facit, interiectæ defectio-
 nis experimento; inde fit, vt nemo nostrum qui
 euangelicæ lucis vsurâ iam tum ab incunabulis
 fruimur, eam lucem inter delicias compute-
 ret. At quemadmodum non est, qui digniùs oculos æsti-
 met, quàm qui ab exortu luminibus captus su-
 bito aliquo prodigio illa recepit, vt qui vnâ cum
 oculis hunc ipsum aspectabilem mundum, cæci-
 tate amissum, se videat recepisse; ita non est,
 qui superni diuinæ fidei luminis beneficium cla-
 riùs

Oculis mû-
 di corticē
 cernimus,
 fide mūdū.

Raritas in-
 teriectâ de-
 fectione
 res com-
 mendat.

Fidei iucunditatem docent nati inter tenebras infidelitatis.

rius agnoscat, eoque iucundiùs fruatur, quàm cui inter errorum tenebras nato, educatoque repente euangelicę doctrinę fulgor, sagratoria mundi penetralia reſerans, illuxerit. Liquidò id ex quibusdam Sinarum populis nuper didicimus, qui, vt eorum monumenta ferunt, in magnę cęcitatìs tenebris nati, educatique ne se a belluis quidem norant discernere, rati humanos animos belluarum instar eodem, quo corpora momento extinguì. Vbi verò se immortales gerere animos, eosque prępotentis Dei filios, regniue confortes cooptatos, a nostris Doctoribus cognouere, idque firmissimis rationibus, comprobari; mirum, quantà animi, sibi gratulantis, lætitiã efferri cęperint: quasi tunc primùm e brutorum, ac repentium ordine ad Superum conditionem euolarent, atque a sempiternã morte, in quam se damnatos putarant, ex insperatò reuocarentur. Horum lætitiã nostrę opulentię, cuius participatione lætantur, nos admonet, nostramque voluptatem excitat inconsiderantiã consopitam.

Fides tunc maximè delectabilis cum in Sapientiam euadit.

Sapientię definitio.

Est tamen, & alia via, ac ratio, quã fortiùs excitetur, & fortior eadem exurgat voluptas: si nimirum nostra hæc diuinis oraculis habita fides, assiduã de suis mysterijs contemplatione e tenebris, in quibus iacet, in tantum assurgat, vt in sapientię lumen, & claritatem emergat. Est autem sapientia rerum diuinarum, humanarumque ex altissimis causis deducta cognitio, quæ cum præ-

præstantissimum sit diuini Spiritus donum, non ingenio, non studio datur, sed caritati, ipsum sibi diuinum spiritum adiungenti. Inde Rudes, sed cœlesti Spiritu præditos sæpè sapientissimos videas, vt qui de diuinis rebus tam altè sentiant, vt æquè rem nullam extra Deum ament, ac nullam propemodum agnoscant: rerum verò, quæcunque illæ sint, inferiorum causas semper ex alto diuinæ prouidentiae consilio deducant. Contra ingenio, atque eruditione præstantes, nec alio quàm terreno spiritu, seu vento plenos, tam stultos videas, vt ferè aliud nihil in rerum vniuersitate agnoscant, aut curent, nisi quæ oculis patent, & mutis quoque sese animantibus vulgant: quam ob rem infima quæque, modò sensibus obuia, superis præferunt, & inferiorum originem vel a casu, vel a magis vefano, ac furioso malorum Dæmonum consilio repetunt. Non sapiens est, qui sapientiam vendit, sed qui comparat, & in suos vsus conuertit: ille enim non adhibet, nisi vt exponat: hic quo plùs adhibeat, minùs exponit. Plerique Senecam, Plutarchum, Epictetum, quòd nostra Christianorum dogmata bellè protulerint, inter sapientes recensent. Ego verò non aliam illis laudem tribuerim, quàm quæ pueris solet balbutire incipientibus. Vt enim puerorum ex infantia recentium tritas quasque voces osculo excipimus, quasi e mutis prodigiosas; ita tritissima quæque Christianæ philosophiæ dogmata ab

Illiterati
docti's Sa-
pientes.

An verè Sa-
pientes, qui
vulgo inter
eos rece-
sentur?

Kk

ethni-

ethnicis hominibus audita plausu, & gratulatione
 prosequimur, quasi ab infantibus nunquam antea,
 aut a belluis miraculo prolocutis. Quin & hâc
 ratione eorum dictis interdum utimur, non secus,
 atque Æsopiciis bestiarum apologis, non tam ad
 docendos, quàm ad increpandos homines, quasi
 bestiis humanitate, ac prudentiâ deteriores. Non
 igitur Sapientem vocabo Senecam, aut quosuis
 alios sapientiæ propolas, qui alijs conspicilla
 construunt, ipsi caligare contenti: sed Paulum,
 solitudinis incolam, sed Antonium, eiusque disci-
 pulos, qui quantum humanæ litteraturæ rudes,
 tantundem homines litteratos in sui admiratione
 traduxere, quod indocti tenerent, quæ philoso-
 phiæ culmina assequi non potuerant. Vt tamen
 quid sapiant illitterati nostri, & quid illis sua ad
 agenda cum tranquillitate vitam sapientia con-
 ferat, liquidò discas, rem totam in sequenti ca-
 pite altius exponemus. Interim ut quæ dicturi
 sumus de sapientiæ huius ad beatam vitam præ-
 sidijs sine erroris formidine securus excipias, audi,
2102. 3. 13. quæ de illâ tradit, auctor sapientiæ Deus. *Bea-*
tus homo, qui inuenit sapientiam, & qui affluit pru-
dentia. Melior est acquisito eius negotiatione argenti,
& auri primi, & purissimi. Fructus eius pretiosior est
cunctis opibus, & omnia quæ desiderantur huic non
valent comparari. Fortè non dubitares, quin bea-
tus in hoc æuo futurus esses, si cunctæ tibi diui-
tum opes, & quæcunque præterea vulgo deside-
ran-

rantur, adessent. Quid igitur dubitas, an beatus futurus sis cœlesti comite sapientiâ, quando Deo teste intelligis, illam tibi allaturam aliquid cunctis opibus pretiosius, cunctisque rebus vulgò expetendis, atque optabilibus præstantius?

CAPVT TERTIVM.

De Cœlestis sapientiæ ad
huius vitæ felicitatem
præsidijs.

Hoc inter Sapientem, & gregarium quemlibet Christianæ disciplinæ cultorem interest, ut licet utrique idem de diuinis mysterijs iudicium sit, eademque fides, non eadem tamen intelligentia, ac sensus. Illi diuina non innotescunt modò, verùm & sapiunt, & in amore, atque in delicijs sunt: isti, ut in obscuro latentia venerationem potiùs sacro quodam horrore perfusam, quàm delectationem pariunt. Inde sanctissimis viris, quos solos sapientes sacræ litteræ norunt, id interdum vsuuenit, ut si sermonem de diuinis rebus instituunt; &

Quid inter sapientem, ac solâ fide præditâ inter sit.

Quā iucū-
da viris fā-
tis pia col-
loquia.

Lib. 2. dia-
log. cap. 36.

cibi, & potus, & somni, vnā cum reliquis cor-
poris desiderijs, mente aliō auocatā, obliuiscan-
tur. Tantā enim iucunditate Cœlestis hæc sapien-
tia pios inter sermones animum implet, vt illi mi-
nimē vacet pro leuioribus voluptatibus. Quod
Benedicto cum sorore Scholasticā contigisse Ma-
gnus est auctor Gregorius. Hi enim cum tempus
omne diurnum diuinis colloquijs extraxissent, id-
que Scholasticæ breue nimis videretur, vt cuius
in desiderio diuinarum laudum æternitas perper-
tuū sederet, a Deo precibus impetrauit, vt, im-
brium vi Fratris reditum prohibente, integram
quoque noctem piæ adiungerent colloctioni,
quod cum peregissent visā luce non tam sermo
illis productus quā contracta nox videbatur:
tanta vtrique fuerat mentis intentio, & cordis tri-
pudium somnos excutiens. Quid putas te fuisse
facturum, si tertius illis interuenisses? superasses
ne ingruentem noctis concubiæ somnum, eumque
oculis flagitantibus abnuiffes? an potius in diur-
ni tædij solatium vltro aduocasses? vel saltem non
inuitus obrepenti conuiuendo cessisses? Verisimi-
le mihi est, si fidem duntaxat apud te sermonis
illius argumentum, non intelligentiam, & com-
prehensionem inueniret, non secus te affuturum,
atque oscitanter auditurum, quā si duobus de
communi patriā tibi ignotā diū, ac iucundē col-
loquentibus nouus, & peregrinus, accideres. Illi
exitum non inuenirent, tu fortē præuenires abeu-
do.

do insulsi sermonis pertectus. Beatum Ægidium^{In Cron Fr. min.} memorant, eam cœlestis patriæ opinionem assiduâ contemplatione imbibisse, vt quoties Cœlum memorari audiret, continuò alienatâ a sensibus mente totus in eius desiderium, & cogitationem raperetur. Quæ res à pueris comperta materiam illis lusus, ac ioci suppeditauit: simul enim Ægidium per vias incedentem viderent, de industriâ beatam illam patriam geminatis vocibus exclamabant, vt sanctum virum mente abalienatum inspectarent. Quid causæ est, quod Christianorum plerosque plûs erigit infima quæque, & cœnosa huius terræ audita voluptas, quàm cœlestis recordatio felicitatis? scilicet non aliam putauerim, nisi quòd illam gloriam obscurissimæ fidei lineamentis, veluti extinctæ prunæ ductibus adumbratam spectent, terrena verò omnia solaribus radijs collustrata, inaurataque. Contra, diuinâ Sapientiâ instructi supera, infimaque, suo quæque colore discreta cernunt, iustamque cuique æstimationem tribuentes pari voluptate illa animo petunt, atque ista relinquunt. Hoc autem inter maxima ad huius quæ felicitatem præsidia connumerandum: nam cui supernarum rerum cogitatio in delicijs est, is tam suas habet in potestate delicias, quàm sui animi cogitationes.

Est & præcipuum aliud diuinæ Sapientiæ ad animi tranquillitatem parandam præsidium. Docet enim illa, & vltra vulgarem fidem planissimè^{Sapien nō h malipo. rest continere.} ostendit.

ostendit; Vnum esse duntaxat in rerum vniuersitate Bonum, & expetendum, Deum nimirum, siue eius in Cœlo consortium: cetera verò, quæ extra Deum sint, bona esse, atque expetenda, quâ ad vnicum illud Bonum conducant, quâ verò auocent, mala, ac declinanda. Cum enim rerum Finis cuncta, quæ ad se referuntur suâ bonitate bona efficiat, & quasi de suo splendore collustret; Deus autem sit rerum omnium finis, quæcunque ad eum conuersa nos ducunt, suâ bonitate impertit, suoque decore cohonestat: auersa verò, quæ secum nos a Deo auocant, abducuntque, suâ cum fœditate dimittit. Et quandoquidem nonnulla incommoda, sepè aptiora sunt ad homines in Deum agendos, quàm diuitiæ, honores, fama, & commoda reliqua, quæ aculeos quidem, eosque peracutos habent, sed hamatos quodammodo, vncinatosque, sic vt retineant, quos figunt; idcirco sapiens neque commoda bonis, neque incommoda malis adnumerat, sed vtraque medijs, ac neutris æquè bona, & salutaria futura, si e diuini Parentis manibus ad nos deuenerint, æquè mala, ac pestifera, si nostris ea, Deo inconsulto, atque adeo inuito sumpserimus. Quare cum sapienti certum sit, nihil velle, nisi quod ipsi benignissima Dei manus exporrigat; nihil illi non bonum, siue non aptum ad eum cum Deo bonorum omnium fonte iungendum, erit: quo etiam fiet vt eius animo nihil

Incommoda illi mala non sunt.

hil imminere possit, quod timeat, nihil adesse, quod doleat, tametsi corpus suum in eculeo distendi, admotisque facibus exuri, non sine magnâ ipsius corporis molestiâ viderit. Haud enim sapientia mala corporis tollit, sed bono usu in bona animi vertit, quasi venena in medicamina emendans. Dicit enim tunc sapiens quod olim Possidonius coram Pompeio; *Nihil agis dolor; quanvis sis molestus, nunquam te esse confitebor malum.* Imò addet, quod nequibat Philosophus, *semper te esse confitebor bonum, quia bonorum ad finem me aliquando perduces, deseresque in limine sine te ingressurum.* Minus quoque torquebitur incommodis dolore lenioribus, qualis est opum, honorum, patriæ iactura: quas res, cum non ut vulgus fortunæ munera credat, sed commodata, vel pignora; si abire contingat, nihil eorum se perdidisse, præter custodiæ sollicitudinem, & reddendi obligationem, existimabit.

Ex Cic. 2.
Tuscul.

Prodierat aliquando e suâ specu, vbi solitarius degebat, in proxima campestria Macharius Alexandrinus, cumque corpus, vti solebat, animamque Cœli haustu liberioris recreasset, serus in suum sese recipiebat hospitium: inde autem propius absens vidit ante fores asellum clitellis instructum, quem Prado vasis e specu prolatis raprim onerare properabat. Macharius perinde ac sua minimè res ageretur, latronem tanquam viator fortuitus aliò profectus, benignè salutat, rogat-

Ex vitis Patrum.
Sapientia præsidium in toleranda bonorum iactura.

Mira Macharij quietas in toleranda rapina.

gatque, num adiutore sarcinis deferendis indi-
geat, & simul deflexo gradu præstò se futurum
ostendit. Eo annuente, domum ingreditur, atque
utensilium reliqua maiori, quàm prædator, ala-
critate diripiens (vt cui conscientia non, vt illi,
obstaret) in asellum imponit : quo probè one-
rato, latroni, tanquam suas vias iturus, amicè
valedixit, lætus tanto onere sese leuasse, quātum
alteri imposuerat. Pergens autem iacturam illam
in materiam cantus, & voluptatis assumpsit, il-
lud Apostoli vadendo cantans; *Nihil intulimus in
hunc Mundum, haud dubium, quòd nec auferre quid
possumus.* Nempe hoc ex Euangelicà paupertate
emolumenti hauserat, vt cum vniuersa, quæ cir-
ca se videret, tanquam aliena putaret, non plùs
doleret, ea se amisisse, quàm aliena.

De honoris verò iacturâ vide, quod de Chri-
sti Apostolis publicâ ignominiâ notatis scripsit,
qui eorum acta in commentarios redegit: *Ibant,*
inquit, gaudentes a conspectu concilij, quoniam digni
habiti sunt pro nomine Iesu contumeliam pati. Vbi
obseruare licet diuini famulatus præstantiam, in-
quo sublimior quædam dignitas est, & gaudio
celebranda, ipsa terrenæ dignitatis deminutio :
Gaudentes, inquit, quoniam digni habiti sunt pro no-
mine Iesu contumeliam pati. O vel hoc solo nomi-
ne fortunatos, qui diuino se dominatui mancipa-
runt: abiecerunt enim tuendæ dignitatis molestis-
simum onus; quando illam tam benè Dominus,
cui

15. ad Tim.
c. 6. 7.

Act. 5. 41.

Dignitas
est ipsa di-
gnitatis pro
Christo de-
minutio.

cui committitur, tueatur, vt ipsa eius damna in incrementa conuertat.

Denique de patriâ in exilium cum gaudio commutatâ nulla non ætas præclara exempla suppeditat. Circumspice in omnem terrarum partem, & quàm longissimè vales, memoriam in retrò acta secula immitte; nusquam non offendes Christianæ Sapientiæ alumnos tam lætos in exilium e suis Cingitibus abeuntes, quàm si ab exilio in patriam regrederentur: nec perditum irent patrimonium sua, sed recuperatum. Huic rei illustre perhibet testimonium Apostolus in eâ, quam ad Hebreos dedit, epistolâ: vbi etiam rationem suggerit, vnde Christianis tantum gaudij afferret bonorum fluentium dilapsus. *Rapinam*, inquit, *bonorum vestrorum cum gaudio suscepistis, cognoscetes, vos habere meliorem, & manentem substantiam: perinde ac si diceret; Lati vos vestris sordibus exuendos dedistis, regium paulò post amictum, & coronam subrogaturis. Hoc nempe est; Cognoscetes vos habere meliorem, & manentem substantiam.* Quanto autem meliorem, metiri licet ex alacritate commutantium. Vide hanc, si lubet, apud Danielem Bartolum nobilem e nostrâ Societate Scriptorem, qui in suis, quos edidit de Iaponum historiâ libris plurima congerit eiusmodi exempla, non viritum per singulos eundo, sed per familias, & quandoque ciuitates totas, quæ durissimam vitam in exilio agentes,

Æquitas in exilio tolerando.

Ad Heb. 12. 34.

Dan. Bart. in Iap.

Martyr
um
latiora
n-
dunt
issimo
e-
xilio.

Religiosi
viri patri-
monia la-
tiores do-
nant, quàm
alij acci-
piant.

Marc.
10.
29.

nunquam se in patrio solo latiores fuisse re ipsâ
profiterentur. Coacti siquidem aliquando sine te-
cto, ne ex arborum quidem ramis tyranni lege
permisso, prægclidâ insuper, ac niuosâ tempesta-
te, cuncti ferè, nisi quâ honestas non pateretur,
nudi, ijque agroti, senes, pueri, foeminae, igne
quoque ad frigus temperandum inhibito, degere;
tam alacres tamen suâque sorte beati ævum age-
bant, vt oblata etiam aliqua vitæ subsidia ab
ethnicis hominibus, suam in alijs humanitatem
miserantibus, constantissimè recusauerint: rati se
vitam perdituros, si hostibus, accepto commeatu,
deberent: contra si Christo parenti redderent,
in tuto collocaturos. Denique vt, quos recusa-
re non liceat, testes producam; quotquot reli-
giosæ vitæ institutum iniuimus, ij, qui luculenta,
aut satis commoda patrimonia tenebamus; an-
non vltro pauperibus, vel cognatis illustrius egē-
tibus, ea detulimus, dantes ferentibus latiores?
Quidni autem latiores, quibus certa fides esset,
nos terrenas opes non perdere, ne in huius qui-
dem temporis vsum, sed centuplo ad hanc vitam,
ad futuram infinitis partibus auctiores efficere?
Audi, quàm firma hec sint; Amen dico vobis (vo-
luit & iuramentum apponere tametsi nequeat in-
iuratus loqui is, qui semper se Deum testem ad-
hibeat). *Nemo est qui reliquerit domum, aut fratres,
aut sorores, aut patrem, aut matrem, aut filios, aut
agros propter me, & euangelium, qui non accipiat*

cen.

centies tantum in tempore hoc, domos, & fratres, & sorores, & matres, & filios, & agros cum persecutionibus, & in seculo futuro vitam aeternam? Quid sibi vult, inquires, vox illa, cum persecutionibus? an non pugnat cum præcedentibus? quo enim pacto centupla huic vitæ reddetur merces, si vitam ipsam tyrannica sustulerit persecutio? Mirum in hoc verbo, & magni in rem nostram momenti latet mysterium: dignum proinde, quod non saturo, ac nauseanti lectori in extremo capite apponatur: auido utilius inferemus, ubi de spe erit agendum: ibi autem verbum hoc non pugnare, ut destruat antecedentia, verum ut tueatur, ostendamus.

Cetuplum
in hac vitâ
etiam in
medijs per-
secutionib⁹

CAPVT QVARTVM .

De summâ Fidei diuinæ
firmitate.

Xpositâ supernarum rerum infinitâ magnitudine, quæ Evangelicæ Sapientiæ beneficio fidelibus Christi famulis summâ cum voluptate recluditur; reliquum est, ut quàm certa, firmaque ea sint, in præsent

Ll 2

capi-

capite differamus. Quo argumento nihil vnquam mihi fuit lectu, audituque iucundius. Iuuat enim plurimum firmissima sui regni præsidia obeuntem recognoscere, & alta securitatis munimenta hostiles impetus elusura lustrare: quid enim delectabilius, quàm immenso bono sine vllâ amissionis formidine, voluptatem diluente, certò scire se potiturum? Quid iucundius, quàm infinitam expectare sine metu frustrationis iucunditatem? Atque id est, quod maximè ostendit diuinæ fidei ad oblectandos animos efficacitatem, quòd quæ nobis illam confirmant, iucundissima sunt, non essent autem iucunda, si nobis iniucunda firmarent. Multa autem sunt, quæ Christianæ religionis firmitatem præstant, nec omnia persequi per instituti operis angustias licet: tria tamen ex omnibus seligemus, quorum singula veritatem testentur, collata verò tam apertè manifestent, vt eius negatio suæ sit confessio cæcitat. Primum est euangelicæ doctrinæ præstantia; alterum edita ad adiungendam illi auctoritatem, & firmamentum prodigia; tertium denique mira eiusdem in exterarum gentes propagatio.

Tria, quæ
fidem con-
firmant, do-
ctrinæ præ-
stantia, mi-
racula, &
propagatio,

De doctri-
næ præstan-
tiâ.
Eius Sancti-
tas.

Quod ad doctrinæ præstantiam attinet; ea e-
duabus potissimum rebus, sanctitate, & constan-
tiâ, consurgit. Sanctitas euangelicæ doctrinæ tan-
ta est, quantam ne votis quidem equare fas es-
set, ni vota ipsa frequens exemplorum occurfus
docuisset assurgere: tam multos passim cernere
licet

licet ex eius alumnis incredibili sanctitate conspicuos. Ad hanc autem, ut cultores suos Christiana religio perducatur, eximiam illis de Deo O. M. (cuius amor sanctitas est) primum ingerit existimationem: Eum enim esse docet, quo nulla valeat nec terrena, nec cœlestis intelligentia, aut maius, aut melius, aut æquale aliquid excogitare. Cetera barbarorum instituta, quæ humana intelligentia peperit, ea duntaxat de diuinitate proferre potuere, quæ angusta valuit, ac tenebricosa mens hominum capere: proinde usque adeo infinitam Dei magnitudinem in actum coe gere, quæ Personarum numerum, quæ providentiæ, quæ libertatis, bonitatisque decora amputando, ut in truncum planè redegerint, suâ materiæ, unde fingeantur Numina, facie restitutâ. Tantis deinde vitiorum sordibus ea inquinant, ut si quem hominem Dijs illis similem inuenire contingeret, inter porcos abigeremus. At Christiana religio diuino parta ingenio Auctorem suum refert, non ad angustum nostræ comprehensionis modum, sed ad diuinæ, quæ nostram in infinitum excedit. Hæc tamen Dei magnitudo nostræ intelligentiæ mensuras usque adeo excedens ingenio sagaci fidem facit, non derogat, ut cui notum sit de infinito Bono ea magis esse credibilia, quæ magis exiguæ mentis angustias ad infinitatem suam excedant. Inde autem est, quod mortales iubeat omni officiorum genere, ac pietatis studio.

dio Numini honorem habere, vt si eius meritis parem exhibere nequeant, parem saltem suis viribus habeant: itaque diuinæ gloriæ prouehendæ, non dignitati, non voluptati, non opibus, non vitæ, non si qua vitâ cariora sunt, parcant; sed cuncta cum gaudio, tanquam lucraturi profundant. Quia verò nullum Officij genus Deo O. M. gratius accidere potest, quàm si eius sanctissimos mores sibi quis imitandos proponat, secundum illud; *Sancti estote, quia ego Sanctus sum*: hoc est similitudinem induite, cuius amicitiam optatis: idcirco hoc maximè spectat Christiana institutio, vt alumnos suos ab omni labe purissimos exigat, & per integerrimos, ac sanctissimos mores quanto sublimius euehat, tanto diuinitati propius admoueat.

Leuit. 19.3.

Id autem, quàm facilè, & cumulatè præstiterit, ex tam multis, ac propemodum innumeris omnis ætatis, sexus, atque ordinis sanctissimis viris, qui seculis omnibus Christi Ecclesiam exornarunt, luculenter apparet. Quamplurimi enim ex illis posthabitâ rerum humanarum, sui que corporis curâ, vitam omnem in solitudine procul ab hominum conspectu, contemplando Numini, ac rebus cœlestibus traduxere. Alij se longissimis peregrinationibus, atque immensis fregere laboribus, vt ignotas, atque a nostro Orbe distitas gentes ad verum Numinis cultum conuerterent: quod vt efficacius peragerent, astrictissimo victu,

con-

continentiâ summâ, incredibili inediâ se ipsos
Christianæ, quam prædicabant, perfectionis exē-
plar gentibus illis elaborarunt. Alij sub dirâ in-
fidelium Regum tyrannide cunctis acerbitati-
bus, ac tormentis corpus dilacerandum dedere,
quò suum Deo amorem, ac fidelitatem approba-
rent. Quæ tantæ doctrinæ sanctitas Doctorem,
Deum, suus ut quæque stylus auctorem, tam
dilucidè monstrat, quàm sensu carere, qui ne-
get. Vnde enim, nisi a diuinâ Sapientiâ, profluere
tam diuina, tam Deo plena, Deumque spirantia
documenta potuerint? Cum igitur viam illa salu-
tis edoceant, atque ad eam contemptis omnibus
ineundam inuitent; tam certum est, ad salutem
perducere, quàm Deum mentiri in æternam ami-
corum perniciem non posse. Quid enim dictu,
audituque absurdius contingere possit, quàm
Deum Mehemeti, Nestorio, Lutero, alijsque
palàm scelestissimis, sibi que infensissimis tene-
brionibus, æternæ salutis viam, ut ipsi iactant,
monstrasse; Sanctissimis verò Apostolis, Marty-
ribus, Anacoretis, Virginibus, qui opes, digni-
tatem, gloriam, voluptates, & vitam ipsam eius
honoribus profudere, errorem pro viâ, vel osten-
disse, vel permisisse: nec cæcos filios, eius aman-
tissimos, in foueam, dum se Parentem cupidissimè
peterent, euntes piâ manu reduxisse? An potest
quidquam de infinitâ Dei bonitate excogitari in-
iuriosius? Certè si de homine quopiam simile

.ali-

aliquid audiretur ; nemo illum a feris animantibus , nisi ob plusquam ferinam immanitatem fecerneret .

Eiusd. doctrinæ constantia,

Constantia doctrinæ æquè , ac sanctitas diuinum prodit Auctorem , qui solus tam multa , tam ardua , tam abdita , tantâ cum partium omnium consensione sine vlllo vnquam lapsus vestigio docere potuerit . Quanuis enim infinitis propemodum partibus sacrarum litterarum doctrina constet , plerisque etiam res abditissimas , atque ab humano sensu remotissimas tractantibus ; nulla tamen pugnare vnquam cum aliâ , aut cum naturali ratione , ac veritate , vel ab amicis , vel a sagacioribus inimicis deprehensa est . Multa quidem supra nostram rationem docet , sed contra nihil ; proinde non potest humana ratio aliquid ex eâ , tanquam sibi contrarium respuere . Quod si respuat , vt superius , & ab se minimè captum , intollerabili tumet superbiâ , nisi fortè disrupta euauit , quasi persuasum habeat , se comprehensione præditam infinitâ , ac prorsus diuinâ , quæ ex ijs

Summū Ec-
clesiæ , ac Pa-
tri in exami-
nandis dog-
matis stu-
dium.

quæ sint , nihil non capiat . Constantiæ miraculū auget summa nostrorum hominum in omni disciplinarum genere eruditio , eaque omnis ijs , quæ pertinent ad religionem diligentissimè examinandis impensa . Duodeuiginti hætenus publica orbis terræ Concilia , in quæ præstantissima quæque , omnisque plena eruditionis ingenia e cunctis gentibus confluxere ; item quàmplurima singulis na-
tio.

tionibus peculiaria, alia etiam permulta prouinciarum propria in id vnicè coacta sunt, vt cuncta Christianæ religionis dogmata, imò & voces singulas accuratissimè expenderent, an a ratione aliquid, aut a veritate aberrarent. Eò etiam totâ vitâ desudarunt acutissimi quique, atque ij propemodum innumeri, quibus omnibus haud vnquam contigit, in absolum aliquid, aut minùs rationi consentaneum incidere: quin omnia summo consensu comprobarunt, palàm docuerunt, acerrimè, etiam fuso sanguine, propugnarunt: tametsi non suam auctores, retinendæ dignitatis studio incitati, sed alienam liberi sectatores doctrinam tuerentur. Quis tot capita, moribus, opinionibus, ingenio, locis, temporibusque maximè diffusa, atque in rebus prope omnibus pugnantia in hanc vnâ, atque vniuersam doctrinam propugnandam componere potuisset; nisi hæc ipsa doctrina sui Auctoris diuinitate prodita sibi tanquam diuinis vocibus, silentium, & assensionem ab omnibus linguis, ac populis conciliasset? Hæc ratio benè expendenti validissima est, at quæ sequitur, longè validior.

Alterum Christianæ religionis firmamentum est infinita propemodum prodigiorum multitudo ad adiungendam illi auctoritatem diuinitus edita. Quâ in re illud cum primis animaduertendum, haud quaquam posse a rerum Auctore, vanam aliquam, ac mendacem vitæ instituendæ rationem,

Mm

ac

Prodigia in
huius do-
ctrinæ con-
firmatione
edita.

Exod. 7. 12.

Miracula
Dei signa
quod ad vi-
terari ne-
quit.

ac superos colendi formulam, prodigijs commen-
dari: imò ne permitti quidem, vt eadem a ma-
lo dæmone præstigijs suis, veluti signis adulteri-
nis, quorum fraudem Deus non detegat, obli-
gnetur: quemadmodum detectas a Deo nouimus
Ægyptiorum magorum coram Pharaone præsti-
gias. Ita sapientissimi quique Theologorum, ac
Patres vniuersi docent: causamque afferunt, quia
fecus homines prudentiâ duce, hoc est Deo ipso
auctore, (cuius illa apud nos sedet interpret) in-
errorem, sempiterno exitio daturum inducerentur.
Inde miracula meritò nuncupantur annuli diuini
signa, nullius vnquam adulterio permiffa, vbi in-
veræ religionis documentum adhibeantur. Tam
multa autem eiusmodi miracula institutæ a Chri-
sto religioni commendandæ perpetrata narrantur,
vt apud nos illa audire, aut legere solitos propè
miraculi nomen, lassatâ, ac perditâ admiratione,
perdiderint. Ex ijs duntaxat, quæ Franciscus co-
gnomento Xauerus Indiarum Apostolus ad vnâ
fui imaginem Potamiësem nostrâ memoriâ edidit,
iustum volumen conscriptum vidimus: quis enu-
meret, quàm multa per se adhuc viuens, quàm
multa post obitum per sui corporis, aut vesti-
mentorum reliquias toto terrarum orbe dispersas
ediderit. Quid dicam de innumeris alijs sanctis-
simis Viris, ac foeminis Xauerio, vt morum san-
ctitate, ita prodigiorum effectione minimè impa-
ribus, & fortè præstantioribus? qualis vtique fue-

rit

rit Sanctissima Dei parens, & Superum Regina Maria, cuius vna Lauretana domus patratis prodigijs complura volumina impleuit. Vix autem reperire est Christiani nominis urbem, aut vicum, in quo non vnum, aut plura templa occurrant, tabulis votiujs, vel sigillis cereis, argenteis, aureis, prodigiosa beneficia testantibus, vndique cooperta: quo peristromatum genere illustrius Ecclesiæ catholicæ templa renident, quàm attallicis suis regiæ ædes peripetasmatis: Hæc enim donant egentibus domibus ornamenta, seu potiùs accommodant aliena; illa, quæ sua illorum sunt, manifestant.

At cuncta hæc a nobis conficta Aduersarij nostri protinus clamant. Quid enim verò? num fati nequitia apud vos ad similia fingenda deesse censendum? estis ne immunitate aliquâ donati, quâ ne Apostoli quidem (inter quos non defuere grauissima crimina) vt nemo vestrum vel officioso mendacio contaminari queat? Quid igitur causæ erit, cur scriptorum apud vos nullus Lutheri, aut Caluini, aliorumue nouæ religionis auctorum miracula conscripserit? Profectò, si extarent, scribere debuerant: cum enim illi se a Christo missos suæ Ecclesiæ restitutores, doctoresque iactarent; opus erat diplomata suæ missionis Christi sigillo, vel saltem eius Vicarij obsignata proferre. Cum autem nullum Vicarij diploma ostentare aliud possent, nisi, quo quenque illorum

Harericorum
effugiū
obtruntur.

Pontifex Maximus tanquam pestiferum Christiani gregis corruptorem, a reliquorum cætu, & communione seiunxit, reliquum erat, ut per miracula se ab ipso Christo proximè missos demonstrarent. Quare cum ea miracula scripta non sint a suis ceteroqui amantissimis scriptoribus, quid aliud fuisse in causâ excogitare fas erit, nisi prudentem metum, ne si ab hominibus in ore, atque oculis omnium scelestissimis diuina facta, prodigia iactarent, sibi detraherent, quàm alijs dare conarentur auctoritatem? Atqui Scriptores nostri auxerunt potiùs, quàm imminuerint sui nominis apud vulgus opinionem, ut qui populo ea prodigia scripsere, quibus ipse populus interfuerat. Ita Gregorius Pontifex Magni cognomentum ab ijs accepit, in quos suos dialogos sparfit, ubi quamplurima sui temporis miracula ijs ipsis legenda præbuit, quibus contigisse narrabat: Profectò si falsa forent, Magni quidem, sed fabulatoris, non Doctoris cognomentum retulisset. Basilium quoque, qui Gregorij Neocesariensis scripsit miracula, iidem populi magnum nuncuparunt, qui & Gregorio Taumaturgi nomen fecerunt, utroque cognomento scriptoris Basilij fidem comprobantes. Athanasius, Hieronymus, Augustinus, Bernardus, Bonaventura, ipsi quoque litteris consignarunt, quæ suo tempore mira supra naturæ ordinem contingere: nec tamen ab aequalibus suis, qui narratis rebus in-

ter.

ταυματουργον
miraculorum
effector.

terfuerant, aut mendaces, aut creduli, sed præstantissimi, ac prudentissimi Ecclesiæ Doctores audiere. Præterea possunt ne æmuli nostri, quæ sacris continentur euangelijis, Christi seruatoris nostri miracula, tanquam ab eorum scriptoribus conficta, respuere? at quo tandem pacto, si ipsi illi, qui vel a varijs languoribus exempti, vel ab interitu reuocati, vel ab insidentium Demorum potestate asserti, vel denique (qui ad multa millia fuere) pane diuinitus multiplicato exaturati narrabantur, narrata vel legerunt, vel in concione audierunt; nec modò falsitate offensi sacros Doctores non contempsere, sed veritatem experti, doctrinam, tanquam e Cælo miraculis confirmatam venerati, amplexique sunt? Tam igitur certò constat, Christum miraculis euangelio fidem fecisse, quàm primæuos illos Christianos parentes nostros euangelio ijs miraculis referto credidisse: quod ceteroqui tam certum nobis esse debet, quàm filijs, suos fuisse parentes. Ab illis enim perpetua Christianorum series ad hæc vsque tempora propagata est, vt historia omnis cum sacra, tum profana a nostris hostibus Philone, Iosepho, Plinio iuniore, Tacito, Suetonio, alijsque deinceps conscripta luculenter testatur; nunquam enim iam inde a Christi temporibus intermissa ab historicis est Christianorum suæ cuiusque gratiæ mentio, tametsi æqua a bonis, improba ab improbis, vtrique tamen pariter honorifica.

Qmit.

Nostri mi-
racula etiā
hostes no-
stri testati
sunt.

Stultum est,
nolle cre-
dere nisi vi-
sa.

Omitto, ipsa etiam prodigia ab iisdem Chri-
stianæ religionis hostibus fuisse aliquando conscri-
pta, vti celeberrimum illud perhibetur, quod ad
Christianorum preces M. Aurelio Antonino cum
vniuerso exercitu suo inspectante contigisse nar-
rat Ammianus Marcellinus ethnicus scriptor: &
ante ipsum idem Antoninus Cæsar datis ad Se-
natum litteris illud ordine exposuit, testatus, se
insignem de Marcomannis victoriam reportasse
Christianorum ope, qui fulmina e Cælo contra
hostes impetrarunt, vnde & Legionis fulminatri-
cis cognomentum accepere. Addiditque Cæsar
decretum suum, quo ignis pœnâ in posterum ca-
ueret, ne quis Christianos hoc solo nomine,
quod Christum profiterentur, accusare ausus es-
set, pœnas ipse daturus, quas illis moliretur.
Litteras, ac decretum recitat Iustinus Martyr ijs
temporibus equalis, in suâ pro Christianis aduer-
sus ethnicos apologiâ, quam illi eidem senatui
dedit, qui memoratas litteras, ac decretum ab
Antonino Cæsare acceperat. Historiæ ceteroqui
scitu dignissimæ fusiùs enarrandæ immorari non
licet ad potiora festinanti: Baronium consulat,
cui vacat. At non est, inquis, cur in his, quæ
ab oculis remota sunt, enarrandis diutiùs immo-
reris: quidquid non video, nunquam adducar,
vt credam. Stultus enim sim, si fidem meam
obscuris rebus committam. Imò si clavis, inquit
Augustinus. *Quid est enim fides, nisi credere quod*

non vides. Et si ea tibi stultitia constet, nec Bizantium, nec Athenas, aut Carthaginem, aut Corinthum, quas non vides, credere tibi fas erit: imò nec te istis ortum parentibus, nec ex ista genitum stirpe, quam iactas, nec denique ultra oculorum iactum tua fides procurret: proinde in quæcunque incideris, semper vt noua, stultè miraberis, vrbes, montes, maria, ipsosque senes decrepitos, vt recens natos, gratulabundus excipies. At non meis ista quidem, sed pluribus aliorum, qui adfuere oculis vidi? Quare igitur Christi, aliorumque Superum prodigijs fidem non habes, quæ licèt non tuis, quamplurimis tamen populorum, qui interfuere, oculis cernere potueras? Verùm perge porro in errore tuo: noli nisi tuis oculis credere, modò apertis illis oberres etiam erranti prodigium omnium maximum, & quod cuncta terrarum spatia iam occupat, occurret. Id autem est omnium gentium ad Christia-

nam religionem conuocatio, quæ quàm ingens miraculum sit de suâ quisque ad-

miratione, vbi audierit, poterit

æstimare: quia tamen vbe-

riorem desiderat dispu-

tationem sequenti

capite expo-

nenda est.



CA-

CAPVT QVINTVM.

Prodigium Christianæ religio-
nis omnium maximum,
Gentium ad illam ex
vniuerso terrarum
orbe conuocatio.



Vinque potissimum in exterarum
gentium ad Christi fidem adiū-
ctione considerata proponi-
mus, vt prodigij huius magni-
tudo quanta sit ritè æstimari
possit quasi ex omni parte spe-
ctata: Primùm, doctrinam,

Quinque
consideran-
da in Gen-
tium con-
uersione.

quæ ad vniuersi generis humani concionem pro-
mulgata est; deinde Doctores, qui prontulga-
runt; proximè Auditorum genus; tum quæ ex ad-
uerso steteret, ne radices ageret; nouissimè ope-
ris totius effectum. Ex his enim tam validum pro
Christianæ religionis veritate argumentum exi-
stet, vt si quis eo se impelli non sentiat, nequa-
quam suæ firmitati, aut constantiæ tribuere de-
beat, quam omnem pervincere id natum est,
sed imbecillitati ad vim, & impetum concipien-
dum

dum inualidæ: Quemadmodum enim eadem, quæ ferreos globos tormenta longè prouexerant, vix cubitum superinditam stupam, aut occurrentem plumam proferre valent; ita quæ grauissimos quosque viros argumenta maximè mouent, minimè leuiculos possunt. Causa vtroque communis: quia exigua ingenia tenui plumæ perquam similia, quo vim mouentis, atque impellentis capiant, non habent.

Imbecillitatis est argumentis præualidis non moueri.

Primò igitur doctrina euangelica cum ad intelligentiam, tum ad vsum, effectioremque ardua maximè est, atque humano fastigio sublimior. Docet enim Deum naturâ indiuiduâ vnum, ac summè simplicem, triplicem in Personam distinguere, quarum vna oriatur ex alterâ, æuo, ceterisque rebus prorsus æquali, sic, vt a Genitore etiam accipiat Genitus naturam non genitam: Filium, qui par æternitate Genitori est, ætate esse Genitrice minorem, quæ simul integrâ æternitate minor est Filio, qui etiam suæ Matris est Pater: Eundem rerum Conditozem, Rectorem, Arbitrum, Deum denique præpotentem, ac metuendum a suis figmentis in crucem actum, medium inter Latrones pependisse, atque immortalem licet morti succubuisse: Eundemque vniuersi Dominum corpus suum mole non imminutum sub exigui panis specie comedendum præbere, sic, vt totum totam dapis formam; itemque totum singulas eiusdem formæ particulas vel

Doctrina euangelica intellectu, vique præparanda.

tenuissimas occupet: nec tamen vllas angustias
 patiatur, nec diuisa formâ discédât in partes,
 nec in infinitum multiplicata multiplicetur, aut
 mole minimùm augeatur. Quæ omnia vsque
 adeo captu difficilia sunt, atque in speciem ab-
 sona, Crucis præsertim mysterium, vt *Iudæis qui-*
dem scandalum, gentibus autem stultitiam, Paulus
 nuncupauerit: quanquam reuerâ stultitia omnis
 illorum in mente sistat, qui stultum putant tan-
 tam de infinito bono credere bonitatem.

Æquè difficilis ad vsum, vitæque actionem ea-
 dem Christiana lex est; vt quæ prauas animi no-
 stri propensiones, ceu distorta membra, loricat,
 & corrigit. Odisse quenque se ipsum, veluti ho-
 stem iubet; hostem amare perinde, vt se ipsum.
 Inferenti iniuriam non modò non referendam,
 verùm etiam meritis repensandam, quorum vbi
 facultas desit, Superum beneficentiam precibus
 admouendam: Vestem si quis diripere conetur,
 pallium quoque dimittendum: si dexteram nobis
 maxillam cædat, sinistram quoque vltro exhiben-
 dam: Cunctas acerbitates Numinis offensionibus
 vel leuissimis præoptandas: & si quando labi
 contingat, tamen in scelus maximè pudendum,
 suo tamen admittentis ore Sacerdoti explicatè
 significandum, ab eoque pœnam summi benefi-
 cij loco suscipiendam. Hæc atque alia fortè du-
 riora Doctrina habet euangelica: cuncta autem,
 hoc durissimo præcepto, quasi cortice inuoluta
 custo.

custodit; Vt quisquis illam sectari velit, etiam obiectâ cruce, etiam in conspectu carnificis, aut pyra succensæ palàm profiteri, & minimam quanque eius particulam tueri debeat, daturus æternas pœnas, ni faciat.

Iam Doctores inspiciamus: fortè isti eloquentiæ vi, austeriori ceteroqui doctrinæ, beneuolentiam, atque assensionem conciliauerint, suâ materiæ, vt blandiloqui solent, illitâ suauitate: sic enim Poetas cernimus grato carmine gratiam rusticanz, ac pauperi vitæ, quæ ceteroqui multis scateret ærumnis, conciliare. Fortè etiam potentia, vel opibus rusticos, & egenos ad eius probationem induxerint: vili enim emitur vilium fides, & paruo imbecilla corrumpitur. Nihil a veritate remotius. Dum Christus humanæ auctor salutis nouam hanc rempublicam, quæ nouas leges, easque durissimas orbi vniuerso imponeret, moliretur; lacum adiit Genesarenum, vt inde pauculos quosdam Piscatores assumeret, literaturæ omnis expertes, quibus non alia, quàm sua cuique manus, potentia, nec aliud, quàm sordida illa piscandi ars, patrimonium erat. Hos sibi tantæ molitionis ministros cooptauit, quos immisurus ad opus sic allocutus fertur; *Ite: ecce ego mitto vos sicut agnos inter lupos:* Luc. 10. 4. *Nolite portare sacculum, neque peram, neque calceamenta, & neminem per viam salutaueritis: Hoc est nullius opem salutationibus, aut prænsatio-*

Matt. 10.
16.

nibus captabitis: ne diuitum amicitia vestra cedat in supplementum inopiae. Alias quoque praesidij omnis praeterquam diuini indigentiam explicatiùs iniunxit, vbi ait; *Nihil tuleritis in viâ, neque virgam, neque peram, neque panem, neque pecuniam, neque duas tunicas.* Denique, vt rem verbo concludam, eos tam arduae doctrinae Doctores habere voluit, qui, quo essent ad eam persuadendam ineptiores, hoc aptiùs, persuasionem fore diuinam, ostenderent.

Auditores
euangelicæ
doctrinae i-
neptissimi.

At qui tandem Auditores? An simplicissimi quique delecti, maximèque sensus expertes, qui aperto quoque vnâ cum auribus ore accepturi essent quidquid ingereretur, ac bona item vt mala sine sensu discriminis demissuri? An etiam ita moribus agrestes, ac feri, vt ea, quæ ceteroqui durissima forent, durioribus ipsis mollia viderentur? Primum totus terrarum orbis futurus erat auditor: *Euntes*, inquit, *docete omnes*

Matt. 28.
19.
Græcia Or-
bis magi-
stra,

gentes: inter has Græcia in primis numeranda, vniuerso Orbi ad eam diem optimarum artium magistra. Inde enim praeter multiplices Philosophorum familias, illarum quoque Parentes prope omnes habuimus, Pythagoram, Socratem, Democritum, Epicurû, Zenonem, Platonem, Aristotelem, ceterosque. Inde extitere mathematicarum disciplinarum Magistri, Euclides, Appollonius, Archimedes, quemadmodum & medicinae Hippocrates, & Galenus, & poeseos Home-

rus

rus, Hesiodus, Pindarus, & oratoriae Demosthenes, Eschines, Isocrates. Inde pictores celeberrimi, Apelles, Protogenes, Zeuxis, ducesque praecipui, Epaminondas, Themistocles, Alexander, alijque propemodum innumeri, quorum virtus, & labor otium litteris custodiuit, iisque, ut florent, sepem suis telis ac laureis composuit, deditque materiam, quam exornarent. Haec autem tam felicia germina ubertatem soli demonstrant ad summa omnia procreanda feracissimi. Quod verò attinet ad mores; docendi erant, qui luteos Deos, inque illis dedicata scelera, tanquam sanctissima, ac diuina venerarentur. Quàm altè putas in ea peccata nequitiam descendisse, quam per se corruptae naturae amicam diuinæ honestas similitudinis insuper commendaret? His autem superbissimis, & corruptissimis ingenijs noua ista sapientia, quæ veterem ignorantiam exprobraret, & vitia penitus in viscera, ac medullas insinuata, quasi exenterando erueret, inculcanda erat.

Idololatria
ad firmāda
scelera ap-
tissima.

Fortè Regum, ac Principum voluntas speciosos e Christiana institutione obsequentes habendi, viam quodammodo Regiam, ad Euangelicae legis progressionem aperuerit: eam proinde viam populi libenter inierint, rati, se per eandem ad Principum voluntatem, & gratiam euasuros. At *Asiterunt*, inquit Diuinus Va-

Quàm acri-
ter oppu-
gnatū Chri-
sti euange-
lium.

ps. 3. 2.

tes,

res, Reges terræ, & Principes conuenerunt in unum
 aduersus Dominum, & aduersus Christum eius. Or-
 bis terrarum propemodum vniuersus, Christo
 in Crucem acto, contra pauculos illos Piscato-
 res arma tulit, quò nouæ semina religionis op-
 primeret: atque vbi de illis extremæ crudelita-
 tis exempla fecisset, in eorum sectatores tantâ
 immanitate defauijt, vt si corporum cruciatus
 aspicias, nulla fere specie ad inferorum suppli-
 cia contemplanda propius admoueri queas: Non
 enim alio, quàm Dæmonum odio, atque instin-
 ctu a tyrannis in sacros Martyres sauitum est,
 eodem nempe, quo illi miseros tartarorum ani-
 mos nequissimi carnifices cruciant: quanquam
 si sanctarum mentium lætitiā introspexeris, nul-
 lâ æquè cœlestem iucunditatem, tartareos cru-
 ciatus vincentem, relatura est. De exiguo illo
 cruore, qui poto solo superfluous spongijs exugi
 potuit, plures vna Roma puteos impleuit, quos
 adhuc in eâ ciuitate, ex peruetusto more gen-
 tium concurtus adorat, veneraturque: decies su-
 pra centies centena Martyrum millia, qui pro
 fide Christo obligatâ sanguinem profuderint, iam
 inde a pueris sæpius numerata audiuius: euolu-
 tis tamen Ecclesiasticæ historiæ monumentis, tan-
 to plures eâ causâ in cunctis vniuersæ terræ an-
 gulis obijisse putauerim, vt ne centesima quidem
 pars ad nostram notitiā peruenerit. Binę le-
 ges a Diocletiano latę nobis id maximè per-
 sua-

Martyrum
 pœnis nihil
 infernis si-
 milius, laci-
 tia nihil cœ-
 lesti.

suadent, quarum alterâ Christianos, alterâ eorum memoriam delere in animum induxerat. Primâ enim sanxit, nè cuiquam fraudi esset Christianos occidere, atque eorum bona diripere: proinde totidem carnifices in eos immisit, quot in suo habuit imperio vel Christianis inimicos, vel opibus Christianorum amicos. Posteriore, verò sacros codices vniuersos publicè comburi iussit, tantę fortitudinis armamentarium. Inde factum, vt sanctorum Christi Martyrum acta ad id vsque tempus per annos ferè trecentos diligentissimè conquisita, descriptaque penè omnia perierint, paucissimis, iisque magnam partem igne corruptis, exceptis. Quis igitur post primam legem numerum inire, quis post alteram definire potuerit? Magis appositè de Martyrum numero pronunciauit magnus Gregorius, cum nostrę comprehensionis capacitatem ab eo dixit excedi. *Totum, inquit, Mundum fratres aspiciat: Martyribus plenus est. Iam penè tot, qui videamus, non sumus, quot veritatis testes habemus. Deo ergo numerabiles, nobis super arenam multiplicati sunt: quia quanti sunt a nobis comprehendi non possunt.* Quibus apud alios Gregorio etiam antiquiores similia inuenies. Quanta verò post Gregorij tempora huc vsque facta sit toto orbe terrarum accessio, nemo est, qui valeat enumerare. Nonne autem totidem hinc etiam prodigiorum milia, si rectè æstimes, quot martyria computabis?

Pro.

Diocletiani
seuities, ac
delenda re-
ligionis stu-
dium.

Hóm. 17. in
euang.

Vide Cipri-
an. lib. de ex-
hort. ad
martyr. cap.
11.

Prodigiosius
est, Marty-
rem virente
igne non
comoueri,
quam non
viri.

Prodigium clamas, si quando accidat, vt te ad-
motus ignis non vrat, suam ab eo victam ratus
propensionem: at reuerâ non victa ab igne na-
turalis propensio est, sed a Deo sublata, qui de-
derat: retinuisse illam, simulque vicisse, id de-
mum prodigium maximum numerandum, quod
in sanctissimis illis viris, qui vitam Christo dede-
re, quam vehementer amabant, enituit. Prodi-
giosum fuit Martyres quosdam ab admoto igne
non vstos; at prodigiosius multo, eorundem
quamplurimos acerrimè vstos, & minimè com-
motos: Illud vnus fuit opus Omnipotentiae ne-
mine repugnante; at isti, cui naturæ desiderium
acriter obsistebat, adlaborauit etiam sapientia,
quæ summâ dexteritate, ac suauitate relictam in
suæ vitæ amore voluntatem, ad eam dandam,
vt perennaret, adegit.

Quàm latè
euangelium
dissemina-
tum.

Igitur (vt ad extremum eorum, quæ propo-
suimus, accedamus) consentaneum est crede-
re, huiusmodi Philosophiam tam arduam, a tam
ineptis Doctoribus, tam ineptis Discipulis, tem-
pore tam alieno, inferis omnibus circumfremen-
tibus, traditam, sectatores habuisse nullos, vel
nullos saltem ad hæc vsque tempora retinuisse.
Audi prophetica Malachiæ verba, quæ iam euen-
tus fecit historica; *Ab ortu solis, vsque ad occasum
magnum est nomen meum in gentibus: & in omni lo-
co sacrificatur, & offertur nomini meo oblatio mun-
da.* Nullus terræ angulus, nulla tam barbara, ac
sepo-

Malach. 1.
23.

seposita regio, quæ augustissimum IESV nomen
 diuinis irradiatum honoribus non veneretur. Iam
 in nomine IESV omne flectitur genu, & omnis lin- ^{Ad Philipp.}
 gua confitetur, quia Dominus IESVS Christus (is ^{2. 10.}
 quem in crucem actum Piscatores docuerunt) in
 gloriâ est Dei Patris. Iam orbis vniuersus omni-
 bus momentis (sole matutinam lucem ad sacri-
 ficia peragenda circumferente) abditum illud Eu-
 charisticæ dapis mysterium super aram adorat.
 Nec videt ampliùs europa, spurcissimorum olim
 Deorum prostibulum, idolum vllum, ex infini-
 tis, quibus antea occupabatur, nisi si quod insi-
 gni aliquâ deformitate conspicuum ad nostræ
 plebis ludibrium, adhuc in suis ædibus Christiani
 Principes seruant. Verùm cuncta idolorum tem-
 pla, terribilis super omnes Deos is sibi vindi-
 cat vnus, quem trina distinctum hypostasi doctis
 persuasit indocta simplicitas. Quàm parum au-
 tem, seu nihil ethnicorum Regum seuitiæ. Chri- <sup>Tyrannorū
seuities, e-
uāgelij pro-
pagationi
conduxit.</sup>
 stianam constantiam deterruerit Tertulliano au-
 ctore didicimus, qui testis oculatus; *Sanguis Mar-
 tyrum*, inquit, *semen est Christianorum*. Vnus qui
 caderet germen ex se, suæque virtute proferebat
 in centuplum. Ipse ille Diocletianus, qui præ
 ceteris aduersus Christum insaniit, postquam
 Christianorum incendijs, proscriptionibus, cedi- <sup>Diocletia-
ni domus
Christi cul-
torib⁹ ple-
na.</sup>
 bus cuncta sedasset, comperto se granum euan-
 gelicum seminasse, quod mortuum voluerat, do-
 lore, ac desperatione actus in rabiem, cesareā co-

ronam primùm, deinde vitam sceleratam abiecit. Viderat enim suis ipse oculis non modò vbiq̃ue terrarum semper magis, magisque succrescentes, quos deletos optauerat Christianos; verùm etiam suam ipsius domum vsque adeo ijs refertam, vt plus ferè non posset, si eorum parens, non car-nifex fuisset. Omnes siquidem regij cubiculi mi-nistri Gorgonio, ac Dorotheo cubicularijs suaso-ribus Christiana sacra susceperant. Castulus vnus ex regiæ domus Præfectis superiorem eius partem sacris mysterijs, ac cætibus peragendis dicauerat: ibidemque vltra domesticos suos, omnes Chri-sti cultores, multos etiam externos, ac præsertim Caium Pontificem Maximum hospitio retinebat: quare vna erat Tyranni, ac Pontificis Christia-norum Regia. Sebastianus primæ cohortis dux, ac Cæsari apprimè carus tanto ardore Christum, eiusque cultores fouebat, vt a Caio Pontifice Ecclesiæ defensor fuerit cognominatus. Caius verò ipse, Diocletiani ex fratre nepos, vni-uerse Christi Ecclesiæ, vt indicatum est, præe-rat, habebatque Gabinium fratrem veri Nu-minis cultorem eximium, cuius filia Susanna, ob Christi amorem Galerij Maximiani Cæsaris nuptias dato etiam sanguine recusauit. Claudius Diocletiani patruelis, quem ille ad Susannam, regijs nuptijs flectendam allegauerat, Virginis hortatu vnâ cum Vxore Prepedigna, Maximo fratre, ac duobus filijs sacro baptismo initiati sunt

sunt. Quid plura; Cæsaris quoque torum Christi fides ascendere non dubitauit: nam Serena Augusta Diocletiani vxor Christum summo animi ardore colebat, sic vt Susannæ corpus, quam ad martyrij cruciatus fortiter ferendos hortata fuerat, suis ipsa manibus in argenteam arcam impositum, noctu sustulerit, terfoque sui capitis velamine Soli cruore domum asportauerit, solita deinde nocturnis precibus venerari. Denique imperio dimisso videre compulsus est, dentibus suis fremens, & tabescens vir scelestissimus Christi religionem vbique gentium maximè florentem, sedemque suam vnâ cum Constantino, excusâ Dæmonis, eiusque ministrorum tyrannide, occupantem.

Post ipsum autem Constantinum, qui primus Christianam religionem palàm Cæsareo diademate coronauit, nullus deinde Cæsarum non Christianis sacris initiatus successit: quorum pietate, ac legibus relegata ad vltimos Indos, eorumque stupori condonata lapidum veneratio est. Vrbs verò veteris Romanorum potentiae, & magnificentiae sedes, eiusdem Principis munere, non sine Regum inuidiâ, Petro Christi Vicario paret: Vnde discas licet, cuius, quantæque potentiae fuerit, (certè Romanâ superioris) caput orbis terrarum nudo inermis Piscatoris vestigio calcandum subdidisse. Ex eâ autem Vrbe Christianæ religionis Antistites suam tam longè, la-

Philippos
non palàm
fuisse Chri-
stianos, rei
ambiguitas
suadet.

tèque potentiam immittunt, vt vltra omnem regiae amplitudinis modum, vniuersum terrae orbem vtriusque manus complexu contineant: ad Seres, ad Iapones, ad Antipodas omnes sua iura, legesque porrigunt; vectigalia indicunt; magistratus creant, ac loco, si indignos culmen ostendat, mouent; populos, eorumque Principes coercent; vitam, necem, fortunam, cum prosperam, tum aduersam pro suo arbitratu distribuunt; sic prorsus, vt, si sint qui imperium detrectent, pro leui ac breui huius temporis poenâ, grauissimam, ac sempiternam infligant. Quid Crucem memorem, priscis temporibus tam probrosam? Iam Romani Capitolij turribus insidet tanquam de perfidiâ debellatâ triumphans: iam Regum vertici insistit tanquam regiae maiestatis fastigium: iam insignis nobilitatis pectora notat: iam faustae precationis signum habetur, morborum adhibetur auxilium, prodigiorum instrumentum: iam denique Christiani orbis character domibus, templis, turribus, nauibus, rebus omnibus ad mortalium venerationem, ad hostis tartarei terrorem, & fugam imprimitur.

Quid igitur de tanti operis molitione tam arduâ, tam admirabili pronuncias? Credis ne, euangelicae legis prouectionem diuinorum prodigiorum interuentu contigisse? an id adhuc obfirmatè negas? Si credis; igitur fateris, eam Dei annulo, & auctoritate obsignatam, confir-

ma-

Christi Crux
ad quantâ
gloriâ eue-
cta.

matamque: si negas; maius ergo prodigium haud quidem credis, sed vides; Dogmata, scilicet, intellectu, vsuque tam ardua, ab ineptissimis homuncionibus, genti superbissimæ, maximèque inquinatæ tradita, mortalibus propè omnibus obstrepentibus, ac tartareo furore ex aduerso debacchantibus, sine vlllo diuinæ auctoritatis indice prodigio, innumeros toto orbe terrarum sectatores ex omni ordine, sexu, atque ætate, vsque ad vitæ in omnia tormenta profusionem addictos habuisse, atque ad hæc vsque tempora semper magis, magisque multiplicatos retinere. Vtique si prodigia interuenissent, opus tam grande eorum omni vi, ac molitione minus non foret: Si igitur minimè interuenere, suamet virtute omnium vim prodigiorum exæquat, & continet: se vno efficit, quod cuncta prodigia collatis viribus effecissent. Quare si certum sedet, nulli nisi oculis tuis diuina miracula credere; en quo pacto in hoc errore vaganti, quod antea promissimus, prodigiorum omnium maximum, quod vel cetera continet, vel vires ceterorum, occurrit.

Adhuc fortè suspicio nonnulla mordet; an tam illustria veritatis indicia in hæresim vllam ex tam multis, in quas improbi discessere, accommodari possint? Longum faciam si te per singulas sectas, & singularum errores circumducam: breuius rem conficies si vnum hoc tibi firmiter persuaferis, tam non posse sub tantis veræ

Qui miracula in hæc re credere non vult, videt.

Sub tantis veritatis indicijs non potest falsa religio latere.

re-

religionis indicijs falsam latere, quàm nos non posse Deo duce aternas pœnas subire. Ipse enim est, qui seuerissimè iubet illam esse religionem seligendam, quam a Deo institutam prudentia existimet: proinde si falsa, & quæ ad inferos ducit religio haberet omnia veritatis indicia, ducente Deo seu potiùs cogente ad inferos detruderemur: Quod quàm alienum est a diuinâ bonitate, tam a nostro sensu esse debet, qui sentire de Domino in bonitate iubemur. Duo tamen præterea obserues velim, quæ tuam fidem mirificè solabuntur, solidabuntque. Alterum est, e nostris bonos nullos, vel qui inter bonos recenserentur, vnquam deprehensos ad pestilentes istos sectarios defecisse: sed nequissimos quosque, & plerumque ob nefaria crimina ad extrema supplicia quæsitos: Contra ex aduersæ partis hominibus ad nos, nonnisi eos, qui suorum opinione sanctissimi, prudentissimique haberentur. Quid autem quæso inde conficias, nisi liquidò constare, Religionem Romanam commune esse virtutis perfugium, ceteras a Romanâ aberrantes, vitiorum impunitatem quærentium, asilum? Alterum est, complures e Romanæ fidei desertoribus in extremo spiritu (quando scilicet suæ quisque saluti maximè consultum velit) ad antiquam Religionem se tandem recepisse: neminem tamen qui e Catholicæ religionis formulâ omnem egit ætatem, ad extremum, vbi se mor-

Duo alia,
eque ma-
xima veri-
tatis indicia.

morti proximum cognouit, aduersam hæresim profiteri maluisse. An non id quoque argumentum est, Romanam religionem certissimam esse ad Superos viam, ceteros autem errores, quando illam maximè quæritant, ineuntque qui ad superos cogitant, omnique consilio, ac viribus connituntur. O quantâ cum fiduciâ in supremo illo, ac tremendo iudicio astare nobis coram Christo iudice, eumque Riccardi verbis appellare licebit; *Domine si error est, quod credimus a te decepti sumus: ijs enim signis doctrina hæc confirmata est, ut nisi a te fieri non potuerint.* O quantâ igitur voluptate (ut eò aliquando redeat, vnde discessit oratio) illius fiduciæ præsens deliberatio eorum animos afficiet, quibus hæc fides est illam fiduciam paritura!

Rice de S.
Vist.

CAPVT SEXTVM.

De spei ad beatam in terris
vitam obtinendam
præsidio.



Amet si habita Numini nos superna edocenti fides maximam animo voluptatem pariat, sitque terrenæ felicitatis pars non exigua; tamen quia

ea-

Spei, quàm
fidei vbe-
rior volu-
ptas,
Ps. 33. 9.

Prov. 16. 20.
Qui sperât,
nô solo iu-
re, sed etiâ
re felices.

eadem, quæ sempiternam nobis aperit felicitatem, aperit & sempiternas misérias; voluptas illa haud parum timore contrahitur, minuiturque quanquam & multum de maximâ remanet, quia eadem fides ostendit, integrum cuique esse, vtrum malit, eligere, & nostrâ in potestate relinqui, partem capere potiore, ac sempiternâ, si libeat, felicitate potiri. Maius tamen nobis de spe, quæ nihil exhibet mali, nihil non exhibet boni, quàm de fide gaudium existet. *Gustate, & videte*, inquit David fidelissimus propinatæ suauitatis prægustator, *quoniam suavis est Dominus*: quàm autem, & vnde suavis, statim adiungit: *Beatus vir, qui sperat in eo*: par scilicet Beatorum iucunditati de spe diuinæ beneficentiæ in animum suauitas defluet. Id quod sapientissimus Salomon tam persuasum habuit, vt etiam in prouerbium, quasi probatum vsu, & experienciâ verbum, tradiderit. *Qui sperat in Domino*, inquit, *beatus est*. Nec tibi aliqua suspicio incidat, an eo modo sacre littere eos, qui in Dei bonitate spem figant, beatos appellent, quo regios infantes, suæ nec dum fortunæ conscios vulgò beatos nuncupamus, tametsi beatum reuerâ nihil habeant, præter ius, & vacuum v&igalibus titulum. Non hæc diuini Spiritus in sacris litteris mens est, cum nos iubeat de spe nostrâ lætari, quod de suâ nequeunt infantes, tametsi in purpurâ nati, ac repentis, a quibus tam procul de suo iure lætitia abest, quàm

no-

notitia. *Letentur*, ait iterum Regius Psalter, *omnes, qui sperant in te Domine*. Tantum præterea lætitiæ Auctor nostræ salutis a sperantibus, (utique dare potentibus) exigit, quantum contra acerba omnia, ac præsertim infestos impiorum conatus, stare queat: cum enim dixisset aliquando, nos tunc fore beatos, cum paupertatem, luctum, & cunctos nefariorum incursus ob euangelicæ pietatis studium passi fuerimus; hæc verba subiecit; *Beati estis, cum maledixerint vobis, & persecuti vos fuerint, & dixerint omne malum aduersum vos, mentientes propter me: gaudete, & exultate in illâ die, quoniam merces vestra copiosa est in Cælis*. Vbi per ea verba, in illâ die, sat perspicuè indicauit, gaudium nostrum de spe futuræ in Cælo mercedis, non in futurum differendum, nec in iure solum, ac veluti Syngraphâ dandum, sed in præsens, & in re ipsâ, & quidem tam firmum, & constans, ut de gradu nullâ vi, aut impetu ingruentis periculi deijci queat. Atque id ipsum est, quod Christus Dominus alibi pollicitus fuerat, *centies tantum in tempore hoc, domos, & fratres, & sorores, & matres, & filios, & agros cum persecutionibus, & in seculo futuro vitam æternam recepturos*, qui hæc omnia ob euangelicæ promissa dimitterent: quæ verba alibi a nobis allata, huc illustranda reieciimus: ubi scilicet ex huius disputationis loco plurimum luminis essent habitura. Nempe tam vehemens gaudium etiam

Pl. 5. 12.

Ex Marc. 5.
11. & Luc.
6. 23.

Marc. 10 30.

Gaudium
iustorum
etiam inter
aduersa
subsistit.

Pp

hoc

hoc tempore sua Christo donantibus promittitur; ut non modò centuplo maius futurum sit eo, quod de bonis dimissis hausissent; verùm tantæ constantiæ, ac roboris, ut tyrannica omnia tela suâ firmitate sit elusurum. Potest enim tyrannus domum, & opes, & cognationem, & fortunas totas, & voluptatem ex ijs partam adimere: at gaudium illud, quod ex ipsâ rerum istarum iacturâ centuplum diuinitus redditur, vsque adeo non potest adimere, ut ipsâ ceterarum rerum ademptione dare cogatur.

Quid Centuplum in hac vitâ?

Percurre Sanctorum Virorum, ac præsertim Christi Martyrum vitas, & perspicuè intelliges, quàm verè centum pro dimisso vno, agros recepisse dicantur, qui centum agrorum fructum, sine culturæ molestiâ perceperint. Agros voco, quidquid terrenorum ad fructum, voluptatemque percipiendam a nobis colitur: centuplo autem maiorem dicendam arbitror voluptatem, quæ omnes vincat acerbitates, atque in medijs illis triumphet, præ aliâ quâlibet vel regiâ voluptate, cui leuissimus quisque capitis languor interitum afferat. Aloysium puerum duodennem, loco nobili apud Iapones natum, cum ob Christianam pietatem e cruce pendenti quidam astantium dixisset; *O te felicem, quem brevis hora sempiternæ felicitati transcribet*; vsque adeo gauisum fuerunt, ut in ipso patibulo totus efferri, atque exilire, solâ oculorum acie in Cœlo defixâ, non sine ethni-

Ex Dan. Bart. in Iap. l. 2.

ethnïcorum admiratione, ac lachrymis, cæperit. An non centuplo maius gaudium rectè dixeris, quod talem vincat acerbïtatem, cui centum, quin & omnia huius æui gaudia succumbant? Age Cæsarem, aut Alexandrum in crucem, & vide suâ ne illi fortunâ exultent, an potius illâ quoque carnifice torqueantur: tantundè enim sua quæque fortuna torquet in aduersis, quantum delectabat in prosperis, casumque semper grauat cadentis magnitudo. Hinc autem liquidò constat, haud arduum esse, quod puero licuit, Christo dicenti, *gaudete, & exultate in illâ die*, danti præterea, vnde pareatur, obtemperare.

Repletus sum consolatione, inquit Paulus, *superabundo* ^{2. Cor. 7. 4.} *gaudio in omni tribulatione nostrâ*. O gaudiû ingens; quod nō replet solûm infinitam animi capacitatem, sed abundat, sed superabundat, nec post labores tantûm de illis, sed in medijs illis, triumphat: *Superabundo gaudio in omni tribulatione nostrâ*. Cuius ^{S. Franc. Xau.} verbi audi explanatorem nouarum gentium Apostolum, qui eosdem cum Paulo labores expertus eadem solatia promeruit, aptissimus inde apostolicæ mentis interpres. Is enim nunquam se vberioribus e Cœlo delicijs cumulatum ait, quàm vbi pluribus religionis causâ periculis, ac laboribus premeretur. Quod illi maximè contigit, dum in insulâ Mauricâ versaretur, vbi in summâ rerum egestate, inter populos, quibus mos esset, non peregrinos sustentare cibarijs, sed se peregrinis,

PP 2 coniu-

Turcin eius
vitâ l. 2. c.
15.
Sûma gau-
dia inter
summa pe-
ricula, &
labores.

coniuges, prolemque cœnatos, vbi exterorum
venatio non succederet: supernæ tamen consola-
tionis, & gaudij in tantis periculis exuberantiam
his verbis descripsit. *Si quidem* (ita in quodam
suarum litterarum capite loquitur) *hæc omnia pe-
ricula, & labores vnius Dei causâ spontè suscepti,*
thesauri sunt, diuinis maximisque gaudijs refertissimi:
*ut hæc insule in primis apta, atque appositæ ad oculor-
um aciem ex iucundissimâ lachrymarum vbertate per-
dendam esse videantur. Equidem nunquam me tot,*
tantis, tam continuis animi voluptatibus circumfluere
*memini; prorsus ut omnem laborum, atque ærumna-
rum sensum obruerent. At fortè clariùs hanc diui-
næ iucunditatis cum nostris calamitatibus conso-*
ciationem exposuero, si quæ de Caroli Spinolæ
cœlestibus inter extremas miseras voluptatibus
Iaponica monumenta ferunt, commemorauerim.

Ex eius vitâ

Caroli Spi-
nolæ & So-
ciorum car-
cer, seu ca-
uea:

Habebatur Vir præclarissimus vnâ cum duo-
bus, ac triginta socijs ob Christiani nominis odium
in custodiâ quâdam, caueæ instar continendis fe-
ris potiùs quàm hominibus elaboratâ. Quaternos
illa erat, & videnos non ampliùs palmos oblon-
ga, sexdecim lata, quantum scilicet noctu iacen-
tes vix caperet omnes. Collis vertici super am-
plam vndique planitiem extuberantis, infidebat,
non muris tamen, sed fixis circum palis constru-
cta, tantum inter se distans, quantum æstiuis so-
lis ardoribus, atque hybernis imbribus, niuibuf-
que admittendis sufficeret. Quocirca tempore
æsti-

æstiuo ab ortu ad occasum sol circumactus illos feriens, in perpetuum sudorem eliquabat: iidem prægelidâ tempestate assiduo tremore concitabantur, tunc demum quiescente, vbi tandem obri-guissent. Siquidem haud illis fas erat ad Cœli prohibendas iniurias aliquid, quâ parte ingruerent, opponere: id vetantibus excubijs, quæ solum veprium sepimento, humanâ staturâ paulo altiore circumdato cauerant, ne circumiacentium camporum amœnitas ad eos recreandos aspiraret. Quare tantum aliquando imbrium, ventis pellentibus, inferebatur, vt pauimento oppleto in communem latrinam superflua aqua descenderet, atque inde sordibus mista in domicilium refluere: his autem deterfis, exiccatisque intolerabilis fœtor, & vis vermium vndique ebullientium in eorum corpora miserabiliter grassabatur. Illud tamen miserius; quod huiusmodi, aliasque similes bestiolas e vestibus, & corporibus eximere, nisi in omnium oculis non liceret, ac generatim quæcunque occultata decuisset palàm exequi cogebantur: quod ferè intolerabile videbatur, quibus pudorem, & generis nobilitas, & religiosa educatio vltra communem naturæ institutionē commendauerant. Porro victus non alius, quàm modicū orizæ frigidâ maceratæ quantum non placare, verum irritare famem, atque irritatam trahere sat posset: additâ quoque atrâ quâdam, atque amarâ ex contusis herbis potione, non solatio sitis, sed

Ignis tor-
mentū ni-
rius carce-
re iaponi-
co.

sed medicinā. Vestis autem, vtcunque sordida, eadem semper, quousque vsu detrita in frustra paulatim delaberetur. Hæc tanta incommoda, frequentes, ac diuturni morbi, vti assolet, commitabantur. Carolus sæpè ad extremum vsque vitæ discrimen venit, pluribus simul malis oppressus: febris, nausæa, vomitu, diarrheâ, torminibus, vertigine, cunctis sine medicamento furentibus, ne modicâ quidem aquâ in summo febris ardore permittâ. Denique tam seuerè, & crudeliter in huiusmodi per se adeo tetrâ custodiâ habitati sunt, idque quatuor annorum spatio, vt Io: Baptista cognomento Porrus, nostræ tunc in Iaponiâ societati præpositus, seriò pronunciauerit, miriùs cum illis actum fore, si quod deinde fuit, viui citiùs cremarentur. Illi tamen perinde vt nimiam prosperitate fluentes, castigatione indigerent, has pœnas alijs sponte susceptis, ac manufactis cumularunt. Singulis enim profestis diebus, flagello corpus suum asperè accipiebant: Sæpè etiam cilicio, ac vigilijs vltra nocturnam psalmodiam productis: ac denique inedia eiuſmodi statis quibusdam diebus seruabant, cui quotidiana cibi abstinentia, strictissima licèt, ieiunij nomen cesserat: hæc enim duntaxat extraordinaria ieiunium illis dicebatur, perinde ac si ceteris diebus conuiuarentur.

Hoc tamen in loco tam multis, tam grauibus supplicijs, horrido, mirum est, quanto maioribus

bus e Cœlo delicijs Sanctissimi Christi Martyres
 permulcerentur. Ultra binas horas tacite rerum
 eternarum contemplationi singulis diebus traditas,
 & matutina sacra ferè ad meridiem vsque pluri-
 bus deinceps operantibus, ceteris assistentibus,
 perducta, & sacrorum librorum lectionem, & bis
 exactam conscientie rationem: quibus tempori-
 bus superna gaudia, quasi cœleste manna, laxa-
 to sinu, captabant; ter quotidie, nempe mediâ
 nocte, ad orrum, atque ad occasum solis, psal-
 mis alternâ modulatione canendis coibant: quod
 eâ animorum securitate, & vocum concentu præ-
 stabant, vt prætereuntes satis mirari non possent,
 vnde illis tantum alacritatis, & lætitiæ ad cantum
 vsque accuratè modulandum suppeteret. Carolus
 verò sui carceris grumnas in ijs litteris, quas in-
 de dedit ad socios, in voluptatis sibi materiam
 conuersas ait, vt quæ terrena omnia bona, hoc
 est omnem a cœlestibus mentis auocationem sub-
 ducerent: horumque iucunditatem tristi compa-
 ratione augerent. Sæpè tetram illam custodiam,
 quâ nihil tartareæ similis, Paradisi nomine nun-
 cupabat, vbi, si centum degere sibi annos con-
 tingeret, in singulos dies se beatiorum fore cen-
 seret. Nec aliud sibi ad plenam iucunditatem
 deesse, nisi vt se palo deuinctum lento igne Chri-
 sti causâ torreri cerneret. Eò curas omnes, &
 cogitationes intenderat, eòdem dum ad amicos
 scriberet, eòdemque dum loqueretur, identidem

Ingens
 crudelissi-
 mi marty-
 rij cupidi-
 tas.

reuo-

reuoluebatur. Amicos verò ipsos coniecturam in contrariam partem afferentes, ac libertatem augurantes, rogabat, ne sibi tam tristia præfagerent: contra futuri supplicij noua argumenta dantibus sacræ Hostiæ immolatione gratiam referebat. Cum tres aliquando vnâ cum dimidio menses febris æstuasset, nec interea memoratis careret incommodis, quin debilior acrius offenderetur; negauit, vbi ab illâ se valetudine explicuit, vnquam in anteaactâ vitâ paribus animi delicijs, ac voluptatibus potitum. Quin etiam postquam sæuo carceri, atque afflictæ valetudini accessit noua cibi deminutio (multum de eo, quod ceteroqui satis malignè dabatur, suffurantibus excubijs) unde præ fame, ac languore se in horas perituum crederet; incredibile dictum est, quàm lætus tunc præter morem, ac vultu hilaris sese ceteris exhiberet: aiebatque, si quid Numinis causâ tunc pateretur, satis copiosam in ipsâ laborum perfectione sibi mercedem relatam: idque adeo, vt si nihil reseruaretur in posterum, præmio se iam donatum abundè crederet. Denique ex ijs angustijs ad atrox supplicium eductus, tunc cum maximè sui animi magnitudinem explicuit: mirâ enim æquitate per viam omnes notos iuxta ignotosque consalutabat: quosdam etiam magis familiares comiter appellans, paucis, sed calentibus diuinâ caritate verbis, ad retinendam perseuerantiam hortabatur. Vt autem in locum certaminis venit,

nit, & fixos humi stipites, & ingentem circum-
 lignorum struem in theatri morem palis circum-
 datam vidit, lætus primùm ac ridens cuncta ocu-
 lis perlustrauit, deinde altâ voce gratulabundus
 præcinere, ceterisque præire cæpit Dauidicum
 carmen. *Laudate Dominum omnes gentes, laudate* Pl. 116. 1.
eum omnes populi, quod tantâ vocum harmoniâ, ac
 suauitate reliqui profecuti sunt, vt ex astantibus
 quidam iureiurando in publicas tabulas pro sacrâ
 apotheosi confectas retulerit, concentum illum ne-
 scio quid cœleste, ac diuinum auribus prorsus
 ignotum insonuisse: fortè deceptus aurium iucun-
 ditatem credidit, quæ mentis fuit, a sensibus in
 tantæ fortitudinis admirationem auocatę: Vtrum-
 libet tamen fuerit, sua stat iuramento fides,
 quòd cantum in tam acerbę mortis conspectu
 supernæ virtuti tribuerit. Ad extremum pyrâ
 succensâ alij citiùs, alij seriùs ad alteram vsque
 ac tertiam horam lentè combusti ad Superos
 euolarunt. Quandiu autem incendium stetit,
 æquè oculos Cœlo defixos, ac sua corpora flam-
 mis immota præstitere, vt documento essent, vn-
 de tanta constantia descenderet, nempe a cœle-
 stibus præmijs, quæ oculos tenebant, perque
 eos eductam mentem fauientibus flammis eri-
 puerant.

Martyrū ro-
 bur spes æ-
 ternorum.

En quantum præsidij ad beatam in terris vitam
 degendam in spe supernæ felicitatis positum sit;
 quando eam animo iucunditatem importat, quam

Qq

ne

Spes queli-
bet futuri
boni etiam
in præsens
iucunda.

ne ignis quidem , rerum ceterarum corruptor , violare queat. Quâ autem viâ, ac ratione id præfidij nobis parare possimus, paucis accipe. Philosophorum certa sententia est, communis experientiae suffragijs comprobata; spem futuris iucunditatibus inhiantem etiam præsentem aliquâ voluptate perfundi: quæ voluptas futuræ gustus, ac specimen, pro ratione maioris boni, quod expectatur, ac firmioris ad illud obtinendum fiducia, maior est. Id cernere licet in ijs, quos honorum studia per asperrima quæque ducunt, fatigantque; quo enim honores ampliores sunt, & plura venturos illos signa præcurrunt, hoc maius cupidis, spe obuiam prodeuntibus, gaudium important: Honoribus siquidem menti repræsentatis, præsens fit ambitiosis honorum imago, quam sibi illi instar amantium, quandiu abest amica, gratulantur. Signa autem prænuncia ita erigunt ambitiosos, ut vestigatores canes vestigia, odorque prædæ iam deprehensus: Frui iam prædâ se cæpisse putant, cum eius odore fruuntur. Porro bonum quod pii homines in futurum expectant, infinitum est; fiducia, tanta, quantam quisque sibi pietatis officijs velit adiungere: Pietas enim & diuinam auget amicitiam, & amicæ communicationis fiduciam: quia verò maximè ardua, quemadmodum meritum, ita & coronæ spem augent; maximam quoque in ipsâ arduitate superandâ voluptatem pariunt, ut luculenter tot nobilissima fan.

sanctorum Martyrum exempla testantur. Quòd si contingat, spem supernæ felicitatis perspicuo aliquo Numinis admonitu roborari; ipsam præterea felicitatem, assiduæ contemplationis vi, clariorem sui speciem exhibere; nulla vnquam erit in terris, quæ cum gaudio isto collata non quodammodo mereat lætitia. Id præclarè docuit Frāciscus Assisias, admirabili vir sanctitate, cui contemplanti cum pulcherrima supernæ ciuitatis species esset oblata, ac deinde palàm diuinitus significatum, ipsum ad eam breui peruenturum; tantà animi lætitià exiliit, vt cubiculo egressus, corpore menti obsequente, cursare per nemus, efferri, subsilire, obuias arbores in argumentum exuberantis gaudij, atque omnia complectentis amoris, amplexari cepit. De nostræ spei firmitate, quâ parte Dei promittentis fidelitatem spectat, non est cur plura dicamus ultra ea, quæ de fide iam diximus: vna est enim firmitas vtrique communis: nimirum quantam habet e diuinæ vocis auctoritate Fides, totam spei, cuius est fundamentum, tribuit. Quâ verò parte, nostrâ etiam pietate spes nititur, haud quaquam verendum, ne hæc subductâ labatur. Quis enim de suis manibus, quæ solæ valent hoc adminiculum subducere, timeat? Quis se inuito, ac sine suâ voluntate impium se fieri posse, putet, cum non aliud sit, quàm impia voluntas, impietas?

Frācisci Assis. de suâ prædestinatione admoniti gaudium.

Duo tamen præterea sunt, quæ sedulo animad-

Spei incrementa.

Qq 2

uertas

uertas oportet, si tuam erigi; ac stare fiduciam cupias. Alterum est, infinitam Dei caritatem, infinito nostrę salutis desiderio cętuare, ex eoque mutua in nobis incendi, si quando ab eo discessimus, redeundi desideria: Is enim est, qui sæpissimè interiori afflatu ad reditum inuitat, qui nobis exhibet pœnitentię spatium, qui sacra mysteria, inque ijs superna auxilia ministrat, qui famulos suos ad nos ineundæ cum eo pacis interpretes allègat, qui amicos suos nobis exemplum format, atque ad imitandum proponit, eosdemque ut pro nobis se deprecatores præbeant, instigat, qui denique suę curiæ Principibus nos in tutelâ tradit, mandatque, ut nullam abire oportunitatem sinant, quâ nos ad suam nobis reconciliandam Clementiâ non extimulent. Si autem peccantes nos Deus perdere uoluisset, quid tantis conatibus opus fuerat? morte statim immisâ, rem sine labore, ac pro libito transegisset. Si igitur non immisit, si adhuc vocat, pulsat, expectat; apertissimum documentum est, cum adhuc summo nostrę salutis studio teneri, nec ad integrandam cum illo amicitiam quidquam, præter nostram voluntatem, expectari: haud enim illi deesse potest amica voluntas, qui nostram amicitiam tantâ ambitione discupere se manifestat. Alterum est, a Deo tibi præceptum, ut Patrem illum appelles, atque ad eum quâcunque in necessitate confugas: sic ergò, inquit, *vos orabitis, Pater*

Matt. 6.9.

Pater noster, qui es in Cælis &c. vbi quidquid necessarium, aut vtile nobis foret, petendum præscripsit: quid autem eorum dare nolit, quæ peti voluit, cum vna sit dandi, atque incitandi ad petendum voluntas? *Quid non det filijs*, inquit Augustinus, *qui dedit, vt filij essent*; hoc est, vt etiā heredes: & quali bone Deus hereditate! *Dominus enim, ipse est hereditas eorum* ait in veteri testamento. Quid igitur rerum e dominio suo iure negauerit, quibus sese omnium Dominum testamento reliquit? Adde quod latâ lege de spe in eius ope locandâ, editoque in eius legis violatores æternæ mortis supplicio, tam certò nobis se opem laturum significauit, quàm se non esse fraudulentum mendaciorum artificem: quis enim eo fraudulentior, qui animo deferendi amicum, illum de suâ fide bene sperare iubeat, denunciâtâ ni faciat, inimicitîâ. Hanc nobis Deus denunciât, nisi in eo, eiusque ope spem nostræ salutis, & quidem omnem ponamus: itaque si spei fraudandæ proposito sperare nos iubeat, maximè, pessimèque fraudulentus, ac subdolus esset, qui fraudes, dolosque æternum exitium allaturos componeret: quod de infinitâ bonitate censere sine pari nostrâ malitiâ non licet.

Quo igitur dulcissimæ huius spei lacte vitam hanc in æternitatem sustentemas; reliquum nobis est, vt adhibitâ contemplatione, quàm plena sint huius lactis vbera, siue quanta nobis bona promit-

Aug. de
serm. domi-
ni in mon.
hab.

mittat felicitas sempiterna, diligenter inspiciamus. Contemplationi materiam suggerent ea, quæ sequuntur.

CAPVT SEPTIMVM.

De externis Beatorum cœlestis Patriæ Ciuium bonis.



De ameni-
tate sedis
Beatorum.

Res in partes, atque has in alias, atque alias vniuersum de supernâ felicitate argumentum partiri iuuat, vt ijs veluti gradibus ad eiusdem felicitatis fastigium facilius fiat mentis ascensus, quibusdam planis ad quiescendum emollitus. Prima pars bona prosequetur externa, quæ infimum in nostrâ felicitate locum obtinent; altera corporis, quæ medium; tertia animi, quæ potissimum, ac supremum. Inter bona externa duo præsertim felix illa Beatorum sedes admittit; Loci amenitatem, & Felicium aliorum conubium. Non enim ibi aurum, aut argentum, sordidos facientes e ceno diuitiæ: nec lanæ ostro, seu murice tinctæ, aut id generis alia, pudenda, magis velamenta pudoris, vt quæ e pecorum depilato corio contextâ hominem belluâ tegunt: nec

CAPVT SEPTIMVM.

311

nec puerilia e struthionum caudis, aut lapidum
frustis; aut concharum recrementis ornamenta com-
posita: verum cuncta ibi, vt loco, ita splendore,
atque amplitudine nostris istis rusticanis opibus Baruch. 3.
24.
superiora. O Israel, quàm magna est Domus Domini,
& ingens locus possessionis eius! Magnus est, & non
habet finem excelsus, & immensus, inquit Prophe-
ta: non vtique vt significet infinitam loci magni-
tudinem, quia verè pulcherrima domus illa, que-
madmodum formâ, ita finibus suis formam cir-
cumscribentibus non caret; sed infinitam ipsius
formę pulchritudinem, quę mentis nostrę capaci- 1. Co. 2. 9.
tatem exuperat. Testis Paulus, qui vidit, pro-
nunciauitque, *Quod oculus non vidit, nec auris au-
diuit, nec in cor hominis ascendit, quę preparauit Deus
ijs, qui diligunt illum.* Quo ex testimonio vt ali-
quid de immensâ illius beatissimę Domus pul-
chritudine assequi possis, hoc tibi commentum
non omnino vanum propone: vmbra enim veri-
tatis erit, quam si non exponet, testabitur saltem,
viamque, quâ inquiratur, vmbre instar, osten-
det.

Finge animo te in supernam illam Ciuitatem ab Beate Do-
mus descri-
ptio.
Angelo tuę salutis custode inductum, atque ante
ingressum superba menia intuentem recordari quod
olim a Christo Ioanni dictum, murorum funda- Apoc. 21
20.
menta ex ijs lapidibus constare, quę apud nos
summo habeantur in pretio: ex iaspide, saphphi-
ro, calcedonio, smaragdo, chrisolito, topazio,
be-

berillo, hyacinto, amethyſto, ijs denique gemmis, quarum e fructis auro inclufis, ac digito infertis ſplendorem, ac pretium emendicamus: nimirum ea, quæ nobis pretioſiſſima ſint, tanquam rudes, & nullius pretij lapides in beatæ illius Urbis fundamenta iactari. Cognosce hinc ſurgentium murorum pretium, quorum contentione gemmæ noſtræ vileſcunt, & tanquam indignæ viſu defodiuntur. Ingreſſus deinde e ſingulis margaritis mirificè elaboratis ſingulas fulgere portas aſpicias, & cuncta intus auro flagrare nitidiſſimo: nec niſi aurum beatorum ciuium pedibus teri; imò quod nobis Cœlum dicatur, eorum veſtigijs pauimentum inſterni. Aſpice vias, quæ ſpatioſam, curuatamque poſt aream vndique in æquabilem recedentes planitiem in tantum procurrant, vt admirabili longitudine oculos fatigando, reficiant: Ædes hinc, atque inde in directum poſitas, atque ad æquale faſtigium altè ſurgentes, omnes ex auro non quidem noſtrate, & vulgari, ſed inſtar vitri pellucido coruſcantes: *Ipsa Verò Ciuitas*, inquit Ioannes, *aurum mundum ſimile vitro mundo*: Non enim quidquam latere neceſſe habet aut cupit, vbi cuncta ſunt æquè ſpectatu digna, ac ſpectari cupida: nec a nocte obſcurari cœlites timent, vbi ſuo quiſque ſplendore nitet, & ſole ipſo nitidior oritur quocunque pergit, diēque ſecum ipſe circumfert. Aer quoque ibi non niſi vndique ſpirantium odoramentorum aſſlatus,
qui

Apoc. 21. 3.

qui a beatis ciuibus haustus, fragrantior reciprocatur. Nec e fontibus, nisi mella fluunt, nec amnes nisi balsama, aut lymphas odoratas voluunt, quibus irrigua prata, nemoraque perpetuò florent, floribusque perpetua iungunt poma, eademque illis coronant. Vide, vt felicissimas inter arbores frequentes errent, & cuncta permulceant id generis volucres, qualis fertur, quæ trecentos annos sanctissimi solitarij aures, vitamque sub dio æstiuis, hybernisque iniurijs obnoxiam detinuit. Quid de illo concentu dixeris, cuius vnica vox tam mirifica fuit, atque incredibiliter suavis? Quid etiam de alio omnium voluptatum concentu singulis sensibus respondentium, ac suauissimam animo exhibentium harmoniam?

Dicas tamen quidquid occurrerit: noua alia, & meliora ex sacris litteris, vel e profanâ historiâ, vel etiam ex ipsis poetarum fabulis mutuata componas: quippe omnem ætatem postquam magnifica adornando, & commentando traduxeris; tandem fateare necesse erit, horum nihil in Cœlo re ipsâ futurum: Sed Pauli testimonium recordatus dices, quod ipse mihi soleo dum tacitus ista mecum reuoluo; *Hec in cor tuum ascendere potuerunt, illa nunquam in cor hominis ascenderunt.* Tanto namque præstantiora ijs, quæ cogitasti, reperies, vbi illuc adueneris, quanto Diuina Artificis cogitatio tuâ est cogitatione præstantior.

Iam verò Beati Ciues o quanto erunt suâ se-

Rr

de

De felicitate
ex beatorum
ortu consortio

de nobiliores ! quanto Cœlo ipso clariores, ac pulchriores ! Plura tamen de eorum nitidissimâ specie in sequentibus differenda reijcimus, illud tetigisse contenti; ad eum decorem, ac dignitatis gradum illorum quemlibet euehendum, ut superbissima mortalium vota infinito propemodum interuallo sit infra se Beatorum quilibet relicturus. Audi, quisquis ætatem omnem per immensos labores perdis, ut perditam honoribus locupletes, & quasi sericus bombyx totum vitæ flamen in sepulchri fabricam ducis, ac torques : Potestne ambitio tua ultra supremos regię dignitatis gradus procurrare? utique non habet, quò altiùs ascendat: ibi tumor omnis rumpatur, inque suam auram redeat, necesse est. Atqui sic habeto; Regnum tibi non ad paucos dies, sed in omnem æternitatem ab ipso mundi exordio paratum: *Venite benedicti Patris mei; possidete paratum vobis regnum a constitutione mundi*: Ita in extremo die se dicturum testatus est idem ille, per quem reges regnant, quique regiam tibi coronam a rerum exordio suis manibus fabricauit, preparauitque. In hoc regno collegam habebis impetij eum ipsum, quem vniuersi mortales, ac mortalium reges adorant: sedebisque non paricum Mundi Rectore solio, sed eodem, ut ipsemet, Ioanne interprete, pollicetur: *Qui vicerit, inquit, dabo ei sedere mecum in throno meo: vnâ item in mensâ recumbes, ipso dicente; Et ego*
dis-

Mat. 25. 27.

Apoc. 3. 21.

Luc. 12. 30.

dispono vobis, sicut disposuit mihi Pater meus, regnum, ut edatis, & bibatis super mensam meam in regno meo: Quin etiam, dubium quidem quonam modo, sed certè verissimo aliquo, ipse terrarum, Cœlique Arbiter, non solùm te suæ mensæ collegam, amicum, familiarem, ac domesticum adhibebit, verùm etiam accumbenti prestò erit administrandum præcinctus. Audi & hoc ex ipsius Dei pollicentis oraculo; *Beati sunt serui illi, quos cum venerit Dominus, inuenerit vigilantes, amen dico vobis, quod præcinget se, & faciet illos discumbere, & transiens ministrabit illis.* Miraris fortè tantam in Deo humanitatem? mirare potiùs, si quem audias dicentem, Deo homini humanitatis aliquid defuisse, vbi præsertim notum, illum in terris ad abiectissima quæque, vel infimo pudenda homuncioni, nostrà causà demissum. Vbi præcinctum vidi ad abluendos seruorum pedes, non difficilè adducor, ut credam, eum administranda iisdem fercula præcingendum. Denique (quod supra etiam, quàm suspicere, mirarique possis, inuenies) Ibi fiet verissima illa, sed ad fidem omni fabulosà difficilior metamorphòsis, quâ homo diuinam ita induet formam, ut Deus, Deique filius a diuino Genitore agnosci, ac verè nuncupari possit: quid enim non verum de ipsà veritate procedat? Ergo ne, inquires, *Dij erimus?* *Non audeo dicere ex me,* inquit Augustinus, cuius prudentissimo responso libenter vtor, *verùm id di-*

Luc. 12. 37.

Tract. 2. in
ep. 10. ex ps.
81. 6.

centes scripturas audiamus, (Verbum scilicet illud,
 10: 10. 35. *quod cuncta dicendo fecit) Ego dixi Dñs es, &*
filij Altissimi omnes: quem locum in hanc senten-
tiam Deus ipse, qui eum olim protulerat postmo-
dum explanavit.

Quale igitur gaudium, Deus immortalis, erit,
 sese spectare in concilium Deorum pari cum ipsis
 iure cooptatum? De Senatoribus humanæ cuius-
 que reipublicæ documentum cape, qui simul se
 in id Collegium euectos vident, vix sibi præ læ-
 titiâ constant, tametsi paucis post diebus in le-
 titiæ locum, mentisque deijciendæ munus, me-
 mor succedat: vsu scilicet depositâ, quæ festum
 indixerat ignorantia. Scito autem senatores no-
 stros eo apud superos ordine censerî, quo apud
 nos Agricola ouium, seu caprarum villis induti:
 vtrisque enim pariter pecudes illæ de vestimentis
 accommodant, nisi quod hi, lanas prodendo,
 commodatum fatentur, illi colorando cœlant, &
 cœlando furantur. Quid autem Senatores loquor?
 Ne ipse quidem Alexander Magnus, aut Cæsar
 tanti esset apud superos, vt eos in famulatu suo
 tolerarēt, terræ filios, eorumque sordidam con-
 ditionem dedignati. Denique vt supremo rerum
 Domino, ita & ceteris eius aulæ proceribus, non
 alius est eiusmodi Regum vsus, quàm ioci, & ri-
 sus, quemadmodum a Prophetâ dictum olim iam
 fuerat; *Et erunt Tyranni* (eo nomine Reges om-
 nes antiquis patribus dicebantur) *ridiculi eius.*
 Non

Habac. 1.
 10.

Non enim seria ista dignitas est, sed ad tempus assumpta, atque in theatrum personæ, ac vestium simulatione composita. Contra verò Beatorum Ciuium gloriam non amictus mentitur, turpem in dies nuditatem obuelando, sed insita, intimaque corporis, atque animi dignitas, immortalitate constabilita. Horum igitur in æternum consortium educamur, cuius spes, atque expectatio tanto hîc nobis erit iucundior, quanto vitam tali consessu digniorem morum integritate Deo adoptanti approbare conabimur, spemque approbatione roborabimus. Verùm gemina hæc bona, quæ loci spectant felicitatem, & feliciū contubernium infima sunt: multo ea, quæ sequuntur, potiora.

CAPVT OCTAVVM.

De corporis dotibus, quibus
Beati Ciues locupletan-
tur in Patriâ.



Ultra eximiam venustatem, aptâ
partium conuenientiâ, & colo-
ris suauitate perfectam, quâ
spectantium oculos Beatorum
corpora incredibiliter detine-
bunt;

Quatuor
Beatorum
corporum
dotes.

Prima Im-
passibilitas.

Apoc. 21. 4.

bunt; quatuor alias dotes e sacris litteris do-
ctissimi Patres illis adiunctas enumerant. Prima
est mali omnis, ac perpeſſionis vacatio, quam
Græci ἀνάδεια, Nostri minùs latinè, sed magis si-
gnificanter *Impassibilitatem* appellant: altera Te-
nuitas est, seu, vt in scholis iam nominatur,
subtilitas: Agilitas tertia: vltima, quæ venustif-
simas Beatorum formas in bono vbique lumine
collocabit, Claritudo. Prima complectitur mor-
tis, cunctorumque malorum, quæ eam vel præ-
currunt, vel comitantur, vacuitatem. *Absterget
Deus*, inquit Ioannes, *omnem lachrymam ab oculis
eorum, & mors ultra non erit, neque luctus, ne-
que clamor, neque dolor erit ultra, quia prima abie-
runt*. Occurret scilicet nobis amantissimus Pater
e valle istà lachrymarum subeuntibus, & manu
suâ, quâ omnem lachrymandi materiam disijciet,
oculos nostros fletu propè corruptos, siccabit.
O quale solatium, quale gaudium erit, cum pri-
mùm ex ipsius Numinis præpotentis oraculo no-
stris auribus intonuerit, datam nobis ab vniuer-
sis malis, quibus nunc vrgemur, immunitatem,
ac missionem! Quid optabilius, quàm certissi-
mâ fide cognoscere, haud vllò nos in posterum
morborum genere tentandos: iam defunctos, e-
xemptosque vitæ huius ærumnis, non ampliùs pau-
pertate, non fame, non siti, non æstu, atque al-
gore, nec tempestatum impressionibus, nec fe-
rocibus belluarum, nec ferocioribus hominum in-
cur-

curfibus, nec denique horum periculo, aut vllō mortis metu, conatuque terrendos? O quā multos isthæc, si hic haberi posset, immunitas, maximè contentos in præfenti vitâ detineret, futuræ prorsus oblitos. Verūm quæ nostris votis maior foret benignitas, infinitæ Numinis beneficentiæ vix nomen obtinet beneficij. Apparatus ille est ad beneficia capienda, & quodammodo sordium detractio ad purpuram induendam. Multò potiora nos manent, quæ si cum solâ malorum vacuitate contuleris, vim ea dices regalis obtinere ornamenti cum simplici nuditate collati. Nudus est enim, quanquam & validus, qui solis malis exemptus, nullo præterea munere decoratur.

Tenuitas igitur altera est beati corporis conditio, per quam illud durissima quæque penitus intrabit, penetrabiturque vicissim, nullâ exclusum firmitate, nullam excludens. Inde autem hoc æquè mirum, ac verum existet, quòd idcirco nullos metuet incursus, quia omnibus patebit, nec telis vllis offendi poterit, quia cunctis penetrabile erit, impotens repugnandi. Nihil enim magis contra nos per huius vitæ saltus, ac dumeta pergentes pugnat, quàm nostra repugnantia, ac duritia, per quam obflamus aduersis, tutè illa recepturi, si amicè: optimo nempe naturæ documento; solam frangi, mollibus inuiolatis, contumaciam. Hoc, vt ita esse scias, puta,

Secunda
Subtilitas

ca

caput tuum hâc tenuitatis dote iam nunc instructum; vtique si in parietem incurrat, illum sine offensione peruadet: eruntque vnâ simul, nullâ circa locum altercatione coortâ: at quia reuerâ, caput nunc durum, & contumax est, duriori parieti loco cedere, & frangi (impetu, quo in illum fertur, resilire non permittente) cogitur. Item securis adacta ceruicibus nunquam illas diuideret, si ab illis inuicem penetraretur. Quocirca hæc beatorum corporum tenuitas, seu penetrandi vis, dotis alterius nuper memoratę, scilicet *adaptat*us custos est, quia eadem corpora ab externâ vi perpetuò præstabit, tanto fortior lorica, quanto penetrabilior. Agilitatem etiam, de quâ mox dicetur, iuuabit: proinde quidquid e malorum vacuitate, atque agilitate fructus, ac voluptatis proueniet, ex hoc tanquam communi fonte rigabitur, atque incrementum accipiet.

Tertia Agi-
litas.

Tertia conditio agilitas est; cuius ope beati corporis moles tam facilem se regentis animi voluntati exhibebit, quàm sua facilis est illi voluntas: non enim plus negotij animo erit, ad extremas mundi oras corpus suum immittere, quàm velle. Duo autem sunt, vnde tanta ista corporis facilitas, atque obsequendi promptitudo manabit. Alterum ademptio grauitatis, quàm Beati in terrâ grauium loco relinquent, quando ad leuium sedes euocati eam prius inutilem, imò incommodam sentient. Inde nullus sellę vsus in Cœlo,

Cœlo, vbi corpora non iam deorsum, incumbunt: proinde haud vnquam cœlitum crura indigebunt suam in cathedrâ sarcinam, ac defatigationem, vti apud nos contingit, sedendo deponere. Alterum est paulo ante commemorata tenuitas, seu vis cetera corpora penetrandi. Id enim corpus, cui nulla sit grauitas, seu nîsus imperio contumax, nec quidquam extrinsecûs obstat eunti, non habet, vnde illi summa, & par imperio celeritas retardetur. Erit autem huiusmodi in Cœlo pernecessaria festinatio: nam si immensa illa spatia, passibus metiri Superi cogerentur, vix toto seculo tantum interualli conficerent, quantum occupat stellarum aliqua grandior, quam plus centuplo tellure maiorē Astronomi definiunt, tametsi ad Cœli residuum haud puncti modum excedat. Quàm autem iucunda futura sit ea corporis agilitas, facile intelliges, si te illa nunc præditum fingas, & nullâ distantîâ, nullo obice reputes tuos retardandos plusquam fulmineos volatus. Id enim tibi esset vice quâdam immensitatis potiri tuis vîbus accommodatâ. Non esses quidem vbique, sed quod iucundius foret, vbilibet.

Agilitas
pignat sed-
etiam quen-
dam immen-
sitatis.

Postremum beatorum corporum decus claritudo erit fulgore Solis non minor. *Tunc iusti fulgebunt*, ait Christus, *sicut sol in Regno Patris eorum*: quod tamen cum hâc exceptione intelligendum, vt non improbo lumine spectantium oculos feriant Solis in morem: namque apathias, atque indolentia

Quarta
Claritas.
Matt. 13. 43.

Sf

quo-

Lux beatorum colorum varietatem seruat, ac perficit.

quodammodo specularibus oculi communiti, externi luminis gratiam admittent; offensionem excludent. Nec præterea fulgor ille ut solaris erit, sui vndique similis, nullaque varietate spectabilis, ac iucundus: verum pellucidi instar liquoris, qui picturis illustrandis allinitur, singulis coloribus, seruato eorum discrimine, nitorem adiunget: Candida lux erit in fronte, modicè, ac verecundè erubescet in genis, pulla fiet in oculis, in capillo aurea, in labris purpurea, lactei candoris in dentibus, quaque denique in parte suum illius induet, illustrabitque colorem. Proinde sol utilior, quàm pulchrior, alienâ ceterarum rerum pulchritudine monstrandâ potiùs, quàm suâ oculos nostros oblectat: Beatorum verò splendor suæ ipsorum speciei non alienæ ostendendæ indutus, haud lucernæ vile ministerium, sed nobile maiestatis decus, ac venerationem exhibebit.

Lucentes quidam vermiculi specie nostrâ erigunt.

Vidi aliquando noctibus æstiuis, nec sine magnâ admiratione, ac voluptate in manus sumpsi, vermiculos quosdam, prunæ in modum inter dumeta flagrantés, lumine tamen membrorum coloribus accommodato: cumque ex ijs vnum curiosè contemplaturus versarem; mente sic mecum agere capi; Hæc nos Homunculos timor aliquando angit, ne, si præsentés honores Numini, futuros pollicenti, dimittamus, fraudemur vtrisque. Scilicet veremur, ne cœlestis Pater negaturus sit promissam filijs claritatem, quam sortididis.

didis vermiculis ob hoc ipsum, suæ vt opulentie ostentatione spem nostram erigeret, abiecit. Quid? an viles bestiolas existimem a rerum Auctore decorandas magis, quàm quos suo met sanguine habuit cariores, eo illis redimendis erogato? Quid autem vermes commemoro? an non solem, ac cœlestium corporum reliqua, quâquam animo, ac sensu vacua, hoc est vermibus ipsis ignobiliora, maiore etiam lumine condecorauit? Quid igitur incertus animi pendeam, an Deus amicissimis suis quin & filijs, & regni consortibus nitorem illum daturus sit, quo immania, stolidaque corpora nostris vsibus, ac seruitio comparata, impertiuit?

Magnus ille clareuallensis monasterij parens Bernardus, cui sæpius ad cœlitum colloquium venire contigit, illud affirmasse aliquando fertur; Si Ciuium beatorum corpus quodpiam spectare oculis nobis liceret, illico totam in ipsos oculos animam conuolaturam, futurumque vt abiecta reliquorum munerum curâ, ne cibi quidem, potusue, aut somni memoriam retineret: tantam caperet, defigeretque cœlestis illius pulchritudinis admiratio. Huius rei illustre documentum dedit Apostolus Petrus, qui vbi Christi Domini vultum cœlesti suo fulgore radiantem vidit, mente alienatus decidit primò in terram, deinde *nesciens quid diceret*, petijt vt ibi sub dio reliquam ætatem agere sibi liceret, tempestatum

Christi Do-
mini spe-
cies.

Luc. 9. 33.

Matt-17-4.

In vitâ ab
se conscri-
pta cap. 28
& 38.

iniurias tam iucundâ contemplatione redemptu-
 rus; Domine, inquit, bonum est nos hîc esse: facia-
 mus hîc tria tabernacula, Tibi unum, Moysi unum,
 & Elię unum. Id ipsum luculentius testata est
 Theresia virgo rigidiorum Carmelitarum pa-
 rens, cui cum Christus IESVS simili specie sese
 spectandum præbuisse, eâ scilicet nitidissimâ,
 quâ e tumulo rediuius prodijt, suamque vultu
 Diuinitatem humanitate temperatam explicuit;
 ita eius mentem suæ venustatis amore defixit, vt
 ad multos dies veluti a sensibus alienata proces-
 ferit, impotens alio cogitationem abducere. Nec
 vnquam ex animo tam diuina species excidisset,
 ni se Numen ipsum, quo eius excitaret, incen-
 deretque ad se quærendum amorem, studio in-
 terdum subduceret. Itaque vt fuerit antea iun-
 gendis amicitijs nonnihil pronior, vbi indolem
 suo arridentem ingenio nancisceretur; simul diui-
 nos Christi vultus inspexit, terrena omnis ex ani-
 mo excidit pulchritudo, nullam deinde vel solo
 aspectu, nedum amore dignata. Inde etiam ri-
 dere solita fuit, si quem audiret dubitantem, vi-
 sum id inter foëminarum commenta referendum,
 an reuerâ diuinitus contigisset: certa videlicet,
 quanuis omnem ætatem moliendo, meditando,
 fingendo exegisset, nunquam decus tantum, siue
 vt eius verbis vtar, tam præstantissimum (hoc
 est consuetis loquendi formulis præstantius) ex-
 pressuram. Aiebat præterea, terrarum Reges, vt

yul-

vulgo agnoscantur, magno populi comitatu,
& liſtoribus, & Stipatoribus, & ~~uſſoribus~~ in-
digere: at Chriſto, vt vniuerſi orbis Dominus
agnosceretur, non vltra, quàm vt ſe ipſe oſten-
taret, neceſſarium: quippe cuius maietas non a
populis emendicata ſubiectis, nec alienis humeris
ſuſtentata, ſed innata foret, & ſuà vi, nutuque
conſtaret. Iam verò ſplendor ex eius vultu cir-
cumquaque diſfuſus, is erat, cuius contentione
ſol languidus, atque emortuus videretur: quare
tunc demum perſuaſum habuit, quod ceteroqui
dictum inaudierat, Chriſto ad inferos descenden-
dente, continuò in fugam ſe malos Dæmones
conieciffe, ſub inferorum infima penetralia itu-
ros, modò a tam inuiſæ potentiæ conſpectu ſub-
ducerentur: Plùs enim inuida pectora tantæ ful-
gor maietas vrebatur, quàm ipſi met ignes fer-
uentiſſimi tartarorum. Quam ob rem quoties pia
fœmina ad ſacram in templo menſam accedebat,
memor cuius potentiæ Regem coram haberet,
ſubrectis horrore crinibus toto corpore præ timo-
re, ac tremore concitabatur: tametiſi tremor ille
membrorum animi exultationem non cohiberet,
ſed inuitaret, concitaretque, quippe intelligentis
tantam potentiam, idcirco ſibi occultari, vt eius
opes capere, ac prædari non dubitaret. Deni-
que tam vehementi gaudio ſe tunc perſuſam ait,
vt parem ſe illi non futuram diceret, niſi ſupernâ
virtute is ipſe, qui gaudium attulerat, recepturum
pe-

pectus roborasset. O quanto igitur, coniectare
 licet, amabilissimi Iesu mens, atque animus spe-
 ciosior fuerit, atque ad aspectum iucundior, cu-
 ius vilissima corporis portio e cœno ficta intuen-
 tium ptacordia voluptate disrumperet! Atqui ad
 huius exemplum imaginis nos emendandos, &
 conformandos Paulus in cœlesti patriâ significat;
 Ad Rom. 8. *Quos præsciuit, inquit, & prædestinavit conformes fie-*
 29. *ri imaginis filij sui.* In quam eandem sententiam
 Diuus Leo Pontifex Maximus causam diuinæ illius
 in Thabore metamorphoseos explicuit: postquam
 Sermon. 2. *enim id eo prodigio actum dixit, ut de cordibus*
 De Trāfig. *Discipulorum Crucis scandalum tolleretur, hæc verba*
subiecit; sed non minore providentiâ spes sanctæ Ec-
clesiæ fundabatur: ut totum Christi corpus agnosceret,
quali esset commutatione donandum, ut eius sibi ho-
noris consortium membra promitterent, qui in capite
præfulsisset. Qua propter si pulcherrima Christi
 species ita aliquando sui spectatores abripuit,
 eandemque credimus a cunctis beatorum spiri-
 tum corporibus, tanquam a totidem speculis
 exprimendam; quanto validiùs vniuersa omnium
 pulchritudo nostras mentes abripiet, ac torrente
 voluptatis suæ potabit, inebriabitque?



CA-

CAPVT NONVM.

De Animi in Cælo pulchritudine, ac dotibus.



Nimi pulchritudo tantum supra corporis formam excellit, quãtum ipse animus supra corpus: ad eam tamen mentis oculis subiiciendam nulla e totã rerum vniuersitate succurrunt exempla. Quæcunque in oculos cadunt, tametsi longè pulcherrima, fœda sint, si cum animo de formâ contendant, nec digna, quæ in similitudinem assumantur: quamquam & ipsa exemplorum inopia satis superque declarat, animi esse sine exemplo pulchritudinem. Latet quidem, qualis sit cœlestium dignitas animorum; liquet tamen, si eam intueri fas esset, plus ad eius amorem nos exarsuros, quàm ad cunctorum simul, quibus singulis flagrant mortales, corporum venustatem. Verùm dotes nonnullæ e sacris litteris, ac Patrum auctoritate promendæ; vnde nec dum agnitâ formâ sagittæ veniant ad excitandum amorem acutissimæ.

Prima inter dotes, quibus immortales animi
dita-

Prima ani-
mæ coslu-
telligentiæ
perspicacia

dicabuntur in Cœlo, eximia erit intelligentiæ perspicacia, ac perfecta rerum omnium, quæ intra naturæ fines habentur, comprehensio. Vix enim animus e corporis ergastulo in lucem illam beatissimam excedet, cum subito eius intelligentia, cunctis naturalium rerum imaginibus instruetur, quarum beneficio momento addiscet quidquid artium, ac disciplinarum humana solertia peperit, & quæcunque plura nec dum explicata reliquit. Quandiu in hoc obscurissimo corporis carcere mens detinetur, nec se ipsa dignoscit, nec rerum externarum per sensuum rimas illabentium aliud obtinet, præter inquietam plenius eas agnoscendi curiositatem. At ubi de corporeeducta Dei sapientiam coram inspiciet, eamque, ut inquit Augustinus, *de ipso suo fonte, potabit*, cuncta liquiddiscet, & quæcunque hîc dubia illi fuerint, sua veritate, suoque vultu micantia spectabit. Quâ in re mirum planè fuit diuinæ Providentiæ consilium, quæ magnam primùm nobis indidit rerum cognoscendarum cupiditatem, tum plurimas de rebus omnibus quæstiones nobis implicuit, ut quo studio ad earum explicationem, eodem ad primam Veritatem, unde reliquæ fluunt, niteremur. Ibi quoque mens nostra sinus suos in immensum laxabit, sic, ut non vna, aut altera cogitatio, uti hîc fit, occupet vniuersam; verùm vno tempore quam plurima audire, de singulis cognoscere, ac sententiam ferre possit, absque eo quod

quod confluentium rerum multitudo ad singulas attentionem diminuat. Huius rei documentum capere licet e sanctissimis illis hominibus, quorum celebrandæ memoriæ festos dies catholica indixit ecclesia. Illorum enim ad pedes toto orbe terrarum Christianus populus quotannis festâ luce frequentissimus accidit, singuli suas preces, ac postulata ferentes: idque ex eiusdem Ecclesiæ, & Patrum institutione docentium, preces illas a beatis Mentibus perspicuè cognosci, curari, examinari: si malæ sint, & perniciem impetrantibus allaturæ, vacuas dimitti; si vtilis, & profuturæ, vel continuè impleri, vel pro rei opportunitate differri. Haud tamen (vide prodigiosam capacitatem) tam multa interim negotiorum, tam attenta procuratio, parte vllâ vel minimâ beatæ tranquillitatis mentes illas felicissimas fraudat. In hanc autem amplitudinem mens quoque nostra laxabitur, vbi Deus illam ingenti supernarum rerum magnitudini capiendæ accommodabit.

Hanc propè immensam intelligentiæ vim par memoriæ felicitas, obliuionis prorsus ignara, comitabitur. Cuncta siquidem in Deo, qui est rerum omnium exemplar, & forma, contemplabimur: quare diuinâ planè vtemur memoriâ, quando ipsamet Dei memoria nobis communis erit, nostroque semper respectui patefacta. Suâ quoque tamen naturali perfectione facultas ista do-

Secunda,
animi dos,
memoriæ
felicitas.

T t

na-

nabitur, quanquam fortè non alium vsum habitura, nisi quem multæ nostri corporis partes, veteri solutæ ministerio, ad miram operis structuram, atque inde diuinum Artificis ingenium commendandum.

Tertia animi dos, perfecta libertas, & in cupiditates imperium.

Voluntas quoque suam ibi coronam, quam hic supra ceteras facultates primi Parætis fraude perdidit, recipiet: gaudebitque plurimum excussisse iugum libidinum, iisque illud tantâ cum arbitrij libertate reposuisse, vt nullus earum motus, nisi ad suum præscriptum, sit in posterum excitandus. Imò nec profectò maiorem dixerim ipsi rerum Arbitro futuram libertatem, quando eò nostra voluntas peruenerit, vt diuinam prorsus induerit, nihilque libentiùs, nisi quod Deus ipse, voluerit. Verùm hæc dona perexigua sunt, ac propemodum nulla ad alia, quæ mox sequentur, naturæ meritum, ac vota prorsus exuperantia.

Quarta Lumen gloriæ

Tria igitur præterea potiora dona nostras in Patriâ mentes locupletabunt: quorum id primum erit, quod Patribus lumen gloriæ nuncupatur, nempe vis quædam intelligentiæ insita, cuius operis mentis acies ad infinitum diuini vultus fulgorem contuendum roboretur. Huius autem Luminis beneficio Diuinæ Naturæ bona vniuersa, non vt pompam aliquam simplices spectatores, sed vt hereditatem filij cernemus. Quemadmodum enim ea, quæ sub sensus cadunt, sola sensuum perceptione

ptione possidentur, nempe species visu, cantus auditu, sapor gustu; ita quæ sensibus ignota soli mentis intelligentiæ patent, solâ mentis perceptione, & comprehensione obtinentur. Quare cum Lumen gloriæ diuinitatis comprehensionem donet, donat etiam possessionem: proinde non tam ex eo quod est (tametsi valde gloriosum, mentis indumentum sit) quàm ex infinitis bonis, quorum in possessionem nos mittit, existimandum: ad eum fere modum quo regij capitis diadema, licet magnum per se sit hominis ornamentum, non inde tamen præcipuum sui pretium habet, verum a regijs opibus, ac potentiâ, quarum per illud datur, & indicatur possessio. *Al-* Quinta Caritas perfecta,
 terum donum, quod hoc lumen, tanquam suus ardor, comitabitur, perfectissima caritas erit, per quam Deum pro modo comprehensionis diligemus, & pro modo dilectionis de eius comprehensione, ac possessione gaudebimus. Caritati autem par erit diuinæ pignus amicitiae, quod tertium donum est, & Gratia Theologis dicitur, eo quod animam ornatu suo gratam, atque amabilem diuinis oculis exhibeat: idque modo tam eximio, vt quilibet vel minimus gratiæ ornatus cuncta simul naturæ ornamenta ad inducendum formæ decus exuperet. Tunc autem coram intuebimur, quod nunc docentibus Patribus credere oportuit; quamlibet huius gratiæ particulam (idem de gloriæ Lumine, & caritate dictum in-

T t 2

telli-

Sexta donum gratiæ,

tellige) tantum nobilitate, & pretio ceteris omnibus, quæ natura tulit, excellere, vt cuncta naturæ bona in alterâ libræ parte suspensa nullius momenti instar ad gratiæ pondus obtineant.

Diuinæ gra-
tiæ animâ
ornâtis pre-
tium.

Quantum autem quæque animarum eiusdem gratiæ decore exornata niteat, discere licet primum e Catharinæ Senensis sanctissimæ Virginis testimonio, quæ hominis cuiusdam animam diuinâ gratiâ præfulgentem aliquando conspiciat, illico præ immenso eius amore, & gaudio semianimis concidit: mox, vbi sese collegit, Raymundo suæ conscientiæ arbitro testata est, eam esse animæ diuinâ gratiâ præditæ pulchritudinem, quam si ipsi spectare semel liceret, haud dubiè dignam putaret, cuius pro salute mille mortis discrimina, cuncta item corporis incommoda libens, gaudensque subiret. Deinde ex ipsius gratiæ præcipuo munere, quod est peculiari quâdam ratione tam arctè Deum vnâ cum piorum animis coniungere, vt si ob suæ naturæ immensitatem intra illos non esset, esse deberet ob gratiæ coniunctionem. Quo etiam fit, vt verè per eam diuinæ efficiamur consortes naturæ: & non modò Dei præpotentis amici, verùm etiam filij: nec externâ solùm alienæ voluntatis adoptione, sed intimâ quoque diuinitatis communicatione, atque adeo dij meritò nominemur & simus. Quid ni enim meritò deus ille dicatur, qui adiunctam sibi habeat diuinitatem, quando non secus quem-
piam

piam sapientem, aut fortem, aut temperantem dicere consueuimus, nisi cui adiunctam nouimus vel sapientiam, vel fortitudinem, vel temperantiam. Quin etiam in sacris litteris Deus ipse Deos appellat, quibus suam gratiam, seque illà obligatam impertijt. Quis autem verbis consequi valeat, quàm ingenti gaudio Beatorum animi exilient, vbi se apud rerum Dominum tam gratiosos contemplantur, vt non solùm in nomen, verùm etiam in ipsa diuinitatis bona omnia, sese adoptatos inspiciant.

Nec minor erit, quę profluat a Caritate voluptas, vbi per eam summum Bonum coram spectatum, ac veluti in manu positum, Beati complectentur. Est enim amor gaudij omnis origo, quod tamen quantum erit in Patriâ e conspectu, complexuque diuinitatis, illustriùs declarabit insequens de huius vitę caritate disputatio: vbi quanta voluptas ex imperfectissimâ hâc aduersus Deum, solâ fide, atque auditione notum, caritate descendat, palâm fiet. Interim alia duo ex utroque memorato antea dono gaudia raptim attingo. Alterum e gratiâ manabit ob hoc, quod se quisque perinde gratum beatorum ciuium reliquis, amabilemque spectabit, vt si pars non exigua foret alienę felicitatis. Omnes enim aduentantem amplexibus excipient, constringent, fouebunt, osculabuntur, nec ab se illos propemodum diuelli posse conspiciet. Quidquid autem e
pro-

Voluptas
e caritate
descendens.

propriâ formâ, aut amabilitate in alios voluptatis fundetur, repercussî more luminis, in auctorem redibit: erit enim vtique voluptari, voluptati esse. Alterum e caritate descendet, quâ summâ, & pari ac se ipsum, vnusquisque ceteros diligit: vnde fiet, vt Beatorum quilibet, non suâ solûm felicitate, sed etiam alienâ felix futurus sit; & liuoris expers omnium gaudio gauisurus. Erit enim ibi amor absolutissimus, proinde longè maior, quàm hîc sit quælibet vel summa Matrum in liberos beneuolentia, quæ tamen cum inuidiam omnem excludat, argumento est, multò magis eandem a mutuâ illa Cœlitum beneuolentiâ exclusum iri: quis enim suis bonis inuideat, aut quis non inter sua suorum bona connumeret? Adde, mutuum illum amorem, mutuò fore perspicuum, non vt hîc perpetuò suspectum, vt qui perpetuò lateat in pectore, nec indicia proferre possit, nisi mendacij sæpè conuicta. Caritas ibi *aurum*

Apoc. 21.
16.

mundum simile vitro mundo, nempe ad imum vsque conspicua, quæ proinde omnes tollet inimicas amicitie suspiciones: nec timor erit, aut suspicio, ne quando desitura sit, aut in odium euasura: nam vbi aut corporis venustas, aut animi dignitas morbo nullo, vel senio deflorescet, non est, vnde amoris in odium corruptela pertimescatur.

Quæ bona
gloriz lu-
men beatis
exhibeat.

Nunc verò quæ bona nobis cœlestis gloriæ Lumen exhibeat, paulo diligentius exequendum, vt quod inde gaudium sequatur, cognoscamus,

&

& spe, quantum possumus occupemus. Cetera bona, quibus potiundis hoc lumine opus non est, maxima quidem sunt, atque eiusmodi, ut ijs comparandis nullum non vile pretium fuerit: at bonum illud, in cuius possessionem eo lumine inducimur, infinitum erit, quod cum per se dare queat gaudium pariter infinitum, tantum cuique dabit, quantum quisque plurimum capiet. Duo autem bonorum genera beatis mentibus Dei conspectus aperiet, Honestum, ac delectabile. Honestum dico, quod tale est, ut detractâ omni utilitate, sine ullis præmij fructibus, per se ipsum possit iure laudari: suâ propterea pulchritudine experendum, nullum licet inde lucrum emergat: Delectabile verò, quod causâ voluptatis expetitur. Illud amicitie materia est, propterea gaudij maioris, utpotè e magis puro, ac proinde magis ardenti amore confecti. Hoc Cupiditatis, seu, ut hodie loquimur, Concupiscentie, atque idcirco oppositâ de causâ minoris gaudij materia est: prius autem de bono delectabili agendum hic erit, ut eximia eius ostensa magnitudo alteri excellentiori bono veluti basis attollendo deferuiat.

Principiò illud in animum inducendum; diuini in Cælo Numinis conspectum non quemadmodum hic rerum ceterarum contingere, ubi quidquid cernimus, extra nos est, & sui vicariam imaginem in oculos nostros immittit, absque eo quod vnquam res ipsa oculos intret: verum Deus

men-

Matt. 25.
21.

Modus
terrenis bo-
nis celestia
contēplan-
di.

mentem penitus intuat, eique intimè iunctus simul sese percipiendum tradit, ac possidendum. Hoc illud est; *Intra in gaudium Domini tui*, quod seruo fideli promittitur, communem scilicet fore illi cum domino suo gaudij materiam: nam quidquid bonorum in se infinita dei bonitas claudit, cum famulo in amicitiam euecto ex ipsis amicitiae legibus communicabit. Sume eorum bonorum specimen in tenui aliquâ voluptate, eamque ubi videris in Deo sine modo augeri, ac diuinam fieri, de reliquis non sine magno ob expectatam communicationem oblectamento, aestimabis. Exemplo sit odoris voluptas, innocens illa quidem, atque innocentiae merito ad coelestes voluptates piorum mentes attollens: quanta eius in Caelo copia futura sit, ita licet expendas. Cogita quaecunque odoramenta siue e floribus, siue ex arborum ramis caesa cute lachrymantibus, siue e vario vnguentorum genere expirantur, a Deo Optimo Maximo cuncta fluxisse, nec inde fontem exhaustum, aut imminutum, sed eque, ut antea, plenum, ac redundantem. Cogita rursus, qualis foret suauitas, si quae toto terrarum orbe dispersa sunt eiusmodi odoramenta, quaeque a mundi exortu haecenus prodire, siue in finem usque prodibunt, simul colliquata, & a noxijs capiti halitibus repurgata, in vnum aliquod conclaue spiraculo inducerentur: Tum animaduerte, suauitatem hanc omnem penes Deum eius auctorem

rem reperiri, qui illam fundendo non perdidit, eo pacto, quo sol perpetuâ suæ lucis in vniuersum mundum effusione nullum sui luminis detrimentum capit. An non hæc sola odoris vbertas beatum, si quis eâ fruatur, efficiat? At qui pro nihilo hanc duces, si iterum reputes, alios posse infinitos mundos a Deo procreari, & pari odore perfundi: profectò habeat necesse est, quæcunque posset illis odoramenta tribuere: hoc est infinità omnis generis odoramentorum copiâ circumfluat, necesse est. Denique neque hæc infinitate finitur diuinæ suauitatis affluentia: nam illa omnis vtcunque maxima, atque infinita partim effecta est, partim effici potuit: at in deo sublimius aliquid inest præterea, quod diuinum odoramentum, siue ~~est~~ ^{est} dicere possumus, unde suam res omnes odoratæ vim participant, nec gigni id potest, & infinitis partibus, cuncta, quæ hîc gignuntur, exuperat.

Simili viâ, ac ratione indagabis, quanta ceterarum rerum iucunditas in sinu Diuinitatis abscondita pijs mentibus asseruerur, eâque deprehensâ exclamare iuuabit; *O quàm magna multitudo dulcedinis tuæ Domine, quam abscondisti timentibus te.* Verè magna multitudo dulcedinis, quanquam vnus & singularis; quia vna diuinæ amabilitatis dulcedo reliquas omnes, quas hîc dispersas inquirimus singulariter complectitur. Verùm de infinità Dei amabilitate diligentius postea. Nunc

Pl. 30. 20.

Cur Beatis nulla ad peccandum libertas.

Modus diaboli tentamēta superandi,

tantum aduerte, quid sit, quod Beatis in Cælo summam ceteroqui libertatem adeptis (quid enim in rerum omnium fastigio non summum?) nulla tamen ad peccandum libertas futura sit, hoc est, nulla libertati ad perniciem sibi inferendam potestas. Non utique in causâ erit vinculum aliquod, quod voluntatem quasi insanam cohibeat, cum hæc nunquam tam benè sana, nunquam tam sublimi sapientiâ, quàm cum diuinâ, proximè illam intuendo, & consulendo, utetur. Causa igitur ea vnica, vel certè potissima erit, quia quicumque se peccatis obstringunt semper ad aliquid voluptatis, e culpæ sordibus eruendum, aspiciunt: quemadmodum autem fieri nequit, ut qui lucrum sequatur, delatâ optione, vel aurei montis, vel vnus duntaxat ex ære oboli, hunc illi de avaritiæ consilio præoptet; ita longè minùs fieri potest, ut qui sequatur oblectamenta, datâ optione vel infinitæ voluptatis, quâ Deus sibi, suisque intimis affluit, vel tenuissimæ inquinatissimæque, quæ de nequitia elicitur; Deo relicto ad hanc sese studio voluptatis conuertat. Neque inde lædi censendum, sed instrui, & perfici, adiunctâ ratione, libertatem, quæ ratione, consilioque sublato, funditus perit, & in insaniam, ac temerariam licentiam corrumpitur. Hinc etiam documentum habes, quid tibi facto opus sit ubi a malo Dæmone ad aliquam Deo inuisam voluptatem alliceris: noli in eam oculos conijcere, qui facillè capiuntur, rebellan-

bellantque: sursum illos attolle, vbi ipsam illam voluptatem à culpæ sordibus expurgatam, & in immensum auctam in pelago omnis voluptatis inuenies. Vtere vulgi prouerbio fortè non vulgare solatium allaturo. *Quod differtur, non aufertur.* Dic Diabolo; nolo hanc voluptate carere, sed expecto, vt matura sit, vt noxiam, & tormina parituram acerbitem deponat: careo vt aucta nunquam cariturus fruar. Denique si illud tibi ingerat, dilatione præsentia eripi, dum vltiora promittuntur; dic tantò potior a te voluptatem in futurum expectari, vt iucundior tibi etiam in præsens sit futuræ expectatio, quàm instantis perceptio: præsertim si (vti assolet) cum cœlestis amittendæ timore coniuncta sit.

Alterum genus boni honesti, quod in Deo nobis sese offeret contemplandum, omni nostro lucro nos vehementiùs afficiet, & licet ab honestate, quàm à iucunditate cognominari malit, bono ipso iucundo longè iucundius est, & prima omnis iucunditatis origo. Simul enim in conspectu erit infinita illa diuinæ dignitas Maiestatis, palàmque fiet infinita potentia, sapientia, bonitas, pulchritudo vnà cum ceteris Diuinitatis honestamentis, maiore gaudio cumulabimur, quàm si plurimis, maximisque, imò vniuersis alijs voluptatibus oblectaremur. Est enim gaudium illud generis cuiusdam altioris, quod proinde ignobiliores aliæ voluptates, tametsi in infinitum excre-

De bono
honesto, in
cuius pos-
sessionem
gloriæ lu-
men indu-
cit.

scant, nunquam æquare poterunt: eo pacto quo infinitam licet equo sui generis perfectionem adiungas, nunquam ad infimi homuncionis æqualitatem perduces. Subeant nunc quæcunque hactenus de ceteris bonis animi, corporis, externis, memorauimus, incredibilis ille supernarum, sedium decor, felicissimum beatorum ciuium consortium, immensa corporis pulchritudo, pulchrior, ac prope diuina animi dignitas; vbi autem hæc omnia vnâ cum gaudio inde fluente accuratè perspexeris, succurrat, Beatos in Patriâ tantò magis Deum, quàm sese diligere, vt quodlibet vel minimum diuinæ gloriæ incrementū infinito suo periculo, ac sempiternâ calamitate redimerent. Itaque si gaudium, quod de propriâ oritur felicitate plūs cunctis mundi delicijs Beatos oblectat, quale erit oblectamentum, quod a diuinæ conspectu felicitatis oriatur? Equidem certissimè illos præ gaudio ad conspectum diuinitatis morituros censuerim, nisi ad fortem, mortis instar, dilectionem, tanti gaudij causam, pectora immortalitate præmunita gestarent. Chilonem Lacedemonium perhibent incomplexu filij Olimpiæ coronati, præ ingenti lætitiâ animam efflasse. Fæminam item Romanam, Liuius est auctor, viso filio incolumi, quem mortuum apud Cannas diù crediderat, luxeratque ex insperatâ iucunditate protinus obiisse. Quis dubitet, quin caritas Beatorum multis partibus vehementior futura sit quâlibet inter nos paternâ,

ma-

maternâue aduersûs filios beneuolentiâ. Si igitur tanta huic beneuolentiæ vis, vt ob natorum prosperitatem animum a corpore, quasi ad contemplandum, & gratulandum auocauerit, abstraxeritque, quantò id magis præstare valeret ardentissimus illæ supernæ caritatis ignis, non humano, sed diuino spiritu afflatus, si ad infinitæ pulchritudinis speciem contemplandam fruendamque secedere animus a corpore necesse haberet, nec illam secum intimè coniunctam, ac resectam teneret? Quin etiam de nonnullis Dei amicissimis scriptum legimus, eos solâ amoris vi, quâ illum hic deperibant, e viuis abiisse: quod potissimum de Virgine Deiparâ, eâ ipsâ post obitum testante, proditum est: quodque nec proditum vltro crediderim, cum vix adducar, vt credam, tandiu illam cum tanto amoris incendio in vitâ permanfisse: hoc certè prodigium fuit, non illud. Quantò igitur diuinæ pulchritudinis aspectus validior, quando sola eius fama fuerit ad necem inferendam, tam valida?

Hæc sunt, quæ spem nostram iucundissimè alunt, & alimento quidem viatoribus peropportuno; vt quod non solùm vires, sed etiam animos, ad prosequendum iter sufficiat. O stultissimos mortalium (non possum, quin fortiter contra negligentes, ac suæ cœlestis originis oblitos exclamem) quos sæpè, vt terram hanc elementorum fœcem, atque Erebi corticem contemplantur, longinqua,

ac

Exl. 6. reuel. S. Brg. c. 62. apud P. Ant. Spinnell. c. 9. n. 19.

ac periculorum plena itinera obire non piget; piget tamen Cœli intima, vel solâ cogitatione, penetrare: vbi decor omnis, & pulchritudo, & honestas, & iucunditas, & bonum omne, quod cupere possumus, quod cupere ignari non possumus, efflorescit, & viget. Pudeat tam sordidi ingenij, quo admissi ad regias hasce ædes spectandas, in stabulo, vbi vniuersi Rector ac Princeps suas omnes belluas detinet, læti consistitis, nihil curantes regium conclaue, regia ornamenta, Regem ipsum infinitâ maiestate nitentem intueri, atque intuendo vnâ cum vniuersâ eius opulentiâ potiri.

CAPVT DECIMVM.

De Caritate aduersus Deum:
Quantum sit in illâ præsidij
ad beatè viuendum.



Peruenimus ad præcipuum, vberri-
mumque nostræ felicitatis fon-
tem, qui caritas est, siue in ^{potius}
nos per caritatem influit: hæc
enim vinculum illud perfectum, ^{et}
quo Deo astringimur, vnde
omnis nostra felicitas seu præ-
sen-

sentis, seu venturæ vitæ originem ducit. Siquidem inde vt benè, & beatè simus expectandum est, vnde habuimus, vt essemus: nempe quo ex agro oritur germen, ex eodem viget, ac floret suoque fructu feliciter coronatur. *Letetur Israel in eo*, Pl. 149. 2. *qui fecit eum*, ait regius vates: perinde ac diceret; Nemo nouit perficere, nisi artifex ille idem, qui facere: nemo vitam lætam tribuere (id nempe est illam perficere) nisi qui vitam. *Si quis diligit me*, inquit nostri, nostræque felicitatis Auctor, *sermonem meum seruabit, & Pater meus diliget eum, & ad eum veniemus, & mansionem apud eum faciemus*. Ad quam vocem clamat Bernardus Claræuallensis; *Beatus, apud quem mansionem facies, Domine Iesu: Beatus in quo sapientia ædificat sibi domum*, Quid ni autem ille beatus, ac felix, qui clausum in pectore suo, sibi que vni amicæ communicatione reſeratum habet omnis felicitatis fontem? Duplici autem viâ ad nos iucunditatem suam effundit caritas pro duplici, quo fungitur munere, altero Deum nobis conciliandi, altero pares, gregalesque nostros. Magnum quidem nostræ mortalitatis inopia rerum plurimarum indiga, in vitæ societate præsidium obtinet, solatiumque: ibi enim & bonis donatur alienis, & malis alleuatur suis, alijs ad nostra onera humeros accommodantibus.

Caritas in
proximos
quam iucunda.

Quo autem societas coheret magis, hoc & bonorum communio maior est: proinde christiana

ca-

2^a ad Cor.
6. 10.

caritas cum ceteros mortalium, tanquā Dei filios ar-
ctissimo amicitiae vinculo nobis astringat, in eorum
omnium, veluti amicorum, fortunas nos confor-
tes admittit: & ut nobis nihil præter amorem,
suppetat, quod partiamur in alios, hic vnus nos
cunctorum opibus affatim locupletat. Quid de-
fuit Paulo *nihil habenti*, ut ipse ait, & *omnia possi-*
denti? quid reliquis idem vitæ institutum, hoc est
summam inopiam summā cum caritate coniunctā,
fecutis? Quocunque venirent, nonne amicos, &
Christi sanguinis coniunctione propinquos, &
Christianæ caritatis nomine proximos, inuenere?
nonne hi pro se quisque illos in domum suam
certatim inuitare, cogere, officijs omnibus obse-
quijsque curare conabantur? An non hanc vni-
cam a populis molestiam viri sanctissimi habuere,
ut magno numero alios super alios confluentes,
& alloqui, & prensare cupidos summoerent?
Quid est autem in vitā inter humana lætius, quā
in se vnum omnium oculos, tanquam in publicæ
felicitatis causam, spectare conuersos? Certè
vulgò nihil beatius creditur, quā beatum ab
omnibus prædicari. Migrat quidem ista, proterit-
que Vir sapiens, & parū sanæ mentis putat, ex
alieno errore, si errorem credat, gaudere; at vel
contemnere non potest sinceram aliorum bene-
uolentiam, vel ipsā eius contemptione, quam ce-
teroqui Viri Principes aucupantur, solidiora Prin-
cipum aucupijs se habere solatia commonstrat.

Præ-

Præcipuam tamen iucunditatis partem e Cœlo, ac Numinis complexu caritas ducit: quæ iucunditas quanta sit. *Nemo nouit, nisi qui accipit, vti de hoc cœlesti rore loquitur Ioannes: quare, qui aliquando accepere, consulendi sunt, vt iusta de eius magnitudine, ac pretio habeatur existimatio. Multa eorum exempla protulimus, vbi de Fide, ac spe egimus, qui hac cœlesti vnctione delibuti intrepido, lætoque vultu lætamentum cum teterrimis mortibus subiere. Eadem huc omnia pertinent, cum nec spes, nec Fides chrisma illud gaudij cœlestis exudet, nisi Christi complexu, & caritate fecunda. Nonnulla tamen hîc subiicienda sunt, quæ præcipuo quodam, ac peculiari nomine diuinæ caritatis oblectamenta declarent. Primùm sanctissimus ille Ecclesiæ Edessene Diaconus Ephrem cum vehementi aliquando æstualet diuini amoris incendio, præ nimio, ac pectoris angustias rumpente, gaudio clamasse fertur; *Recede a me Domine parumper, recede a me, quia vasis huius infirmitas ferre non potest. Videbatur scilicet euangelici illius consilij Auctorem suum bonus senex commonere, ne in vtres veteres, ac fatiscentes feruidum, & recens vinum illud immitteret, ne cor, quod lætificare cœlestico nectare niteretur, disrumperet. In eandem ferè sententiam clamare sæpiùs coactus dicitur Indiarum Apostolus Franciscus Xauerus, quem persèpè nostræ societatis Patres Coq̃ obseruarunt,**

Maiores caritate
Deum iucunditas,

Xx

no-

noctu in horto deambulante runicâ pectus nudare solitum, ac post longum silentium hanc tandem vocem emittere; *satis est Domine, sat est*: idque eo sono veluti e læto flebili, vt facile significaret, tantâ lætitiâ pectus oppletum, cui capiendæ locus, nisi rumperetur, deesset. Idem interdum e cætu, & publico sese subduxit, immensam gaudiorum vim secus occultare inualidus.

Iucunditas
caritatis do-
lores exu-
perans.

Quam tamen vim nihil æquè manifestavit, ac longum illud quingentorum millium iter, glacie, ac lapidibus asperum, quod Amangucio nudis pedibus Meacum vsque confecit. Cum enim oculi animo Cælum obeunti famularentur, ex eoque etiam aspectu lachrymis (cœlesti scilicet imbre a beatis illis sedibus defluente) maderent, itaque sæpiùs per viam inobseruatam offenderet; tanta vis erat supernæ lætitiæ, vt sine vlllo sensu crura, & pedes fauciaret, eosque vndique cruore fluentes non antea animaduerneret, quàm in diuersoria receptus ab hospitis, aliorumque occurrentium horrore, ac stupore commoneretur.

Lachrymas
ipsas iucun-
das efficit.

Hâc vero in re illud maximè mirandum occurrit, non modò corporis dolores, verùm ipsius animi, eosque ad vberimas vsque lachrymas exprimendas grauissimos, si e diuinâ caritate oriantur, summo animum ipsum dolentem, lugentemque gaudio complere. Huius rei fidelis ipse testis adesse possim, vtranque & patrantis, & flentis scelera conditionem expertus. Quoties enim ea re-

cor.

cordatus effudi in me animam meam propè in lachrymas eliquatam, tantum solatij cæpi, vt non modò ipse sese dolor abundè consolaretur, verùm etiam sæpiùs ad locum, precesque redirem, vnde tam dulcis latex effluxerat. Quod cum aliquando minimè succederet, tunc enim verò consolatore indigebam, qui mihi nimium lachrymandi desiderium componeret, & siccas æquè ac madidas preces Deo gratas esse monstraret. Testes mihi superos inuoco; Omnis ex animo meo rerum humanarum voluptas excidit, vbi fletus illius dulcedinem sensi. Inde autem vehemens excitata cupido, inter religiosos cætus Deo vitæ residuum deuouendi, illud scilicet reputanti; si ipse Dei domesticorum dolor vel amarissimus cunctis mundi voluptatibus præstat, qualis erit eorum sine dolore voluptas? Quod si causam miræ huius inter tam aduersa concordie fletum videlicet, eumque e summo animi dolore prodeuntem, gaudiumque indagare aliquando libuit, hæc mihi (an vera aliorum iudicium esto) succurrit. Eam nimirum esse nostre aduersus Deum caritatis vim, vt & dolere vsque ad lachrymas cogat de antiquà immensè pulchritudinis iacturâ nostris offensionibus factâ, & gaudere magis de nouâ præsentis, ac pectus inhabitantis ob redditam amicitiam copiâ: quare cum vna caritas & lachrymandi, & gaudendi causas menti simul obijciat, hæc simul in lachrymas, simul in gaudium erumpit: at gau-

Causa dulcedinis lachrymarum.

dium, vtpotè longè maius pro ratione propin-
quioris causæ (fletus enim de Deo absente est,
gaudium de presente) ita suâ dulcedine lachry-
marum acerbicatem mitigat, vt menti suauissimas
reddat, ac veluti in oxisaccarum, salubre pariter,
ac iucundum, condiat. Quam ob rem cum præ-
cipuam eius gaudij affluentiam non lachrymæ pa-
riant, sed caritas, quæ nobis infiniti boni, ac di-
uinæ pulchritudinis copiam restituit; non est, cur
de lachrymis exiccatis mœreamus, modò amor
maneat, vnde solidior, & minùs fluxa voluptas
existat. Adijciunt tamen lachrymæ ipsæ gaudij
nonnihil, vt quæ nostram scelera detestantium
meliozem mentem nobis ipsis aperiant, & diui-
nam nos in amicitiam restitutos testentur: Si qui-
dem Dei iactura agnosci, ac desleri nequit, nisi
ipse iterum præsens quanta fuerit eius iactura,
demonstret. Itaque delent piæ lachrymæ maculas
e quarum intuitu prodire, deletisque maculis &
nostram nobis formam restituunt, & formæ diui-
nam benevolentiam, nostramque ex eâ gratula-
tionem, & gaudium. Vnde vnde tamen eiusmodi
gaudium enascatur, cum semper pias lachry-
mas comitetur, illas nobis ita commendat, vt ex-
perto cuique, quod olim Augustino, dicere liceat,
*Dulciores sunt lachrymæ orantium, quàm gaudia thea-
trorum.*

Liquidissima igitur, ac cœlesti proxima voluptas
est, *Deum totius consolationis summo caritatis vin-
culo*

culo amplecti. Eo enim se nomine Deus ipse in
 sacris litteris vocat, vt vno vocabulo significet,
 & in se omne solatium, & nullum extra se repe-
 riri. Summam autem caritatem voco, quali præ-
 ditus fertur, (vt nonnullos ad exemplum profe-
 ram) beatissimus ille Philippus Nerus, cuius cor
 diuino complexu vsque adeo æstuauit, & præ
 lætitiâ exiliit, vt binas costas suo pulsu, tripudio-
 que periruperit. Quis mente consequi valeat,
 qualis amor, quales deliciae tripudium illud indi-
 xerint? Hoc vnum nouimus, sæpè Virum san-
 ctissimum ab ijs, qui illum conuenerant, tantâ
 repertum attentione interiori diuini aspectus sua-
 uitati vacantem, vt nullo vocis strepitu, nullo
 corporis concussu, aut vellicatione reuocari pos-
 set. Quis pariter exponere queat diuinos præ-
 clarissimæ Virginis Theresiæ amores, vbi Angelum
 ignito supernæ caritatis iaculo sibi pectus trans-
 uerberantem sensit? Induerat nempe Angelicam
 speciem is, qui *Speciosus formâ præ filiis hominum*,
 suam minùs explicasset, si communem cum filiis
 hominum formam præ se tulisset: Nec alio gla-
 dio accinctus, quàm quo sibi orbem terrarum su-
 begit, *specie scilicet suâ, & pulchritudine suâ*, nec
 alijs vsus sagittis, quàm quibus *populos sub se ca-*
dentes vidit, nempe incensis suæ pulchritudinis ra-
 dijs, quibus ita virginis præcordia transfixit, vt
 ceteris rebus emortuam soli amoris vulnere vi-
 uam, eoque vno sensu superstitem reliquerit.

Quid

2. ad Cor.
1.3.

Fernidè 2-
mantiu
exempla.

Pl. 44. 3.

Quid beatum loquar Adolescentem Stanislaum Kostkam nostræ societatis tyronem, cuius pectus tanto interdum, vel hyberno tempore incendebatur amore, ut animo, viribusque defectus in terram delaberetur, nec nisi frigidâ pectori affusâ, & mitigato calore posset restitui? Atque id quidem diuina meditati usuuenire consueuerat; qualibus flammis, quali amoris incendio flagrasse credibile est, ubi IESVM, eumque puerili formâ pulcherrimum, a Virgine Matre sibi egrotanti, ac decumbenti allatum in sinum accepit, eique amantissimè complexo castissima oscula semel, atque iterum, ac sæpiùs impressit? optauitque, ac certè petijt, a morbo illo, non nisi per mortem, quæ tam dulces æternaret amplexus, relaxari. Si gaudium amoris par est, imò amor est ipse re dilectâ potitus, eamque præ manibus tenens; an non beatissimi Adolescentis gaudium, piarumque mentium vniuersum tale aliquid expertarum, cunctis vitæ gaudijs præstitisse censendum est, quando nullus ceterarum rerum amor, quod in tantum ardorem, ac flammam exarserit, auditus?

Æstuant quidem humanæ pulchritudinis amatores, sed ut diuino docemur oraculo, *tanquam mare feruens, quod quiescere non potest*, quodque simul fèruet, & alget: assiduo scilicet metu solliciti, pauidique, ne ex innumeris, quæ possunt impedimenta contingere, vnum aliquod interponatur, quod eorum votis officiat. Diuini amoris

VO-

El. 57. 20.

Humani, di-
nini que a-
moris col-
latio.

vota nihil est, quod possit eludere: ne formidan-
da quidem Cæsarum Romanorum potentia, cun-
ctis licet tormentorum generibus instructa, furijs
etiam agitata, ac torquere docta tartareis, valuit
vnquam de vnus pueri, aut puellæ pectore di-
lectum Numen euellere. Fides quisque Christi
amantium dicere, si libeat, potest, quod olim
pro omnibus Paulus; *Quis nos separabit a caritate*
Christi? tribulatio? an angustia? an fames? an nudi-
tas? an periculum? an persecutio? an gladius? Certus
sum enim quia neque mors, neque vita, neque Angeli,
neque Principatus, neque Virtutes, neque instantia,
neque futura, neque fortitudo, neque altitudo, neque
profundum, neque creatura alia poterit nos separare a
caritate Dei, quæ est in Christo IESV Domino Nostro.
Quemadmodum autem per hæc separari Paulus
a caritate non potuit, ita nec a gaudio caritatis
fructu, quo non modò se abundasse in medijs ad-
uersitatibus, verùm & superabundasse testatur:
Repletus sum, inquit, consolatione, superabundo gaudio
in omni tribulatione nostrâ. Quid est autem supera-
bundare gaudio, nisi omnem, quam dicimus, ac
nouimus, gaudiorum abundantiam superare?

Ad Rom. 8.
35.

Hoc præterea terrenum inter, ac cœlestem
amorem interest; quòd ille vt de amatâ pulchri-
tudine nonnihil gaudeat, multùm certè de suâ
turpitudine dolere cogitur. Est enim terrenus, ac
lutulentus amor æquè in se turpis, ac sanæ men-
ti, quam dehonestat, ingratus. Nec solùm ob
suam

suam foeditatem menti illitam amantem offendit; verum longè magis ob promerita, expectataque in futurum supplicia: quorum non ultimum erit, ut æternum carere debeat eâ ipsâ pulchritudine, cui comparandæ æternam felicitatem profudit. Amor verò cœlestis oculos amantis animi non modò infinitâ Dei pulchritudine pascit, quam illi & contemplandam, & possidendam affert; verum etiam se ipso, tanquam aureus torques pretiosam gemmam pectori appendens, magnâ voluptate perfundit. Est enim tanto animæ, cui insidet ornamento, ut non alio potius nomine diuinum, erga se amorem alliciat, quàm suo erga Deum amore. Simul e diuinâ beneuolentiâ, intimâque amicitia cuncta spei oblectamenta Caritas haurit: hæc enim spem ipsam parit, sui que partus fructibus oblectatur. Auget præterea suo calore, atque igne Fidei lumen, eoque aucto spes, & Caritas ipsa, atque ex utrâque voluptas incrementum accipiunt.

Conformitas cum diuinâ voluntate, quàm iucunda.

Verum duo sunt potissimum, quæ summam Deum amantibus asserunt vitæ huius felicitatem. Alterum est perfecta nostræ cum diuinâ voluntate consensio, per quam non velimus solùm, sed summoperè optemus, ac diligamus quidquid diuino federit arbitrio. Inde enim fit, ut cum præter diuinam voluntatem contingat nihil, cuncta semper nobis vota succedant, quando nihil ut fiat, quàm quod Numini libeat, vouemus.

Quid

Quid autem felicius obuenire potest, quàm ut omnia nobis ad votum cadant, nihil contra quàm proposuimus, volumusque: siue id sit, quòd res adueniant voluntati, siue quòd rebus ipsis voluntas: effectus vnus ex vtroque est, habere quod velis. Alterum est præstantissima quædam, eademque assidua præsentis Numinis contemplatio, in quam caritas, vbi ad summum ardoris peruenit, inclarescit. Proprium est enim ardentem amantium nunquam mentis oculos ab re amatâ diuellere. Dum cibum, dum potum capiunt, dum fabulantur, aut negotij aliquid gerunt, nunquam ex animo dilecta species elabitur: simul euigilant, ea prima cura mentem illorum occupat, ea postrema cubitum ituros dimittit, quin etiam ne dimittit quidem, nam dormientibus occurrit, solaturque somnos iucundissimum ceteroqui spectaculum non sine mœrore inuolatu-
 rum. Quòd si tanta humanæ, hoc est ex humo factæ pulchritudini, ad sese spectantium mentibus conciliandam, imprimendamque vis est; quis dubitet, quin diuinæ, cuius illa mendax idolum est, longè maior futura sit, vbi contingat, diuinam speciem paulò explicatiùs nostris mentibus insinuari. Nec te ita velim oculis credas, tuosque amores illis regendos committas, ut amabile censeas nihil, nisi quod illis arriserit. Etiam canes Dominos suos non formâ, non cultu, non vllâ oculorum illecebrâ præ ceteris amabiles, amant nihilominus

Itaque assidua Dei præsentis recordatio.

Oculis nequaquam committendum amoris regimè.

Y y

ve-

vehementissimè, tutantur vel cum vitæ discrimine, egerrimè sustinent ab eorum latere diuelli, parati semper illis blandiri etiam postquam fuste malè multati, ac propemodum ad mortem vsque contriti vix animam retinent. Itaque vltra Canū vecordiam stupidus conuincitur, quicumque oculos in amore duces sequatur, ijsque appetitionis omnis, ac fugę arbitrium committat. Trahit, inquis, pecudes illas Naturę instinctus, quę communis parens mutas quoque animantes docet, esse in homine præstantius aliquid, quod oculos lateat, & amore, ac veneratione dignum sit. Inde igitur pecude hebetior eris, si tu Naturę documenta non sentias, & agnoscentibus brutis sui Domini etiam inuisum oculis decus, ipse infinitam nostri, rerumque omnium Domini amabilitatem, altiùs nobis illam prædicante Naturá, minimè agnoscas. Verùm mittamus ista ijs, quos alloquimur superuacua: haud enim nobis propositum, sensum carentibus dare, sed habentibus fortunare, ac felicitate impertiri. Quare cum hæc altissimo quodam contemplationis genere (qui fructus perfectę caritatis est) maximè contineatur; de hoc in proximo capite differemus.



CA'

CAPVT VNDECIMVM.

De sublimi rerum diuinarum
contemplatione, in quâ ter-
renæ felicitatis pars po-
tissima sita est.



Vandoquidem quid vocabulo cō-
templationis respondeat, & quemadmodum ea obtineri,
atque exerceri queat haud
paucos latet: id quoque no-
bis aperiendum est, dum
eius thesauros recludimus, ne

Cōtempla-
tionis defi-
nitio.

diuitias tantum ostentasse velle, non tribuere vi-
deamur. Contemplatio igitur, vti ex doctissimis
Patribus liquet, sublimis quædam est mentis no-
stræ eleuatio ad res diuinas magnâ cum perspicui-
tate noscendas, & pari cum voluptate deliban-
das. Hæc finis est laboriosæ meditationis, quæ
in contemplatione tandem quiescit, sui que ope-
ris fructu gratulatur. Qui enim cœlestia, ac di-
uina diu meditatus sursum sese mentis agitatio-
ne multum euexit, ibi sæpè immobilis hæret in
agnitæ pulchritudinis admiratione, atque amore

S. Thom.
2. 2. q. 180.
Bern. de
Sch. cl.
Ric. de
arc. myst.
c. 4.

Yy 2

suspen.

Cron. l. 2.
c. 42.

suspensus, ac simile quid illi accidit, quod ijs volucris, quas Galeritas dicunt, Francisco Afisiati olim percaras, suisque Fratribus in exemplum datas: humi enim plerumque sedent, cinereum amictum vnâ cum cucullo gerunt, Factorem suum eo, quo pacto norunt collaudant: vnde fortè & Alaudas Latini, & Laudulas vulgus nostrum appellat. His autem id euenire conspicimus: vbi in sublime, quò vix obtutus porrigitur, processere, loco in vno alarum motu, ac trepidatione corpus obfirmant: ibique terrarum ima despicientes, Cœli viciniâ perfruuntur, ac datum sibi carmen in Auctoris laudem suauissimè concinunt. Haud aliter qui diuina, ac cœlestia meditantur; diù sursum mentis ratiocinio connituntur, quousque terrarum conspectu propemodum amisso, Cœloque propinqui, eius intuitu, ac rerum ibi conditarum præsentatione immoti oblectantur, suumque gaudium in laudes Conditoris effundunt. Quare meditatio ascensus est, Contemplatio quies: non ab omni quidem mentis officio, (hæc enim perpetuum agitat letitiæ gestientis tripudium) sed ab operoso nisu, quo e rebus procreatis ad Conditoris agnitionem euasit. Etenim quicumque e rebus istis tanquam e Conditoris vestigijs, infinitam eius magnitudinem altâ mente concepit, si indicto interioribus mentis sermonibus silentio, in solo Diuinitatis aspectu defixus, motus nullos, nisi admirationis,

nis, atque amoris, exerceat; iam e vulgari meditatione ad contemplationis fastigium egressus dicitur. Et quanquam contingere aliquando potest, vt sine prauæ meditationis conatu subito mens in Numinis, rerumque cœlestium contemplationem se nec opinantem sublatam videat; id tamen perrarum est, & quàm grande superum beneficium, tam suspectum immerentibus, atque affectantibus periculosum: nam qui volare nondum plumas induti gestiunt, casum non ascensum moliantur: & vt altiùs cadant, sæpè Diabolum, vt Simon ille magus, succollantem inuenient. Quòd autem diuinâ largitate, non diabolica fraude contemplatio contingat, indicio erit, vt experti tradunt, horror quidam, ac tremor contemplationem præcurrens, & rerum maiestatem denunciens, quem deinde tanta voluptas excipit, vt eorum omnium, qui experimento didicere, vna sententia sit, haud posse illam humanis verbis exponi. Affert præterea, quæ diuinitus contemplatio contingit, magnum Christianæ pietatis, ac virtutis omnis incrementum: & potissimum auget caritatis in Deum, sui que demittendi studium, quæ duo maximè coniuncta sunt, & æquo gradu progrediuntur. Contra verò diabolica fraudis certissimum argumentum est, sui in se opinionem auctam deprehendere, Deique ac ceterorum hominum, imminutam, auctumque contemptum. Pacatus etiam ingredi pessimus

Ve-

Contempla-
tio sine prę-
iura medita-
tione haud
periculo va-
cans.

Quid malū
a bonā dis-
criminet.

Greg. hom.
in Ezech. Bern.
1. de am. D.
c. 4.

Veterator solet: sed non antea egreditur, quàm sollicitatis ad defectionem cupiditatibus turbida omnia atque intestinum bellum relinquat. Illud autem hìc animaduertunt Magnus Gregorius, ac Bernardus, ingentem illam cœlestis contemplationis suauitatem haud multo tempore plerumque constare (gustus enim ibi cœlestis epuli, non plenum conuiuium datur) memoriâ tamen, quam viuïdam sui relinquit, eam diutissimè vnâ cum spe nouæ admissiõis extendi. Quam ob rem alternæ semper vel Sanctissimis Viris meditationem inter, & contemplationem vices fuere, ijs præfertim, quibus contemplatio ex meditatione quæsitâ: vt nempe alterâ deficiente nunquam aliquis diuinitatis aspectus, seu pia, ac iucunda cogitatio deficeret.

Contempla-
tio duplex:
acquisita,
& infusa.

Quâ in re gemina est consideranda contemplationis forma: Altera, quæ Theologis dicitur Acquisita; altera, quæ Infusa. Illa per formas, seu species nostro inter meditandum conatu, atque industriâ partas exercetur: Et quia non sine Phantasie opificio species ille cuduntur, nec sine labore excitantur; exerceri talis contemplatio sine vi, ac defatigatione ob euocatos in caput halitus omnes vitales, ac cetera membra destituta, non potest: nequeunt autem diù permanere, quæ violentiam habent: nisi tamen eâ sublatâ (quo id pacto fieri possit, postea docebimus) eius loco amor succedat, ad quæ spontè veniant, quæ imperium, & violentiam.

lentiam species detrectabant. Altera verò, quæ præstantior est, contemplatio, fit per species diuinitus nobis, vt Angelis solet, immissas, quæ cum Phantasiâ, nullâ cognatione, aut necessariâ societate iunguntur: quare illâ aliud agente, aut somno etiam consopitâ, munus suum obire possunt sine vllâ capitis, aut reliqui corporis defatigatione. Qui priori illo contemplationis genere vtuntur, ijs hoc euenire pronum, ac frequens est, vt sensuum officia penitus deferant, nec modò oculis, auribusque patentibus nihil sentiant, verùm ne styli quidem suffossione concitentur. Cuius rei ratio inde peti videtur posse, quia cum externæ sensuum facultates vim agendi nullam habeant, nisi de capite halitus opportunos per neruorum ductus accipiant; omnes autem eiusmodi halitus in phantasie attentissimè contemplantis subsidium absumentur, destitui eâ contemplante sensus oportet suo com meatu, sine quo vigere, ac sentire haud quaquam valent. Nonnullos etiam eâdem de causâ valde infirma sequitur valetudo: fœminas præsertim, quibus plus otij ad contemplandum, minus tamen virium suppetit, ac firmitatis: nam capite omnem ad se calorem euocante, stomachum languere, atque inde cruditates, morborum omnium alimenta, progigni necesse est. Haud tamen proinde a contemplando abstinent: imo e corporis detritu animantur magis, vt qui videant, eo pariete deiecto co-

ram

Sensuum
alienatio &
corporis in-
firmitas a
contempla-
tione acqui-
ritur.

ram habituros quidquid tantum ardoris in sui desiderium etiam stāte illo transmiserat. Illud quoque vsuuenire solet, vt quidam ex ijs toto contemplationis tempore in suauissimas lachrymas defluant; simul vt præ ingenti amore sibi pectus incendi, atque amantium in morem vbi amatos vultus conspexere, cor emolliri, ac tenerescere experiantur. His forte non adeo mens occupata est, sui que corporis oblita, vt focium, & laboris consortem inuentę iucunditatis in partem non aduocet.

Contra acci-
dit in in-
sula.

Quibus verò posterior contemplationis forma in vsu est, ijs contra accidit, vt altissima quantumvis contemplatio nec detrimenti aliquid, aut voluptatis corpori importet, nec mentem ab externi operis procuratione seducat. Quinimò quo altiùs assurgunt, eo solertiùs humana prouident, administrantque, vt qui propiùs ab oculis habeant supremum Dominum, cui in illà rerum administratione obsequi, probarique maximè student. Huiusmodi fuisse nostrę salutis Auctorem Christum, Theologi omnes asseuerant, quem quandiu inter mortales egit, nunquam mentis humane oculos a beato sue Diuinitatis intuitu, (quę præstantissima omnium contemplatio est) refixisse docent: neminem tamen interea accuratiùs humana administrasse. Idem beatis in Cœlo hominibus euenturum certa fides est, qui scilicet, receptis corporibus, suos in vsus sensus di-
mit-

mittent, tamen si mentem beatissimam Numinis contemplatione nunquam non occupatam sint habituri. Idem pariter nonnullis Sanctissimis Viris adhuc in terrâ peregrinantibus euenisse constat: Et quidem de Virgine Deiparâ Doctores confirmant omnes, quam volunt etiam in matris aluo, atque adeo in somnis sublimi contemplatione detentam. Theresia Virgo in suâ illâ, quam de rebus ab se gestis historiam descripsit, id sibi contemplanti interdum accidisse refert, ut sola mens sine vilius corporeæ imaginis usu, ac phantasie præsidio diuina meditaretur. Quorum omnium causa vna est, quod rerum imaginibus vteretur diuinitus acceptis, non sensuum, nec phantasie ministerio paratis, adhibitisque. Inde Angelico ritu animus diuina tractaret sine corporis adiumento: quare nec fatigari corpus necesse erat: nec animum sua negotia gerenti corpori, dum contemplaretur deesse. Haud enim communem naturæ vim, ac potentiam, sed eam, quam vulgò in scholis dicimus *Obedientialem* (ignoto veteribus vocabulo rem illis ignotam cogimur declarare) in huiusmodi contemplandi ratione animus impendit: proinde cunctas naturæ vires corporeis ministerijs, quasi domesticos redditus domesticis vsibus, integras seruat. Hoc genus rarò admodum mortalibus datur; quibus tamen feliciter obtigit, nullo negotio illud Christi consilium implevere; *Oportet semper orare, & non deficere*. Nullum enim defe-

Ex Suar. T. 6.
2. de Rel. l.
2. c. 16. vbi
de vita bea-
tà, sed ratio
etiam militat
pro cō-
templatio-
ne infinita.

Luc. 18. 1.

ZZ

ctio-

tionis periculum, vbi defatigatio interuenit nulla: nec defatigatio timenda, vbi non fragile corpus, sed mens corruptioni, ac defatigationi minimè obnoxia ad opus educitur.

Orandi assiduitas incensæ caritatis fructus.

Potest tamen & reliquis corporearum imaginum subsidio contemplantibus magna orandi assiduitas sine defatigatione, ac defectione contingere: vbi scilicet in magnum diuinæ bonitatis, ac pulchritudinis amorem exarserint: quanquam & huc peruenisse, magnæ defatigationis ac laboris negotium est. Qui enim feruidè amant, haud quam laborant in amatae formæ cogitatione perpetuò versari: quandoquidem vis illis adhibenda non est, vt eius imaginē in mentē reuocent: nam spontè suā subit, nec vnquam quantumuis pulsa, discedit: idcirco viris diuinā caritate præferendis non conatu opus fuit, amati Numinis, vt memoriā retinerent, sed potiùs vt tenaciter inhaerentem abijcerent, si quando id conari ob infirmi capitis tutelam a moderatoribus iuberentur, vti iussu aliquando Aloysium Gonzagam in eius vitā memorauimus. Tunc enim simul imperij vis illa exterior, quæ mentem aliò coegerat, recessit, mens ad consuetudinem, spontè suā, ac nullo impellente, relabitur. Quocirca Numen perpetuò spectabant, vt præsens, nec ob vllam externæ administrationis curam mente dimittere cogebantur. Nec enim natura tam angustos sinus in mente nostrā construxit, vt plura simul

com-

complecti non posset: imò, Philosopho teste, quoties duo ita se habeant, vt alterum referatur ad alterum, æquè necesse est ambo mentem nostram simul subire, atque in rerum naturâ simul esse: huiusmodi sunt Parens, ac natus, seruus ac dominus, atque alia id genus, quorum neutrum sine altero esse potest, aut cogitari. Atqui id proprium diuini amoris est, vt cuncta, quæ illi obuersentur, in Deum tanquam rerum omnium Auctorem referat, eique laudes, gratesque pro singularum pulchritudine, ac bonitate persoluat, nec rei aliquid moliatur nisi dilecti Numinis demerendi studio: quare quidquid mente agit, quidquid aspicit, aut manu tractat, Dei conditoris admonitio est, illum ei in memoriam continuò reuocat, cuius causâ omnia vult, molitur, & cogitat: eoque semper quodammodo orat, vt qui mentem in Deum nunquam non eleuatam gerat. Atque id est, quod antea monebamus, posse acquisitam etiam contemplationem ope amoris eximij diutiùs permanere: tametsi hæc reuerâ non tam contemplatio, quàm perpetua diuinæ præsentia obseruatio suâ non carens iucunditate, dicatur. Habent autem Viri sancti præterea stata quædam tempora, quibus a negotijs feriat æternorum contemplationi largiùs, atque impensiùs indulgeant: ac tunc potissimùm libenter sibi permittunt illam, quam supra memorauimus, a sensibus auocationem, rerumque externarum, ac

procurrationum immunitatem. Quantum autē inde voluptatis hauriant, argumento est, quod cupidissimē sese a reliquis voluptatibus abstrahant, & negotijs expediant, vt in solitudinem ad contemplandum recipiant: cui studio quā diutissimē per otium licet operam nauant. Et quia solitudo illis Cœlum quodammodo aperit, ciuitas, ac terra obtegunt; Inde Hieronymum audias dicentem; *Mibi oppidum carcer est, & solitudo Paradisus.*

Antonius Abbas solidas noctes ad lucem vsque Diuina contemplabatur: & quandoquidem Cœlo interdum aperto, & vultu in orientem versō pro veterum ritu orabat; vbi orto sole eius oculi ferirentur, conqueri de eo solitus erat, quod iusto celerius remigrasset, lucem suam oculos obcæcantem pro cœlesti, ac recreante suppositurus. Quod si interim contingat, vt sæpè fit, Numen aut superum aliquem in vota nostra descendere, seque cœlesti lumine, ac formâ radiantem in conspectum dare; nemo est qui possit affluentes ex eo aspectu, seu alloquio, seu etiam, si detur, amplexu delicias enarrare. Tunc enim verò animus corporea omnia ministeria ita deserit, vt neque an in corpore ampliùs sit, an extra corpus, ipsemet, sui quoque nedum ceterarum rerum oblitus, agnoscat, vt Paulo teste didicimus. Ignatius Loyola societatis Iesu auctor, & parens septem ipsos dies tantâ cum animi a corpore, ac sensibus alienatione cœlestia contemplando extraxit, vt vitâ fun-

Sanctorum
virorum cœ-
lestes deli-
ciae.

2. ad Cor.
12. 2.

functus a plumbis crederetur, elatusque iam fuerat, nisi astantes quidam e tenui adhuc residuo pectoris calore deprehendissent, animum haud e corpore abiisse, sed a reliquis membris ad amoris officia totum eum suis omnibus viribus in precordia conuenisse. Simul autem se sensibus reddidit, IESVM inclamare suauissimè capit, nec deinde aliud, nisi amantissimum dominum cogitare posse videbatur: quasi præ oculis, quodcumque illos intenderet, solem illum iustitiæ, quem inspexerat, circumferret. De Catharinâ senensi hoc pariter memoriæ proditum, quaternos illam aliquando dies veluti mortuam iacuisse: sibi autem ac sensibus restitutam, rogatamque a Raymundo Capuano eius Moderatore, ut rerum, quas in eo mentis excessu viderat, aliquid enunciatet; primum per dies multos collachrymasse, fletuque tacitè respondisse, aliud pro responso dare non posse, nisi lachrymas, & singultus infinitæ indices iucunditatis amissæ: ijs autem exhaustis, vnum illud dixisse, tantam rerum supernarum sibi magnitudinem, ac pulchritudinem ostensam, ut certè crederet, quascunque laudes illis in posterum tribueret, maledicta, atque execrationes sibi visum iri futuras: adeo siquidem arctam esse nostrorum vocabulorum vim, ut sine infinità laudis detractione rerum diuinarum infinitati significandæ accommodari non possint. Ad eum fortè modum (ita ego rem hanc interpre-

tor

Rerum super-
narum
laudes ma-
ledicta Ca-
tharinæ vi-
dentur.

tor) quo tamen si rusticus quispiam, cui nihil præter sua rura, ac mapalia notum, satis sibi Romam prædicari credat, si mapale illa omnium maximum nuncupetur: Viro tamen rerum humanarum peritiori summum laus ista probrum, & contumelia fuerit; ita nostra vocabula præclaras laudes significantia, quamvis nobis inopiæ nostræ assue-
 ris magnifica sint, quia tamen vim significandi ad res istas angustissimas, quibus imposita sunt, coarctatam habent, menti ad superna admissæ maximè sordida, atque indecora censentur, maledictis item proxima, contumelijsque. Quis igitur enarrare valeat, quantis virgo illa beatissima delicijs affluerit, ubi se tantâ diuinitatis æstimatione imbutam a Christo coram apparente, atque anulum digito inferente electam vidit in sponsam, audijsque Cœlitum complures, qui vna cum Dei parâ aderant, festiuis vocibus gratulantes? Carnis coniugium, quo corpora more pecudum iungimus, voluptatem habet, qualem decuit a rerum omnium Parente belluis impertiri, eiecta-
 menta scilicet nuptialis conuiuij, quo Christus sponsam animam excipit. At animæ ipsius cum Christo coniugium, cuius aliud corporeum, Paulo teste, imago est, & quasi fictile simulacrum, tanto iucundius credendum, quanto veritas suæ præstat imagini, quantoque ea, quæ Dominis apponuntur, ijs potiora sunt, quæ abijciuntur in canes. Quis rursus voluptatem aliam explicuerit,
 quan-

Ad Eph. 5.
31.

quando idem cœlestis sponſus cor eidem caſtiſſimæ Virgini rapuit, ſuo vt illud pectori infereret, ſuumque in eius locum ſuffecit, quò muui amoris maximum quiſque pignus haberet, ipſam amoris thecam, ac receptaculum? Quis denique aliam, atque aliam, quando illam amantiſſimus IESVS & legere, & characteres pingere, & latine eloqui docuit, & ſacrarum litterarum quæſtiones eidem explicuit, & veterum Patrum hiftoriam enarrauit, & cum illâ inambulans pſalmos Dau-
 didos concinuit, & denique frequentiffimè appa-
 rens quamplurima illi arcana, ſiue quæ in præ-
 ſens, ſiue quæ in futurum ſpectarent, familiariffi-
 mè, amiciffimèque retexit? Non ego miror, nec
 fortè miraculo eſſe cuiquam debet, a ſanctiſſi-
 mis eiufmodi animis tanto igne flagrantibus cor-
 pora quoque ſua in ſublime interdum elata: ex-
 perimento enim docemur, ignitam materiam ex
 alto ad ima delapſam, vbi ignis in viâ totam
 corripuit, præualuitque, ſurſum iterum flammâ
 rapiente, referri: quid igitur admirationis ha-
 beat, animum diuini amoris flammâ vndique
 comprehenſum, corpus quoque ſuum Cœlum ver-
 ſus, eius flamme locum, ſubuexiſſe?

*Cauſa rapti
 in aliū cor-
 poris in mē-
 tis exceſſu.*

Ex his liquidò conſtat gaudij huius immenſa
 propemodum vbertas: non enim illud pectoris
 noſtri natiua capacitas, cui, vt Paulus loquitur, *2. ad Cor.*
ſuperabundat, metitur, ac finit; verùm ſuperni *7.4.*
 amoris ardor, qui vt naturales rerum ceterarum
 amo-

amores exuperat (quando enim naturalis amor
 vique adeo exarsit, vt corpus hyberno coram-
 glu torreret, vt sensu, motuque illud exue-
 ret, vt flammæ impetu sursum attolleret?) ita
 gaudium parit ob dilecti Numinis præsentiam
 cunctis vitæ huius gaudijs longè præstantius.
 Quare haud dubiè asseuerare fas est, si qua
 huic quo felicitas eius angustijs accommodata
 contingat, eam certè summam in altissimâ Nu-
 minis, rerumque cœlestium contemplatione re-
 periri. Vt enim in terris nullum vitæ institutum
 propiùs est a beatâ in Cœlo vitâ, quæ tota in
 aspectu, complexuque Diuinitatis acquiescit; ita
 nullum pariter vitæ genus æquè nos de cœlesti
 felicitate participat, atque illud, quod summo
 studet Deum amore complecti, eiusque pulchri-
 tudinem quantâ maximâ potest mentis intentione
 contemplari. Inde Apostolus vbi Tessalonicenses
 monuit, vt semper gauderent, continuò orandi
 assiduitatem, quasi gaudij fontem, aperuit; *sem-*
per, inquit, *gaudete, sine intermissione orate*. Nec
 refert, vtrum per imagines corporeas contempla-
 tio fiat, an sine illis. His enim Deus opus non
 habet, nisi fortè vt nube quâdam, vel nebulâ ad
 sese menti parciùs representandum. Quam ob
 rem nihil est, cur visa sanctis quibusdam Viris
 diuinitus oblata nobis abesse queramur, aut ad-
 modum cupiamus adesse: modò eorum feruidam
 caritatem, & contemplationem æmulemur, pari
 sine

Nulla vitæ
 incensio or-
 quam quæ
 Deū ferui-
 de amari, &
 contempla-
 tum.

1. ad Tess. 5.
 17.

sine visis, atque externis eiusmodi imaginibus iucunditate, quin etiam, tanquam sine impedimentis, vberiore potiri possumus: vt sibi vsuuenisse aliquando Theresia Virgo in suâ ab se conscriptâ vitâ testatur. Illud tamen hîc fortasse cum vulgo vsurpabis; *Quis est hic, & laudabimus eum*: iamque animo concides, ratus nonnisi valde raro, & magnis ætatum interuallis tam sanctos Viros tam sublimi præditos contemplatione existere consueuisse: neque enim communia, & vulgaria esse posse, quæ communem, & vulgarem modum excedant. Audi Ioannem innumerabiles Christi martyres in tuæ spei fulcimentum labantis opponentem. *Posthæc, inquit, vidi turbam magnam, quam dinumerare nemo poterat ex omnibus gentibus, & tribubus, & populis, & linguis stantes ante thronum Dei in conspectu Agni, amicti stolis albis, & palmæ in manibus eorum. Quo in loco Nemo igitur difficile, inquit Cyprianus, putet martyrem fieri, quando videat Martyrum Populum non posse numerari. Quod si difficile putandum nequaquam est, pro Christo sanguinem fundere, eumque in summis, quandoque etiam flammarum cruciatibus, an difficile erit, pacatis rebus, nonnihil sudoris ad eius in nobis excitandam caritatem emittere? Si difficile non est Christi caritate flagrantem medijs ignibus sese tradere comburendum, an difficile erit ipsi diuinæ caritati, vim ignis mitiganti, sese tradere recreandum?*

Ad scitatis
cuimen
pertingere
nō difficile.

Apoc. 7. 9.

Cypr. de exhort. mart. c. 11.

CAPVT DVODECIMVM.

Quibus artibus diuinæ caritatis
ardor excitetur.



Vos vsus cœlestis iste ignis ad beatam huius temporis vitam cum fouendam, tum collustrandam præbeat, huc vsque declarauimus: reliquum est, vt quibus artibus is nobis excitari queat, breuiter exponamus. Tria sunt

quæ nostrum aduersus alios amorem plurimum euocant: Primum est illorum amabilitas, alterum amor, quo nos prosequuntur, tertium beneficia, quibus afficiunt. Ex singulis in Deum relatis infinita huic igni excitando materia suppetet. Loca hæc tamen, in quibus ea materia quodammodo asseruatur, indicasse contenti erimus, a longiori expositione abstinentes, vt quisque norit, vnde sumere meditando queat, quantum cupiat, capiatque.

Tria amoris
incitamenta:
amabilitas,
amor,
beneficia.

De dei amabili-
tate.
Ex Apoc. 4.
3.

Qualis sit Naturæ diuinæ amabilitas, ex eo scire licet, quod amor diuinus non cæcus est, vt profanus, sed *plenus oculis intus*, & *in circuitu*, quibus Deum quâquâuersum sese exhibentem, atque insinuantem aspiciat. Ad cetera diligenda
igno-

ignorantia nos ducit, sapientia reuocat: ad Deum
 sapientia ducit, reuocat ignorantia. Inde nostræ
 cum hominibus amicitiae vincula quo arctius astri-
 cta fuerint, hoc propiora periculo sunt, ne fran-
 gantur: propinquitatem scilicet labes illas aperien-
 te, suæque magnitudini restituente, quas lon-
 ginquitas ab oculis amotas imminuerat. Contra
 verò quo propius cum Deo, ac familiarius, hoc
 libentius versamur, propterea quòd semper ma-
 gis, magisque infinitam eius bonitatem agnosci-
 mus, diligimus, & firmâ nobis amicitiam adiun-
 gere desideramus. Quapropter Deus ipse, qui si-
 bi intimus est, ac infinitæ suæ bonitati, atque
 amabilitati parem habet sapientiam, ac notitiam,
 parem quoque, infinitum videlicet, habet amo-
 rem. Inde etiam fit, vt nostræ voluntatis arbi-
 trium tametsi tantâ gaudeat libertate, vt nullis,
 quandiu hic degit, possit amoribus obligari, ad
 vnum tamen simul ac venerit diuinitatis conspe-
 ctum, illico det manus, seque ita in eius pote-
 statem tradat, vt libertate amissâ non possit,
 quin oculos in infinitam illam pulchritudinem per
 omnem æternitatem semper intentos habeat, ean-
 demque eo, quo maximo potest, prosequatur
 amore. Quam obrem, vt incolumem nobis Deus
 libertatem in vitâ, imò vitam ipsam seruaret;
 opus illi fuit, vt sub rerum terrenarum caligine,
 sue vt Paulus loquitur ænigmate, immensos suæ
 pulchritudinis radios obnuberet: *Non enim*, in-

1. ad Cor.
 13. 12.
 Exod. 33. 20.

Aaa 2

quit,

quit, *videbit me homo, et viuet*. Hoc est, fieri nequaquam potest, ut mortalium quispiam diuinos meos vultus aspiciat, quin continuò animus abruptis corporis vinculis in tantæ pulchritudinis amplexus, atque oscula magno impetu ruat.

Deus induta humanitate hominibus amabilior.

fo. 12. 32.

Verùm tametsi Deus infinitè in se amabilis sit, nobis tamen eo amabilior, quo humanior, ubi nostram induit humanitatem, apparuit. Animorum magnetem haud inscitè nonnulli dixere, propterea quòd lapis ille id ingenij habet, ut ferro indutus ferrum ad se vehementiùs trahat: haud aliter Deus nostrà indurus humanitate humani trahendi generis vim quodammodo auxit, geminauitque: eaque vis nunquam tam illustris prodijt, quàm cum sese ille a nobis conscensâ Cruce subduxit: quod ipsemet per ea verba prædixerat; *Et ego si exaltatus fuero a terrâ, omnia traham ad me ipsum*. Fuit enim illa quàm probrosa tam gloriosa diuinæ humanitatis (quæ probra illa hominum causâ suscepit) exaltatio: & quantum eâ re benignitatis ostendit, tantundem nostri amoris ad se, Parentem amantissimum, traxit. Testis Catholica Ecclesia, quæ non modò quàm plurimos supra veterum Iudæorum synagogam eximios Dei amatores progenuit; verùm vsque adeo in amore feruentes, ut si quæ Dei causâ patrarunt, terrene pulchritudinis amore præstitissent, apertæ damnarentur insanix: quæ facta diuinæ caritatis instinctu, summe sanitatis argumenta sint, & mentis e suâ fortè sede, sed ad su-

supernas, emote, traductæque. Huius tam feruidi amoris exempla toto hoc libro passim recitauimus, neque hîc repetere iuuat: nam infinita amabilitas iure sibi singularem a nobis, atque vltra omnis exempli modum, amorem deposcit: & ad hoc solum ea memineris velim, vt quid non sequi, sed transilire te deceat, ediscas.

Quod si ad tantæ amabilitatis, veluti ad ignis ^{De Dei er-} conspectum, tui nondum frigoris contumacia re- ^{ga nos amo-} gelatur, colliquescat, atque adeo inflammetur, ^{re.} necesse est, si ad diuinæ erga te caritatis incendium illam admoueas: quando nihil æquè ignem, atque ipse ignis incendit. Si quis enim nos diligit, tametsi aliam, cur redametur, causam non exhibeat; eam ipsam dilectionem satis habere dignitatis censemus, nostri æstimatores eximij, cur mutuâ illum dilectione dignemur. Vt autem hanc Dei erga homines caritatem magis perspectam habeas; perpende prius, quantum nos Christus solius humanæ voluntatis viribus dilexerit: Inde gradus fiet ad diuinæ caritatis ardorem meliùs intelligendum: Quo verò illud planiùs intelligas tria theologorum dogmata animo bene perspecta, & comprehensa habeas oportet: Primum est; plus gratiæ, vt theologi vocant, vni Christo a Deo collatum, quàm cunctis in vnum collectis Angelis, hominibusque, hoc est, plus opum Filio, quàm in totam seruorum familiam, vti decuit, distributum. Alterum est; caritatem, quâ Deum diligimus,

Christi ut
hominis er-
ga homines
amor

mus, & gratiam, ob quam ab eo diligimur, vel ab se minimè distingui, vel certè nunquam se-
iungi, semperque ad mensuram parem vtramque donari: Postremum; vnam esse caritatem, quâ Deum, & quâ Dei filios eius causâ diligimus. Hæc viris doctis clarissima sunt, rei proinde ce-
teris declarandæ, & magni instar luminis collu-
strandę peropportuna. Ex ijs enim illud efficitur,
a Christo nostræ salutis auctore solâ hominis vo-
luntate ardentius vnumquemque nostrum diligi,
quàm cunctæ simul humanæ, atque Angelicæ mē-
tes Deum vel in Cœlo diligant, vbi Deus præ-
clarissimam sui speciem exhibet, eoque amor
plurimum feruet. Si enim Christus plus gratiæ
præ ceteris Angelis, hominibusque in vnum col-
latis obtinuit, plus quoque caritatis cum aduer-
sus Deum, quę gratiæ par est, tū aduersus nos
Dei filios, quos eâ, quâ Patrem, caritate com-
plectitur, obtinuerit. Præterea sanctissimos quos-
dam viros accepimus, eâ aduersus Deum cari-
tate flagrasse, ut amoris vehementiâ tandem
obierint: quod præsertim, ut antea diximus, de
Virgine deiparâ, quam profectò aliud nullum le-
thi genus decuerat, scriptum legitur. Si igitur
nostræ vindex salutis tanto maiore nos caritate
dilexit, quàm sanctissimi quique hominum, An-
gelorumque, siue singuli, siue vniuersi diuinum
Numen vel in Cœlo diligant; haud dubiè cari-
tas tam incensa illum adhuc in terris viuentem
e me-

te medio sepiùs sustulisset, nisi amoris incendium, ne in corpus manaret, vt naturâ debuerat, intra animi claustra continuisset. Quæ cum mecum ipse meditor, sic aliquando, vt me ad rependendas vices extimulem, loqui soleo: Si tibi certò constaret, benignissimum IESVM adhuc in terris versantem tam vehementi erga te amoris flammâ correptum, vt eius ardore confectus, vitam amiserit; qui tibi tunc sensus forent aduersùs tantum, tamque amabilem amatorem? quo studio vices illi rependere nitereris? quid non eius causâ audendum, quæ pericula non adeunda pro eius dignitate tuendâ, censeret? Atqui hoc certum habeto; si animam solo tui amore, ac desiderio confectus amantissimus IESVS exhalasset, minùs longè illi deberes, quàm profectò nunc debeas, quando animi incendium, ne in corporis perniciem egrederetur, inhibuit: siquidem non modò inde amor non defuit, verùm quo minùs prodijt, hoc magis intus exuberavit, plenior suo tempore proditurus: nam & ne prodiret, amor fuit, qui seruare in hoc vitam maluit, vt infinitis excruciatam doloribus, parium documentis amorum, nostræ salutis pretium per summam ignominiam in Cruce profunderet. O ingentem caritatem! O planè, nisi de diuinà ageretur, incredibilem! Mirabar antea, vnde sacro tanta vis foret amoris, vt perfectos Viros extrase propemodum raperet; iam contra miror quid cau-

causæ sit, cur mortales omnes tantum Christi incendium non hauriat: cur tam ingens flamma, correptas sursum vel vnâ cum corpore, vel ab eo solutas, exemptasque mentes non efferat.

Christi vt dei
erga homi-
nes amor.

Ep. pr. lxxx.
9.

Matt. 25. 40.

At, vt summus inter humanos amor hic fuerit, tanto diuinus in Christo fuit humano præstantior, quanto præstat humanitati diuinitas. Haud enim adiunctâ Deus ritu nostro vtitur caritate, sed ipse sua caritas est, vt inquit Ioannes: nec in eius naturâ, quemadmodum in nostrâ, amorem secernere ab amante licet: totus ipse amans amor est, & cum vndique infinitus sit amans, seque toto nos diligit, vtpotè partium expers, infinito diligit amore. Cum enim aliud nihil amare sit, nisi velle bonum, vt philosophis placet, Deus autem infinitum nobis velit, exhibeatque bonum, nempe se ipsum, infinito vti-que amore nos diligit. Quia verò amor iste, qui Deus est, ab æterno tempore extitit, viguitque, ac suo semper functus est munere, vt ipsemet apud Ieremiam testatur per ea verba; *In caritate perpetuâ dilexi te*; amor, quo a Deo diligimur, non vnâ infinitate contentus est, sed infinitus in se ipso, infinitum bonum, infinitâ constantiâ nobis voluit, exhibuitque. Porro non satis fuit amantissimo Numini suâ nos diligere voluntatē, sed cunctas secum reliquorum hominum voluntates adiunxit, quò omnium nos amore diligeret. Scripsit enim cunctis mortalibus legem hanc,

hanc, vt suum vniuersi Fratrem (hoc nomine omnium Parens cunctos censeret voluit) non secus ac se ipsi diligerent, vt esurientem pascere, sitientem potarent, ægrum inuiderent, nudum fouerent, peregrinum exciperent, mæstum solarentur, imperitum instruerent, quemlibet denique indigum, quâcunque re possent, iuuarent. Atque vt rem hanc commendatissimam omnes haberent, gratiam, quam in alios contulissent, redditurum se, veluti sibi collatam, recepit. *Amen dico vobis*, Mat. 23. 4. inquit, *quandiu fecistis vni ex his fratribus meis minimis, mihi fecistis*. Quin ultra progressus, semperpiternos quoque ignes ijs, qui legem hanc neglexerint; fratremque suum vel solo verbo violauerint, denunciauit. *Qui dixerit*, inquit, *Fratri suo fatue*, reus erit gehennæ ignis: perinde scilicet vt maiestatis infinitæ reus (siue quoddam filijs maiestatem suam Pater impertiat, siue quoddam filij iniuriam suam Parenti) infinitas pœnas dependet. Itaque veluti suam Deo debemus beneuolentiam, quam erga quemque nostrum vniuersi mortales præstant, vt quæ e diuinâ omnis voluntate promanat: mutuæque dilectionis legem non nisi magnâ cum gratiarum actione accipiemus, si intelligamus, diuinum quoddam illam esse diploma, quo studia mortalium, atque officia Deo debita, vnicuique nostrum transcribuntur, ac tanquam eius personæ exhibenda imperantur. *Quandiu fecistis vni ex his fratribus meis minimis, mihi fecistis*.

Bbb

Ex

Diuina ad
nostram ca-
pitandā be-
nevolentia
artificia.

Ex hac tam ingenti Dei caritate extitere artes, quàm plurimæ, quibus nostras Deus captauit voluntates, cepitque permultas solâ, quod a Deo captarentur, notitiâ: quid enim ad amorem in nobis excitandum validius, quàm nosse rerum omnium Conditor nostram artificijs aucupari benevolentiam? Et quandoquidem Artificium in hac re maximum est, ipsum prodere artificium, haud multum in ijs detegendis laborandum, cum apertissima in cunctis sacrarum litterarum locis occurrant. Primum igitur (vt nonnulla cursim attingam) cum optimè Deus nosset, similitudinem magnum fore amoris illcium (insito enim amore sui, quisque diligit, quidquid de suo videt in altero) animum in nobis ad suæ formæ imaginem, ac similitudinem condidit: & quia corpore similes illi esse non potuimus, induit sibi ille corpus, seque nobis similem reddidit. Deinde primam, eandemque maximam legem, ac propemodum vnicam, cui ceteræ operam nant, Dei dilectionem, constituit: quam etiam tanto studio commendauit, vt ei obtemperantibus sempiternam felicitatem, eam spernentibus sempiternam miseriam indixerit. Stricto, prope dixerim, gladio nostrum expugnare voluit amorem; aut amabis, inquit, aut moriere. *At quid tibi sum ipse*, iuuat de tam amabili seueritate cum Augustino conqueri, *Quid tibi sum ipse, vt amari te iubeas a me; & nisi faciam, irascaris mihi,*

L.p. conf. c.
2.

bi, & mineri ingentes misérias: parua est ipsa
 miseria, si non amem te? Vtique parua non amā-
 tibus, hoc est diuini amoris dulcedinem non ex-
 pertis: propterea alij terrores iniijciendi fuerant,
 vt vel inuiti dulce poculum haurire cogerentur,
 gratias acturi, cum perpotassent. Ad hæc cum
 vincula cognationis, eadem, & amoris esse so-
 leant, non vno contentus, propioribus omnibus,
 patris, matrisque, & fratris, & filij, & sponsi se-
 se nobiscum obstrinxit. Patrem sese nobis dedit,
 cum nos sibi natos progenuit, talemque patrem,
 vt præ se neminem hoc nomine vocari a nobis Matt. 23. 9.
 decreuerit: Patrem, inquit, nolite vocare vobis su-
 per terram: vnus est enim Pater vester, qui in Cælis
 est. Matrem præstitit, plus etiam quam mater-
 nam pollicitus curam, vbi per Esaïam verba illa
 suauissima protulit: Numquid obliuisci potest mulier Es 49. 15.
 infantem suum, vt non misereatur filio vteri sui? &
 si illa oblita fuerit, Ego tamen non obliuiscar tui.
 Fratrem simul, ac filium exhibuit, quando ijs re-
 pudiais, qui vulgari viâ hoc se illi propinquitat-
 is gradu coniunctos censebant; Quicumque, in- Matt. 13. 59.
 quit, fecerit voluntatem Patris mei, ipse meus fra-
 ter, & Soror, & Mater est. Denique non modò
 sponsum Ecclesiæ suæ sese compluribus sacrarum
 litterarum locis, professus est, verùm vsque adeo
 amantem, vt amores suos Salomoni, perduto ce-
 teroqui, atque insano amatori, interpretandos
 commiserit: quæcunque enim ille de sponsâ suâ

in Canticis canticorum amatoriè concinuit, hæc aduersùs Ecclesiam, pias scilicet animas in eam collectas, Christi sponsi amores, ipsâ Ecclesiâ teste, significant. Vfus est autem sapientis insaniâ, vt sapientissimam illam *stultitiam*, per quam ei placuit *saluos facere credentes*, adumbraret.

Ex 1. ad Cor.
1. 21.

Maximum
præ ceteris
artificiū, Pa-
nis Eucharis-
ticus.

Neque hîc subistitire Dei amantis ad nos demerendos artificia: nam eò adductus est, vt amatorium etiam ex medicato cibo componeret, quo sumpto, eò adigeremur, vt amare nos ipsi minimè possemus, nisi illum quoque amor nostri comprehenderet. Se scilicet in escam humano accomodatam palato tradidit: itaque sese nobis adiunxit, vt corpus vnum, cuius tamen ille caput esset, nos membra, efficeremur. Quis autem sese diligit sine capite? vel si capiti suo malè cupiat, aut agat, non continuò sibi quoque id ipsum agere censeatur? Hoc satis disertè ipse nos

Io: 6. 57.

Act. 9.

Christus edocuit; *Qui manducat, inquit, meam carnem, & bibit meum sanguinem in me manet, & ego in illo.* Quod & luculentiùs, vbi Saulum ad se euocauit, exposuit. Insectabatur ille, mala tunc Benjamin lupi rapacis soboles, Ecclesiæ nascentis exordia, spe fretus, posse in cunabulis adhuc teneram elidi: cumque Damascum peteret, *vt si quos inuenisset huius viæ viros, ac mulieres, vinctos perduceret in Ierusalem;* Christus suo periculo occurrens, illum ingenti, quo radiabat, fulgore perterritum equo præcipitem deiecit, dein-

de

de querulâ hâc potiùs, quàm minaci voce compellat; *Saule, Saule quid me persequeris?* Verba ista diligenter obserua: Non dixit, quid discipulos meos, aut quid seruos, aut amicos, siue etiam fratres, aut filios meos, sed quid me ipsum, hoc est, mea membra (quorum offensas capitis officium est, lamentari) persequeris? Vt igitur, Christo teste, haud quaquam licuit Saulo ipsius Christi membra sine capite odisse; ita nec nobis nos ipsos, qui Christi membra sumus, sine Christo capite amare licebit. Proinde amator noster admirabilem inijt modum Eucharisticæ potissimùm, vt ait Chrysostomus, frugis ope, quo prauum nostri amorem in se ipsum, verè in bonam frugem, conuerteret, nosque cogeret, vel ipsum amare, si nos amemus; vel si ipsum oderimus, nos odisse. O miros diuinæ caritatis ad nostra pectora expugnanda conatus! At o magis miram nostræ ad eos repellendos contumaciæ duritiem! Quis non miretur, pannosum homuncionem tanti Principis amicitiam tot artibus quæsitam, reusantem? Quis eius percipere dementiam queat, qui os blandienti catulo pronus exhibeat, blandituro Numini terga vertat?

Hom. 45. in
Io:

Tertium amoris incitamentum, idque nobis paupereulis, cupidisque potissimum, Beneficia sunt, quæ tam multa, tam grandia de manibus amantissimi Parentis accepimus, vt singula iustum sibi volumen deposcerent, vniuersa nullis coer-

De diuinis
erga nos be-
neficijs.

Eorum ma-
gnitudo.

coergeri voluminibus possent. Quædam duntaxat
cursum, ac generatim de ijs dicemus, vnde di-
uinus in ijs latens prodeat amor, & noster ad
diuini suscitetur amplexum. Tria maximè sunt,
quæ quodlibet beneficium commendant, ac ma-
gnum efficiunt. Primum est, ipsa rei, quæ no-
men sustinet beneficij magnitudo, alterum dato-
ris, tertium amoris, quo datur, magnitudo. Be-
neficium, quod a Deo nobis tribuitur, tantum
est, quantum Mundus hic vniuersus, & quâ spe-
ctabilis est, & quâ maior, ac melior oculos la-
tet. Ibi enim innumerabilia habemus, quibus vi-
ta, vsque ad delicias instruitur: horum autem
quæ ad vitam sustentandam necessaria sunt, singu-
la vitæ ipsius beneficium æquant: quæ verò ad
delicias excedunt, vitam etiam apud superos bea-
ram, monstrando, ac ducendo, donant: modò il-
lorum ductum sequi velimus, non ea retinere:
fluxa enim bona sunt, & fluminum instar mare
sectantes docent, mergunt verò retenta. Atque
hæc quidem externa: nam si præterea te ipse in-
spicias, quot membra corporis habes, totidem
tam grandia Numinis beneficia tenes, vt ne cum
regno quidem vnum ex ijs tibi permutari, nisi
potissimum beneficium, mentem, amiseris, susti-
neres. Tanti denique vnumquodque est, vt eius
iactura totius mundi pretio redimi non queat.
Fac te oculos, aut nares, aut linguam amisisse;
quo pretio reparabis? Quid autem animus?
quem

quem non rectè minorem mundum, meâ quidem sententiâ, seu microcosmum philosophi dixerunt, quando mundus hic, quem maiorem dicimus, illum non explet. Hunc Deus suâ decoravit imagine: toti huic aspectabili mundo tanquam Numen præfecit, cui elementa vectigal penderent, cui animantia viuerent, cui cœlestes orbes vnâ cum sole, ac lunâ, ceterisque sideribus decurrerent, ac circumeundo cuncta vitæ præsidia ministrarent. Hunc in amicum, in filium, in æterni regni heredem cooptauit. Hunc fuso sanguine e sempiternâ morte restituit: eodem aluit, eodemque ita sibi adiunxit, vt transfuso per eum spiritu in suæ consortium naturæ prouexerit. Denique tantum illi dono dedit, quantum habuit, quandoquidem totum sese ipse dedit habentem.

Haftenus dona: Horum autem omnium dator Deus est, qui suæ dignitatis magnitudine donâ quæcunque vel ab se tenuissima, in immensum amplificat. Si Rex dono tibi flosculum deferat; nonne tanto magis gratus, quàm a Rustico accipias, quanto Regis fastigium supra Rustici humilitatem attollitur? Deus verò, qui olim dixerat, *Cælum mihi sedes est, terra autem*, vtique cum suis Regibus, ac populis, *scabellum pedum meorum*, non modò dono dedit flosculos omnes, quos haftenus terra tulit, suis quoque manibus, ad hoc vt nobis munus exhiberet, elaboratos; verùm etiam fructus vniuersos, animantia, elementa, Cælum, fide

Magnitudo
datoris.

Deut. 4. 19. sidera, quæ Deus, ut inquit Moyſes, creauit in ministerium cunctis gentibus, imò Angelos ipsos cœlestis Regiæ principes, Qui omnes, Paulo teste, sunt administratorij spiritus in ministerium missi pro his, qui hereditatem capiunt salutis, ac denique seipsum, qui cum non haberet, quid ultra daret, se quoque in tantâ donorum effusione protulit, profuditque. Quàm gratum igitur animum tanta, tam immensa dona ab infinitæ dignitatis datore profecta a nobis exigent, & iure, meritoque expectabunt?

Amoris magnitudo.

Ad extremum Amor, qui dono cuique veluti spiritus vitalis adiungitur, sine quo frigent, ac pereunt beneficia, & sæpè in damna, quasi cadauera, computrescunt; proinde primum donum Theologis nostris nuncupatur, vnde nimirum cetera enascuntur, animantur, & vigent; is, inquam, amor, quo Deus sua contulit dona, diuinus ipse spiritus est, qui magnitudine suâ datorem æquat, datumque potissimum, (quæ duo vnâ cum diuino spiritu, siue Amore in vnâ Diuinitatem conueniunt) Eandemque magnitudinem suam reliquis suis muneribus pro cuiusque captu dispensat, infinito scilicet amore cuncta distribuens: quare pro singulis donis infinitum deberemus amorem (quid autem pro vniuersis?) nisi nostra debitum condonaret, seu potius remitteret paupertas. Si enim non possumus quod debemus, debemus certè quod possumus, atque illud


CAPVT DECIMVM TERTIVM. 383

lud saltem equissimum exequi præceptum; *Dis- Luc 10 27.*
ges Dominum Deum tuum ex toto corde tuo, & ex
totâ animâ tuâ, & ex omnibus viribus tuis, & ex
omni mente tuâ: quod tunc satis impletur, vbi re-
uocato a rebus ceteris amore, quidquid siue in-
telligentiâ, siue voluntate, siue reliquis animi vi-
ribus aggredimur, totum e diuini amoris impe-
rio, nec aliâ, quàm Deo gratificandi, mente,
procedat. Iniquum est autem, infinitis nomini-
bus obaratos ex eo amore nos omnibus erogare,
quem si totum Deo creditori tradamus, ne mi-
nimum quidem nomen delere possimus.

Hæc sunt potissima nostri aduersus Deum amo-
ris inuitamēta; infinita amabilitas, infinitus amor,
infinita beneficentia. Si quis tam ingenti flammâ
nō incitetur, eum putauerim, vel illam nunquā sibi
seriē meditationis ope admouisse, vel sensum, si ad-
mouerit, præuijs impuri ignis vstionibus hebetasse.

CAP. DECIMVM TERTIVM.

Totius operis epilogus, &
confirmatio.



Erue nimis iam ad nostri itineris
finem: iuuat nunc illud, con-
uerso vultu, oculis remetiri, vt
exactos labores euasio console-
tur. Vidimus perfectæ felicita-

Ccc

ti,

Primi libri
summarium.

ti, vitæque beatæ omnibus suis numeris absoluta, locum hîc esse non posse, vbi vix miseræ vitæ locus relinquitur. Vidimus imperfectam felicitatem, & vitæ angustijs accommodatam, malè inter spinas diuitiarum locari, peiùs inter potentia tela, Potentibus ipsis, non secus, atque alijs formidanda: nec præterea Potentium famulos solo eius fortunæ aspectu beari posse, cuius vsu miseros Dominos contemplantur. Vidimus nec in honore, vel famâ posse constitui, quæ aliena res est, & vt fortunato sceleri blandiri solita, sæpiùs infamat, quos colit. Nec in pudendâ nobis, ac pœnitendâ corporis voluptate, quæ vt Brutorum felicitas est, ita hominum infelix ad Bruta deiectio. Nec in humanâ sapientiâ, vel virtute, nostris viribus comparatâ, cum illa nihil possit, nisi nostram nobis aperire miseriam, vt aperta suas exerat vires; ista occultare alijs, vt clausa vehementiùs vrât. Humana enim virtus, sine peculiari Numinis auxilio parta, vt non vitia, ita nec vitiorum comites miseras tollit, sed tegit. Nec denique in rebus hisce vniuersis, quarum complexu Salomon, in quem singulæ suas comportarunt ærumnas, vel mærore contabuit, vel certè tanto cum mærore vixit, vt mortem vitæ tristissimæ præoptauerit,

Summariū
facendi.

Compescendas proinde rerum istarum statuimus cupiditates, quæ instar rabidæ prægnantium famis, multum torquent ieiunę, ampliùs torquent
exa-

exaturatæ, quia pessimis cibis morbum, & morbosam famem exasperant, eamque ad acrius mordendum irritant. Suum omnibus & priuatum, & commune remedium adhibuimus, polliciti, non interea differendam esse vitæ, quam quærimus, iucunditatem, verùm stipendij ad modum quotidiani paulatim pugnantibus dandam, plenissimam, vbi fuerit debellatum, obuenturam. Similis enim cum suis pugnanti cupiditatibus voluptas accidit, ac de ferarum venatu percipitur: has nimirum pariter, atque illas ante primi Parentis culpam sub nostrâ potestate habuimus, quare vtrasque, vt rebelles, domuisse, pari nos afficit voluptate. Enimvero quale gaudium non erit, intueri se e iugo cupiditatum ereptum, tam sui amore vacuum, quàm timore aliorum, vtcunque omni armorum genere circumstrepentium? Qualis mentis tranquillitas, mortis minas non modò ridere, verùm etiã in spei argumentũ cupide accipere? sui corporis doloribus, ac periculis, tanquam infensi hostis cruciamentis, atque exitio gratulari? in eculeo, in igne cantare, & cantu insultare tortoribus, omnemque tyrannorum potentiam suâ constantiâ hebetare? Cibus, & potus paulò post excrementa futuros, eâ libertate corpori, quâ stercora arboribus, curare? sordidis voluptatibus maiori cum voluptate cedere? non iræ impetu abstrahi, non inuidiæ morsibus laniari, non vento ambitionis, aut auræ popularis ludibrium quaquauersum leuissimè circumferri?

Non secus denique terrena, atque humana, quàm humilia, ac lutea sublimi animo despicari, vnoque vultu fortunæ vices, tanquam puerorum aleas, ac lusus vel benè, vel male cadant, cernere, ac præterire?

Tertij libri
synopsis,

Longè ramen maius oblectamentum inesse animo vidimus, vbi a suis morbis explicitus omnium se virtutum floribus, atque honestamentis exornet: nempe vbi ita iustitiâ niteat, vt a summis se honorum sedibus expeti cernat, nec illas occupet vnquam, nisi fortè vt iniquitati præoccupet: ita prudentiâ polleat, vt in magnis reipublicæ negotijs administrandis more diuino summam attentionem summâ cum tranquillitate coniungat: ita fortitudinis miraculo circumspiciatur, vt circumspicientium plausus fortius reijciat: ita temperantiâ, comitate, pudore, modestiâ, liberalitate, ceterâque morum compositione a bonis omnibus laudetur, vt a malis (quod æquè gloriosum) improbari, pari cum gaudio se sentiat. Vbi certissimâ illi fide constet, sibi in Dei præpotentis filium eiusque sempiterni regni heredem, & consortem adoptato, vt hæc iura adeat, præter suam assensionem, expectandum nihil. Vbi spe diuinis fultâ promissis intelligat, se in eiusdem regni possessionem paulò post venturum, nec morte illam amittendam fore, sed adeundam. Vbi denique ardentissimâ Dei caritate iam teneat, obuelatum licet, Bonum illud immensum,

at-

atque infinitum, cuius contemplatione, cœlestis sapientiæ lumine perfusâ, terrenarum rerum desideria extinguat, ac perfectissimo cum diuinâ voluntate consensu, nihil malit, quàm quæ Deo auctore contingant: cuncta non secus ad suam, atque ad diuinam voluntatem fluant, & quæ videntur aduersa vt adiumentum ad beatam in Cœlo vitam interpretatur, ita solatium ad præsentem accipiat. Si Vir eiusmodi tam compositus, tantis virtutibus exornatus, tantâ rerum supernarum opinionone, fiducia, atque amore imbutus, se nobis in amicitiam, & familiaritatem adiungeret; vtique longè iucundissimum ex eius consuetudine animi nostri fructum caperemus: quanto igitur iucundius erit, virum hunc me ipsum mihi adesse, cui bona illa non tanquam aliena solo amicitie iure participare, sed tanquam mea pleno dominatu possidere contingat?

O si mortalibus in hoc æuo degentibus diuinitus obueniret, vt institutam a Christo absolutissimæ reipublicæ formam pro se quisque assequi conaretur; Si nimirum Ecclesiæ vniuersæ Magnus aliquis, exempli causâ, præset Gregorius, si Romano Imperio Henricus, Gallico Ludouicus, Hispanico Ferdinandus, Eduardus Britannico, Venceslaus, Casimirus, Stephanus, illos dico, quos Ecclesia Romana Sanctorum fastis adscripsit, in sua quisque regna rediret: Si deinde singularium urbium Ecclesias regerent, Cyprianus, Ambrosius,

Reip. à
Christo in-
stituta for-
ma pulcher-
rima.

sius, Augustinus, Chrysostomus, Basilus, Epiphanius, Hilarius; Si e populis subiectis singuli morum integritate referrent, quem singulis hominum classibus Numinis prouidentia elaborauit exemplar: Si Clerici Hieronimum exprimerent, si suos Monachi, ceterique religiosi votis obstricti Parentes, atque Auctores imitarentur: Si Coniuges Henricum, aut Cunegundam, Viduę Franciscam Romanam, Virgines Agnetem, Doctores Thomam, aut Bonauenturam, Discipuli Aloysium Gonzagam, Mauritium Milites, Iosephum Magnę, Virginis sponsum opifices, Rustici Isidorum, vniuersi denique designatam sibi viuendi formam induerent; itaque eam Christi Ecclesiam nunc haberemus, qualem Apostoli reliquere omni virtutum genere florentissimam; quantā pace, ac tranquillitate humana respublica conquiesceret? quanta societatis coniunctio? quanta ex coniunctione affluentia, decus, iucunditas? Diceres militantem Ecclesiam, quasi debellatum cum inferis esset, armis positis epinicia meditari, ac futurum in Cœlo triumphum adornare, atque instituere. An non ingens lætitia tunc erat, ac Cœlestis adumbratio triumphi, quando in exordio nascentis Ecclesię tanta erat mutua Christianorum caritas, vt Lucas verē dicere potuerit; *Multitudinis autem credentium erat cor unum, & anima una*: nec intra sterilis beneuolentię fines caritas detinebatur, sed in omnia beneficię munera procedebat. *Non enim,*
in-

Act. 4. 32.

CAPVT DECIMVM TERTIVM. 391

inquit, quisquam eorum, quæ possidebat, aliquid suum esse dicebat, sed erant illis omnia communia. Nec quisquam egens erat inter illos: quotquot enim possessores agrorum, aut domorum erant, vendentes afferebant pretia eorum, quæ vendebant, & ponebant ante pedes Apostolorum. Diuidebatur autem singulis, prout cuique opus erat. Tanta deinde caritas aduersus Deum, ut quisque diuini Spiritus igne succensus non modò sua omnia libenti animo largiretur, verùm & se ipsum in suæ fidei testimonium cunctis tormentorum generibus obiecit. Tanta denique vitæ, morumque sanctimonia, ut non alio tunc Christianæ fidei cultores, quàm Sanctorum vocabulo, uti ex Pauli constat epistolis, nuncuparentur. O tempora beata, o Seculum verè aureum, Seculum pacis, Seculum caritatis, quo *Habitabat lupus cum agno, & pardus cum hēdo accubabat, & vitulus, & leo, & ouis simul morabuntur, & puer paruulus minabat eos. Vitulus, & Vrsus pascebantur simul, simulque catuli eorum quiescebant, & leo, quasi bos, comedit paleas. Et pueri, recensque nati aspides, ac regulos impunè, fidenterque tractabant. Ferocissimi nempe olim, ac rapacissimi quique, & qui pestiferos angues præstiterant, Christianam induiti modestiam summâ pace inter se, & cum simplicibus, & pauperibus versabantur: neque hi illos formidabant, imò eorum rectores, ac duces erant, & domo, & victu, & corde propemodum, atque animâ communi (ut Lucas historicus memorata Vatis pro-*

missa

Ad Rom. 12.
7. & 8. 28.
& alibi scriptissimè.

II. 34.

Act. 4. 32.

missa reddidit) mirâ vnanimitate, & concordia
victitabant.

Prisca re-
ligio nunc
maximè in
religiosis
claustris ef-
floreſcit.

Soc. Iesu
tyrocinium
diuino spi-
ritu plenum.

Verùm, quæ Dei summa benignitas est, non
ad antiqua tempora redeundum, vt hæc sancti-
monia, comesque animi tranquillitas inueniatur.
Extat adhuc, vigetque nunc maximè, atque efflo-
reſcit prisca Religio, tametsi magnam partem
religiosis claustris ad tutelam contenta. Testis ip-
se sum, meæque fidelitatis testem appello Deum,
tantam me inuenisse morum integritatem cum
primùm in Societatem IESV cooptatus tyrocinij
domum intraui, vt mihi viderer in nascentis Ec-
clesiæ primordia rediſſe. Quisque de suâ religio-
sâ familiâ paria fortè, & maiora narrare poterit;
Ego, quæ de meâ, omnium ceteroqui minimâ,
expertus sum, narro. Nihil in eâ vidi, quod ve-
terem non redoleret religionem. Summa ibi vo-
luntatum in Dei amorem consensio, summa cui-
que in alterum beneuolentia, & vultu, & ver-
bis, & rebus ipsis demonstrata: concordia proin-
de summa, nullumque, nisi quod concordiam ip-
sam firmaret, certamen, singuli enim alijs deter-
rima occupare, lectissima obtrudere decerta-
bant. Eadem domus, eadem mensa, idem vi-
ctus, cultusque, eademque omnibus viuendi for-
ma, Christi nimirum, quem pro se quisque in-
duere conabatur. Vnum denique cunctis erat to-
tâ die negotium, sui animi in Dei auctoris lau-
dem per omnia virtutum genera exercitatio:

Quod

CAPVT DECIMVMTERTIVM. 393

Quod vt planè perspicias, placet ordinem, quem ad id perficiendum seruabamus, exponere, unde simul intelliges, religiosi claustris non aditum delicijs, & consolationibus intercludi, sed exitum, omnemque nostræ vitæ asperitatem arma esse ad interioris pacis custodiam in confinjs disposita.

Summo mane post debitam corporis quietem vnus ex Fratribus aderat, qui *Deo gratias* altâ voce pronuncians, somnos in Dei laudes rumpendos commonebat. Nobis verò euestigio surgentibus prima cogitatio in Deum, vt a Magistro docebamur, vox prima in eundem, hymno aliquo, vel prece fusâ, quæ tempus induendi totum teneret, porrigebatur. Inde matutinarum celestium contemplatio in horæ spatium producta, quam non nulla sequebatur eorum, quæ intellecta, vel proposita erant, recognitio, vt iterum recusa altius memoriæ imprimerentur. Meditationem excipiebat Sacrum, cui omnes intererant, & festis etiam diebus sacrâ mensâ, Magistro operante, communicabamur: Sacro succedebat publica ad pietatem adhortatio, additâ breui internos de auditis collatione, quâ absolutâ, humile aliquod, atque operosum aggrediebamur ministerium corpori, animoque profuturum. Accedebat pij codicis lectio, succedebatque ad semihoram inambulatio, quæ sumptum e codice mentis nutrimentum digereret, & prandium mox secutu-

*Etiam
recitauerunt
orationes.*

Ddd

rum

rum opsonaret; præmissâ deinde conscientiaë discussionē ad prandium vocabamur, lectione sacrâ æquē menti & ipsum conditum, ac palato dilutum, ut quæ animum sensui, sensum cibis auferret. Nouissima ante meridianas horas colloctio ad aliquod animi laxamentum instituta claudebatur, cui tamen argumentum nullum, nisi de diuinis rebus supponebatur. Reliquum diei alia eiusdem generis pietatis officia usque ad somnum serie non interruptâ occupabant. Aderant quoque statis temporibus, & publicæ, & priuatæ ad corporis, animique impetus frangendos castigatio- nes: admota lateribus cilicia, vel aculeatæ catenulæ: adhibita quandoque ad sanguinem usque flagella: ieiunium vel commune, & consuetum, vel solo pane, & aquâ contentum: publica in Triclinio culparum exprobratio: data discumbentium pedibus oscula, aut eaptus ad eorum pedes catulorum instar cibus; stipis in attritâ, ac sordidâ veste per frequentissimâ Urbis Forâ corrogatio, aut per eadem actus asellus, aut eius in stabulo curatio, aut susceptæ aliquando in dissita loca peregrinationes, & pedibus, & quæsitâ viritum stipe obeundæ, aut denique alia eiusmodi cupiditatibus coercendis aptè excogitata supplicia.

Vix seueri-
tatis iucun-
ditas.

In hac tamen tantâ vitæ seueritate ea erat nostræ mentis iucunditas, ut nullâ magis tentatione premeremur, quàm risus, & effusæ ultra modestiæ fines latitiæ: tametsi non omnis risus, sed is dun-
taxat,

taxat, qui modestiam solueret, proscriberetur. Hortabatur enim nos sæpè ad alacritatem tyronum Magister, illud inculcans tam esse hanc quouis in prælio militantibus necessariam, quàm arma, quæ sine alacritate non valent: quare & vultu hilari, & verbis suo sale conditis ad eam subinde prouocabat. Nonnunquam deambulatum bini, vel terni in proximum suburbanum mittebamur, vt mens a parietum claustris laxata liberius erigeretur ad Supera. Quocirca tunc sermonis materia minimè diuersa, sed promptius de rebus cœlestibus, quasi in conspectu positis, loquebamur. Id solum in subuibano permittébatur, vt vel eburneis globulis super mensam, vel ligneis in solo luderemus, hoc vno vincentibus præmio, vt qui victus esset, genibus nixus fausta Victori precaretur, & dimisso certamine sese imparem declararet. Erat etiam & canendi facultas, non tamen nisi laudes diuinas, quas nonnulli suauissimis vocibus modulantes summæ erant ceteris voluptati, vt quæ cœlestia cantica suauitate monstrarent, argumento referrent. Colloquia autem tunc diutius trahebantur, sed eorum, quibus ingenium sæstiuus, eutrapelia (quæ omnis probitatis condimentum est) ita sermonis longitudinem commendabat, vt ultra eius fines desiderio producto tedium, ac satietatem arceret. Quidquid etiam e matutinâ vel contemplatione, vel lectione potissimum seposuerant, singuli afferebant in

medium, vt, communicatis fructibus, quisque vniuersorum lucris ditesceret, ac frueretur. Ridenti ore conuentum ineuntes inter nos salutabamus, quò mutui conspectus gaudium, mutuum significaret amorem: eundemque in ceteris rebus habitum oris idem mentis habitus exhibebat, præstabatque: nec vnquam hilaritas ab ore cessabat; nisi quando silentio indicto sanctis commentationibus, alijsque precibus tota reuocaretur ad animum. Rem autem nullam aggrediebamur, quam preces non dedicarent: nulla sine precibus ibat, nulla pariter sine illis exibat. Quæ vitæ simplicitas, atque innocentia mirum quantum nobis, vtcunque vulgaria, cõdired oblectamenta, & in his ipsis capiendis intrepidus, ac securos redderet, vt qui paratam, si quid eorum deesset, in amore paupertatis oblectamenti omnis vicem haberemus: clausam enim in illâ, quasi sub paupere, ac discisso velamento, sempiternæ voluptatis spem iucundissimè tenebamus.

Vlti principes a Christi pauperibus mendicant solatia.

Quoties vidimus Principes viros, & præsertim Ecclesie Romanæ Purpuratos, dimissâ famulorum turbâ, priuato cultu sese in ædes nostras, aut rura recepisse, item nostræ accubuisse mensæ, atque in omnes lusus, ac pias animi relaxationes nobiscum descendisse: & quidem tam latos, nullum vt se in omni vitâ latiore duxisse diem faterentur. Quæ res iucunditatem nobis augebat, cogitantibus, non Principem conuiuiam, sed nostram.

stra in nostris conuiuijs mendicantem. Illi sepè nobis narrabant liberioris vitę pericula, nos illis religiosę securitatem: vtraque narratio vtrisque iucunda: nobis, quasi ambulantibus in conspectu maris; illis, quasi nauigantibus in conspectu terrę (quod vtrunque esse solet perquàm iucundum) Erant enim ecclesiastico cultu nobis propinqui: nec difficile videbatur, acriùs ingruente procella, ad nos, vel ad nostros mores transire. Illis leuamentum erat, posita personę grauitate priuatim nobiscum agere, quod & rarò, nec plenè vnquam euenire poterat; nobis autem ea erat quotidiana vitę consuetudo, cuius pretium a cupido, & egeno Principe docebamur. Denique locupletissimi nobis illi testes, imò & paradigma erant eius, quod olim ab Augustino didicimus, documenti: *Fecisti nos Domine ad te, & in* Conf. l. 1. c. 11.
quietum est cor nostrum, donec requiescat in te. Exponebant enim interdum suę anteaactę vitę feriem, & quo pacto quàm multos dignitatis gradus optauerant, totidem affecuti contempserant, quippe nec se in ijs inuenisse quietem, quam sperauerant, nec sperare inuenturos in posterum suo, alienoque vsu iam docti asseuerabant. Cui sermoni illud a Magistro subiectum aliquando meminimus, haud esse culpandos gradus si quietem non darent, ad quam non dandam, sed subeundam sunt instituti: tunc demum daturi, quando de cunctis Dignitatis gradibus Cœli potiundi gratia cal-

calcatis, scalæ ad sempiternam quietem efficerentur.

Prodigi
Adolescētis
ad paternā
domum re-
uocatio.


Ier. 2. 20.

Vides igitur, Adolescens, qui tam præceps per tam abrupta vitæ huius felicitatem hætenus conquissieras, quàm deuius, quàm perditus aberrasti. Putasti, si Dei parentis domum, ac disciplinam defereres, te melius aliquid adepturum: proinde procul ab eo mentis dissensione, ac morum dissimilitudine abijisti: substantiam vniuersam, siue animi, corporisque vires ab optimo Parente acceptas in eius dedecus profudisti, atque vndique voluptatibus comparatis, tua, teque ipsum in tam infelici negotiatione impendisti. Quid, quæso te, iam præ manibus habes? quid tantis dignum sumptibus tenes? scilicet, *Confregisti iugum, rupisti vincula, dixisti non seruiam*, eoque tuam te libertatem lucratum, & cum libertate te ipsum putares: sed o quàm infeliciter te fraudatum vides, nam pro suauis Christi iugo, diabolicum subiisti, & qui Parenti Deo seruire filius recusa-ueras, porcorum gregi, seu spurcissimis libidini- bus tuis diaboli mancipium cogeris famulari. Denique quod miserrimum est, suauissimos diuinæ seruitutis fructus, & mercedem amisisti, ut de siliquis, quas porci manducabant, impleri posses, nec potuisti. Haud enim alia e sui corporis saturitate voluptas ad animum venit, quàm quæ ad pastorem e sui gregis pastione, de quâ illi nonnisi assiduus labor, ac sollicitudo deuoranda relin-

relinquitur. Perpende igitur quæcunque hæte-
 nus memorauimus cum de affluentia eorum, qui
 Deo famulantur, tum de eorum, qui ab eius fa-
 mulatu recesserunt, inopia: ac tu quoque in te
 reuersus, qui cupiditate thraente in impurissimum
 Suem abieras, verba illa in tuum vsum compo- Luc. 15, 17.
 sita suspirando recita. *Quanti mercenarij in domo*
Patris mei abundant panibus, ego autem hic fame pe-
reo. Surgam, & ibo ad Patrem meum, & dicam
illi; Pater peccaui in Cælum, & coram te; iam non
sum dignus vocari filius tuus, sed fac me sicut vnũ
de mercenarijs tuis. Mihi crede, imò Christo hæc
 te imagine inuitanti; Vix te redeuntem amantif-
 simus Parens longè prospiciet, cum cœlestibus
 obuius auxilijs, quasi protentis manibus tibi sinum
 aperiet, supplici ad collum cader, ac veniam
 rogaturum interpellabit, præterita cupidus oblit-
 terari: amplexabitur, osculabitur, pristinae be-
 neuolentia, dignitati, hereditati restituet, tantâ-
 que lætitiâ exultabit, vt Cœlites omnes sit ad pu-
 blicam gratulationem celebrandam conuocaturus,
 iuxta ac si non te, sed se ipsum, quem tui præ-
 tium dederat, recuperasset, seque Parentem in
 restituto filio restituisset. O te felicem, si talia
 inuitamenta non deseras: Inuenies in domo pa-
 ternâ, qui hætenus fame perieras, epulas illas,
 deliciasque, quas equè mendax, ac mendicus Sa-
 tanas promiserat, ijsque & presentem vitam sum-
 mâ cum voluptate reficies, & (quæ potissima
 volup-

(voluptatis pars erit) in earum salubritate certif-
simum æternæ salutis, semperque mansu-
ræ voluptatis pignus accipies.

LAVS DEO, DEIPARÆQVE SEMPER
VIRGINI SINE LABE CONCEPTÆ.



I N D E X

RERVM NOTABILIVM

Aduerte, Lector, Indicem hunc esse rerum, quàm verborum locupletio-
rem; proinde si quid sub vno voca-
bulo non occurrat, quære sub alio synonymo,
& faciliè inuenies.

A

Academiæ de omnibus dubitatis initia,
& progressus l. 1. c. 8. p. 91.
Aduersæ fortune letitia l. 2. c. 9. p. 109.
Adulatio contempta l. 1. c. 5. p. 56.
Ægidij raptus ad Paradisi nomen l. 3. c. 3.
p. 161.
Æternitatis memoria quàm acerba damna-
tis l. 2. c. 11. p. 231.
Alexandri M. gloria quàm inanis l. 1. c. 6.
p. 69.
Aloyij laponis pueri in Cruce tripudium l.
3. c. 6. p. 298.
Ambitionis infelicitas l. 1. c. 6. p. 73. Vi-
de etiam antea in eodem cap.
Amor Dei erga nos quàm ingens l. 3. c. 12.
p. 373. & seqq.
Amoris incitamenta, amabilitas, amor;
beneficia l. 3. c. 12. per totum.
Amoris Diuini, atque Humani compara-
tio l. 3. c. 10. p. 350. & c. 12. p. 370.
Amor Dei in damnatis cum odio eiusdem
quomodo cohzreat l. 2. c. 11. p. 229.
Amoris Platonici malitia resecta l. 2. c. 3.
p. 151.
Amoris impuri damna l. 2. c. 3. p. 142. &
seqq. Curatio p. 148. & seqq.
Amor sui fons omnium morborum animi
l. 2. c. 2. p. 134. Curatio p. 136.
Amor supernaturalis naturali longè vehe-
mentior l. 3. c. 11. p. 367.
Animi in Cœlo dotes quales l. 3. c. 8. per
totum.
Animorum immortalitas lumine naturæ

nota l. 1. c. 9. p. 103. & seqq.
Andronici mors maxime fœda l. 1. c. 4. p.
46.
Angelus quo pacto affectare potuit diuini-
tatem l. 2. c. 10. p. 213.
Antipheron se perpetuò cernebat, & qua-
re l. 2. c. 2. p. 134.
Antonius Abbas cibi obliuiscitur ad coele-
stia intentus l. 3. c. 1. p. 247. quàm hila-
ris p. 250.
Archimedis de inuento coronæ furto tripu-
dium l. 1. c. 8. p. 87. Idem geometricis
vacans occiditur l. 3. c. 2. p. 253.
Archipoetæ infelix exitus l. 1. c. 8. p. 97.
Architæ moderatio aduersus iram l. 2. c. 4.
p. 166.
Anstippi de volupate sententia l. 1. c. 1. p.
11. Idem Dionisio adulatur c. 5. p. 57.
Aristotelis moderatio, & iulus in detracto-
rem l. 2. c. 4. p. 163.
Aristotelis Cyrenaici dictum de amore l. 2.
c. 3. p. 152.
Aulæ sectatorum infelicitas l. 1. c. 5. per
totum.
Axiomata vnde certa l. 1. c. 8. p. 93. & c. 9.
p. 103.

B

Babila Martyr cum suis catenis tumulari
se mandat l. 2. c. 9. p. 209.
Beatitudo perfecta in terris haberi nequit l.
1. c. 1. p. 12. & seqq. Si qua habeatur,
ea in virtute consistit l. 3. per totum.
Beatorum in Cœlo gaudia quæ, & quanta
l. 3. c. 7. 8. & 9. per totum.

Ecc

Bc.

I N D E X

Benedicti cum Scholastica pia colloquia
quàm iucunda l. 3. c. 3. p. 260.
Beneficia Diuina quot, & quanta l. 3. c. 12.
p. 381.
Bernardus luger ad mensam vocatus l. 3. c.
1. p. 247.
Bona huius vitæ Stoicis commoda, mala
incommoda dicta l. 1. c. 9. p. 109.

C

Cæsar de timore grauius dictum l. 1.
c. 1. p. 15.
Calumniatoris puniti exemplum l. 2. c. 10.
p. 220.
Caracallæ in Getam iocus l. 1. c. 5. p. 61.
Caroli Spindlæ martyrium, & gaudium l.
3. c. 6. p. 300.
Contemplum in hac vita quale iustis etiam
inter persecutiones contingat l. 3. c. 3.
p. 367. & c. 6. p. 298.
Caritas Dei, & proximi quantæ iucundita-
tis l. 3. c. 10. per totum.
Caritas proximi quam impensè à Deo
commendata l. 3. c. 13. p. 376.
Catharinæ Senensis coelestes deliciae, &
mira de supernis rebus existimatio l. 3. c.
11. p. 365. & seqq.
Chilonis laconis præ gaudio mors l. 3. c.
9. p. 340.
Christi resurgentis gloria l. 3. c. 8. p. 324.
Idem mansuetudinis exemplar l. 2. c. 4.
p. 168.
Conformitas nostræ cum Diuina voluntate
quàm iucunda l. 3. c. 10. p. 152.
Conscientiæ aculei in Damoclis exemplo
l. 3. c. 1. p. 245.
Alia exempla vide l. 1. c. 7. p. 84.
Conferendo bona, malaque delectabilis,
sed quàm inæqualiter l. 3. c. 1. p. 244.
Contemplationis regum supernatum iu-
cunditas l. 3. c. 11. p. 367. Eius à medi-
tatione discrimen, & varia documenta
l. 3. c. 11. p. 355. & seqq. Vide etiam su-
pra c. 9. p. 336.
Contemplatio Philosophica ad felicitate
rem insufficiens l. 1. c. 9. p. 98. & seqq.
Cupiditas vel minima si nutriatur pertime-
scenda l. 2. c. 12. p. 256.

D

Damoclis exemplum pro conscientiæ
stimulis l. 3. c. 1. p. 245.
Dei amabilitas, & erga nos amor l. 3. c.
12. p. 370. & seqq.
Democharis Atheniensis procacitas in regē
l. 2. c. 4. p. 161.
Demosthenis de voluptate responsum l. 1.
c. 7. p. 81.
Dignitas est, dignitatis pro Christo demi-
nitio l. 3. c. 3. p. 264.
Diocletiani seditio l. 3. c. 5. p. 287. eius do-
mus Christianis plena p. 289.
Dissimulatio iræ remedium l. 2. c. 4. p.
160. Item dilatio p. 162.
Diuinum infelicitas l. 1. c. 2. per totum
Doctrinæ Christianæ sanctitas l. 3. c. 4. p.
268. eiusdem constantia p. 272.
Doloris leniendi ratio l. 2. c. 9. p. 203. Idem
quo pacto cum gaudio in viris sanctis co-
hæreat p. 204. Vide Possidonij de eo sen-
tentiam l. 3. c. 3. p. 263.
Dotes corporum Beatorum l. 3. c. 8. p. 317.
& seqq.

E

Ephremi cælestes deliciae l. 3. c. 10. p.
345.
Epicuri de vita beata sententia l. 1. c. 1. p.
11. Eid. sola honestas iucunda l. 2. c. 1. p.
131.
Euangelicæ doctrinæ sublimitas l. 3. c. 5.
p. 281. Quàm latè disseminata p. 288.
Vide Doctrinæ Christianæ Sec.
Eucharistiæ institutio mirum ad amorem
artificium l. 3. c. 12. p. 380.

F

Fama cupiditas quàm inanis l. 1. c. 6. per
totum.
Fascoli senis lepidum de sua obliuione di-
ctum l. 1. c. 8. p. 96.
Fides quàm necessaria ad humanæ reipubli-
cæ conseruationem l. 3. c. 4. p. 279.
Fidei Diuinæ iucunditas l. 3. c. 2. per totum.
Eiusd. firmitas declaratur l. 3. c. 4. per
totum.
Fi.

A. N. D. E. X.

Fines honorum, & malorum quoniam Philosophia dicantur l. 1. c. 1. p. 9.
Fortitudo bellica sine spe gloriæ cœlestis inepta ad beatitudinem l. 1. c. 9. p. 106.
Fortitudo vera non nisi ex timore Dei l. 2. c. 11. p. 222.
Francisci Assisani de paupertate responsū l. 2. c. 9. p. 108. eiusd. de sua prædeterminatione admoniti mira lætitia l. 3. c. 6. p. 307.
Francisci Xaverij inter summa incommoda cœlestes deliciae l. 3. c. 6. p. 300. & c. 10. p. 346.

G.

Galeatii, aliorumque ob impurum amorem infœlices exitus l. 2. c. 3. p. 144. & seqq.
Gaudium iustorum etiam inter aduersa l. 3. c. 6. p. 298.
Gentium ad Christum conuersio quàm prodigiosa l. 3. c. 5. per totum p. 280.
Gloria humana quàm inanis l. 1. c. 6. per totum.
Grecia olim orbis magistra l. 3. c. 5. p. 284.
Gregia Principum periculosa l. 2. c. 4. p. 69.
Gutturis enormitas placet, ubi communis l. 1. c. 6. p. 70.

H.

Herculis in hisio fabula describitur l. 1. progm. p. 2.
Historia labentium rerum fluxum ut sistat adiuuent l. 1. c. 6. p. 68.
Honor beatorum in cœlo quàm ingens l. 3. c. 2. p. 314.
Honoris iactura pijs hominibus incupda l. 3. c. 3. p. 264.

I.

Idololatria scelerum apothecia l. 3. c. 5. p. 285.
Impijs non esse pacem ostenditur l. 2. c. 1. p. 116. & seqq.
Incredulas imbecillæ mentis argumentum l. 3. c. 5. p. 280.
Idolentia quibusc. beatitudo l. 3. c. 1. p. 279.

Inferorum supplicia describuntur l. 2. c. 11. p. 223.
Insani se vitreum credentis exemplum l. 2. c. 2. p. 135.
Inuidix damna l. 2. c. 10. p. 212. & seqq. remedia p. 216.
Ira est eius turpitudine. & damna l. 2. c. 4. p. 156. remedia p. 160.
Ira honestæ muneris rationi tutius committitur l. 2. c. 5. p. 176.
Indorus lugeat dum cibum sumit l. 3. c. 1. p. 247.

L.

Lachrimæ ploranti suaves l. 2. c. 1. p. 132. etiam pro culpis fuscæ l. 3. c. 10. p. 346. & seqq.
Lætitia Martyrum in rerum omnium iactura l. 3. c. 3. p. 265. & c. 6. p. 297.
Libertas ad peccandum quare in Cœlo nulla l. 3. c. 2. p. 238.

M.

Macharij mæta æquitas inrerum uariæ iactura l. 3. c. 3. p. 263.
Maledictæ damna l. 2. c. 10. p. 212. & seqq. remedia p. 216.
Manuerudinis documenta l. 2. c. 4. & 5 per totum.
Martyrum mira in tormentis constantia l. 2. c. 7 & 8. per totum p. 190. Eorum supplicia quàm secula l. 3. c. 5. p. 286. numerus planè innumerus ibidem.
Medicarum rerum notitia à Salomone magnam partem deriuata l. 1. c. 10. p. 111.
Memoria humana quàm debilis l. 1. c. 9. p. 242.
Metus temperandi ratio l. 2. c. 6. 7. 8. per totum a p. 172.
Mendacij velamen tenue l. 2. c. 5. p. 62.
Mortore confecti Principes, quàm priuati sapias obcunt l. 1. c. 4. p. 42.
Miracula ad Christi doctrinam confirmandam quàm multa, & quàm certa l. 3. c. 4. p. 273. & c. 5. p. 280. & seqq.
Monachorum in heremo lætitia l. 3. c. 1. p. 248.
Mortis contemnendæ documenta l. 2. c. 6. &

I N D E X

& 7. a. p. 178. & l. 3. c. 6. p. 395.
Mors tutoriū somnus l. 2. c. 6. p. 180. Item
natalis dies p. 183. quā pretiosa l. 2. c.
7. & 8.

O

Occasiones malorum vitandæ l. 2. c. 3
p. 148.
Odoris in cœlo fragrantia quā ingens; vbi
modus ē terrenis Cœlestia contemplan-
di l. 3. c. 9. p. 336.
Orandi nunquam interrupta continuatio
quomodo paretur l. 3. c. 11. p. 361. &
seqq.

P

Paphentiū constantia in tolleranda ca-
lumnia l. 2. c. 10. p. 218.
Pauli solitarij vita beata l. 3. c. 1. p. 250.
Passionum animi compressio iucunda l. 2. c.
1. p. 124. & seqq.
Passiones animi in Christo, sed edomitæ l.
2. c. 1. p. 129.
Paupertas iucunda l. 2. c. 9. p. 207.
Pax pugnam cum animi cupiditatibus non
modo sequitur, sed & comitatur l. 2. c.
11. p. 238.
Pecuniæ laudes proponuntur, & confutan-
tur l. 1. c. 2. p. 19. & seqq.
Permissio criminum Principi commissio est
l. 1. c. 4. p. 51.
Philippi Macedonis mira iracundiæ mode-
ratio l. 2. c. 4. p. 161.
Philippi Nerij cœlestes deliciæ l. 3. c. 10.
p. 349.
Philosophorum errores circa vitā beatam,
virtutes, ac vitia l. 1. c. 1. p. 11. & seqq.
Phocienū populi plausum in sui lapsus argu-
mentum traxit l. 1. c. 6. p. 70.
Pietas nec aufert, nec differt voluptatem l.
1. proem. p. 6. Omnibus carnis volup-
tatibus iucundior l. 3. c. 1. p. 246. & 248.
& c. 13. p. 394. & l. 2. c. 1. p. 131.
Pijs hominibus tam proum beari, quā
de rebus cœlestibus cogitare l. 3. c. 3.
p. 161.
Pierho Scepticus quid de Scientia senserit l.
1. c. 8. p. 91.

Pythagoræ de mathematico theoremate in-
uento gaudium l. 1. c. 8. p. 87.
Poena damni apud Inferos quantal. 2. c. 11.
p. 226.
Poësis plus veritati studet, quā historia
l. 1. proem. p. 1.
Possidonij de dolore grauiter dictum l. 3. c.
3. p. 263.
Præsentis Diuinæ exercitium quomodo pa-
retur l. 3. c. 11. p. 362.
Principum virorum miseræ l. 1. c. 3. per to-
tum: pericula, & metus c. 4. per totum a
p. 37. cœlestes minæ p. 50.
Principes viri à Christi pauperibus mendi-
cant solatia l. 3. c. 13. p. 396.
Prodigo adolescenti ad paternam domum
repetendam adhortatio l. 3. c. 13. p. 398.
Pugnæ bonorum iucundiores malorū trium-
phs l. 1. c. 9. p. 107.
Pyramidum Egyptiacarum authores igoati
l. 1. c. 6. p. 68.
Pygmenij ad Iulianum de cecitate respon-
sum l. 2. c. 9. p. 211.

R

Raritas cur pretiū augeat l. 3. c. 2. p. 255.
Reipublicæ à Christo institutæ mira for-
mæ l. 3. c. 13. p. 389.
Risus effusus melancholicis cur frequens l.
2. c. 1. p. 132.
Roberti Cardinalis de Nobilibus aliorum-
que pretiosa mors l. 2. c. 7. & 8. p. 187.

S

Salomonis vita cunctis delicijs affluens,
& misera fasē ostenditur l. 1. c. 10. per
totum p. 108. Idem predicator humanæ
vanitatis diuinitus nobis comparatus p.
119. Mœrore confectus moritur p. 120.
Sapientiæ donum quid, & quā habenti iu-
cundum l. 3. c. 2. p. 256. Vide etiam c.
3. p. 261.
Sapientiores veteribus philosophis pueri
Christiani l. 1. c. 1. p. 12. Item quilibet
vir sanctus l. 3. c. 2. p. 257.
Sardanapalus ob amissum regnum se igni
tradit l. 2. c. 11. p. 227.
Saul eadem de causâ gladio incumbit Ibid
Seign.

I N D E X

Scientiæ humanæ iucunditas l. 1. c. 8. p. 86.
 & l. 3. c. 2. p. 252. Eadem tamen ad hu-
 iusæui felicitatem insufficiens p. 38. &
 seqq.
 Senecæ dictis plausus fit, ut pueris loqui
 incipientibus l. 3. c. 2. p. 257.
 Senectus in aula quo pacto parata l. 1. c. 5.
 p. 118.
 Societatis Iesu Tyrocinium describitur l. 3.
 c. 13. p. 392. & seqq.
 Socratis moderatio aduersus iniurias l. 2. c.
 4. p. 163.
 Spei Christianæ ad terrenam felicitatem
 præsidia l. 3. c. 6. per totum. Eius inci-
 tamenta ibid. p. 306. vide etiam l. 2. c. 9.
 p. 206.
 Stanislaus Koslæ cœlestes deliciae l. 3. c. 10.
 p. 350.
 Stoycorum effata quàm speciosa, tam vitio-
 sa l. 1. c. 9. p. 102. & l. 3. c. 1. p. 240.
 Superbiæ curatio l. 1. c. 2. p. 140.
 Synopsis totius operis l. 3. c. 13. p. 385.

T

Temperantia cur *sophrosini* apud Græ-
 cos dicta l. 1. c. 7. p. 83.
 Tentationes diabolicas superandi modus
 l. 3. c. 9. p. 338.
 Terra punctum respectu cœli ostenditur l.
 1. c. 6. p. 66.
 Theodosij prudens contra iræ impetus san-
 ctio l. 2. c. 4. p. 165.
 Thresig V. cœlestes deliciae l. 3. c. 10. p.
 349.

Timor, ac tremor Dei cum lætitia constat
 l. 2. c. 11. p. 222.
 Timoris vis ad fugandam felicitatem,
 quàm doloris maior l. 1. c. 1. p. 15.
 Torquati Tassij infelix vita l. 1. c. 8. p. 97.
 Tyrannide potentia infirmior euadit l. 1. c.
 4. p. 46.
 Tyrocinium Soc. Iesu describitur l. 3. c. 13.
 p. 392.


V


Valerudinis perdiræ solatia l. 2. c. 9.
 p. 210.
 Vermes lucidi spem nostræ in cœlo clarita-
 tis erigunt l. 3. c. 8. p. 322.
 Virtus philosophica ad huius vitæ felicitate-
 rem insufficiens l. 1. c. 9. p. 101. & l. 3.
 c. 1. p. 240.
 Virtutes morales sine theologicis cadauera
 virtutum l. 1. c. 9. p. 106.
 Virtutis via ardua, exitus foelix l. 1. pro-
 em, p. 3.
 Vita mortalis miseriz describuntur l. 1. c. 1.
 p. 13. & seqq.
 Vitio non minuit, sed auget iniuriam, estq.
 infirmitatis signum l. 2. c. 4. p. 166.
 Voluptatis via iucunda, exitus miser l. 1.
 proem p. 3. voluptas solida quæ p. 6.
 Voluptatis accessio est cupiditatis detractio
 l. 2. c. 1. p. 224.
 Voluptatis corporeæ turpitudine, & damno
 l. 1. c. 7. per totum à p. 75.
 Voluptatum æstimatio ab æterna supplicia
 sumpta l. 2. c. 11. p. 235.


ER-

Reg. vrs.	Veritas	Fortis	Reg. vrs.	Ecce	Corrige
37. 4.	occurrunt	occurrant	142. 29.	datimius, que	dalimusque
45. 22.	prosequi	persequi	147. 11.	verè	verò
53. 9.	ii. propositum	ii. propositum	248. 2.	sanctum se	sanctum enim se
53. 15.	quaso.	quaso.	261. 20.	no	suo
54. 6.	se de ipse	se ipse de	262. 21.	neueris aque	neueris, aque
82. 11.	affigendo	affigendo	266. 17.		
94. 19.	calumniatur	calumniatur	277. 20.		
99. 15.	unusquispiam	unusquispiam	283. 29.	presentationibus	pransationibus
107. 28.	arbitrio	arbitrio	286. 12.		
114. 27.	vendentes	vendentes	286. 21.	veneraturque	veneraturque:
115. 5.	is	delendum	289. 19.	sanctus	sanctus
121. 1.	quella	quella	299. 8.	queque	quomque
122. 9.	cibi	ubi	302. 24.	abstricissima	abstricissima
127. 1.	faciem	faciem	305. 5.	precinro	pracinere
130. 16.	extauraueris	extauraueris	306. 29.	ubi	ubi
131. 22.	Tullium	Tullium	312. 4.	pretiosissima	pretiosissima
136. 28.	animo	nimio	316. 12.	memor	memor
141. 4.	extimat	existimat	316. 23.	colleraree	collerarent
143. 19.	facere	fecere	319. 29.	lis contumaciam	lis, contumaciam.
144. 3.	conclusionibus	conclusionibus	337. 5.	At qui	Atque
157. 1.	Ed	Eo	338. 24.	rationi	ratione
159. 6.	sanctem	sanctiam	342. 20.	si in	siue potius in
161. 8.	verum vis	verum vis	342. 22.	perfectum,	perfectum est,
165. 6.	indiciu: si	indiciu. Si	350. 19.	uniuersum	in uniuersum
168. 12.	Aneam	aneam	358. 19.	estendi	extendi
169. 1.	prior, auscultes	prior auscultes	358. 22.	illo	illa
170. 14.	sibila	sibilos	360. 24.	sue	sua
189. 16.	hibimus	ibimus	361. 22.	uteretur	uterentur
189. 23.	referauit	referauit	361. marg. infinita		infusa
198. 21.	sanctem	sanctiam	361. 15.		
209. 25.			361. 17.		
214. 16.	ab Amulia	Amulis	361. 27.		
217. 17.	at qui	atqui	374. 26.	quoque	quique
217. 17.			386. 20.	parat	parat
220. 20.	diabolo	utrumque vox scribenda	390. 11.	Gonzagum	Gonzagam.
220. 21.	diabolo	litteris gravis	391. 17.	occubabat	accubabat
227. 3.	si, ut	sic ut	393. 17.	non nulla	nonnulla
227. 11.	statis	statis	394. 5.	ante meridianas	antemeridianas
238. 6.	uniuersum	in uniuersum	398. 18.	putares	putasti

Alia plura irrepperunt errata, quæ quia facilius deprehendi a Lectore, & corrigi possunt, omittimus. Hæc etiam calamo emendari curauimus, imprimi tamen placuit, ut si qua essent per incuriam correctoris elapsa, haberetur, unde possent agnosci.







005645956

